



PLEASE DO NOT REMOVE
CARDS OR SLIPS FROM THIS PÖCKET

UNIVERSITY OF TORONTO LIBRARY

PL
175
S24
1888

Sa'id Paşa, Diyarbekirli
Mizan ül-edeb

2262

16/131

Sacīd Paşa, Diyarbakirli


مِيزَانُ الْأَدَبِ

صاحب اثر

Mizān


ul-e-deb

ديار بكرلى سعيد پاشا




صاحب وناشرى

عصر كتيخانه سى صاحبي كركور



معارف نظارت جليله سنك رخصتياه طبع اولمشدر



استانبول

(ا. ماديان) شركت مرتبيه مطبعه سى - باب نالى جاده سى نومرو ۵۲

۱۳۰۵

﴿تحدیث نعمت﴾

هوسکارانه معارفك نظر استفاده منه وضع اولئانه بوائز
برہین تالیفات عدبہ سیدہ کتبخانہ ملی میزی تزیین ابدہ دیار بکری
معادنلو سعید یاشا حضرت ندرینکر۔



بوائز قواعد ادبیک میزانی و بر دستور صحت عنوانیر۔
ادیات عثمانیدہ کسب مہارت اجتنک استیادہ هوسکارانه ادب
رہبر طریق بلاغت اولہ ہفتی ہزنی ملاحظہ میدانہ قویار۔

سین و فیروزہ نیری طبع و نشر ابدہ اشتغال ایلمین ہوکتر لری
بود فعدہ بویلہ برائے صحیحک واسطہ نشری اولفہ مختصرم، فصل
افتخار اجتمیم، نہ دہ متشکر اولیہ بیکہ روز فیروز ہلوسی مطبع
انوار معارف اولادہ ولی النعمت یحتمز یادشاہمزا افندرز حضرت ندرینک
میزانہ انوائے ملولانہ لرنہ (مرات العبر) کبی بر کلیات تاریخ،
(میزانہ الادب) کبی بردستور بلاغتك طبغہ واسطہ اولوہ نعمتی
بکامیر اولشدر زمانہ عدالت نشانہ ولی النعمت افتاب اسایسہ
وعلوم ابدہ معوم بر دور جلیل اولدیفندہ لہر ساعی مظهر مظلہ
فیات اولفہ، لہر غبور غیرنک محصولنی کور مکدرہ در۔

شہنشاہ معارف یانہ، خدواندگار قدسیت اکتناہ، خافانہ
غالبشانہ، سہب امن وامانہ یادشاہمزا افندرز حضرت ندرینک
عنایت علیہ و عواطف سنہ خدوفیناھیلری بزم کبی عبجہ بدہ
سایہ صالرفجہ انشاء اللہ سعی مورانہ مزک نیجہ نیجہ مظافانی کور مکلاہ
بخیار اولورز۔ اللہ اول سلطانہ اعظمی ملتہ باغشاہ سورہ آمین۔

عصر کتبخانہ سی صاحبی
کر قور

PL
175
S24
1888





میزان الادب ❧❧

بِسْمِ اللَّهِ الرَّحْمَنِ الرَّحِيمِ

حمد و ثنا اول مبدع بدایع کائناته سزادر که انسان
نظرینی هر نه جهته عطف ایده جک اولسه مصنوعات
جلیله سندن بر بدیعه حیرت فزایه مصادف اولور که لسان
وجدان

فَفِي كُلِّ شَيْءٍ لَّهُ آيَةٌ ۝ تَذَلُّ عَلَىٰ أَنَّهُ وَاحِدٌ

توحید و تمجیدینی تذکرا یتامسی ممکن اوله من. صلوة و سلام

خُلِقْتَ مُبْرَأً ۖ مِنْ كُلِّ عَيْبٍ
كَأَنَّكَ خُلِقْتَ كَمَا تَشَاءُ

مدیحه املیت صریحه سننه ماصدق اولان اول مفخر
موجوداته احرا در که ذات قدسیت آیات رسالت پناهیلری
{لَوْلَاكَ لَمَّا خُلِقْتَ الْاَفْلَاكُ} تشریف منیفیله علی العموم
بدایع مکوناتک علت غائیة قدیمه سی و خلقت علیاسی،

دریای فطرتک الک معزز دره یتیمه سیدر . صلی الله علیه
وسلم وعلی آله واصحابه الذین هم نظام بیت الابداع
والتکوین وقوام ارکان البلاغ والدين .

جالوس همایون حضرت پادشاهیدن بری معارف
مدنیہ مزده اسکی حاله نسبتله مشهود عیون شکران
اولان تجدد موسم شتادن انفصال وموسم بهاره اتصال
ایدن بر باغچه نک حالته معادل اولدیفنی حقایق شناسانک
هیچ بری انکار ایده مز . بو حال سعادت اشتمال ایسه

يُحُومُ حَوْلَ ذُرَاهُ الْعَالَمُونَ كَمَا
رَأَى الْحَاجِّجَ بَيَّنَّتِ اللَّهُ مُغْتَرِكَا

نشیده سنک مدلول حکمت شمولى اولان شهنشاه بیدانی
ولی نعمت بنی متمیز السلطان الغازی {عبد الحمید خان ثانی}
ادام الله شوکتہ وخلافتہ بحرمة السبع المثانی افندمز
حضر تالرینک علوم ومعارف انسانیه وکملات مدنیہ مزک
ترقیسی حقنهدکی اقدامات عظیمه ملوکانه لرینه بیوک
برهاندر .

لازالت اشجار حديقه الملاك مخضرة بمدرار عواطفه
وازهار روضة العدل منضرة بامطار عوارفه.

رواجكاه كمالات اولان بويله برعصر جليلده معارفه
خدمت ايفاي وظيفه شكر و محمدت اوله جفندن او وظيفه يي
ادايه مدار وابناي وطنه ناچيزانه بريادكار اولمق اوزره
علم بلاغتي حاوي اشبو اثر جامع القصورى يازوب
ميزان الادب، تسميه ايلدم.

مقصدي خدمت خالصانه يه منحصر ومع مافيه نقصان
اقتداريني مقرر اولان برصاحب اترك خطيئاتندن طولاي
هدف مؤاخذه اولما سنى شيمه مروت اقتضا ايدر.
بناء عليه مطالعه بيوره جق ذواتك تصادف ايده جكارى
خطالرمزى قلم عفو و، سامحه ايله تصحيح ايده جكارى
اميدنده يز.

الله ولى التوفيق والاحسان وهو المنزه من الخطأ
والنقصان. ونحن الانسان والانسان مركب من النسيان.



مقدمه

افعال ادبيه عامه و خاصه قسملرپنه منقسم اولوب برنجيسى اطلاق اوزره افعال بشريه نك اختلافدن وشواختلافك اصل واساسندن بحث ايدر. بحث ايتديكي شيلر فضائله محبتك و رذائله بفض و خصوصتك اسباب و درجائندن عبارتندو.

ايكنجى قسم تفصيل اوزره لوازم معتبره بشريه يى حاوى و انواع ثابته يى مئويده .

انواع مذكور نك برنجيسى حق تعالى حضرتلرينه نسبتله انسانك لوازم خصوصيه سى اولان آداب دينيه و مليه در . بوكا شريعت اطلاق اولنور .

ايكنجيسى انسانك ذاتنه نسبتله لوازم مخصوصه سيدر . شو نوعه آداب شخصيه و نواميس طبيعيه دينيلور .

اوچنجيسى بشقه لريله اتلاف و معاشرته نسبتله انسانك لوازم مخصوصه سيدر . بوكاده آداب مدنیه تسميه ايديلور . نوع بشرك بعضيلرى بعضلرينه نه صورتله محبت و معامله ايله . مكلف اولد . قلرى و هر كس همجنسك نفرت و حسن قبولنه نه . مقوله افعال ايله مظهر اوله جنى — مباحث و مسائل — شو اوچنجى نوعك قواعد اساسيه سيدر . قوانين مدنیه و هيئات اجتماعيه نك اختلاف احوالنه تعلق ايدن نواميس عمليه نك معرفتى بونوعك متفرع اتندندو .

افعال ادبیہ نك عامہ و خاصہ قسم لرندن هر برینك بر
مصدری وارد در. برنجی قسمك مصدری طبیعی، ایکنجیسنك
مصدری وضعی در.

مصدر طبیعی جناب حق دن انسانہ و وہبہ اولان نور طبیعت در.
بونك مرجعی یالکز ذوقك سلامتیدر.

مصدر وضعینك مرجعی ایکیدر. بری کتب مقدسہ،
دیگری از منہنك، امکنہنك، اشخاصك احوال و اعتباراتی اوزرینہ
و موضوع قوانین ادبیہ دن باحث اولان مؤلفات بشریہ در. بزم
شوکتابده بحث ایدم جگہز علومك مرجعی بودر.

علوم ادبیہنك اقسامی بین العلماء مختلف فیہادر. لکن
تقسیمہلری حصری اولیوب جعلی اولدیغندن ادبیونك اکثری
اون ایکی اولمسنی قبول ایتشلردر کہ لغت، صرف، اشتقاق، نحو،
معانی، بیان، عروض، قافیه، انشاء، نثر، قرص شعر، خط، تاریخ
علملریدر. علمانك بعضلری علم بدیعی رأساً علم اتخاذ و بعضلری
علم بیانك اقسامندن عدایتدیلر. مذکور اون ایکی علمك سکنری
اصول و دردی فروعدر.

اصولہ متعلق اولان علومده یا مفردات، یا مرکبات دن بحث
اولور.

مفردات دن بحث ایدن علمك مباحثی الفاظك جواهر و موادینہ
متعلق ایسہ (علم لغت)، صور و هیئات الفاظہ متعلق ایسہ (علم
صرف)، اصالت و فرعیتله بعضیسنك بعضیسنہ انسابخی بیلدیر
ایسہ (علم اشتقاق) تسمیہ قلنور.

مباحث اطلاق اوزرہ مرکباتہ تعلق ایدر ایسه بو تعلق هیئت ترکیبیه و تأدیة معانی اصلیه اوزرینه مبنی اولدینی حالده (علم نحو)، اصل معنایه مغایر افاده اعتبارینه مبتنی بولندینی تقدیرجه (علم معانی)، افادۀ مذکورہ مک مراتب و موضحده کی اعتبارینه مبنی ایسه (علم بیان) دینیلور.

مباحث وزن جهتیله مرکبات موزونیه متعلق اولدینی صورتده (علم عروض)، ابیاتک اوخزینه تعلق ایدر ایسه (علم قافیه) اطلاق ایدیلور.

فروعه متعلق علومدن نقوش کتابی بیلدیرن علمه (علم خط)، منظومه مخصوص علمه (علم قرض شعر)، منشور دن بحث ایدن علمه (علم انشاء نثر)، بحث بونلرک ماعداسنه تعلق ایلدیکی صورتده (علم تاریخ) تسمیه اولنور.

ترسل و خطابت و علم انشاء نثرک، محاضرات و تراجم احوال علم تاریخک، بدیع ذکر اولدینی اوزرہ علم بیانک فرعیدر. علوم عربیه علماسی معانی و بیان و بدیع علملرینک اوچنه بردن (علم بلاغت) اطلاق ایدیلور.

علمای مشارالهم حضراتی ابدیة الفاظه نظراً علم صرفی و الفاظدن ترکیب ایدمک کلامک حاوی اوله جفی کلملردن هر برینک عصرانه نظراً علم نحوی وضع ایلدکن صکره الفاظک ترکیبده اولان اموری نظردقته آلوب علم بلاغتی وضع ایتشلرده. بلاغت اوچ فنی جامع اولوب اولاً معنای مرادک تأدییه سنده انکله خطادن، ثانیاً واسطه سیله تعقید معنویدن، ثالثاً تحسین

کلامه تعاقب ایدن شیلردن بحث ایدن علمدر. وجه تفصیل اوزره اولیکسینه علم معانی. ایکنجیسینه علم بیان. اوچنجیسینه علم بدیع دینلور. کلام. اول و ثانی اعتباریله لفظجه فصیح و لفظ و معناجه بلیغ اولور. اوچنجیسی ایسه عرض خار جیدن عبارتدر.

فصاحت

دنیا ده من القدیم مستعمل اولان السندهن هر برینک حاوی اولدیفی الفاظ علی العموم استعمال ایچون وضع اولمش و چوق و قتلر قوللاندقن صکره تمادی دهور و تقادم عصور اولفظلرک بعضلرینی دائرة استعمالدن چیقارمشدر. بناء علی ذلک هیچ بر لفظ اصلنده وحشی و غریب عد اولنمیوب کچمشمده کثیر الاستعمال ایکن صکره دائرة استعمالدن چیقاریلان الفاظک متروکیت جهتیله استعماللری مخلّ فصاحت عد ایدلدی.

متقدمین عربک نه مقوله کللری کثرت اوزره قوللاندقنری ایسه - زمانک امتدادیله وسائط و قوف و معلوماتک انقطاعندن ناشی - اطلاعده فقدان امکانه مصادف اولدیقدن ازمنه قدیمده عربلرجه کثیر الاستعمال اولان لفظلری بیلیمکه مدار اوله حق ضابطه وضعنه مجبوریّت حاصل اولمشدر. شو مجبوریّتدن اوتوری متأخرین علمای بلاغت « مفردده فصاحت : تنافر حر و فدن » غریبتدن. قیاس لغوی به مخالفتدن سالم اولمشیدر « دهرک ضابطه وضع ایتدیلر .

علمای بلاغتک کرک الفاظ ایچون وضع ایلدکاری شو ضابطه

کړک بلاغت حقېسده اتخاذ ایتش اولدقلى قاعده مفردات
ومرکبات عربیه همچون موضوع ایدی. لسان فارسینک عربی
ولسان عثمانینک هم عربی، هم فارسی لغتلیله مخلوط وئزوج
بولندیفی جهتله اوضابطه وقاعده صکره شو ایکی لسانجوده تعم
ایلدی.

مع مالیه قرآن کریم لسان عربی ایله منزل اولدیغندن شو
لسان جلیل ملت اسلامیهجه ذاتاً لسان دین عد اولمش وعلماى
اسلام طرفلرندن معانی و بیان و بدیع علملرینک تدویننه همت
اولنوب شوعلملرک ضوابط وقواعدى دخی لسانمزده نظم ونثرک
حسن ترتیب وتنظیمنده اساس فصاحت و بلاغت اتخاذ قانمشدر.
فصاحتله کلمه وکلام و متکلم توصیف اولنور: «کلمه فصیحه،
کلام فصیح، کاتب فصیح» کبی.

بلاغتله یالکیز کلام ایله متکلم توصیف اولنوب کلمه توصیف
اولنومز. بناءً علیه «کلام بلیغ، شاعر بلیغ، دینیلور. لیکن
«کلمه بلیغه، دینله مز.

مفردک فصاحتی یوقاریده ذکر اولندیفی اوزره تناسف
حروفندن، غرابندن، قیاس لغوییه مخالفتندن سالم اولمسیدر.
(تناسف) لفظجه لسانده ثقات ونطقده عسرت حصولنه سبب
اولان بر حالده. بو حال ثقات وعمرتجه یابرصورت متناهیده
بولنور: الفاظ عربیهدن «هممخ» و الفاظ ترکیهدن «قر قدر تدرق»،
لفظلری کبی. یاخود ثقات وعسرت درجه متناهیذک صورت
ومتفاوتده - مادونی بولنور: الفاظ عربیهدن «مستشزر».

«مستشرفه»، «ملع»، «الفاظ ترکیه دن» «شرلمان»، «باشلانغچ»، «چرز» لفظلری کبی.

ابن درید جمهورده دیرکه «حروف متقاربه [۱] نك برندن دیکرینه انتقال ایدرکن دیلده ثقلت حاصل اولور. حروف متباعده [۲] نك برندن دیکرینه انتقالده او ثقلت حاصل اولمز. زیرا لسانکی حروف فم [۳] دن و حروف ذلاف [۴] دن برینه انتقال ایدر مکسزین حروف حلق [۵] ده استعمال ایدر. چک اولسهک برکیزی آواز و مختلف حرکتلرایله لسانه کلفت ویرمش اولورسک. کورمز میسک که (ا ه ح) حرفلری تالیف ایتسهک لغاتک بعضلرند. مخرجلری نك یا قیلنی جهتیه همزمی حیاه تحول ایتش بولورسک: «ام واللّه، هم واللّه» کبی. بو علتدن اوتوری عربلر «اراق» دیه جاک یرده «هراق» دیدیلر. و بعض السنهده کذلک قرب مخرجلری سببیه های حیاه دوشمش بولورسک. بناءً علی ذلک مخرجلری اوزاق اولان حروفدن مرکب کلمه کوزل اولور.

ابن درید خلیلدن نقل ایله دیرکه «حرف حاده بوغاز

[۱] حروف متقاربه (د ث)، (ذ ذ)، (ض ظ) حرفلری کبی مخرجلری یاقین اولان حرفلردر.

[۲] حروف متباعده (ب ع)، (م ج) حرفلری کبی مخرجلری اوزاق اولانلردر.

[۳] حروف فم (ب م ف و) حرفلیدر.

[۴] حروف ذلاقه نقطه سرعت ویرن حرفلردر که (ب ر ف ل

م ن) حرفلرندن عبارتدر. بونلرک ماعداسنه حروف مصمته دینلور.

[۵] حروف حلق (ح خ ع غ ه ا) حرفلیدر.

قیصلیق اولسه حا عین حرفه بکزر. بونک ایچون حا ایله عین
 بوکلده بولندمز. ها دخی بویله در. لیکن هر برینک بشقه بشقه
 معناسی اولور ایسه فی الاصل ایکی کلمه اولدقلری حالده برلشه.
 بیلورلر: «حیملاه» کبی که (حی) بشقه، (هالا) بشقه کلدر.»

سعدالدین تفتازانی. طولده دیرکه «ابو تمامک - کریم»
 امدحه امدحه والوری - قولنده حا ایله ها بیننده تنافر بولندینی
 ایچون مصنف «امدحه» لفظنده ثقلت اولدیغنی بیان ایتمش
 ایسده مصنفک بوافاده دن مرادی «امدحه» لفظنده (فصاحتیه
 خلل ویرمیه جک درجده) آز بر ثقلت اولدینی حالده ایکنجی
 «امدحه» لفظی ده برنجی به یناشوب ثقلت تضاعف ایتمکله تنافر
 حاصل اولور صورتی اولسی ملحوظدر. حالبوکه «امدحه» لفظی
 مجرد بولندینی حالده غیر فصیح اولدیغنه دائر اعتراض وارد
 اولماشدر. زیرا قرآن کریمده دخی بو مثللو لفظ واقعدر:
 (فصیح) کبی. قرآن کریمک مشتمل اولدینی الفاظ شریفیه کلام
 غیر فصیح دیمک مؤمنک جرأت ایدمه یه جکی حالدرندر.»

قرآن کریمده موجود بر لفظه یا ترکیب حروف، یا خود
 غرابت و مخالفت قیاس کبی احواله ذهاباً اعتراضه جرأت ایدنلرک
 اعتراضلری ذوق فطریلرینک معلولیت و فسادینه و کندی
 معلوماتلرینک نقصانیه حمل اولنور. زیرا زمان سعادت بنی عدنان
 و قحطان باغاسنک ال زیاده غلبه لیکلی زمانی ایکن اهتدا ایتماش
 اولان بلغای عرب بالاعتنا تدقیق و تحجری ایتمش اولدقلری حالده
 قرآن کریمده فصاحتیه مغایر الفاظ اولدیغنی تصدیق ایله برابر

آیات قرآنی به سحر در دین که باشد اذیبار. صکره کلانلر فصاحتی
تقریبجه ذوق فطری اصحابندن اولان باغای قدیمه و عرب
عربنهك كعبنه بیله واردیه جقلری کندولرنجوده. مصدقدر. شکر
طاطلی ایکن ذائقه منده علت اولان کیسه طاتایلی حس ایدمهیه جکی
کبی ذوق سلیم فطری اصحابندن اولمایانلرده الفاظده کی ثقلت
و خفتی حقیله حس ایدمهزلر. بوکا دائر آشاغیده بعض مباحث
درج اولنه جقدر.

خلیل دیرکه «پك چركین بولایغم» «مخمع» لفظنی ایشتدیکم
وقت «بویله کله ترکیب اولنه من» دیرکه انکاره مجبور اولدم.
صکره عربك ثقاة علماسنه مراجعتله سؤال ایلدم. بوکلهك تالیفی
انکار ایدوب طوغریسی «مخمع» در دیدیلر.

شیخ بهالدین عروس الافراحد. دیرکه «تسافر یا جدآ تباعد
حروف ایچون، یاخود تقاربلی ایچون اولور. زیرا بو حال
ایاقده باغ اولدینی حالد. طفره (صچرامق) کیدر.

خفاجی سر الفصاحده دیرکه «بزم ایچون بر طقم الفاظ
وارددرکه حروفی. تقارب اولدینی حالد هیج برنده تسافر یوقدر:
«شجر، حبش، قم» لفظلری کی.

یکدیگرینه شدت تقاربی اولان حرفلرک ایکیمی یاخود
اوچی برکله مجتمع اولور ایسه او حرفلرک جرس (آواز) لرنده
اولان قوتلری اعتباریله تقدم و تاخرلری وقوعبولور. وقوتده
مقدم اولان حرفی ولی ایدن حرف ضعیف. تحرك اولیوب

ساکن بولنور ایسه او یله اکلده تنافر حس اولنمه یه جفی جهته فصاحت موجود اولور: (الم اعهد) کی .

شیخ بهاء الدین دیرکه «تنافری حصوله کثیر مکده تقارب وتباعد حروفک استواسی، غایت وفاقده اولان ایکی مثلك و غایت خلافده اولان ایکی ضدك استواسنه بکزر . مثلین ایسه شدت تقاربلی، ضدین ایسه شدت تباعدلی جهته مجتمع اوله مز . بناء علیه حال بر محله کی حروف متباعده و حروف متقاربه آره لرند دائر اوله : خفت، حروف متباعده کورینور .

ابن درید جهرده دیرکه «ابنیه نك الك کوزلی مخر جلی بری برندن اوزاق بولن ان حرفلرک امتزاجیله ترکیب اولمش کله در . مصمت الحروف بر رباعی بوله مزسك که حروف ذلاقه دن بریله ممزوج اولیه . مکرکه «عسجد» کی سین حرفیله کلمش اوله . بوده پک آزد . بویله بنالرده ورودی ایسه سین حرفك لینتی ایله برابر جرسی غنه جوهرندن اولدینی ایچوندر . لکن «فرزدق» ، «سفرجل» ، «شمردل» کی خماسی بنالرده مطلقا حروف ذلاقه دن و مخرجی دوداقلردن ویا دیل اوچندن اولمق اوزره بر ، یاخود ایکی حرف بولنور . رسم ایتدی که قاعده یه مخالف بر بنایه تصادف ایتدی کک حالد . او بنانک کلام عربدن اولدیغنه حکم ایتلیسک .

«اوچ حرفلی وایکی حرفلی اولان لفظلره حروف مصمته دن بر ایکیسی حروف ذلاقه دن بریله امتزاج ایدیه یلور : «خدع» کی . بو کله ده خا ایله عینک آره سنی دال فصل ایتدی کی ایچون

کلمه یک ترکیبی که زلدرد . حروف قلب اولیور ایسه چرکین اولور .

ینسه ابن درید دیرکه « عربار مخرجلری یک یاقین اولان حروفی برکلمده تالیف اتمدیلر . لزوم اوزرینه ایکی کلمه اجتماع ، یاخود بر حرف وزود ایدوبده مخرجلری یاقین اولدیفی حالده عربار او ایکی حرفک برنی دیکرینه تحویل ایدرلرکه اقوی اولان حرف ایله ابتدا اولنمش اوله . بونی چوق کره بناء اصلیده دخی استعمال اتمدیلر : (الرحمن الرحیم) کبی . لام ضعیف ، را قوی اولدیفندن لام رانک یاننده بللی اولیوب ایکیسی ده برشده لی را صداسی ویرره .

بوتبدلات لفظیه اوزرینه الفاظک هیج بری دائرة فصاحتدن چیقماز .

ابن درید کلام سابقنی تعقیب ایله دیرکه « حروف زائده به تصادف ایدن هرکلمده حال بویله در . ناء افتعال طا ظا ضاد زا وبونلرک اخواتی یانلرنده — تلفظجه حرف قوی ایله بدأ اولنق ایچون — کندیسنی ولی ایدن حرفه تبدیل اولور . بوتقدیرجه ایکیسی برلفظده برقوتی احراز ایدر .

« قاف وطادن برینک یاننده سین بر بناده بولور ایسه سین صاده تبدیل ایدرلر . زیرا سین آخرک اورتیسندن دیکل آرقه سنه یناشوب قاف ایله طایی دیل تلفظ ایدرکن دیکل طاده آلت طرفی . قافده اوست طرفی دماغه طوغری قالقار . سین تلفظدن صکره قافی یاخود طایی تلفظه باشلادقده — او صورتله

از تفاعنی ثقیل کوردکارندن اولیه یرلرده - سینی حسب المخرج اقرب حروف اولان صاده ابدال ایله تلفظ ایلدیلر. زیرا صادق قاف ایله استعالمی سینک قاف ایله استعمالندن قولایدر. بناءً علیه «سقر» دیه جک یرده «صقر» و «قسط» دیه جک یرده «قصط» دیه تلفظ ایتشلردر.

کذلک سین ایله قاف آزه سنه برحرف حاجز داخل اولدقد. - مبالات کوسترمیوب لفظده مجاورت توهم ایلدکارندن - بالابدال «سبق» دیه جک یرده «صبق» و «سویق» دیه جک یرده «صویق» دیدیلر.

«صاد ایله دال مجاور اولوب صاد مقدم اولور ایسه ساکن قلندیغنی تقدیرده ضعفه تصادف ایدر. شو حال اوزرینه صادی زایه تبدیل وحرکه لندکده ینه اصلنه ارجاع ایدوب ساکن ایکن «فالان یزدقی» وحرکه لندکده «صدق» دیه تلفظ ایلدیلر. بناءً علیه بعض قرا (حتی یصدر الرعاء) قول کریمنی (حتی یزدر الرعاء) اوقومشلردر.

مباحث مذکورمک شامل اولدیغنی و جوهک جمله سی تلفظه مخصوص اولدیغندن یازیلشده هر حرف کندی هیئت اصلیه سی اوزره یازیلور.

(ث ح ذ ض ط ظ ع) حروفی لسان عربیه مخصوص حرفلر اولوب بو حروفک بعضلری لسانمک اصل و مأخذی اولان جغتای لسانمک کی الفاظ عمومیه دروننده انجیق اوتوز قرق کلمده موجود و بونلرده الفاظ عربیه دن مولد و منقولدر.

لسانمزدده حروف مذکور مک تواند یعنی الفاظ اصل چنانچه میسرند
وجود دکلر .

مثلاً لسانمزدده کی «ایصالتمق» چغتایده مستعمل «ایسلاماک» دن
و «باصمق» «باسمق» دن، «ایصاق» و «ایساق» دن، «صق» «سبِق» دن،
«صوک» «سونک» دن، «صول» «سونقول» دن، «طار» «تار» دن
بَدَل و الفاظ سائر مک اکثری ده عربیدن منقولدر .

اهل چغتای لسانده عند التکلم الفاظ عربیه مک مخلوطی
مک از اولدیغیدن قلت استعمالارندن ناشی آنلرک لسانلرنده ذوقاً
ثقیل کورینن حروف لسانمزدده الفاظ عربیه ایله کثرت اختلاطی
جهتیه بزجه خفیف و لطیف کورینور . بناءً علی ذلک بزم ذوققر،
لسان اصایمزدده منشائی اولان اهل چغتایک ذوقلرینه نسبت قبول
ایده مک در جعدن تباعد و عربلرک ذوقده تقرّب اتمیکله لسان
عربیده تلفظجه «سقر» و «سویق» مثالی الفاظده سین صاده
تبدیل اولندیغی کی الفاظجه حسب الاختلاط ذوق عربک
بزجهده بر درجهیه قدر وجودی جهتیه لسان اصلیمزدده مستعمل
و بالاده محرر «سبِق»، «ایسلاماک» مثلاً و وقعلرده ذوققره ملایم
کورینن صاد حرفنه و حروف سائرده دخی بعض حروف
موافقیه ابدال ایله تلفظه آیشامش و بوضورتله استعمال اوزرینه
الفاظ اصایه متروکیتله کسب غرابت ایدرک ذوققرجه استلزام
تفاقر و لسانمزدده مخصوص اولان فصاحت دائره سندن تباعد
ایتمشدر . لیکن ذوقلرینه ملایم اولان اهل چغتای استعمالاتجه
الفاظ مذکور مک هر بری خفیف و بزم ابدال صورتیه

استعمال ایلدیکمز الفاظ انلرک ذوق مخصوصلرنجه ثقیلدر .
 مع مافیہ بزم ذوقلرک ذوق عربیه ملایمتی هر نه قدر که بر امر
 طبیعی درجه سنه تقرب ایتمش ایسه ده او ذوقه تمامیله اتصال
 ایدم دیکمز دن بشقه حسب المخرج تفریق تجویدیه موقوف اولان
 الفاظی تلفظده نقصانمز دخی بدیهی بولندیغندن «ثمر» و «سمر» ،
 «نمین» و «سمین» ، «اناء» و «اسناء» ، «محدور» و «مخطور» ، «حذاء»
 و «حزاء» ، «اذاعه» و «ازاعه» کبی پک چوق لفظلری تلفظ
 ایدرکن نه درجه لرده التباساته تصادف ایتدیکمز معلومدر .

بناء علیه لسانمز بو مثللو مخرجلری تجویدیه تفریق اولنه
 بیلجک الفاظک چوغنده اصلیه تمامیله مخالف تلفظه آلمش
 اولدیفی ایچون «حضرت» دیجک یرده «حظرت» ، «اضطراب»
 دیجک یرده «اظطراب» ، «ضرب» دیجک یرده «ظرب» ،
 «حمد» دیجک یرده «همد» ، «عادت» دیجک یرده «آدت»
 دیورز .

مبتدیلر مزک اولایی اوکر نمکده مصادف اولدقلری مشکلاتک
 بر بیوک سببی ده التباسات مذکوردر .

ایشته عربلرجه هر بری اصلاً و ذوقاً تنافردن سالم
 اولان الفاظ فصیحئه مذکور می عبارات عربیه آرمنده تجویدیه
 رعایتله حرفلری مخارجیه بالتوفیق اوقوق ذوقاً بزم نه قدر لطیف
 کلور ایسه عبارات ترکیه آرمنده تجوید ایلله مخرج اصلیه سنه
 توفیق و قرأت ایدم دیک اولسه ق اوقدر ثقات و تنافری حاوی

کورینوب ذوق خصوصیتز عذمتز . « افق تکلمه تصادفی ایستاده
الفاظده فصاحت حسن آیده مز .

بناءً علی ذلك الفاظك استعمالاتجه بر مقامده تنافر، دیگر
مقامده عدم تنافر محسوس اولور . و تنافر محسوس اولان موقعده
اولیه لفظارک هر بری فصاحتدن خالی و محسوس اولیمان
موقعده فصاحتی حاوی بولور . لیکن « همخ » لفظ عربیسی
و « قدر تدریق » لفظ ترکیسی کی حد ذاتده ثقات تألیفیهسی
اولان الفاظ او قبیلدن اولمادیغندن هیچ بر موقعده تنافردن
قورتیله مز .

(و) حرف عاطفهسی ادوات عربیهدن اولوب عبارات
عربییه آرمسده هر نه قدر تکرر ایستاده لطافته و فصاحتده خالی
ویرمز . لیکن لسانمز جه ادوات اصلیدن معدود اولمادیغی جهتله
عبارات ترکیه آرمسده تکرر ایستاده ثقلت کوستر . و ابتداسنده
واو عاطفه موجود اولان « وواعدنا » لفظی کی الفاظ عربیه
عبارات عربیه آرمسده مذکور اولدیغی حالده واو عاطفه ایله
اصل کلمه کی واولک یان یانه کلمی غایت لطیف کورینوب کلمه
مذکورده اولدیغی مثللو چوق کره کلمه نك اصله نسبتله بیله
لطاقتی تزید ایدر . لیکن « زید عالم و کامل و واقف اموردر »
کی عبارات ترکیه آرمسده ثقیل و لطافتی محلّ اولور . شو حال
بریسنك اندامنه کوره یچیلوب دیکلمش اولان برلباسی اندامنه
یا قشیمان دیگر بریسنك کیمهسی کیدر . برنجیسنده نه قدر خوش
کورینور ایسه دیگرنده او قدر چرکین کورینور .

ابن النقیس الطریق الی الفصاحده دیرکه «بعضاً برکله بر صیغه دن دیگر صیغه به، یا خود بروزندن دیگر وزنه نقل اولندیفی خالده هر نه قدر حد ذاتنده چرکین اولسه نقلنده کوزل اولور: مثلاً «دع» لفظنک ماضیهی اولان «ودع» لفظی چرکین اولدیغدن استعمالی پک آذر. فعل امره تحوّل ایتدکده کوزل اولور. «لب»، «رجاء» لفظلرینک هربری مفرد ایکن اضافتسر استعمال اولور ایسه چرکین ولبک جمعی اولان «الباب». رجانبک جمعی اولان «ارجاء» کوزلدر. «صوف» لفظی چرکیندر. جمعی اولان «اصواف» چرکین دکلدر.

لسانمزجده بویله لفظلر بولور. مثلاً «مرمر» و «بربر» لفظلری حرفلرک تکرر ایتسیله برابر پکده ثقلته تصادف ایتماشکن جمعلری اولان «مرمرلر، بربرلر» لفظلرنده تکرر زیاده لشدیکندن ثقلت حاصل اولمشدر.

قدما الفاظده کی تنافر حروفی بیلمک ایچون یوقاریده تفصیل اولندیفی اوزره مخارج حروفی میزان اعتبار ایتشلر ایسه ده بومیزان امر مطلق اولیوب حروف قم، حروف وسط، حروف حاق، حروف ذلاقه، حروف مصموته، همموسه، رخوه، مجهوره کی انواعک افراداً و انواعاً یکدیگرینه ضربندن انحصاری متمعز اوله جق درجده اعداد کثیره حاصل اوله جفی و مخارجک قرباً و بعداً تفاوتلرندن و اصوات و اجراس طبعیه لرندن موازنه طریقله خفت و ثقلتک تمیزینه وسع بشر متحمل اولدیه جفی جهته حروف متقاربندن مرکب هرکله ده تنافرك وجودینه

و یا خود حروف متباعدند. مؤلف هر کلمه تنافردن سالم اولسینه حکم اولنه من. کلمه تنافردن سالم اولوب اولدیغنی بیلیمک انجون یالکیز ذوقه مراجعت کافی اولدیغندن میزان ذوق صحیح و سلیمه. ثقیل کورینه ان و نطقاً تلفظنده عسرت نمایان اولان کلمه — کرک حروف متقاربند مرکب بولسون، کرک حروف متباعدند — تنافری حاویدر دیه حکم اولنه بیلور.

بناءً علیه الفاظک ثقلت و خفتنی و تنافری بالبداهه ادراک ذوق سلیمه مالک اولانلر مخصوص برمزیت اولوب ذوق سلیم اصحابی کلمه لسانلرینه و قلملرینه کلدیکی آنده ثقلت و خفتنی و تنافری مخارج حروفه تطبیق و مراجعت اتمکسزین فرق ایدر. ذوقدن درجه درجه حصه یاب اولانلر حسیانک تفاوتنه کوره فرق ایدوب ذوقدن کلیاً محروم اولانلر کلیاً فرق و تمیز ایدم مزلر.

ذوق سیم اربابی طبیعت شعریه اصحابی کیدر. او طبیعت مالک اولان بر شاعر وزنی خللدن سالم اولیان بر نظمی ایشتمسینه برابر تقطیع و اجزاء عروضه تطبیق اتمکک محتاج اولمکسزین اونظمده کی سقامت وزنی طبیعت قوتیه بالبداهه فرق ایدر. كذلك بر کلامی ترکیب ایدن بر ناطق، یا خود کاتب ذوق سلیمه مالک ایسه هر بر کلمه بی لسانه و یا قلمه الدینی آنده خفیفمیدر ثقیلمیدر مخارج حروفه اصلاً مراجعت اتمکسزین قوه ذوق ایله تمیز ایدم بیلور.

(غرائب) «کلمه معنایی ظاهر و استعمالی مانوس اولماق اوزره وحشی اولمیدر» دیه تفسیر اولمشدر.

بو تفسیره سعدالدین تفتازانی مطلوبه اعتراض ایدوب دیرکه
 «غرائب بونی تفسیر ایدنلرک کتابلرندن آکلادیغک کبی کلمه
 شهوورة الاستعمال اولماسی دکلدر. غرائب لفظی استعمالی
 عتاد اولان کلمه مک مقابله سنده مستعمل برلفظ اولوب بوده بر
 کلمه بر قومک استعمالی و دیگر قومک عدم استعمالی حسبیلهدر.
 بوتقدیرجه اولکمه، استعمال ایدن قوم عندنده مانوس و ایتیمان
 قوم عندنده غریب عد اولنور. و کلمه وحشیه بر ترکیبی شامل
 اولان لفظلرکه استعمالندن طبعه نفرت کلور. بوا یسه طاتایاق
 مقابله سنده مستعملدر. کلمه غریبک طاتای اولمی جائز اولمسنه
 نظراً غریبک وحشی دیه تفسیری کوزل اولمز. بلکه وحشیت
 قیدی مفردک فصاحتی ایچون برقید زائددر. اگر وحشیتله بزم
 دیدیکمز شیدن بشقه بر معنی مراد اولنمش ایسه غریبتک او معنایه
 اولمسیله فصاحتی اخلاص ایده جکمی تسلیم ایده. نیز، زیر ابن دیرزکه
 بوده کتابلر نده مذکور بر اصطلاحلرکه «وحشی قیرلرده ساکن
 اولان وحشه منسوب ایکن مانوس الاستعمال اولمیان الفاظ ایچون
 استعاره اولندی دیدیلر».

ینه سعدالدین تفتازانی دیرکه «غریب بری حسن، دیگر ی
 قبیح اولمق اوزره ایکی قسمدر. غریب حسن، استعمالده عیب
 اولمیان لفظلر. بوقسمی وحشی عد ایتزلر: «شریث» و امثالی
 کبی. غریب قبیح، استعمالی مطلقاً عیب عد اولسان لفظلر.
 بوکا وحشی غایط تسمیه ایدرلر. وحشی غایط غریب استعمال

اولقله برابر سمعجه ثقیل و ذوقجه کریه اولان لفظدرکه متوعری
دخی تسمیه اولنور: «جیش» و امثالی کی.

سعدالدینک شوافاده سی کوستریورکه مفرد ده فصاحتہ خلل
ویرن غرابت صورت مطلقده اولیوب ذکر اولنان قسم ناینک
شامل اولدینی برغرابت قبیحه درکه شووغرابتی حاوی اولان
لفظ مانوس الاستعمال اولما قله برابر سمعجه ثقات و ذوقجه کراحتی
شامل اولمیدر. بوتقدیرجه برقومک لساننده مستعمل و دیگر
قومک لساننده غیرمستعمل اولان لفظ مادام که سمعجه ثقات
و ذوقجه کراحتی حاوی اولیه برقومک استعمال ایتامسیله دائرہ
فصاحتدن چیقماز.

شیخ بهاء الدین سبکی عروض الافراحدہ دیرکه «غرابت
حقندہ اولان قول، عرب عربایه نسبتله غرابتہ حمل اولنور.
زیرا ناسک استعمالنه نسبتله غرابتہ حمل اولنسه کتابلرک جمله سنده
مندرج و بین العوام غیرمستعمل اولان الفاظک هپسی ضریب
اولق لازم کلور».

کری عربی و فارسیدن کری السنه سائرمدن اخذ ایله بروقت
اسمان عثمانیده استعمال اولنمش و غرابت قبیحه دن سالم بولنمش
اولان الفاظ شمدی بین الادبا استعمال اولنما قله دائرہ فصاحتدن
خارج عد اولنمیز.

سعدالدینک دیدیکی کی فصیح اولمیان الفاظ غریبه یالکر
سامعجه ثقلت و طبعه کراحت کوسترن الفاظ متروکه اولدیغندن
سمعاً ثقیل و طبعاً کریه اولمیان الفاظ متروکه نیک هپسی فصاحت

دائرة سنده داخل اولسنه نظراً آتش معناسنه اولان « اود »
 و پرچم معناسنه اولان « جغا » مثلی الفاظ متروکه غرابت قبیحه‌یی
 حاوی اولدیغندن فصیح‌در لر ، لکن کاکل معناسنه اولان
 « قیو راق » اضطراب معناسنه اولان « بوخساماق » بوصوده کی
 عسکر معناسنه اولان « بوقتورمه » صچراماق معناسنی شامل
 « یکساماق » لفظلرینک هر بری غرابت قبیحه‌یی حاوی اولد-
 یغندن بونلر مثلی الفاظ فصیح دکلدرد .

(قیاسه مخالفت) لفظک برلسانده جریان ایدن قاعده‌یه مخالف
 استعمالیدر . لسانمزد .

« چفتلیکات ، فروخت ایتدی ، کشید ایتدی ، کشاد ایتدی ،
 پشینا ، بالفروخت » لفظلری کی .

« چفتسکات » لفظی الفاظ ترکیه دن و (ات) جمع عربی ادواتندن
 معدود اولوب الفاظ ترکیه ولر « اداتیله جمعلنه جکندن قیاس او
 لفظک « چفتلیکلر » دیه جمعلنمسنی اقتضا ایدر .

« کشید ایتدی » ، « کشاد ایتدی » ، « فروخت ایتدی »
 لفظلرنده کی « ایتدی » افعال ترکیه دن و « کشید » ، « کشاد » ،
 « فروخت » لفظلری افعال فارسیه دن اولوب شوهمثاللر صرف
 ترجمه یازلسه « چکدی ایتدی » ، « آچدی ایتدی » ، « صاندی
 ایتدی » دیه ترجمه اولنه جنی و تکرر فعلین ایله معنی دائرة صحت
 و قیاسدن تبعاً ایدم چکی بدیهیدر . قیاس ایله « کشید ایتدی »
 برنده « کشیده ایتدی » ، « کشاد ایتدی » برنده « کشاده ایتدی » ،
 « فروخت ایتدی » برنده « فروخته ایتدی » دینلمسنی ایجاب ایدر .

«نوش ایتمدم، جوش و خروش ایتمدی، بدید اولدی» کبی
الفاظک هیمسی بوقییلنددر .

لسانمزدده بومثللی قیاسه مخالف لفظلرک استعماللری اوقدر
شایع اولمشدرکه مثلا «فروخت ایتمدی» یرنده «فروخته ایتمدی»،
«بدید اولدی» یرنده «بدیده اولدی»، «نوش ایتمدم» یرنده
«نوشا اولدم» دیه قیاسه موافق لفظلری استعمال ایدمه یورز .
«پیشین» لفظی فارسی اولدیغندن آخرینه تنوین ادخال
اولنه من.

«فروخت» لفظی کذلک فارسی اولوب اولنه الف لام داخل
اولهمیه جغندن بشقه عربجه اومعنایه اولان «باغ» لفظی بیه فعل
اولدینی ایچون الف لامی قبول ایتمز .

بناءً علی ذلک کرک الفاظ مذکورمک، کرک انلره بکزر
الفاظ سائر مک اولیه استعماللری قیاسه مخالف وفصاحتی مخلدر .
«بحث اولدی»، «فرق اولمز»، کبی لفظلر دخی لسانمزدده
قیاس وقاعدمه مخالفدر . واقعا «بحث» و «فرق» لفظلری
مصدر اولوب «خاق»، مخلوق معناسنه اولدینی کبی «بحث»
لفظنه «بحوث»، «فرق» لفظنه «فروق» معناسی و یریلرک
مذکور مثاللرک هربری معناجه ربط و توفیق اولنه بیلورایسه ده
لسانمزدده افعال متعدیه عربیه مصادرینک «اولدی» فعلیه استعماللر یرنده
قیاس عمومی جریان ایتماش و مثلا «منصور اولدی» یرنده
«انصر اولدی»، «مضروب اولدی» یرنده «ضرب اولدی»
«محبوب اولدی» یرنده «حب اولدی» مثللی استعمالاته جواز

کوسترلماش و « بحث » و « فرق » فعللری ذاتاً افعال متعدیه دن
 معدود بولمیش اولدیغندن مصدرلری لسانمزدہ « ایتدی » لفظیلہ
 قوللانیلوب « بحث ایتدی » و « فرق ایتدی » دینلور . « اولدی »
 لفظیلہ قوللانیلور ایسه قیاسہ مخالف اولوب فصاحتی اخلاص
 ایدر .

لازم اولان الفاظ عربیہ لسان ترکیده اصللرینہ موافق
 اوله جق صورتلہ استعمال اولنور . ازجمله افعال بانک علامت
 بنائیہ سی لزوم و مطاوعت ایچوندر ، شو بابہ منسوب اولان
 مصادر عربیہ دن بر لفظ عبارت ترکیه آرمسندہ استعمال اولندیغی
 تقدیرده فعل عربیسی نه صورتلہ تعدی ایدر ایسه ترکیده دخی
 اوصورتلہ تعدی اولور : مثلاً « انضم » فعلی « الی » ، یا خود « علی » [*]
 لفظلرینک بریلہ تعدی ایدمککندن بونک مصدری اولان
 انضمام لفظی ترکیده استعمال اولنور ایسه قاعدۀ اصلیه و قیاس
 « بوشی اوشیئہ انضمام ایتدی » ، یا خود « بونک اوزرینہ انضمام
 ایتدی » دینلمسنى اقتضا ایدر . بویله استعمال اولنوبده « بو آندہ
 انضمام ایتدی » دینلور ایسه قیاسہ مخالف دوشر .

« قوم » ، « طابور » ، « جماعت » ، « هیئت » کبی مدلوللرندن
 افراد آکلاشیلان و بنالرنده جمع صیغہ سی کوریلہ مین متعلقات
 افعالک فعللری مفرد اولور . ذی روح اولیان متعلقات ایستر جمع
 صیغہ سیلہ مثلاً « کتبه کادیلر » دینلسون ، ایسترمفر داوله رق « کتبه کادی »
 دیه استعمال اولنسون ، ایکی صورتلہ ده مسبوق الاستعمال و موافق

[*] انضم الیه و انضم علی کذا (اساس البلاغه)

قیاس در فقط بعضی موارد جمع و اکثر و مقدمه مفرد اوله رقی استعمالده فصاحت زیاده کورینور. لیکن متعلقاتک هانکی برنده جمع ترکیبک اداتی اولان هله. موجود اولور ایسه فعالتک مفرد اوله رقی استعمالی قیاسه مخالف و فصاحتی محل اولور: مثلاً «کاتب» لفظی ترکیبه چماندیکی حالده «کاتبار کادی» دینلمسندده فصاحت کوريله مز. فصاحت «کاتبار کادیلر» دینلمسندده در.

بئدرلرک خبرلرنده دخی قیاس بویله در.

ذی روح اولیان اشیاچه کربک فعلک. کربک خبرک علی العموم مفرد اوله رقی استعمال اولمنسی قیاس اقتضایا ایدر: یاغمورلر یاغدی. «چیچکلر آجدی»، «آغاجلر یشیلنددی» مثاللرنده کی فعللرک هربری فصیح اولوب «یاغمورلر یاغدیله»، «چیچکلر آجدیله»، «آغاجلر یشیلندیلر» دینلمسی فصیح عد اولنه مز. بعضاً متعلق مفرد اولدینی حالده تعظیم ایچسون فعل جمع صیغه سیله ایراد اولمنسی ده قیاس واستعماله. وافتدر: «افندمز تشریف بیوردیلر» کی.

شیخ بهاء الدین سبکی دیرکه «مخالفة القیاس قولی اوزرینه قیاسه مخالف اولوب ده استعمالی کثیر اولان الفاظ حقه ده بر سؤال وارد اولور. زیرا الفاظ مذکورده نک کثرت استعمالی جهتیله هپسی فصیح عد اولنور».

خطیبی شرح تلخیصده دیرکه برکله نک سماعاً ورو دینه دلیل بولنور ایسه مخالفت قیاس اوکله بی دائره فصاحتدن چیقارمه مز: «سرر» لفظی کی. زیرا قیاس «سریر» لفظلک «افعله» و «فعلان»

وزنلری اوزره جملنلرینی اقتضا ایدر: «ارغفه» و «رغفان» کی.
 بو عید عاجز دیرم که: کلام عربده «رعیف» لفظنک «رغف»
 صیغه سیله جملندیکی علامه زنجشیرینک اساس البلاغه سنده «قدم
 الیهم رغفاناً ورغفاً و تراغیف» عبارده سیله مندرج قول عربله
 مثبت اولدیغندن «سرر» لفظی قیاسده موافقدر. خطیبینک
 «سرر» لفظنی دلیل کتیر می مساحبه حمل اولنبیلور.

شیخ بهاء الدین سبکی دیر که «خطیبی دلیلدن سماعک و رودینی
 قصد ایتش ایسه دلیل یالکز استعمال لغوینک جوازینه تعلق
 ایدم. یوق اکر خطیبینک قصدی استعمال لغوینک جوازینه
 تعلق ایدن بر دلیل، مخالف قیاس اولان بر لفظک فصاحتنه تعلق
 ایدر صورتی ایسه «سرر» لفظی قرآند و واقع اولدینی ایچون
 ذاتاً فصیح اولوب مخالفت قیاس قرآند و واقع اولمیان الفاظ
 عربیده فصاحتنه خلل ویرر».

علمای بلاغتک بعضلری ایشیدلیدیکی وقت طبعه کریه کلن
 الفاظ مستعمله بی ده الفاظ فصیحده دن عدا ایتدیله. الفاظ ترکیه دن
 «قوصق» و «قوصدی یمک» لفظلری کی.

امام سیوطی مزهرده دیر که «علمانک بعضلری ضرورت
 شعر ایچون شاعرک ارتکاب ایدم چکی شیلرک جمله می فصاحتنه
 خلل ویرر دیدیلر».

نفعینک

تعبیر ایدم طینت پاککنده کی لطفی
 کور (خاصیت) لطفی نه مقدار (اثر) ایلر

بیتدہ کی «خاصیت» و «اثر» لفظلری کی۔ زیرا بولفظلریک
برنجیسندہ صحت، حرف یانک مشدد اولمسندہ ایکن شدہ ملی
اوقونسہ وزنہ خلل کلہ جکندن ضرورت شعر ایچون شدہ سز
اوقونمق لازم کلور۔ بویلہ استعمالی فصاحتی اخلال ایدر۔
ایکنجیسی اولان «اثر» لفظی حدت دانندہ الفاظ فصیحہ دن ایکن
وزن وقافیہ رعایت ایچون «تأثیر» مقامندہ ایراد اولشمس اولغلہ
شو۔ موقعدہ دائرۂ فصاحتدن چیقمشدر۔

آتیدہ کی مصراعرلدہ معترضہ لرلہ کوستریلان الفاظک ہبسی
ضرورت شعر ایچون ارتکاب ایدلمش شیلر اولغلہ فصاحتی
اخلال ایتمشدر:

(تمیز) نیک و بد عین ضرردر خردہ بینانہ
اورر بر (بیرینہ) امواج دریا (کی) کہساری
بر اولمز فیکردر یوق (بیرہ) جانا
باش آچق (قابو) کہ کادم کشاد ایت خانہ بردوشم
کندی دردین اونودوب (باکہ) یتیمان آغلار
بزمہ بر (داخی) دونوب کلمک دکلدی نیتک
(مینہ) شکوایی غراب ایلر غرابت بوندہ در
بر نقطہ (درر) اغزیکہ نسبت موش اواسی
شیخ بہاءالدین دیرکہ «بعضلری مبتذل اولان کلمنک استعمال
اولنماسنی دہ شروط فصاحتدن عد ایتدیلر»۔
شومجندہ ایکی علت کوسترلمشدر۔ بری مبتذل عدت اولنان

کلمه‌ی عامه‌یك اصل وضعه. مغایر استعمال ایتسی، دیگری کلمه‌یك وضع اصلایسند. سیخیف اولمسیدر.

برنجیسنه. مثال: «مهر» لفظی کبی. بولفظك وضع اصلایسند. «ختم» و «خاتم» مغالرینه دلالت اید. جك برشی یوق ایکن لسانغزده خاتم موقعنده قوللانمقد. و تصریف ایله «تمهیر» و «مهور» سیغهرلی ده استعمال اولنمقد. در.

لسان ادبیاتمزد و لسان عامده مستعمل «قوللری»، قولکز، بنده‌لری، چاکرلری، بنده درمخریده‌لری، عبد مملوکاری، کوله‌لری، کبی لفظلرک جمله‌سی بوقسمدن معدود الفاظ مبتذله‌دندر. زیرا الفاظ مذکوره فی‌الاصل رقبه‌سی اسارت شرعییه مربوط اشخاصه وضع اولنمش لغات ایکن موضوع ایهاسنک غیری اولمق اوزره حریت مشروعه‌سنه مالک اولانلر لسانلرندن برصورت مبتذله ده مستعملدر.

اسکی فرسارجه کوچوکار بیوکارک اسارتلری آلتنده بولنمسی عوائد قدیمه‌لرندن ایدی. او عوائد هر نقدر دور اسلامده زائل اولدی ایسه‌ده ایرانلیلر عوائد قدیمه‌یه تعلق ایدن الفاظك استعمالنه دوام ایلدیلر. ادبیات شرعییه چه مأخذمن ایران شعر اسنک اثرلری اولدیفی کبی ادبیات نثریه‌جهده مأخذمن ایران ادباسنک اثرلری اولدیغندن عوائد قدیمه‌نک اصلاح و ازاله‌سندن صکره او عوائد دلالت اید. جك پك چوق الفاظ مبتذله ایران آثار ادبیه‌سنده کواکشوب قالمش و مأخذلرمزدن تمامیه بزم ادبیات نثریه‌منه سرایت ایتمشدر.

سلاطین عظام حق‌نرندہ کی تجلی الہی بشقہ اولدیفندن
 هر دورده پادشاهلرك الفاظ استثنائيه وتعظيميه ايله ياد اولملىرى
 كينديلرينك مالكييت ومتبوعيت مشروعه‌لىرى ايجاباتندن اولمغه
 سلاطين استثنائيديانجه اسارت مشروعه آلتنده اولميان احرازه
 قارشى «عبد مملوكارى»، «قوللارى»، «بندۀ درخوريدلرى» كې
 تعبيراته مخاطب اولمغه كيمك صلاحيتى اوله‌بيلور ؟ حریت
 مشروعه‌سنه مالك اولان بر شخص كندى كې بر شخصك نه‌دن
 قولى وعبد مملوكى اوليور ؟ كيم كيمك آچه ايله صاتون آلمش
 بنده‌سيدر ؟ بو كې الفاظ مبتذله‌ك لسان ادبى و رسميمزده حالا
 دوام ايتمسه ناسف اولنور .

«خاكپاي»، «خاك پاي عاليرينه يوزمى كوزمى سوزم»، بر
 شخصك — هيچ بر لطف واحسانى كوز ماش اولدينى — بر بيوك
 ذاته يا لمصاحقه، يا خود بلا، مصاحقه «ولى نعمتم، ديمسى ويازمسى
 كې لفظلرده بو قسمدن معدود الفاظ مبتذله‌دندر .

الفاظ مبتذله‌ك ايكنجه‌سنه . مثال «ميرميرلانيور» لفظى
 اوله‌بيلور . بولفظك مبتذوليتيله برابر هم وضعى سخيض، هم‌ده
 استعمالى لزومسزدر . زيرا انك يرندۀ «سويلانيور» لفظى‌ده
 قوللانسۀ استعمالجه كافي اوله‌بيلور .

عروس الافرا حده‌دير كه «بعضاً بر معنى ايجون بر كله بولنور كه
 بوكه يا فصيح يا خود غير فصيح اولور . غير فصيح اولدينى حالده
 مادام كه او معنى ايجون بشقۀ كلمۀ فصيحۀ موجود دكلدر او غير
 فصيح كلمه‌ك استعمالى ضروريدر .»

بوصورت بزم لسانزده دخی جاریدر: مثلاً «قرق» لفظی ثقات و تنافری حاوی ایکن انک یرنده قولانیله جق لفظ مرادف اولدیغندن ضروری استعمال اولنیور.

ینه عروس الافرا حده دیر که «معنای واحد ایچون ایکی ویا دهها زیاده کلمه اولوبده بو کلمه لک بیریسی ثلاثی دیگر (مثلاً) رباعی اولدیغی و برینی دیگرینه ترجیح ایده جک مرجح بولندیغی حالده ثلاثیدن رباعیه عدول افصحدن فصیحه عدول اتمکدر. قرآن کریمده بوکی افصحدن فصیحه عدول اولندیغی کوستره جک هیچ برکله موجود دکلدیر».

لسانزده «چای» و «ایرماق» لفظلری یکدیگرنک مرادفی اولوب حروفک ترکی اعتباریله خفت و ثقلته یینلرنده مرجح یوقدر. بناء علیه اوج حرفلی اولان «چای» لفظی لسانزده موجود و کثیر الاستعمال ایکن آنی بر اقوبده حرفی زیاده اولان «ایرماق» لفظی قوللنمق افصحدن فصیحه عدولدر.

«اود» لفظی اصلاً لسانزده موجود و «آتش» لفظی لسان فاز سیدن مأخوذ اولوب یکدیگرنک مرادفی اولمق اوزره ایکسی ده لسانزده مستعمل و حروفک ترکی جهتیله ثقات و خفتهجه درجهلری مساوی ایکن «اود» لفظی مجرداً استعمال ایدلایکی وقت انسان اودیمیدر؟ یوقسه آتشمیدر؟ بیلنمیه چکی و آتش لفظی بطریق الهیجا اود لفظندن دهها مدود اولدیغی حالده استعماله اود کی اهامدن سالم بولندیغی جهته معناسنده کی تخصیص مرجح عد

اوله برق استعمالده کثرت و اود لفظك استعمالده متروكیته قریب برقت حاصل اولمشدر.

درستویه دیرکه «هربرگله که فصحا استعمالی ترك ایتدیلمر ترکی خبری خطادن نشأت ایتیوب بر لفظ افصح موجود اولدییی حالده انی استعمال ایله حاصل اولان استغنا اوزرینه فصیحی ترك ایتمشلردر.

اسمانزده «کوندرمك»، «یوللامق»، لفظلری کی. بو لفظلر یكدیكرینك مرادفی و تنافر و ثقلت و غرابت و مخالفت قیاسدن سالم ایکن خفت حروفه نسبتله برنجی لفظ ایکنجیدن ده کوزل و افصح اولایغندن انك استعمالی کثرت و ایکنجی لفظك استعمالی متروكیته قریب ایده جك درجهده قلته تصادف ایلدی.

کلامده فصاحت

کلامك فصاحتی کله حقننده مذکور اولان شروطك وجودیله برابر کلامك تنافر کلماتدن، ضعف تألیفدن، تعقیددن، تابع اضافاتدن، تکرر الفاظدن دخی سالم اولمشدر.

(تنافر کلمات) کلامی تشکیل ایدن کلملرک هربری فصیح اولقله برابر عند الترتیب یكدیكره اتصاللرندن اسانه ثقات و نطقه عسرت عارض اولمقدر: «قرب قبر حربده قبر یوقدر»، «فرط فقر فرق فقر عمرانه مانعدر» کلاملرنده اولدییی کی.

(ضعف تألیف) کلامك اجزاسی قانون نحوییه مغایر تألیف اولنمش اولمسی در. یعنی تقدیمی لازم کلان برکلهبی تقاییم و تأخیری

لازم اولان برلفظی تأخیر ایله کلملرک ترکیملرنده مناسبستزلاک بولنمی در. بونک تعقید لفظیدن فرقی، ضعف تألیفه استفاده صعوبته تصادف ایتماسندن و تعقید لفظیده استفاده جه صعوبت اولمسندن عبارتدر.

ضعف تألیفه مثال: «بوعز و یانک هیچ بروقت سزه یاقیشور شی اولدیغنی تصدیق ایدم» دینله جک یرده «بوعز و یانک سزه تصدیق ایدم هیچ بروقت یاقیشور شی اولدیغنی» دینلمسی درکه شو کلام اخیر ضعف تألیفی حاویدر.

(تعقید) بری لفظی، دیکری معنوی اولمق اوزره ایکی نوع در. تعقید لفظی، مرادک فهمنده صعوبت اوله جق در جهده الفاظک غیر مرتب اولمسی در. تعقید معنوی، معنایه ذهنک انتقالنده صعوبت اولمق در. شو ایکی نوعده نابینک.

باد غربی دم عیسی یه معادل اولمز
سبزه شاخ رها یافته ترساقندن

یقتی مثال اوله بیلور. مصرع اولده کی «اولمز» فعل ناقصنک اسمی «سبزه شاخ» و خبری «رها یافته» اولدینی حالده فعل مذکورک مصرع اوّل نهایتنده ایرادی بوصورنک استفاده سنده مانع اولوب شو ترکیب «باد غربی» لفظنی اسم و «معادل» لفظنی خبر کوسترده حال بوکه بیت

باد غربی دم عیسی یه معادل (در)
(انک ایچون) سبزه شاخ ترساقندن رها یافته اولمز

صورتیله یازلد قدمه کوریلور که بیتک تأیید اصالینده تعقید لغظی وارد.

کذلک شاعرک بوندن مرادی حلیک باد غریبسنی مدح و باد غربی هر وقت لطیف اسمکله اوتلر خرسیتیانلرک قبله لری اولان شرق طرفه مائل اولدیفندن ترسانلندن قورتیله من» معناسی اولدیفنی حالده بیتک طرز افاده سندن ذهاب بمعنایه استقالده کی صعوبت بدیهیدر.

(تابع اضافات) یا لسانمزده مستعمل اضافت عربیه ده، یاخود اضافت ترکیده اولور. اضافت عربیه، تنافیر و استکراه حاصل اوله جق صورتله تابع ایدر ایسه کلامده فصاحت خلل ویرر. تنافیر و استکراه حاصل اولمیه جق صورتله تابع اضافتده باس اولمقدن بشقه بعضاً کلامک لطافتی بیله آرتار. پرتو پاشانک و تائی مایه اقبال اهل استقامتدر» مصراعنده اوچ و طیار پاشانک «سوزش خال سیاه رخ پرتابک ایله هر سپند آتش سیاله ده ماننده داغ» بیتده درت دفعه اضافت تابع ایتشکن فصاحت بوزلمدیفنی کی شو تتابعدن لطافت دخی حاصل اولمش و نقد وقت» عهد معهوده» فرط تطیب» مثالارنده اضافت تابع بیله ایتماش ایکن ثقلت حاصل اولوب فصاحت بوزلمشدر.

بناءً علی ذلک اضافتک تتابعی ثقلت و استکراهی موجب اوله جق صورتده اولمز ایسه فصاحت خلل ویرمن. اضافت ترکیه ایکیدن زیاده اولور ایسه مطلقاً ثقیل اولور. بونک سببیده اضافت ترکیه اداتنده غزه جرسی اولمسی و اضافتک

تتابعند شو چرسك تكر يدر كه اشبو تكر ردن ثقلت حصولی
طبیعیدر: زیدك كوله سنك او غلنك خاه سی، کی.

مضاف و یا مضاف الیهن بر یسنك حروفند اضافه ثقلت
کسب ایدم چك شائبه بولور ایسه اضافه ایکی بیله اولسه
فصاحتی بوزار: مثلاً «کوله» لفظند او شائبه اولمایدغندن «زیدك
کوله سنك او غلی» عبارم سنده ثقلت حس اولنمزم. لکن ترکیبند
چرسی غنه جوهرندن بر حرف بولان کله کوله لفظنک یرینه
قولسه البته ثقلت ظهور ایدر. بناءً علیه «زیدك قرنداشنك
او غلی» عبارم سنده کی ثقلت فصاحتی بوزم شدرد. بویه یرلرد
اضافت ترکیه اداتی حذف ایله «زیدك قرنداشی او غلی» دینلور.
(تکرار) فصاحتی بوزمزم. لکن ثقلت ویره چك صورتند
وقوعبولور ایسه کلامك فصاحتی بوزیلور.

قامت جانانه عرعر در دین شاعر عجب
کور مامشچی عرعرک هر جانی خار اولدیغن

یتمدم کی عرعر لفظند ذاتاً شائبه ثقات اولدیفنی حالده ایکی
دفعه تکراری ثقات نامه کوسترمش و شاعر لفظند ثقات یونگیکن
تکرار ایدن عرعر لر ایچنده بونک آخرند کی (عر) دخی ثقات
عارضیه تصادف ایتمش اولدیفندن بیت دائرة فصاحتدن چقه شدرد.
ابیات آتیهدم کی الفاظ مکرره فصاحتی بوزمدقندن بشقه
لطافتیده آترم شدرد:

حامی آمدی

وار ایسه شهبهك اكر اور محك تجربه
ایشته لوح ایشته قلم ایشته کتب ایشته فحول

صبری

کیمکله لب باب زانو بزanosك صفالده
سبوش همنشینك جام وش هم صحبتك کیمدر

فاضل بك

کورینور چشممه بوغمله وارسه سیر کازاره
کل اغلار بلبل اغلار زاله اغلار کاستان اغلار

راشد آمدی

کوز سیه مژگان سیه کاکل سیه اروسیه
قورقارم مجنون ایدر بر کون بوسودالرخی

ندیم

خالی کافر چشمی کافر زلفی کافر الامان
سرتسر اقلیم حسنك کافرستان اولدی هپ

رأفت

دل آتش دیده آتش سینه آتش روی یار آتش
کل آتش بلبل آتش کلشن آتش جویبار آتش
رها بولمق نه ممکن سوزش محنتدن عشاقه
فراق آتش وصال آتش بلای انتظار آتش

نوله یانسم یانسم رأفتا بزم محبتده
 که عشق آتش می آتش حسن یار کاعذار آتش
 ایسته الفاظ و کلامه تعلق ایدن فصاحت وجوه و شروط
 مذکوریه موافقتله حاصل اولوب اوشروطی حائز اولمیان لفظ
 و کلامه فصیح دینلمز.
 (متکلمده فصاحت) وجوه و شروط مذکورنک التزامیه
 کلام فصیح تألیفه اقتدار ویره جک برملکه در.

فصاحتیه و الفاظ و کلامه متعلق اختارات

ابن اثیر المثل السائر فی ادب الکاتب و الشعاع نام کتابنده
 دیرکه «نظم و نثر اربابی الفاظ اعتباریه لغتی غریباله اوروب
 امتحان و تقسیم ایله کوزل اولانلرینی بالاختیار استعمال ایلدیلر.
 و کوزل اولمیانلرینی دائرة استعمالدن چیقاردیلر. نظم و نثر اربابی
 الفاظک کوزل و چرکین اولانلرینی فصل بیلدکاری بجهته کانهجه:
 بوصورت امور محسوسدن اولمغله کندولیکندن کورینور. زیرا
 الفاظ اصوات کی در. بعضلرندن سمعه لذت و بعضلرندن
 کراحت و نفرت کلور. کورمز میسک که سمع. بابل صداسنی
 آدیغی وقت استلذاذ و قارغه صداسنی آدیغی زمان استکراه
 ایدر. کذلک حمار نهقی سمعه قارشو مکروه اولوب آت کشنده.
 سنده بو کراحت یوقدر. ایسته الفاظدخی بویه در. سمعه خوش
 کلان کوزل و خوش کلیان چرکین در».
 استعماله الفاظ بری الفاظ جزله. دیگرى الفاظ رقیقه

اولی اوزره ایکی قسمدر . الفاظ جزله عذوبی (طائلیفی)
 حاوی عظمت، الفاظ رقیقه لذایذی حاوی . لاینتله افاده اولان
 کلامده قوللانیلیر . شو قسملردن هر برینک بشقه بشقه موقعلری
 اولدیغندن بری دیگرینک موقعنده استعمال اولنسه سوء تاثیر
 بادی و لطافتک خفت و استهجانیه تحولنی مؤدی اولور . موقع
 استعمالی بحق تمیز ایسه سلیقهک درجه صفوت و خلوصنه
 تابعدر .

الفاظ جزله حرب و تهدید و مؤاخذه موقعلرنده، الفاظ
 رقیقه استعطاف، جلب قلوب، استیجاب محبت و مودت،
 مضحکات، مبکیات، مدح، ذم کی مباحثده قوللانیلوب موقعه
 مناسب الفاظ مؤثرهک اجتهدی قریحهک و صورت استعمالی
 درایت و رویتک جودتنه عائد مزیتدر . الفاظ جزلهک وحشیت
 و کبر کوسترهک لفظلردن سالم اولمسیله برابر عذوبتنده قوت،
 سامعهیه جالب لذت اوله حق صورتنده مرکب اولمسی لازمدر .

قرآن کریمدهکی الفاظ شریفه فصاحتک درجه انتهاسندهدر .
 صراطه، حسابیه، عذابه متعلق الفاظ جزلهک و بوکی تهدیدانک
 و اندازده تعلق ایدن بحملدردهکی کلماتک ایچنده هیج بر لفظ وحشی
 یوقدر . کذلک رحمت و مغفرت کی . واقع شریفهدهکی الفاظ
 رقیقه دخی هر درلو ضعف تألیفدن سالمدر .

الفاظ غریبهک . فهمه خلل و یرن شیلرک . استفادیهی تصعیب
 ایدن سوزلرک استعمالدن و نقلت کوسترهک صورتنه تکراردن،

سمع و طبعه کراحت و یرم جک لفظلرک ایرادنن احتراز اولمایدیر.
 زیرا بویله شیرل معایب نثردن عد اولنور .
 تألیف کلامده الفاظ معانییه تابع قیلنملیدیر . معانی الفاظه
 تابع قیلنملیدیر . زیرا معانی سنجیه خصوصیه سیله ترکیب ایلدیکی
 وقت بالطبع نفسنه لایق اولان الفاظی طلب ایدیر . معاینک کنندی
 سنجیه سندن یوز کوسترن الفاظ موردینه او یغون اولور که بو
 صورتده معنی بر محبوب جالب القلوب و الفاظ او محبوبک اوزرنده
 بر لباس مرغوب کبی کورینور .
 الفاظ تکلفلی یازلق و علوی اولمیان معانی آکا تابع قلندق
 چرکین یوزلی بر شخصه نسوان حسنایه مخصوص حلیات نفیسه
 طابق کبی در .

بلاغت

علمای معانی عنندنه بلاغت ایکی معنایه اطلاق اولنور :
 بری بلاغت کلامدر . بوکا « یراعه » و « بیان » دینلور .
 بلاغتك بونوعی کلام ، فصاحتجه هر درلو حظوظنی استیفا ایله
 برابر مقتضای حاله مطابق اولمقدیر .
 مقتضای حال دینلان شی هر سوزک مقامنه کوره مختلف
 اولور . زیرا کلامده اطلاق ، تأکید ، حذف ، اثبات کبی مواقع
 مختلفه اولدیغندن برینک موقعنه مناسب اولان سوز او موقعده
 قوللانامسه او سوز مقتضای حاله مطابق اولمیه جفی جهتله بلیغ
 صاییله من . بناء علیه مقاملرک اختلافه کوره حالدرخی اختلافه
 تصادف ایدیر . بو اختلاف اوزرینه مسند ویا مسند الیهک ذکر ی

حذفی. تنکیری. کلامک اطلاق و تأکید، الفاظک تقدیمی و تأخیری، جمله لړک وصل و فصل لړی، عباراتک ایجاز و اطناب و مساواتی، ذکی ایله غبی به قارشو خطابک درجاتی، هر برکله مک دیگر کله ایله مصاحبتی ایچون بشقه بشقه مقام معتبر اولدیغندن برینک مقامنده خلاقی بولندی ریلور ایسه سقامت و حاجله ماینت یوز کوستر.

حسن و قبولده هر کلامک شانی مقامجه اعتبار مناسب ایچون مطابقت التزامندن کسب ارتفاع ایده چکی کبی عدم مطابقت او کلامک انحطاطه مصادف اولسنی موجب اولور.

(بلاغت) لفظه راجع بر صفت ایسه ده بونده لفظ و صوته اعتبار اولنمز. بلکه ترکیب حسبیه معنائک افاده سنه اعتبار اولنور. و بوکا بلاغت دینلدیکی کبی بعضاً دخی فصاحت اطلاق ایدیلور. کلامده بلاغتک ایکی طرفی واردرکه برنجیمی اعلا ایله اغلیه قریب؛ ایکنجیمی اسفل طرفیدر.

برنجیمی اعجازک حد انتها سنده اولغله قرآن کریمه مخصوص اولوب انسانک وسع و اقتداری اودرجه به بالغ اولمق ممکن دکلدر. ایکنجیمی دخی دائره بلاغت حدودینک داخلنده در.

شو ایکی طرفک ازم سنده مراتب متفاوته اولغله هر بلیغ سلیقه سنه و معلومات و اقتدارینه کوره بلاغتجه بر مرتبه بی احراز ایده بیلور.

متکلمده بلاغت برملکه درکه متکلم اولملکه ایله کلام بلیغ

تألیف اتمکه مقتدر اولور. بوندن اکلاشیلورکه هر بلیغ فصیح اوله بیلور. لیکن هر فصیح بلیغ اوله منر.

ابن امیر المثل السائر فی ادب الکاتب و الشاعرده دیرکه «وضع لغتده بلاغتک اصلی وصول و انتہادندر. بر مکانه منتهی اولدیغک وقت «بلاغت المکان» دیرسککه بر شیئک مبالغی منتهاسی در. کلامک «بلیغ» تسمیه سی بوندندر. «کلام بلیغ اولدی» دیمک «کلام اوصاف لفظیه و معنویه بالغ اولدی» دیمکدر.

بلاغتک الفاظه و معانییه شمولی واردرکه فصاحتده بوشمول اولدیغندن بلاغت فصاحتیه نسبتله اخص در. انسانک حیواندن اخص اولدیغی کی. زیرا هر بر انسان حیواندر. لیکن هر بر حیوان انسان دکدر. کذلک هر بر کلام بلیغ فصیحدر. لیکن هر کلام فصیح بلیغ دکدر.

بلاغتله فصاحتک ارمه سی خاص و عامدن بشقه صورتله ده تفریق اولنه بیلور. شویله که بلاغت ترکیب شرطیله یا لکز لفظ و معناده بولنه جفندن بر لفظه اسم بلاغت اطلاق اولنه منر. اسم فصاحت ایسه بر لفظه اطلاق اولنور. زیرا بر لفظده فصاحت مختص اولان وصف حسن موجود اوله بیلور. بلاغت ایسه بالخاصه کلامده بولنه جفندن لفظ واحد انتظام کلامی موجب اولان معنادن خالی اولمسی جهتیله بلاغتی حائز اوله منر.

علمای بلاغتک بعضاری دیرکه «منشی صرف، نحو، معانی علملرینی بیلملیدرکه کلامی ترکیبده خطا اتمه. علم بیانی بیلملیدرکه الفاظ ایله معانیئک تأدییه سنده فصاحت و بلاغتیه خلیل کتیرمه،

علم منطق بیامی‌د که ارتباطی لطیف و اساسی متین و انتقاد عقلی‌جه اعتراضدن سالم عبارله لر ترتیبه مقتدر اوله، عروض بیامی‌د که اثر ارم‌سند بر نظم ذکر اولنورایسه موزون اولوب اولمیدنی حقیله بیله، علم لغتده بهارنی اولمیدر که هر کله بی موضع صحیح و طبیعی‌سند استعمال ایله.

امام احمد بن عبدربه عقد الفریده دیر که «بلاغت درب درلو اولوب (۱) لفظ، (۲) خط، (۳) اشارت، (۴) دلالتدر. بونلرن هر بری ایچون بلاغت و بیاندن بر موضع واردر که (لکلی مقام مقال) مدلولیجه بریسنک موضعده دیکرینک بونلدرلمسی جائز اوله من. چوق اشارت واردر که لفظدن ابغدر. خط و اشارت، خاصه و اکثر عامه جه ایکی مفهومدر. هر برشی که سکا بر شیئه دلالت ایده اوشیئی سکا خبر ویرمش اولور.

بر حکیم جناب حق تمجیدده «یرلر، کوکار، هپ آیات داله و شواهد قائمه اولوب هر بری وحدانیتک ایچون ادای حجت و ربوبیتک شهادت ایدر» دیمش.

بر حکیم دخی «اوزر کده کی اغاجلری کیم دیکدی؟ نهر لر کئی کیم اچوب یاردی؟ میوه لر کئی کیم دوشوردی؟ دیه زمینه سؤال ایده جک اولسه ک: اخبار طریقله سکا جواب ویرمسه ده دلالت و اعتبار صورتیله جواب ویرر» دیمشدر.

بر کیسه عتابی یه «بلاغت نه در» دیه سؤال ایلد کده «هر کیسه سه سوزنی اعاده و نطقنی حبس و بلا استعانة حاجتنی سکا تبلیغ و معناسنی نفهیم ایده اول کیسه بلیغدر» دیدی. «اعاده و حبس

معلومدر، استعانه نه اولیور» دینلکده «سوزنی کسیدی یلرده
«بنی دیکله»، «اکلا یور میسک» کی سوزلر سویلمسی، الی صقالک
اوجنه طوغری کوتورمی، یازمقلریخی بوکمی، بلا ووجب
صاغنه صولنه التفات کوسترمسی، اوکسورکی یوق ایکن تخنج
ایتمسی، سویلرکن نفسی طوبیلور کی بر حال ازانه ایلمسی هپ
استعانه در» جوابی ویردی. بر شاعر شو حاللری

ملی بهر و التفات و سعله
و مسیحه عشون و قتل الاصابع [*]

یتنده درج ایتشد. بو حاللرک جمله سی عجزدن نشئت ایدر». .
دلالتله نطقده احمد بن عبدربه حکایه آتیدی عباس بن فرج
الریاشیدن روایتله عقد الفریدک بلاغت بختنده درج ایتمش اولغله
بزده استطراد صورتیله کتابمزه درج ایدیورز .

حیره ملوکندن نعمان بن منذر عدی بن زید العبادی ایله
بر لیکده کولکله لیمک ایچون بر یار اقلی اغاجک الته ایندی. عدی
نعمانه «ییلورمی سک شو اغاج نه سویلیور» دیدکده نعمان نه
سویلدیکی سویله باقیم» دیدی. عدی «شو اغاج

[*] (بهر) نفس طوتقی. (سعله) اوکسورک. (عشونه) صقال وچی
معنالیته در.

بیتک مآلی: (اکا نفس بلیغ دینیلورکه حاجتی فاده ایدرکن سوزلری)
نفس طوتقی. اوکسورمک. الی صقالنه سورمک. یازمقلریخی بوکک
(مثلی حاللر) ایله طولودر.

رب شرب قد اما خواجولما
 بمزجون الخمر بالماء الزلال
 ثم اضحوا عصف الدهر بهم
 وكذا لك الدهر حالاً بعد حال [۵]

سویلیوره دیو جواب ویرمکه بوسوز اوزرینه نعمانک قابینه
 اوراده راحتمزلك یوز کوستردی.

هوسکاران انشایه خطرات

فن انشاده ملکه و مهارت علم بلاغته و قوف تام ایله برابر
 کثرت مطالعه، تکریر مراجعت، خالق ایله مخالطه، کتب و فہون
 و رسائل کثیرہ و قوف، خطبات نطق و خطابتی و مشاہیر
 شعرائک دیوانلری و ہمد لو مکتوبات ادبیہ فی قرشت کسبی
 احوالہ دوام ایله حاصل اولور.

هر منشینک مشیمہ قریحہ سندن طوغہ حق و قلمندن کاغذ
 اوزرینہ دوکولہ جک آثار ادبیہ نک لطافتی و آداب ملیہ و عوائد
 مشروعه و مقبولہ یه موافقتی تربیہ ذاتیہ و انفعالات نفسانیہ سیلہ
 ذوقک قوت و سلامت و صفوتہ جامع اولدیغدن حالکی منشیمہ
 یازدیغمنر حاللرک یاہیبسی، یاخود بعضیمسی منقود و نقصان اولور

[۵] مال نظم: چوق شربلر دوه لرینی اطرافزده چوکوروب خیری
 صافی صو ایله مزج ایدرک بوراده ایچدکدن صکرہ قوشاق وقتنه داخل
 اولدیلر. دهر انلری یولجی ایدوب کوچدردی. ایشته دهرک برحالدن
 صکرہ کی حالی بویله در.

ایسه تکرر مراجعات و توافر مطالعت ایله نمایان اوله جق آثار ادبییه سی او فقدائک، او نقصانک در جائتسه کوره سوء تأثیردن و خرده بینان ادبک طبع سلیم لرینه قارشو مسئولیت مغنویه دن قور تیه منزه. شروط مذکوریه تمامیه جامع ادیبک نادر بولنور.

هوسکاران انشایه معلوماتی تصرفه مقتدر ادبانک آثار ادبی لرینی از بر ایتمکدن چوق فائده حاصل اولور ایسه ده ذوق سلیم اولدینی حالده فوائد استحصال و فکر آوقلا تصریف ایدیه یلوب ذوق سلیم اصحابندن اولمیانلر فن موسیقیدن تعلم ایتدیگی اغنیدن بشقه سنی ضرب ایدیه میان آدم کی معلوماتلرینی موقعنده استعمال ایتمکه مقتدر اوله منزلر. استعمال ایتمک ایستدکاری تقدیرده یازم جقلری شیلر بری برینه بکزه میان مناسبتمز یامه لرله یامه لشمش بر ثوبه بکزر که طبع سلیم اصحابی آتی کور مکدن خوشلانده منزه.

منشی اولمق استین ذات هر درلو تجربیه بی، هر درلو تربیه بی معلومات حاصله سیله توحید و تصرف ایتدکجه منشی کامل اوله منزه. و او تربیه بی، او تجربیه بی تحصیل یولنده سوء استعمالده تصادف ایدیه جک اولسه قوه قلمیه سنی سوء تربیه و سوء افاده یه مغلوب اولمقدن منع ایدیه منزه.

تصادفاتیه مغلوبیدن توقی بحثنده بر مسلک اتخاذیدن نو هوشلر قوه قلمیه لرینک سوق طبیعیه سنه اتباع ایتدکجه کندی نقصانلرینی اکلا مقدن غافلدرلر. نفسلرینی مکمل کور که باشلدرلر. شو حال دوام ایدر ایسه ترقیه مانع اولور.

قوای عقلیه و تمیزیه و قلمیه، یا خود ناطقه‌دن برنجیسنک
مریسی علم معانی، ایکنجیسنک هم علم معانی، همده علم بیان،
اوچنجیسنک مریسی علم بدیع‌در. علوم و قوای مذکورده‌دن
نمایان اوله‌جق نتیجه بلاغندن عبارت‌در.

فن بلاغتی تأسیس ایدن علوم‌دن علم معانی کلامده تصورات
متسلسله‌یه تابع معاینک قوالی اولان الفاظ‌دن شیوه افاده‌یه کوره
جمله‌لرک انتخاب و ترتیننه وشو جمله‌لرک مقتضای حاله کوره ایراد
اولنسنه متعلق مباحثی، علم بیان ترتیب اولنه‌جق کلامک تشبیه
و استعاره و مجاز و کنایه صور تلریله ترتیننه تعلق ایدم‌جک قواعدی،
علم بدیع محسنات معنویه و لفظیه‌یی بیلدیرر.

علوم مذکورده‌جه ملکه حصول‌لندن صکره مواد مطلوبه
قوه عقلیه و قوه تمیزیه و قوه قلمیه، یا خود قوه ناطقه واسطه
سیله تصور و انتخاب اولنورکه شو علملرک هر بری قوای
مذکورمک تصور و انتخابنه خادم‌در.

قوه عقلیه ایله معاینک انواعی ارانه ایدیلور. لکن قوه
عقلیه‌نک کو ستره‌جکی معانی خصوصیه و عمومیه‌نک لازمی مالایلم
اولنلرله مخلوط اوله‌جغندن علم معانی و بیان واسطه‌سیله قوه
تمیزیه لازمی غیر لازم‌دن آروپ طرز انتظامده تشکیل ایدر.
قوه قلمیه او معاینک قوالی اولان الفاضلی قوه تمیزیه‌نک
ارانه‌سیله یازار.

انسانک قوه عقلیه‌سی سن و تجارب و معلوماتک درجانه

تابعدر . بونک آشانگی درجه سی یکی دلی آچلمش چو جقلرده
کور یله بیلور .

قوة عقایه نك مستشاری و او قوم دن نمایان اوله جق وار داتك
مصاحی قوة تمیزیه در . قوة تمیزیه یکی لسانلری آچیله جق و قتلرده
هر نه قدر خلقة چو جقلرده بالقوه موجود ایسه ده فعلاً ناموجود
حکمنده در . مشهودات، معلومات، تجارب آرتدقچه عالم فعلیاتنه
درجه درجه کندیخی کوسترر .

قوة قلمیه ادبیک بولندیخی درجه سن و حاله کورمه قوة
تمیزیه نك مرآت و یا ترجمانیدر . آثار ادبیه قلمیه آلق ایستین
ذاتك قلمه آله جنی شی سنك، مدت استخدا نك، معلوماتك،
مشهوداتك درجانه کورمه مقبولیت مظهر اولور .

انسانك هر بر زمانده انظار عمومیه عرض ایدم چکی آثار
قوة عقایه و تمیزیه و قلمیه سنك اولوقته مناسب محصولی اولور
ایسه البته خوش کورینور . بر نهال میوه دارك میوه سی چیچك
حالدن آریلوب کور نمک باشلادیخی وقت چاشنیسه سنده لذت
اوله من ایسه ده موسمه کورمه نمایشنده لذت بولنور .

بز چوق کره حواسمزی حقایق موجوداتك استکناهنده
عاجز کورینورزه استکناهنده قوة عقایه منزه مراجعت ایدیورزه .
قوة عقایه ایسه قوة تمیزیه . مقارنت ایتمزدن مقدم ویردیکی
جوابی قوة تمیزیه عرض ایتدکن صکره تخطئه ایدیور .
تخصیصانه ظفر یاب اولدیغمز بر معرفتی ادراکده قوة عقایه منزه
تصادف ایتدیکی مشکلات ایسه عد و حساب کاور شیلر دکادر .

مسائل ریاضیه و طبیعیہ دن ذاتاً کشف اولمش بر بحث تصادف
ایتدیکمزدہ او بحث حسیات وجدانیہ مزی اول قدر اشغال
ایدیورکہ مسموعات مزی، تصور اتمزی خیالاندن عد ایتدیکدن
کندیمزی قولایقلہ کری الہ میورز.

قوۃ عقلیہ منک کوچ حال ایلہ قبول ایدہ بیلدیکی مسائل
غامضہ نك تعلیمندہ - رد و قبول ارم سنده - جهالتك ايجاب
ایلدیکی تردد لرده، تجربه منکک کو ستردیکی حیرتہ، نقصان تربیہ -
نك مقتضی اولدینی مناسبت منککرم مقاومتمزی محاربہ لرده دشمن
عسکرینہ قارشو اولان مقاومت کی خیال ایدیورز.

یوقاروده اشارت اولدینی اوزره انسانک بدایت حالندہ
عقل ایچون هیچ بر مزیت یوقدر. تجاربک ترایدی، عوارضک
تواردی، معلوماتک و تربیہ نك تکثر و تقرری عقلہ مایۃ انتباه
و تمیز اولیور. بناءً علی ذلک قوۃ تمیزیه درجۃ کمالہ وارمدقچہ
ذهنلرہ توارد ایدہ جک شیلرک عمومہ نسبتلہ صحیح و فائده لی
اولانلری معدن جوهری دروننده کی کومش کی در. مدت
نحصیلیہ مزدہ صرف ایتدیکمزد. مطالعاتک مالایعنیسی، خام و پختہ -
سی، لازم و مالایلمی، خشو و زائدی فوائد، مأخوذه ایلہ برابر
بر حرف بیلہ ضایع ایدلمکسزین ضبط و ترقیم اولنسه دیش نظر
دقتمزہ قونلسہ بونجه تواردات ارم سنده. بولدیغمز قائد لک بر قاج
یوز اوقہ معدن جوهرندن چیقاردیغمز الی الشمس درهم کومشدن
فرقی کوریلہ مزی.

ایشته قوۃ عقلیہ نك وارداتی او جوهر و قوۃ تمیزیه نك منتخباتی

او کو مش کبی در. قوه قلمیه او کو مشدن اوانی، نفیسه و معمولات
سائر اعمال ایدن صنعتگر مقامنده در.

فن انشاده کسب ملکه اتمک استین هوسکارانه لازمدرکه
قوه عقلیه و تمیزیه و قلمیه سنی بالاده درج ایتدی کمز افادات دائره -
سندره تربیه و استعمال ایده. شوبنای عالینک اساسی ایسه علم
بلاغتی او کر نمکدر. اودائر خارچنده واول اساسک غیرنده
ملکه ادبیه اکتساب آرزو سنده اولانلر خسرانه تصادف ایده -
جک لرنده شبهه ایتما ملیدرلر.

هر انسان مقصودینی یا قوه ناطقه، یا قوه قلمیه واسطه سیله
افاده ایدر. قوه ناطقه ایله افادهیه عباره و منطق، قوه قلمیه ایله
افادهیه کتابت و تخریر، سیاق کلامه نص و نسق دینیلور. اصل
افاده متن، افاده دن زیاده سی شرح، اصلدن ناقص و مختصر یازیلان
شیلر تلخیص دیه موسومدر.

قلماً شروط مذکوریه بی حائز اوله جق صورتله کرک کندو -
سنک کرک غیرک مرانی افادهیه مقتدر اولان ذات منشی در.
یالکز کندی استدی کنی کوزل یازم بیلان و تصرفات قلمیه جه اقتداری
حائز اولمیا نه منشی دینیله مز:

منشی ایچون الزم اولان شروطک الک مقبولی محررانجه
مرسل ایله مرسل الیهک حاللرینی و ادبیات نثریهیه متعلق قلمه
الجنفی مباحثک درجه اهمیتینی ملاحظه اتمک و سوزی مقام
و مخاطب و صلاحته کوره قوللا نوب. صلاحتهک حوصله لیاقتدن
دون و یا زائد الفاظ و معانی استعمال ایتما مکدر. کلامک خلاصه

و جهله مقتضای حاله تطبیقاً تصویر بوندن عبارت اولوب بو تصویر ی آشاعیده بعض مرتبه توضیح دخی ایده جکر .
 منشیلرک بعضری لساناً حسن صورتلر بر ماده یی تعریفه .
 مقتدر اوله مزلر . قلملری نطقلرندن زیاده فصاحت و بلاغتی حائر اولور و بو حال اکثریاً افکارنده تواردجه کثرت فوق العاده اولان ذواتده بونور . اومقوله ذوات ذهنلرنده بالملاحظه تقریق و استحضر ایده جکر ی خطابتلرجه بالطبع سلاست و بلاغت موجود اولور ایسه ده قبل الاستحضار لساناً تقریر سلیس التزام ایده مزلر و اغزی ، طار ایچی صوایله ملور صراحینک باش آشاعی طوالتدینی وقت دروننده کی صویک کثرت تواردینه هوانک مقاومتی صویک حسن جریانه مانع اوله جفی کبی - افکارجه توارد فوق العاده یی حائر اولانلردخی نطقاً حسن افاده یه مقتدر اوله مزلر .

قوة عقلیه دن تواردجه فوران ایدن . معاینک اعلا لری قوة تمیزیه واسطه سیله افراز اولدوقدن صکره مجرای لساندن آب روان کبی جریان ایتمی البته لطیف و مؤثر اولور .
 قلمه الله حق ماده هنوز لباس الفاظ ایله اشتمال و عالم معانیده حال تجرددن انفصال کو ستر مزدن مقدم تصویر ایدیلور . قوة عقلیه او تصورک موردیدر . قوة تمیزیه او تصوردن نمایان اوله جق معاینک لطیف اولانلریخی افراز ایدر . اوماده عالم معانیده بر شاهد دلنشین کبی کندیخی کو ستر . لکن عالم معانیده کی لطافت و الاحتیله برابر لباسدن عاری و جالب حظوظ اوله جق محسناتی

زاویه تصورده متواری اوله جغندق آنی بر لباس فاخرله عالم
شهوده عرض و تقدیم ایله فکر و آرزونک انتخاب ایدم چکی قاش
الفاظی خیاط قلم اوشاهد روح افزانک تناسب اندامنه کوره
ترتیب و اکسا ایدر .

فن انشانک اساسی وجوه و مباحث مشروحه دن عبارتدرکه
منبع لزومدن نبعان ایدم چک مواد عمومی و خصوصیه نک
هربری ذهنده قرارلاشیریلنجهیه قدر مطالعه عمیقہ و مکررمدن
صکره آب روانک مجرا سنده کی حسن جریانی کبی قلمدن کاغداوزرینه
دو کلسی در .

تأسیسات سیاسیہ، انقلابات دول، حقایق مکونات، مباحث
حکمت و امور علویہ به تعلق ایدن احوال و کیفیات ، اجرام عالیہ،
شئون عظیمہ کبی اهمیتلی مجملردن هر برینک درجات و لدنیاتی
کو سترم چک تصورات ذهنیه و تصویرات قلمیه نک پارلاق الفاظ
ایله یازلمسی اتقان و صنعتله صورت مکملده بنا ایدلمش بر قصر
دلجوده کی او طه لرک نقوش لطیفه ایله تزیین و بنا سنک وضعیتنه
شایان اوله حق مفروشات ایله تفریش ایدلمسنه بکزر .

وقوعات عادیہ و مصالح غیر مهمه بی مقتضای حاله کوره الفاظ
عادیہ ایله یازمق کافی اولوب انک ایچون افکاره مراجعتله علوی
معناری شامل مضمونلر و عالی و پارلاق لفظلر آراق خفت عد
اولنور .

قوة میزه اصحابندن اولمیانلر — خلوصه دائریله اولسون —
یازیله حق محرراتده معانی علویه و الفاظ مشعشه استعمالی

وضعیتجه تریزده مناسبتی و قیمتجه دگری اولیان اشیای خسیسه بی
ترصیع کبی امور مستهجنه دن معدوددر.

عمومجه معلوم اولیان بر ماده درجه سنه کورم اعتنا ایله قلمه
النهیلور. هرکسک معلومی اولان مصلحت، غریب فکر لر
استعمالی طرزنده مضمونه تحویل و پارلاق تعبیر ایله قلمه التیق
خفت و عیب صایلیر. لکن شوافاذه هر وقت انظار عمومجه
قارشو مشهود و جمله جه معلوم اولان اشیای کائناتک برزده
موهوم الوجوده ورنجه اهمیت اصلیه سی اوزرینه بنا ایدیله جک
تعریفات و توصیفات لدنییه شامل اوله من.

زمین و آسمانک بزجه مشهود اولاد محتویاتی کوریورز.
کونش هر وقت طالع و غروب ایدیور. قر احوال مختلفه سیله
دائما نمایان اولیور. یلدیزلر هر کیجه کوزمرك اوکنده در. آغاجلر
هر سنه قیش موسمنده چبالاق و یاز ایلرنده یپراقلیدر. باغچلر
چیچکلر، تارالار، اوتلر، مزروعات، حبوبات، تخمیر، صولر،
یاغمورلر، روزکارلر و سائر اشیای کائنجه مگون حقیقینک مقتضای
مشیتی اولان تبدلات علی الدوام کوروب بیلدیکمز شیلر اولد.
یغندن بونلر الفت طبیعیه و دائمییه مقابل بزّه اهمیتسز و پک عادی
شیلر کورینیور. حالبوکه

اعتیاد ایتمش نظر الفتله خلقتدن بری
آنک ایچون حیرته ایتمز تصادف ناظران
اولسه ینا بقتة اعمای مادرزاد اگر
چلدیرر مشهودی اولدقده زمین و آسمان

مدلولچه اشیای کائنات ایچنده حقیقته بر ذره بیله اهمیت
عظیمه بی حائر در.

انظار عامیه قارشو مشهود اولان شو اجسام منیرنك
نسبت جذبیه مخصوصیه کوره تأثیراتی، صیفك شتایه، شتاك
صیفه انقلابی، آغاجلرك یاز آیلمنده یشیل حارملرله مزین
نوجوانلركی نظاره عرض نمایش ایدیشی، قیش آیلمنده روحدن
محروم وتاب و طراوتی معدوم اموات فیدمه حاله کیریشی، ذره
کبی برکوچوك تخمدن منارلركی بیوك آغاجلرك حصوله
کلیشی، بخاراك آبه، آبك بخاره تحولی، اجرام و بلمكه ذراتدن
هر برینك جوهر ترکی مثللی ظواهر کونیه و دوریه وجویه
انظار عمومیهجه مشهودات عادیه دن و حقایق حیرتبخش عقول
اولان مسائل غامضه و عالیه دن معدود اولمغله مواد و اشیای
کائناتك بر ذره ناچیزی بیله نه قدر تشریحات و معانی علویه بی
حاوی مضمونلر، نه قدر پارلاق و مزین لفظلر ایله قلمه الذمه
شایاندر.

بر فنه مخصوص کتاب، یا خود ادبیات و ملاحظات و خطابات
مباحثدن معدود مقالات قلمه آله حق اولانلرك یازمه جقلمری فك
ویا مبحثك و مصالح رسمیه و تشخیصیه جده هر تحریر انك مندرج
اولمی لازم کلان موادی اولامطالعیه عرض ایله ذهنیده
ترتیه ربط ایتمکسزین یازمغه باشلاملری بر سوارینك راكب
اولدینی آتی دیزکینسز ویولارسز اطلاق ایتمی و بر مهندسك
وضعیت جغرافیه و طبیعی و مساحه سنی و مقیاسنی تدقیق و تعیین

ایتمکسزین برقطمه نك علی العمیا خریطه سنی یاغغه باشلامسی
کبی در .

هم معلومات، همده واردات ذهنیه سنبجه تنقیداته مقتدر
اولان منشینك شروط مذکوریه رعایتله یازم جنفی شی مجلا
آینه کبی پارلاق کورینور.

اشعاره دائر ملاحظات

لسانغزجه شعر سویلیان قدماى ادبا ایران شعر اسنه تقلید
ایله نظم یولنی آچمش اولدینی معلومدر . شعرا منعموماً اویولی
طوتوب کیتمش اولدیغندن شعردله لسانغزه مخصوص بر یول
آچلماشدر .

بناءً علیه شعرا من مدیحہ لرحه حقیقته مغایر تعبیرات مبتذله
و بالفاسات مردوده و غزلیاتجه پك چوق تشبیهات مستهجنه
استعمالی استلزام ایتمکله ادبیات شعریه منرك اکثری سولیه جك
بر صورتده قالمشدر .

اکابر حققرنده تنظیم اولان قصیده لرده کی اوصافك جوغنی
کور یورزکه مدوحلرك حقیقت اوصافی و خلقت اصلیه لرینه
و تعبیرات و تشبیهاتجه تجویزات و تصدیقات عقلیه نسبت قبول
ایده میه جك سوزلردر . بوسوزلر نظمماً سویلنمیوبده بر مادح
طرفندن لساناً برمدوحه اطلاق اولنسه اومدوح اوسوزلری
استهزا عدایله حدت و نفرت کوستره چکی بی اشتباهدر!

بوراسی بویله ایکن هانکی برشاعر اووصقلری شامل بر
قصیده یاپوب بر بیوک ذاته ویرمش ایسه مقبول اوله رق جائزمله

مکافاتلره نائل اولمش وشوبی اصل سوزلر نظمأ او یولده مقبولیت کسب ایتمکدن ناشی مناسبتمز وعقللره حیرت ویره جک درجه ده مبالغه لی سوزلردن مرکب قصائد انشادی میداننده شعر ایکدیگری سبقته دوام ایدرک اوصاف اکابره متعلق نشیده لر — هر درلو معارف وکالات انسانیدلری حکمیاتی حاوی آثار منظومه لریله بدیهی اولان — شعر امزک حقیقت حالده شانلریخی تنقیص ایدم جک بر راده یه وارم شدرد.

شعر امز شعرای ایرانیه کبی حکمیات ولطائف وتشبیهاتجه ده شایان تحسین اوله جق یک چوق اشعار انشاد ایتمشلر ایسه ده نه چاره که دیگر قسم کزتجه غلبه ایلدیکندن آثار قدما ایچنده تمامیه مقبول قلوب اوله جق بر قصیده با موجود وغزلیاتجه ده اعتراضدن سالم غزل آذر.

قصایدجه قدمای شعرانک تقلید صورتیه اتخاذ ایلدیکی مسلاک بر مصلح منصف ومدققک همت اصلاحیه سینه تصادف ایتدی. مصلح قصاید دیه مشهر اولان نفعی اول مسالکی اصلاح ایتیموب ترویج وتوسیع ایتمشدر. ایشته بومساحه

نفعی

او چاردی تخت سلیمان کی هواده اکر
چکیددی رسمی بر پاره اوستنه بهزاد

ندیم

بر گوشه نگاه ایله معمار همی
سوراخ موره وسعت کون و مکان ویرر

نابی

نسیم خلق چمن خیزی اولسه کونه وزان
 اولوردی رسته تنور ایچره غنچه سیراب
 کبی وجدان سلیمک صحتی قبول ایدمه چکی مبالغه‌لی سوزلرله
 قصاید قدماک طولمش اولمسنه سبب اولدی.
 شعر امز بویله حقیقته مغایر اولان مبالغات غیر مقبوله‌یی
 یالکیز اکابر حقارنده نظم ایله اکتفا ایتدیلمر. کوزتدکاری نسبت
 اوزرینه قریح‌لرینی ذوی العقولدن اولمیان بر حیوانک و ذی روح
 اولمیان جهاداتک بیله توصیفنده او یله مناسب‌تسز سوز بولمقده
 اتعاب ایدرک

نفعی براسب مدخنده

خرام دلکشی دنیایی مفتون ایتدیکی یتمز
 فلک‌لرده ملک‌لرده ملازمدر تماشا یه
 براق آسا زمیندن کر عزیمت ایتسه افلاکه
 ایدر سرعتده سبقت تیر آه عرش پیمانه
 یدیسنده کذر ایلردی نمناک اولمدن پایی
 یولی دوشسه اکریل کبی کاهی هفت دریاه

ندیم بر موقع وصفنده

هی نه فیض جاواداندرکه اولور سروسهی
 سوسدلر بر قطار آب ناولک پیکانه

جدول سیم ایچره آدم بینسه برزورچیه
استسه ممکن وارلق جنتک تانیسه
عرشه دک چقمقده مانند دعای مستجاب
اوضرایان آب مصفا راه شادروانه

کبی سوزلر سویلدیلر .

تشبیه دائر قدامنک سویلدکلری غزللرده مندرج تشبیهاتک
اکثری ده شعرای ایرانیه تقلید ایله پک مناسبتسنز برطرزده
جریان ایلدی .

اوصاف خوبان حقنده انیس العشاقک جمع ایلدیکی تشبیهاتک
بیک بشیوزدن زیاده اولوب بونک اونده بری قبوله شایان
کوريله میور. مملا

زلف حقنده

زنجیر ریسمن چنکال اژدها ییلان عقرب

کوز حقنده

خونریز خونخوار قاتل علیل مریض

قاش حقنده

طاق کان کوپری قوس قزح

کرپک حقنده

خنجر اوق مزراق

غمزه حقنده

قصاب خرسز جلاد قاطع طریق حرامی کرزگران

بوی حقننده

سرو سرعر طول امل یردن کوکه قدر اوزون برشی

آغز حقننده

نقطه جوهر فرد موهوم عدم یاننده بر نقطه موش
اومسی قدر بیوک کورینه جک برشی

بل حقننده

قل قرق یارلمش قل خیال

کبی سوزلر سویلمکدن چکنمدیلر.

«شعر» اوصاف وتشبیهات حسنه ومناسبه ایله طبعی برشیئه
میل ایتدیرم جک وحال وجدانی ویا بر موصوفک اوصاف
واحوالی قلبه تنشیط وتأثیر کوسترم جک درجده تصویر ایله
موزون سوز سویلمک ایکن اوسوزلرک هییج برنده بوخاصیت
مشاهده اولنه میور.

قدمانک خوبان حقننده ذکر ایلدکلری اوصاف ایله موصوف
بر شخص ذهنأ تصور اولنسه متصور اوشخصی غول بیابانی
ظنیله متوحش اولور.

لیکن قدمانک او یولده سویلدکلری سوزلر دیوانلرندن
چیقاریلوبده حکمیات و اوصاف وتشبیهات حسنه ومناسبه بی جامع
اولان سوزلری ابقا اولنسه خیالات وتصویرات ولطایف مقبوه
لهجه اولان کمال واقتدارلری اوقویانلری اعجاب ایده جک درجه
ده عالی کورینور.

هله مثنویاتجه کوسه تردکاری اقتدار میدانده ده خاقانینک
 حلیه سی، فضولینک مجنون و لیلای سی، ناینک خیره سی، شیخ غالبک
 حسن و عشقی، یحیی بکک کلشن رازی، ثابته مثنویاتی کبی اثار
 مدوحه جه مقاصدی افاته ائیمه جک درجه ده انتخاب و تعدیل اجرا
 ایدلسه اثار مذکور حقیقه قداممزنک مثنویاتجه اقتدارینه دلیل
 اوله بیلور.

قدمای شعر امزنک حکامیات و تشبیهات و توصیفات مقبوله جه
 اقتدار لرینک نه درجه لرده عالی اولدیغنه بر نمونه اولق اوزره
 بروجه آتی بعض اشعار منتخبه لرینی تبرکاً اشبو مقدمه یه ذیل
 ایدم جکز. شو نمونه بک بیوک بر باغچه دن طویلاشمش بک کوچوک
 بر چیچک دسته سی کبی در.

قدمای شعر امزنک دیوانلرندن منتخب اثار منظومه

{ آلی }

او کلشندن نیجه کلچین امید اوله همت کیم
 کله آندن مشام جان هر دم بوی استغنا

{ بصیری بغدادی }

نه صانعسک که صنعک سنک ایچندن آب ایدر پیدا
 درخت خاردن کلغنجه سیراب ایدر پیدا
 نه کونه مستحیل امر ایسه ایجادک مراد ایتسهک
 کمال حکمتک فی الحال اکا اسباب ایدر پیدا

{ راغب پاشا }

قابل رنك اولميان اولمز پذيراي جلا
اغبرار خاطر اكسير مسرتدر بكا
رهنا لازم دكلدر اولمسون رهزن هان
خضره محتاج اولماق محض هدايتدر بكا

{ رشدی }

هر ورق كوردم كه اولمش سرّ معنيدن سبق
هر بن نخل كل اولدي شمدی بر مکتب بكا

{ روحی بغدادی }

صاقن مزاجكه خوش گلياندن اوله ملول
كه مختلفدر ازلدن طبيعت اشيا
هدايت اولميجق هيچ اولورمی ای روحی
وقوف علت ايجاد خلقت اشيا

{ اوقچی زاده شاهی }

بو آيتك سكا مضمونی رزقه ضامندر
اراد ربك ان يبلغا اشدھا

{ فضولی }

زهی ذاتك نهان واول نهاندن ماسوا پيدا
بحار صنعكه امواج پيدا قعر نا پيدا

کمال حکمتک اظهار قدرت قلمغه ایتمش
غبار تیرمدن آینه کیتی نما پیدا
کهی طیراغه ایلر حکمتک بیک ملقا پنهان
کهی صنغک قیلار طیراقدن بیک مهلقا پیدا

{ فهمیم }

ای وجودک پرتونددر عدیملق بکا
واجب اولدی سایه مهر قدیم اولق بکا
جوهر ذاتکله قائم بر عرضدر لامکان
ممتنعدر حیز علم علیم اولق بکا
هر تجلیدن هیولی ابتدی بیک صورت قبول
چوققیدر آینه طبع سایم اولق بکا

{ نابی { تمجیدندن

تعالی الله زهی دیوان طراز صورت ومعنی
که جسم لطفله روح مآلی ایلمش پیدا
قوروب بر بارگاه صنع لطف وقهردن ممزوج
ویروب اضداده آمیزش قومش نأمن آنک دنیا
ویروب حق صریحک قبض وبسطک، محو واثباتک
عدالتخانه حکمنده ایتمش جمله سن ارضا
زهی ذات الوهیت، مهمساز ربو بیت
که شهرستان صنعنده دکل بر ذره نابرجا
زهی عادل که ایلر چارسوی چار فصلنده

ترازوی دو کفه خدمتق سرما ایلله کرما
 زهی قابض که عالم قبضه حکمنده مضطر در
 زهی باسط که چکمش کائناته سفره نعمما
 شکوه قدرتی بالای ادراکات انسانی
 وجوه حکمتی بیرون حد فهم استیفا
 ترازوی تقابل وضع ایدوب بازار امکانه
 نقیضینه توافقه تخالف ایلمش القا
 تخالف صورتا مانع دکلدر وحدت اصله
 اولور بر شاخدن سرخ و سفید و خار و گل پیدا
 اولور ظاهر طباعه نسبت انجق نفعله ضرری
 اگرچه نفع و ضرری محتوی مجموعه اجزا
 عجب وضع ایلمش بو کارگاه حکمت آمیزی
 که کمتر صنعی درک ایلینجه پیر اولور برنا
 بنای انتظام دین و دنیا یه ایدوب آلت
 زبانه نطق ویرمش گوشه ویرمش قوت اصفا
 هوای روحبخشا اولمیدی جلوه رحمت
 اولوردی خلق عالم یک نفسده جمله ناپیدا
 اگر کیم اسم ستارک مددکار اولمسه لطفی
 ایدردی اقتضا اول قدمده اولمفی رسوا

{ نابی }

اراده ایتسه بر امرک تعلق فتحنه نابی
 اکا اطراف ناممولدن اسباب اولور پیدا

{نجاتی}

قسمت روز از لدر ای نجاتی بيلمش اول
آشنا بيكانه و بيكانه اولمز آشنا

{ندیم}

زهی همت که قویمش نوبهاری صورت قصره
زهی صنعت شباب ایامن ایتش آب وش اجرا
یا بو حوض مصفا قارشو سنده قصر زینانک
طوتار آینه بر محبوب رعنا پیشنه کویا
سراپا فیض حالت زیر وبالا باغ بر بهجت
که اولمش زیری بالاسینه حیران، زیرینه بالا

{شیخ نیازی}

تجلی ایلر اول کاهی جمال وکه جلالتمدن
برینک حاصلی جنت برندن نار اولور پیدا

احمدی

بی بقادر بو مجلس ای احباب
فاتقوا الله یا اولی الالباب

پرتو پاشا

تانی مالمیه اقبال اهل استقامتدر
خطوطک اعوجاجی خامه بی اتعابدندر هپ

{ حامی آمدی }

جنان رسمك دیار بکرده تصویر ایدر مهتاب
کنار دجله‌یی مانندجوی شیرایدر مهتاب
کلاک نقص، نقصانك کالی اولدیفن درپی
لسان حال ایله کاملره تقریر ایدر مهتاب
سواد جرم ایله کسم امیدم نور رحمتدن
حجاب ظامتی بر لحظه تنویر ایدر مهتاب

{ ساهی }

یا درخسارکله بزم سینه کاشندر بوشب
روغن کلدن چراغ دیده روشندر بوشب

فضولی

کلاک قدرت لوح سینه‌مده سنی ایلر رقم
ایلیوب محبوبلر جموعه‌سندن انتخاب

مذاقی

وصال امیدین ایلر دل ره امکان وصلت یوق
نمایان قصر والای تمنا ، نردبان غائب
عجب هامون حیرتدر بیابان محبت کیم
فغان صد جرس پیدا ، وجود کاربان غائب

اسعد مخلص پاشا

قیمت و قدر حیات پدری بلمیانه
بیلدیزر صکره زمانه نه ایمش قیمت اب

زابی

مضاد ایدرسه مسبب بر آدمک کارین
یدتشبثنی جستجو ایدر اسباب

شیخ نیازی

بوخرانی نچهلر چالشدی معمور ایتمه
بریاین تعمیر ایدرکن بریانی اولدی خراب

فاضل بك

دولت ایچون مجاهده جنت ایچون دعا
دکمز بورنج و محنته دنیا و آخرت

لییب آمدی

دست غواصان انصافه کیرر برکون چیقار
بو مثلدرکه سن انسانیت ایت عمانه آت

نابی

ملک ایچنده ملکوتی کوریم دیرسهک اکر
لفظده معنی یه باق، نافهده بویی سیرایت
امتیازک سیمین اصلدن استرسهک اکر
خاکه باق دیدۀ عبرتله سبویی سیرایت

نقطه‌دن دائره‌نك گردشن ایت استقامت
تخمك نه‌منی کور جرمه کدویی سیر ایت

آداب عبودیتی اشجاردن اوکرن
عکسك بیه طاعتور سجاده آب ایت
آینه ادرا ککی پاك ایله سوادن
سلطانمی کلور خانه ناپاکه حجاب ایت

{ نظیف } پدر جامع الحروف

نه کسمیه نشکئی ونه آم وناله ایت
غدار بی مروتنی حقه حواله ایت

والی آمدی

اوکرن لسان عصری، روم زمانه‌یی
باق طبع ناسه وقت مناسب تکلم ایت

عزت ملا

بقای جسمه که بر چاره بول ای دهری غافل
سکا بر لطفی وارمی اولسه کون و مکان حادث

نابی

انکشت کره بسته یأس اولسمی یکدر
ایتمکدن ایسه ذیل لثما تشبث
ترخیص دخول ایت بیجا که صاحب دیوان
بی فائده در وعده دربان تشبث

عفت

ای ایدن پروردگارک برّ و اجسانک امید
بر شکسته سینهدن رفع مالل ایتدکی هیچ

بصیری

مقلدی براقیرشکه اختلاف ذوات
ایدر سفینه بی اغراق کثرت ملاح

ترهت

گاهی حصول کاره تلون معین اولور
نقشه اولور مدار سفید و سیاه و سرخ

بلیغ

دکدر جلوه گاه ماسوا مجردل عارف
دروندن ایدر هر جیفه بی دریای عمان رد

سروری

عاشقه گرم ستم اولمش، رقیبه نرم او یار
آتش پنبه یله الفت ایتدیروب خو قویش آد

شیخ غالب دده

نوردن تصویر قیامش بر بلا فیاض کلّ
اول بلایه جان و یروب یار ستم خو قویش آد

نابی

جسم من روح و صدفدن در، شجر دن میوه در
صائمك ای ظاهر پرستان لفظی معنادن مراد

والی آمدی

معلوم اولور مشقت ایله قدری دولتك
اولمز حصول كام جهان بی تعب لذین

آگاه

نهفته در آب پر خنده سنده میوه وصل
شكوفه نخل امیده ثمر علامتیدر

پاك كوهی بد کهر دن داغما ممتاز اولور
لعل ویا قوتك یاننده کهر بایه کیم باقار

کورن دیر روی آشتابی مائی لباس ایچره
نمایان معدن فیروزه ده لعل بدخشاندر

اسعد بغدادی

صحن کاشنده شکر خند اولدیفی بیجا دکل
غنچه ده بسته ده لعلك تبسم اوکره در

باقی

عبرت کوزیله برك درختان سبز به باق
هشیار اولانه هر ورقی بر جریده در

جوری

زهره سکر، خارہ کل، جو رہ و فاول دائماً
عالم فانیدہ رسم زندگانی بویلدہر

جہادی جد جامع الحروف

تحصیل کالانہ ایدن عارفی تحریر
انظار مسروتلہ اولان لطف و عطادر

حاذق ارضرومی

تشکی ایلمہ تقصانی ارزاقدن زیرا
تعرض میزبانہ نان ایچون چوق بی خیالقدر
رضا کو سترمہ مک احکام دولتیخانہ دہرہ
مجرد خانہ غیرہ فضولی کتبخانہقدر

حامی آمدی

بیاور جلال حق خیام چرخ کورن
کہ شہریارک اولور قدری بارکاهی قدر

میز قول ذی الوجہینہ بسدر مشرب قائل
اکرم داح اولور سہ مدحدر ذما بدر ذمدر

اہل دل آرام ایدر ہر قندہ کیم رغبتلنور
کاہ اولور ضربت وطن، کاهی وطن غربتلنور

ریشه غمدن تماشای ایله زار باب دل
 خامه مو ویدار اولدقجه جمعیتانور
 پاك طینت کوشه غریبده خور اولسونمی هیج
 کوهراغوش صدفدن دور اولور قیمتانور

کوکل شفا و مرض کیمدن اولدیفین بیلیمش
 نه هندبا طب ایلر، تهرازیانه آزار

عارف حکمت بك

مسلم اولسه دخی دست اختیاره فعال
 ینه موافق حکم قضا صدور ایلر

جبر اولیبوب اراده جزئیة اولسه ده
 کیم فعانی مخالف حکم قضا ایدر

خیالی

جهان آرا جهان ایچنده در آرای بیلمز لر
 اوماهیلرکه دریا ایچره در دریای بیلمز لر

راشد

حسد قاب عدو لطف ایله زائل اولماز
 سنسکده مضمور اولان آتسه آب ایتمز اثر

راغب پاشا

بوفروعات تخالف که شئوناتکدر
اصله عودتده بوغوغا بوکشا کش باصیلور

ایلمز ایراث حسن آرایشی بد طینتک
زینت اولمز مارم اندامنده کی نقش و نکار
سوسوسوق ایلیان هپ سائق تقدیردر
کیمسننک دستنده یوق راغب زمام اختیار

لال اولورالت زبان حامه پیچیده مو
قلجه غمدن طبع ارباب سیخن علتلنور
کاشه فغفورلبریز اولسهده ویرمن صدا
ثروت افزایش بولنجه اغنیا خستلنور

حسنی بالاتر ایدر جامه دوشنجه چسبان
نوعروس سخنه رونقی تعبیر ویریر

امتیاز ثابت وسیاری مشکلدردخیال
ظن ایدرکشتی نشینان ساحل دریا یورور

بویله در راغب مکافات عمل کیم فی المثل
صورسلر مغدورینی غدار کندن کوستیر

میان گفتگو ده بدوشش ایهام ایدر قبحن
شجاعت عرض ایدر کن مرد قبطی سرقتن سویلر

رحمی قریمی

آبستن صفا و کدر در ایال هپ
کون طوغمدن مشیمه شبدن نه لر طوغار

روحي بغدادی

خاك اول كه خدا مرتبه کی ایلده عالی
ناج سر عالمدر اوکیم خاك قدمدر

جهدايله همان غیرالنه باقیه کورکیم
بندن نه سکا فائده سندن نه بکا وار

بالدن کچ چکیم دیرسهك مکسلردن بلا
یعنی نوش دهره آلامه بونوشك نیشی وار

ایسم اول کیم نیک و بد بیهوده خلق اولمش دکل
هر بریله چرخ دانش برورک برایشی وار

اسیر جام اولان زنده حقارتله نظر قیلمه
که هر رند بلا کش کندی وادیسنده بر جمدن

ریاضی

برقرار اوزره دکلدر کردش دولاب چرخ
بونی خاک ذاته ایندرسه آنی قالدیزیر

سامی

اتصاف ایلسه اخلاق حمیده یله کشی
ایدرا فعالته بی شبهه توافق تقدیر

روزن خانه بی سر ماده کشاد اتمکدر
سردی بزم ادب خنده بیجادندر

درویش شناسی

درونی آشنا اول طشمره دن بینکانه صانسونلر
بو بر زیبا روشدر عاقل اول دیوانه صانسونلر

عاصم . چایی زاده

بهره دار اولور نعمدن زینتی ترک ایلان
نخل اولنجه بی شکوفه بار کنندن کوستیر
قابلیتدر حصول مطلبک سرمایه سی
الده استعداد اولنجه کار کنندن کوستیر

عزت ملا

رنک وحدت ذاته بالذات مخصوص اولسه
روی دنیاده اولوردی هر کسک سیما سی بر

{ عزمی آمدی }

کرچه اسباب ایله هر کس واصل مقصود اولور
نرده کوردک بی سبب بر سبب موجود اولور

{ عطایی }

سوزه باشلارسه تبسم ایله اول غنچه دهن
درج یاقونک ایچندن در وکوهی دوکیلور

{ عونى آمدی }

مردۀ هجرک زیارت ایتسه اول روح روان
مرقد ایچره خاک اولان عظم ریمه جان کلور

{ عینی }

توأم اولمش سورینه قبه جهانک ماتی
دخترین تزویج ایدن مادر هم آغلار، هم کولر

{ فضولی }

کمال حسن شرب عاری اولمقدن عمرضندن
ریا اهلینه هم چوق اعتراض ایتمک ریادندر

{ کامی قرامانی }

کله کوش ایتدیره مز یوق یرم بابل ایکلر
ورق مهر و وفایی کیم اوقور کیم دیکلر

سواد ممکنات آثار صنعی بی سخن سویلر
کتاب کائنات اسرار حق بی دهن سویلر
سنگ کوشکده استعداد یوق ادراکنه یوقسه
لب جوده کمال صنعی هر برک چمن سویلر

اوله ای طبع حریص انبان کشای اضطراب
کار و بازی آسیاب عالمک نوبتله در

دشمن مغرورک اوله سطوتندن ترسناک
پشه ویران ساز مغز نخوت نمروود اولور

{ نجاتی }

ذره آسا بن مذلت طپراغنده پامال
کون کی دلبر سپهر کبریا اوستنده در

{ ندیم }

ایشتم در صدف پیراهن چاک ایلیوب چیقش
مکر اول دلبر سیمین بدن دریاه کیره شدر

ترهت

برقطره آبه دوشسه ایدر کسب دائره
هر نقطه مستعد قبول کمال اولور

خداوه قصد لطفی اولنجبه اکا برک
تحسین خدمت ایلدیکي بر بهانه در

خاطر مکدر اولسه عملدن قالور حواس
بیمار اهل خانه به البت ملل ویریر

عرض ایتمه بی ملاحظه خلقه کلاوی
ناخفته اجتنای اولنان بار سخت اولور
کیمز قلوب قاسیه دن نقش انفعال
سنگ اوزره مرسم اولان آثار سخت اولور

یهوده اضطرابی قو لوح جبینک
ایلر نه یازدی ایسه قضا و قدر ظهور

نظامی

دیشلرک کیم لب لعلک آره سندن کورینور
بکزم اول ژاله به کیم لاله همرايه دوشور

{ نظام }

طاعت حقندن دلی غفلتدر آگاه ایمان
رهروی آلیقویان منزلدن اکثر خواب اولور

{ نفی { ادرنه وصفنده

جو یلرمی دور آیدن طرف چنزارین یاخود
مائی پرواز ایله قطع اولمش یشیل خارا میدر

سبز و خرّم بر فضامی هر کنار جویبار
یا میان جوده عکس کنبد خضر امیدر

لطفله که بر کولر یوز کوستیر کیم مرده دن
نوش داروی شکر خند لبندن جان بولور
خشمه که بر نگاه ایلر که تأثیرنده جان
نیش زهر آلود زخم خنجر و پیکان بولور

والی آمدی

ینه عکس رخ دل پرتابه دوشمشدر
صانورسک پرتو مهدر که روی آبه دوشمشدر
دوکلش عارضک اوستنده کیسولر میدر یوقسه
بنفشه سایه سیدر پرتو مهتابه دوشمشدر

نعمه خوان عالم سرتسر آراسته اما
تناول ایلوب ذوق آله حق سنده دهن یوقدر

خواجه وحیی

بهانه جوی وصات اولایغ یاره طویور مشلر
نفاق ایت مشلر اما معنوی همت بیور مشلر

سنبازاده وهی

بیوده نیچون شکوه ایدرسک که فلکدن
سن کیی او سرکشته ده محکوم قضادر

خلاق جهان قولغه شایسته در انجق
کنند کبی بر شخصه تبصص نه بالادر

{ ولسی }

تخاله لرکه زیر لبکده دمیده در
شول ژاله درکه غنجه تر دن چکیده در
خوان و صالی ایجره لب لعل دلربا
پالوده درکه سکر ایله پروریده در

{ شیخ الاسلام یحیی افندی }

رهگذار یاردن جمع ایلسونلر لطف ایدوب
اوستمه یحیی اودم کیم طپراغم یاران آتار

{ ابن کمال }

التون ایله میزاند بر کلسه دخی سنک
ثقلنده بر اولمق ایله قیمته بر اولمز

{ حامی آمدی }

ایکی بهیارمک بر دلدۀ عشقی دلنشین اولمز
مسلمدرکه بر کوزده ایکی مردم مکین اولمز
بکا هیج نفس امارم کبی سوء قرین اولمز
او دزد کینه خونک کیمسه مکرندن امین اولمز
صدف آسا قبول فیضه استعداد لازمدر
که هر موضعه نیشان قطره سی در ثمین اولمز

{ راشد }

خاکساری هنر پیشه بی ذلت صانعه
برتو مهر یره دوشیده پامال اولمز

{ راغب پاشا }

فیضی یوقدر نه قدر اولسه ده زیبا تقلید
کلبن باغ مصور کل بويا ویرمن

{ رامی پاشا }

بز اول عاشق لرز کیم داغمز مرهم قبول ایتمز
او کاز ارك که آتشدر کالی شبنم قبول ایتمز

{ رحیمی قریمی }

رشک حاسد خاطر دانایی غمکین ایلمز
صورت بد جبهه مرآتیی پرچین ایلمز
ترش رویان حسد احسان ایله اولمز بشوش
تاخی زهری مزاج قند شیرین ایلمز

جفای زخم چرخ چکیمیان شهرتله کام آلمز
عقیق صاف کوهی شرحدار اولمز سه نام آلمز

{ رشدی }

چاره یوق چالسه ک اگر باشکی طاشدن طاشه
سرنوشت ازلی قابل تغییر اولمز

{ رفیع }

حجاب ایتمه نه وار افتادکانه روی دل کوستر
جهانده ذره پرورلک شرفدر مهره عار اولمز

{ طالب }

چشم انصاف قدر کامله میزان اولمز

کشی تقصاتی بیلیمک قدر عرفان اولمز

{ عالی }

عنایت هر کیمه یوز طوتسه عصیانی حجاب اولمز
کونش طوغدقدقه زیرا پرده ظلمت اولمز

{ عزت ملا }

بیلیمز قیمتی روشندلانک وقت فیضنده
کونش تا بآمدقه ظلمت لیل آشکار اولمز

{ غازی فاضل }

باصدق ینه کافرلری لطف ایتدی خدامن
خار اولدی عدونک کوزینه تیر غرامن
تأییده نزول ایتدی بتون کوکده کی ارواح
امداده قیام ایلدی یردن شهدامن

{ فضولی }

جیفه دنیا دکل کر کس کبی مطلوبمز
بر بلوک عنقالرز قاف قناعت بکلرز

هر کیمک وار ایسه ذاتنده شرارت کفری
اصطلاحات علوم ایله مسلمان اولمز
کر قاره طاشی قزل قان ایله رنگین ایتسهک
رنگی تغیر اولنور لعل بدخشان اولمز
ایلسهک طوطی به تعلیم ادای کلمات
سوزی انسان اولور اما اوزی انسان اولمز

{ فطنت خانم }

ایدوب صرف آب رویك، اومه لطف اهل دنائتدن
نه دكلو آب ویرسهك نخل خشكه میوه دار اولمز :

غم واندوه دوران صاف طبعانه كدر ویرمن
یوزی چركین اولان آیندیه باقسه ضرر ویرمن

{ نابی }

ایدن هپ رنك وبوی باطنیدر جلوه ظاهرده
انكچون قشیری هر ساده درختك دارچین اولمز
سزای نام انسانی قلوب پاك كوهردر
بیابانده اولان هر سنك بی قیمت نكین اولمز
جهان عكس مرایا اولدیغن فهم ایلان عارف
زوالندن ظلال عالمك اندوهكین اولمز

لطفله حاسد بدخواهه ندامت كلز
تلخ اولان میومه سكرله حلاوت كلز

دكلدر حسن مادرزاد محتاج زر وزیرور
تكلف حسنهده رهیاب اولورسه دلپسند اولمز

{ نجاتی }

هر ابراهیم عزت کعبه سنده
خایل الله یاخود ادهم اولمز

{ نزهت }

عیار ذاتی مردم زاده‌نک اصلاً نهان اولمز
 زر مسکون محتاج محک امتحان اولمز

{ نورس }

ایدرز معصیتی لطف اومارز مولادن
 بز بو مختکده خار اکرز کل بیجوز

{ نیلی }

بعید اولمق کبی ارباب شهرتدن کمال اولمز
 که نزدیک اولمدیقه آفتابه مه هلال اولمز

{ والی آمدی }

قریبت کل بلبلده خارنده قالمز
 هنکام طرب مستهده هشیارهده قالمز
 البته اولور یازده جیش زمستان
 بورونق و فرباغهده ازهاردهده قالمز

{ سنبلزاده وهبی }

ایدن هرکاری میزان انصاف ایله سنبلده
 بو بازار فاده سود کورمنسه زیان چکمز
 کمال اربابی کسر قدر ایله بی اعتبار اولمز
 زر خالص شکسته اولسهده اقص عیار اولمز
 اولور آفاقه روشن عیب مرد کامل البته
 که ماه ناتمام اوزره کلف پک آشکار اولمز

باقوب نقش نکیته شویله فهم ایتم که عالمده
دروون شرحه شرحه ایتمیانلر نامدار اولمز

{ باقی }

دور الندن باقیا غم چکمه عالم بویله در
کل اسیر خار و خس، بابل گرفتار قفس

{ فضولی }

طعنه اهل ملامتدن نه مانع عاشقه
برق لامع دفعن ایلمی هجوم خار و خس

{ آکاه }

بلبلاری ده، کللری ده، خاری ده خود بین
سیر ایت بوجهان باغی تماشایه دگرمش

{ خیالی }

بلایه مرد اولانلر صبر ایدر، نامرد صبر ایتمز
تمام اولسه عیاری ایتمز التونه زیان آتش

{ راغب پاشا }

دکل تدبیر ایله برکیمسه قادر محو اثباته
سطور نسخه تقدیرم کیمدر خامه اویدرمش

{ رخشانی }

قزارمش ترله یوب رخسارک ای مه تاب کوسترمش
خلیل آسا جمالک آتش ایچره آب کوسترمش

عزت ملا

بيك شيوه سي واردر بوزليخاي جهانك
اي يوسف حسن ايلمه زنداني فراموش

فضولی

دهر اچينده برصنق ديوار كورسك اويله بيل
بر سايمان مايكيدر كيم چرخ ويران ايلمش

فهم

روح ويرمش ايكي ياقوته حكيم مقتدر
حسنك اچره وضع ايدوب لعل سخكودر ديمش

ليپ آمدي

او شوخك ساعد نرمنده كهنه داغ زنيكي
كل تصويردر كيم شال كشمير اچره كوسترمش

نائلي

سه روزه دولت واقبال چرخه اوله دلبسته
بوهر وفق مثلدن نجه بازويه باغلامش
صارلمش يانه دل عارضك كل كل كوروب ميدن
كياه رسته در كلدسته خوشبويه باغلامش

نجاني

نيلسون كلزاري عاشق اولمينجه كلعذار
بوستان جفته صورت ورن ديدار ايمش

نزهت

ملایم طینتاتک زائل اولمز بر زمان غیظی
 قالور خاکستر ایچره اولسه مخفی چوق زمان آتش
 تعدّیده تمّالک بر طر فدر تیز طبعانه
 نه بولسه مائل احراق اولور بی اختیار آتش

{نظیف} پدر جامع الحروف

دیر سیر ایدن اول روی عرفنا کنی یارک
 برک کلی کویا که نسیم آبه دوشورمش

نظم

او کیم درج لب اعلی کده درّتاب کوسترمش
 نه ساحر در شررده قطره قطره آب کوسترمش
 جمالک چشم ترده مانی عشق ایلوب تصویر
 درون آبد خورشید عالمتاب کوسترمش
 جمال باکالی ایلمش هر ذرّده جولان
 خدا هر ذرّده بر مهر عالمتاب کوسترمش

دل که درد عشقی جاننده پنهان ایلمش
 صنع حق اول کوهری کاننده پنهان ایلمش

دهان نازکی کلزار عشوه غنچه سیدر
 که برکی معجز حسنیله شعله دن بتمش

نورس

ایلیوب تجربه اشیایی بویتی صکره
ایتمش آویخته لوح فلکه بر درویش
چوپ بر آب فرو می نبرد حکمت چیست
شرم دارد ز فرو بردن پرورده خویش

نزهت

مختلف اولسه نوله لذت وصل خوبان
اولای هر میویه بر کونه خلوت مخصوص

فضولی

قیل صبا کوکلم پریشان اولدیغن جانانه عرض
صورت حالن بو ویران ملک ایت سلطانہ عرض
تندہ جانم بر پرینکدر امانت صاقلارم
اول زماندن کیم امانت ایتدیلر سلطانہ عرض

نابی

عقلک وار ایسه اصل کانکیرینی فهم ایت
نه ناوکنه ایله نه پیکانه تعرض

جوهر اصلی ذاتیدر حقیقتدن مراد
صائمه انساندن فقط شکل و شمائلدر عرض
ایتمه دن وضع کتاب حکمت آمیز وجود
اکتساب علم و تحصیل مسائلدر عرض

تزهت

افتاده لرك خاطرى مأمون كدر در
دزد ايله من خانه ويرانه تعرض

نظيم

آفرينشدين سنك ذات شريفكدر مراد
كله دن شهر وجوده جستجو يكدر غرض

عاشق پرستش ايلر ايكن حسن و آننه
اول طفل نازيده دكلدى نماز فرض

بليغ

خلعت جاهى بولور قامت استعدادك
جامه بي هپ بيچر اندامه مناسب خياط

راشد

اختلاف كائناتى حكمته حمل ايله هپ
يوقسه تقدير ايلمز برامرده حاشا غلط

نابى

سعى ايله نقش حكمتك ادراكه صانعك
بى صنع حق مشاهدۀ ماسوا غلط

راشد

تكاپوسنر كلان نعمتمده واردر لذت ديكر
نه دكلو منع اولسه آدم ايلر ارماندن حفظ

فضولی

در جدر لعل روانچشك، در شهوار لفظ
در جدن درلر دوكر سك ايلسهك اظهار لفظ

واصف

سيمكاران عجمي ايمسه روشكهردن حظ
ايدرمي دزد شبرو روشنايي قردن حظ

سمنبازاده وهبي

كلام حقى هر كيمدن ايشتهسهك استماع ايت كيم
بوزلمز معني قرآن اولورسه بد صدا حافظ

فضولی

چكديكم دنيا وعقبادن سنكچون اولدي فاش
طوغري ديرلر كل سر جاواز الاثنين شاع
جان ودل برعمر در تيفكچون ايلرلر نزاع
كيرمدن تيفك سنك اورتايه فصل اولمز نزاع

راغب پاشا

تابش فكر رخيله اول مهك شب تا بسجر
كلبه شوقده روشن روغن كلدن چراغ

سامی

روشن دلان بر بزينه فيض بخش اولور
آينه بولدي الفت سيما بدن فروغ

نزهت

داغلردر دلدہ کی عشقی نمایان ایلین
خانہ دن معلوم اولور می اولسه روزن چراغ

راغب پاشا

عالمده هر کس ایلر خود بنخود دعوا ی زور
مرد میدان هنر معلوم اولور روز مصاف

آکاه

آغوشه چکر کاهر با کاهی کورنجه
معشوقی بولمش اوده سیماسنه لایق

آلی

نار غم، نور صفا هپ بر چراغک پرتوی
چشم عرفان ایله باقسه ک آزوده بیگانه یوق

بلیغ

ال اوزاندک کله کستاخانه
بلبلک خاطری یوق می عاشق

جوانی

غنجه به درج لب لعلک نصل بکزر سنک
غنجه نک زیراکه دندانک کبی لؤلوسی یوق

خیالی

ایستر ایسه ک آلفه حکمت کتابندن سبق
خامه قدرت نه یازمش صفحه آثاره باق

جسم ترکیب غباریدر سن آندن فارغ اول
روح پاک اول، عالم تجریده کل، اسراره باق

طیار پاشا

ای قیلان هر دم شکایت کردش ایامدن
کیمسه نك دوندر مکه کوکلیجه بر تدیری یوق

فضولی

تماشای جمالندن نظر اهلینی منع ایتمه
نه سود اول خوب یوزدن کیم نظر قیلمز اکا عاشق

دور سرمست خراب غفلت ایتمش عالمی
بونجه سرمستك تماشاسینه برهشیار یوق

کمال پاشای قدیم

دیمه عشق ایچره بکا کیم ایده ارشاد طریق
سن همان دوش یوله الله ولی التوفیق

لیبب آمدی

صرف ایلمه نقد دلی هر ساده قاشه
قیمت ویریاور هر کسه کالاسنه لایق

نابی

هنر بر خاطر ویرانی تعمیر ایتمه در یوقسه
دکلدر آدمیت نقش پرداز رواق اولمق

ذاتکده فرومایه لیک خلق بیلورکن
بی فائده در رفعت ایله محتشم اولمق

نغیم. تذکره جی

تعمیر کعبه هدم صنمخانه ایش دکل
آج دیده بصیرتی قلب حزینه باق

والی آمدی

چوق جوړه تحمل ایده من خاطر رنجور
سله اوریلور هر کسه سیاستنه لایق

حصول کام ایسه مقصودک ایلمه تعجیل
ایشک نتیجه سنه، وقتک اقتضاسنه باق

اسحق

تخمیر ایدنجه طینتک استاد لم یزل
ایتمش فروغ نور ایله پرورده کردنک

اسعد بغدادی

کولرکن طاتلی طاتلی کل کبی بیلمم نیچون بویله
شکر خند دهانک چاشنی سنج عتاب ایتدک

باقی

جمله تدبیر پس پرده ده استادکدر
اختیاریمی صانورسک حرکاتن صورتک

پرتو

یا مشربی، یا مطلبی، یا ثقاتی وارد
هر بزمه کلان کیمسیه ای اجبایی صاندک

حامی آمدی

نادانه بار پیاده در جسم بی شعور
دنیا به صانکه سویلدیلر وار جنازه چک

رضایی

میان هاله ده سیر ایلدک بر ماء تابانی
باقارکن دلربایی روزن کاشانه دن کوردک

مسامی

بی وجودان ایله الفت سبب رفعتدر
برایکی نقطه ایدر رتبه سن افزون رفق
صحت بی ادبان گوشه خراش دلدرد
پرده سبز سازده هیچ لطفی اولور می نغمک

نهدر سودی بوبازار فناده جلب اموالک
غنا ویرمز متاع مستعاری دوش دلالک
تحمل محنته سرمایه امر معیشتدر
اولور نفی فزون باری کران اولدقچه حمالک

عاصم. چلبی زاده

مه نوبدر اولور اما کلف کیتمز عذارندن
اولور بروج ایلله عیبی نمایان اهل نقصانک

فضولی

تیز چکمزسک جفا تیغک بنی اولدر مک
اولدورور آخر بنی برکون بواهاک سنک

چوق عجبدر لعله کویالق نه معجزدر بوکیم
ایلر اظهار سخن لعل در افشانک سنک

بیلمدم بهبودمی جورکدن ایتدم اجتناب
تلخ شربتلدن اکراه ایلیان بیمار تک
خاطرک شاد ایلدک اهل وفا کوکلن ییقوب
بر عمارت یانغنه بیک او ییقان معمار تک

وار امیدم کیم کوروب جولانکی اولسهم هلاک
کرد باد نعل پایک اورته جسمم اوزره خاک
اولدیکم منزله دقتم قلمغه صاناک که حد
یر کوروب غریبته احوالم کریبان ایتدی چاک
جورینک معتادی یم بیلمم نه در مهر و وفا
بیلمسه مهر و وفا رسمن جفا کارم نه باک
آه بیلمم نیلیم جانمده راحت قلمدی
کوزلرم نمناک وسینه چاک، کوکلم دردناک
غیر نقشک محو قلمشدر فضولی سینه دن
ماله فی اللهی مطلوب ومقصود سواک

{افضولی}

قراویدر توتون تڭ روز کارم اول زماندنیکیم
 تم خاشاکنه اودلر اورویدر برق هجرانک
 ایشمدن سایه تڭ یردن یرم یوز اورمق اول کوندن
 که باشمدن کیدویدر سایه قده خرامانک

دون که فرصت دوشدی خاک درکهندن کام آلهم
 نولدک ای کوز یاشی کوز آچماغه فرصت ویرمدک
 کوز یوموب عالمدن استردم آچدم رخساریکه
 جانم آلدک کوز یوموب آچنبجه رخصت ویرمدک

{فطنت خانم}

بیلمدم ذوق وصالک چکمینجه فرقتک
 اولمینجه خسته قدرین بیلمز آدم صحتک

خاکساری مایه رفعت اولور روشن دله
 آرتیرر کرد یتیمی قیمتق انجولرک

صاقن تلخ ایلمه وضع نمکله کیمسه نڭ عیاشن
 نوال سفره بزم جهانده لذت استرسه نڭ

{الیب آمدی}

قتیل افروز بزم مقدمه کدر داغلر دله
 بیورای شهریار ملک دل سیر ایت چراغاک

{ نائلی }

مهر عصمتدن بیله عار ایلر اولسه ژاله پاش
اول حیا کلبه کنک پاکئی دامنن کورک

{ نابی }

کلو کیر سلامتدر تردد حکم تقدیره
حکیمک شربت ناخوشکوارین بی، جابا چک

اظهار جنبش ایتمز ایدی پرده خیال
معناسی اولسه ییدی وراسنده صورتک

صدد معناده یوقسه ساده نظمه کیم ایدر رغبت
نهر بیروح نفعی مرغ تصویره پر و بالک
جهانک زحمتی ارباب حرصه عین راحتدر
دکل آسوده باره کیرمینجه پشتی همالک

بیله ییلر ظاهر ایله باطنک آمیز شنی
رنکنی رنک امانده کورنلر مانک

ایلر شکسته بال و پرین غیرت خدا
نابی جناح غیر ایله پرواز ایدنلرک

زعم پندار جبلیسنی تا کید ایدرز
سفها قسمنه اظهار مدارات ایتسهک

{ندیم}

نرم تن دلبر لرك آزارى ده شیرین اولور
لذتن تلخ ایلمز چین جبین پالوده نك
نازی رسم ایتمشده بر قوارمه ایتمشدر خیال
ایتمه اوصودر آتامش قامتك اولمش سنك

{نزهت}

میل ایتمه تندخولق ایله سمت رفعته
اولمز ثباتی جوّ هوا ده شرار نك

{نورس قدیم}

موج خطر دن اولمدی آسایشه مدار
نا یانه اوطور مشیدم نا خدالرك

{سید و هی}

دوستی زار و حزین، دشمنی شادان ایلر
صبر قیل ایلمه بر کیسه به اظهار الملک
بخشش ناممحل جوددن اولمز معدود
صفر معکوس ایله آرتارمی حسابی رفق

{ولسی}

بزم اقبالنی تار ایلمسون دیرسه فلک
کشی یاقدینی چراغ اوستنه پیروانه کرك

{ابن کمال}

نا اهل اولور معارض اهل

هر احمد بولنور ابو جهل

{اسماعيل حق افندی}

نيلرسهك ايله الده ايكن فرصى قوه

الدهر لايساعد يوماً على الوصول

{فضولى}

اولسه استعداد عارف قابل ادراك وحى

امر حق ارساله هر ذر مدر بر جبرئيل

هر كسك تقدير دن مقصودى اوز قدر نجه در

اهل عشق استر زلال وصى، زاهد سلسيل

{فهم}

كورينور آبد نيلوفر خورشيد كى

قوسهك اول سينه آينه مثال اوستنه كل

{نابى}

تخم اولينجه خاك نشين بولمز ارتفاع

اولماز جهانده كيمسه عزيز اولدن ذليل

{نظمى}

لبرك وقت تبسمده تماشا ايله

نجه زيبا يراشور عقد لال اوستنه كل

{نفعى}

عقله مغرور اوله افلاطون وقت اولسهك اكر

بر اديب كاملى كورد كده طفل مكتب اول

{بلوغ}

مشام تله دکل هر ایش اهلنه یاقشور
قدح اولور می مجالسده شیشه حجام

{راغب پاشا}

اهل تقلیده مفید اولمز اگر اولسده فیض
کل تصویره طراوت نیجه ویرسون شبنم

{طیار پاشا}

اولدی اوله جق اولیه جق اولدی اصلا
علامه نیچون یوق یرده سعی وحذر ایتدم

{ظهور}

بر کیزی معما او قومشدی بکا غنچه
تا که دهک کوردیم آنی یاد ایده کلام

{اعاصم چلبی زاده}

قبل فیضه کر مکار ایلم احسان تمام
مهر ایلم ماه نوین البته نقصان تمام

{افضولی}

وهر ایلوب تا صامسون اول ماهه مهرین هیچ کیم
کیمه یقسم جور وظایمندن اکا داد ایلم

بیلمشم بولم وصالک لیک بو امید ایله
گاه گاه اوز خاطر ناشاد می شاد ایلم

چاره اولدم اهل شیرینکدن اشک تلخه

تاخ کفتارکله آلدک جان شیرینم بنم
جانه میلک وار ایسه حکم ایله تسلیم ایایم
شاه سنسک، بن سنک بر بنده فرمانکم

{قوسی تبریزی}

کیمسعدن بن کوکک تک تعمیرین امید ایلمم
بن بو ویران اولمشی ازبسکه ویران کورمشم

{اسعد مخلص پاشا}

زر کبی ارباب' جاه اولسهیدی محتاج محک
بیلنوردی لایق سرکار کیم عیار کیم

{بابی بر قصیده سندن}

کیمدر اول کیم می منصبله اوله شیرینکام
اکا خمیازه عزل اولیه آخر انجام
بزم اقبالده سرمست اولانک حالی بودر
کاه پیمانه چکر کاه خمار آلام

کلهلی دهه نه مسموع ونه منظور اولدی
جلوه شاهد کام اولدینی بروفق مرام
کرچه کیم کشور ویرانه قلبمده بنم
عزل ونصب ایلمز اجرای رسوم احکام
ایک کم فرصتی بده نشاندن فریاد

که ویرر وضعلری سردی دیدن پیغام
قانی کندی قولکم دیو یرستشایر ایدن
ایلمز یولده مصادف اولیجق رد سلام

قانی اول ترك ادب دیو قعود ایلیمیان
 ایلیمز شمدی مجالسده بولدجقه قیام
 قانی که ردجقه کان وش خم ایدن قامتی
 زخم آچار قیر صفت شمدی صدور ایتسه کلام
 کوهر گوش قبول ایلین ادنا سیخنک
 شمدی ایلر سیخن سرد ایله قصد الزام
 میم وش پای اوزادوب پاکبی پشت اوزره یاتور
 ایلین عزت ایچون دال صفت قدنی لام
 نعمت جاها ایدن دستنی سرپوش دعا
 صکره ایلر دهنن کاسه زهر دشنام
 نردبانلرده بغل کیرلکه سرعت ایدن
 نردبان اوزره ایدر سبقت شمدی اقدام
 انفصال ایتکه آماده کروه اتباع
 عتق سوداسنه دلبسته جوارى و غلام
 کیتدی مصرف کبی (آمدش) حاجتمندان
 خانه دن پانی ایراد کبی چکدی انام
 ماحصل طرفه پریشانلق ایمش حالت عزل
 طوتمسون کیمسه لک دزکه نصبنده مقام
 {نابی دیگر بر قصیده سندن}

ایتدی امر اهلنه تسلیم اماناتی خدا
 نه اولور امر الهی دخی بوندن احکم
 کشور وسلطنت اللهمک امانت لیدر
 کافل امر کرک اوله دیاننده علم

علم ايله عقل ايله در مصاحت دولت و دين
 كور نه بيوردي حديثده رسول اكرم
 «قنفي سلطانہ مراد ايتسه خدا خير ويرر
 اكا بر عقل ايله موصوف وزير اعلم»
 باق سليمان كبي پيغمبر عاليشاك
 دولتي اولمشيدي آصف ايله مستحكم
 حضرت موسيٰ عمران كبي عاليجاهك
 اميرينه اولمشيدي حضرت هارون منظم

{ نابی غزلیاتندن }

نسخه نقص و كمال اولديغني بو عالم
 كوستور جرم قمرده كورينن بيش ايله كم
 ينه هم جنس چكر بر برينك غيرتي
 زنجم مقراضه اورر سوزن انكچون مرهم
 پسته محتاجدر البته بلندان جهان
 تشنه در آب چه زمزمه قنديل حرم
 مجازاتنده خوب وزشتك اتمز ذره چه تقصير
 عجب صورتماي عدلدر آينه عالم
 كيمي وارسته درد اكلامسه بزم عالمده
 آني بندن بتر دلريشتر، اندوهكين بولدم

{الحیفی}

کوز کوردی کوکل سودی سنی ای یوزی ماهم
قربانک اولهم وارمی بنم بونده کناهم

{نفعی} بر قصیده سندن

سخن اولدرکه بلا واسطه طبع سلیم
اوله مقبول دل نادره سنجان فهم
عقد کوهر کبی منظوم اوله طبعه وارد
چکمه ناظم اولان زحمت قید تنظیم
سملک تسبیح در عارف بالله کبی
اوله پر کوهر اسرار خداوند علیم
کیم او قورسه ایده فیض نفسی دنیاه
نشر آثار دم نطق مسیحا وکلم
بویله بر مجزه پرداز محل کویه سزا
اولسه کر مجلس عرفان الهیده ندیم
سوزمیدر اول که چپ وارست دوشوب مضمونی
نیجه معنای درستن بوزه یر لفظ سقیم
چکه مضمونی فهم ایتمده بر نکته شناس
نه قدر دقت ایدرسه او قدر رنج الیم
کندی فهم ایتمده بیک فکر ایله بر نکته سنی
نطقی عاجز قاله یازانه ایدنیجه تفهیم
{نورس}

ویرمین صورت ادباره سجود
ایده من خلقه توجهده قیام

طوتمسه ارقه سنی محرابه
خلفك اقبالنی كورمزدی امام

{واصف}

برك كل ترله دهنكدن تری سیلدم
بركایکلی دلبند ایله ورد تری سیلدم
افتاده هجر ك اوله لی ای بت بیداد
ویردم نه قرار آهه نه چشم تری سیلدم
سنبده ستم وجوری اونوت بعدازین ای شوخ
بن لوح ضمیرمده اولان ضمیری سیلدم

چونكه دو كمرسك نم اشكك بنمچون سودیکم
باری قو ویر حالمه کندیغه کندم اغلایم

{آگاه}

فلکده بی تکلف کوکب اقبال انکدر کیم
چیتقه هر صبیح دم بر مهر تابان جامه خوابندن

شو دکلو اولشم آینه وش لبریز حیرتکیم
سن آغوشمده مست جلوه سك بن بی خبر سندن

هر کسك باغ جهان ایچنده بردلخواهی وار
کلدن افزون حفظ ایدر شمعور برک تا کدن

نچه عصمت ایدی انجق کریبان کیر اولان
یوقسه یوسف صانمه بیلمزدی زلیخا قیمتن

{آلی}

شاهبازم اوج استغنا ایدی جولانکھک
شمدی بر زاغ سیهکاره شکار اولوق نهدن

هپ سوال ایتدم غرض بر جلوۀ جانان ایش
زائر بیت الحرمدن، ساکن بیتخانهدن

{بافی}

ماورای پرده اسراره بولمز کیمسه راه
حضرت حقدر بیلن انحق حقیقت نیدیکن

سفی صید ایلمز لرمی کور رسک وقتی کلسونده
اوچار رسک ای همای اوج نخوت کر چه بوکسکدن

{رتو}

شکوه ایتمز خار جور کدن بری ای غنجه فم
بیک دهان کلطراز آچسهک تمده یازمدن

لذتن کورسونمی زرین کاخده آسایشک
خفته زیر خاکده امثال واقبران کوردن

{بصیری}

طوررکن دوست دشمندن خطا در چاره جو اولوق
محبه دوست دردی خوش کلور دشمن دوا سندن

جلوۀ نقش خیال یاره ثقاتدر دیو

خواب گلز دیده بیدارمه اندیشه دن

{بهائی}

هم یاقارسك برق شمشیر ستمله عالمی
هم ینه دیرسك سرکویمده فریاد اولسون

{جوری}

درد ایله قالمق حیات جاودانیدر بکا
تک طیب بد منش متله درمان ایتسون

{حالتی}

عشق ایلدی کریان و فراق ایتدی یاشم خون
صکره کان استادین اولور صنعتی افزون

{حامی آمادی}

ویرمك استرسك جهانده نام مانند نکیین
مرکز کده کوستر استحکام مانند نکیین
کیج نمادر ظاهراً اما چیقار اناری راست
لوح دله (نقش اولان) ارقام مانند نکیین
کوهرك پاك ايسه آتارک ایله نامک بورر
سن همان خانه کده قیل آرام مانند نکیین
هم چقار نقشك بیاضه هم اولور رویك سیاه
ایتمه رازک هر کسه اعلان مانند نکیین
ال کیری، یوز قاره سیدر حامیا تحصیلر
اولمشر فرضا که صاحب نام مانند نکیین

کذبین مثال مه کوره من بر نفس تمام

ایلدن کان عطیه و احسانی بکاین

{عارف حکمت بك}

کف تقلید اولور می مایه بخش فیض روحانی
همان تحسین صنعتدر غرض تصویر مانیدن
قناعت مسندنده حله پوش استراحتدر
چکن دست امیددی دامن فیکر امانیدن
ایا پرتو فروز جاه دولت اعتراض ایتمه
وجود نار اولور سرعتله زائل التهاپندن

{ذکائی}

یابلسون تربت قبرم کذر کاهنده اول شاهک
کلوب کجکجه سورسک حامی خاک مزارمدن

{راشد آمبدی}

فرمان بر ایتمش امرینه بر شاه حسن آفی
دل کشورنده حسنی سراپا روان ایکن

{راشد قدیم}

هجوم ذلت ادبار رفعت کوره در
اولور نزولی کرانک شدید بالادن

ایدر صوت جرس راه طلبده دعوت رهزن
هله دنیاده یوقدر آدمه شهرت قدر دشمن

ایلرمی دل صافی حوادث متکدر
گلز کدر آینه‌یه اشکال و صوردن

{راغب پاشا}

بیتابی تهالك ايله يولده قالدی هپ
سرم نزل مراره (وقتسنز) شتاب ایدن

هوای نفسدن سرمایه عزتدر استغنا
عزیز اولمز دی یوسف چکمه دامن زلیخادن

انتساب اهل دیوات خاکی ده ایلر عزیز
زائل اولمز صیت عزت کاسه فغفوردن

مقید اعتبار آلمز، تشابه رنک و بو ویرمن
اولورمی زیور دستار رغبت سنبل خرمن

{رحمی قریمی}

هنر اعدائی طاعتی دیل ايله تسمیمدر یوقسه
نادر فرقی زبان جانکز انک نیش کژدمدن

الی قالسه نوله هر قدر دانک طاشلر اتند
نمایاندر بوم بخت کشفه سنک ترازودن

بکا اوضاع ناشایسته کردون کدر ویرمن
تأثر حاصل اولمز مجرده چرکاب بدبودن

از حقی!

عشق ددی طور مسون کیتسون کوکادن صبر وهوش
غیره یر قالمز سرای دلدہ سلطان وار ایکن
عاشق دلنشہ ال چکمز لیکدن بیلمش اول
استمز بریکسہ اولک آب حیوان وار ایکن

{سامی}

ویررمی فیض کامل سود طبع نقص بینانہ
تہیدر دستی آخر طاشسہ کوہرلر ترازودن
آندہ وار امید بہودی بوسرهم ناپذیر
زخم کلک بد سخن افزون تر در تیردن
تیرہ طبعی زشت خو تر جیبج ایدر (بی کینہدن)
سنگ خارا خوب اولور زنگیہ صاف آیندن

{سلطان سلیمان}

بی وفایارک محبی جورینی معذور طوت
یارسنز قالور جهانده عیسنز یار استین

{شہری}

اولسون وارستہ پیچ و تاب غمدن کینہ خو
مار سرمادیدہ مولی کونش کوستر مسون

{ضمیری}

دل پر سوزی ایتسون تازہ تازہ داغلر تزیین

نهال شعله در گلزار حسرتده چیچک ویرسون

{عارف}

بر کومش صوبیدر اول سینه و کردن گویا
عکس مه کیی ایدر چهره سی آنده لمعان

{عارف سلیمان بك}

اضطراب حال بادی سکونت اولدیغی
طفل ایکن معلوم اولوردی جنبش کهواره دن

{عزت علی پاشا}

مکر دشمندن حذر یوقدر دله ناکام ایکن
شرحدن فص نکین آزاده در بی نام ایکن

{عزت ملا}

لون کونا کون اشیا چشمه یکر نکدر
رونمادر مذهب ارباب وحدت کوردن

چرخ غافلدر ورای پرده اسراردن
عکس امید ایتک خطا آیدنه تصویردن

{عزیمی آمدی}

اعتراضی قو بوزلادی کلشن عالم دیو
اشبو باغ بی بقانک باغبانی سنمیسک

قباب دهره شان و منزله صفعیان غافل
کرفتار نشیمنگاه مارومور اولور بر کون

اعنی:

مضطرب در دلم ارباب هنردن جاهلان
چشمی بد صورتك برچین اولور آینه

{شیخ غالب}

طبایع مختلفه در نشئه فیض الهیده
بر اولمز ساغر می چشمه سار آب کوهردن

{فضولی برقصیده سندن}

ای سونم سطوتك تأیری نیران جنتیم
وی سحاب رحمتك سیرابی فردوس برین
قدرتك کلزارینه بر سبزه (سدر المنتهی)
حکمتك شمعینه بر پروانه جبریل امین
صنعتك ابواننده بر قنديل دور آسمان
صنعتك دیباجه سندن بر ورق روی زمین
خاکدن هر ذره تأیید کله بر جسم لطیف
آبدن هر قطره توفیق کله بر در ثمین
اول عمیم الفیض منعم سلكه فیض شاملك
رزق تقسیمنده قلمز امتیاز کفر و دین
اقتضای حکمتك اظهار قدرت قلمغه
اختلاف طبع ایلله اضدادی ایتش هم نشین

عشق اودی یاقدی بنی یاننده طور مه ای کوکل
بر طو تشمش آشم قرب و جوار آمدن صدف

دوست، بی پروا، فلک بی رحم، دوران بی سکون
 درد چوق، همدرد یوق، دشمن قوی، طالع زبون
 یلده برك لاله تك تمكین دانش بی نبات
 صوده عكس سروتك تأثیر دولت واژگون

کوز دوکر اسراف ایله خوابه لعلن کوییا
 کیم جگر داغنده اول لعلن بولوبدر معدن

{فطنت خانم}

اولان پرچیده دامن باغ دهرک برك وبارندن
 اولور آزاده چون سروسهی باد خزانندن

{فهیم}

ساده قلب اول کیم قضا نیرنك نقش فیض ایدر
 هر شکسته پاره مرآت قلب ساده دن
 ایلمش شمع جمالک آتش افروز حیا
 عارض پرتابک آب شعله آیز ایلین

{البیب آمدی}

کال اربابی آرایشله اصلا افتخار ایتمز
 دکادر حرمتی مصحفلرک جلد مطاادن
 ملایم طینته ظالم لک ظلمی مقرر در
 که بنده آتش ایله سودمند اولمز مدارادن

تجرد شکل ایله تقایده گلز پاک جوهر لر
ظهور ایلدی کار حیف صادم موج دریا

{مسمود لطفی افندی آمدی}

ایتمک جدل مغالطه در سرّ وحدته

لطفی بو کائنات اکا برهاندر بتون

{اسعد مخلص پاشا}

برخسته نا امید ایسه باقیز طیب اولان

تا قابلاتی نرسه ایتمز لبیب اولان

{منطقی}

سایه سن درویش بی برک ونوادن دور ایدن

صافلاسون آرایش تابوته نخل قامتین

{نیف}

قزاریر برنکه گرمدن ارباب نفاق

نقد مغشوشک اولور قلبی بدید آتشدن

{برقصیده سندن}

خامه امرکن اولدقد رقم سنج یکون

جمله سی اولدی بهم بسته احکام شئون

برده پیرای مظاهر اولوب استاد ازل

جلوم ربز اولدی پیانی صور کونا کون

مفصل کرچه که پیوند تصاویر ظهور

متصل یکدگره لیک تمایز طاهر

چشم باریك نگاهه کورینور هپ یکرنگ
 بونقوش عجب آمیخته بوقلمون
 سربهم داده دست احدیتدر هپ
 يك بيك سلسله نسبت انشای قرون
 سبجه کردان ریاضتکده قدرتدر
 ریشه ساق درخت، انمله دست غصون
 اولدی بوششدر عبرتده قضا وقدرک
 قبضه بسط وکشادنده جهان زار وزبون
 جمله برجای حکمدر بو بساط ترتیب
 حدذاتنده دکدر بریسی پرده پرون

{نایی}

ایدرسه پایکی آزرده دست خاری نه در
 شکایت ایلمهنگ وجهی باغبانندن

علو استرسدک اول فواره آب آتشین اوله
 فشک نابود اولور بالایه شدتله صعودندن

اول شعبدهنگ ظاهر آثارینه ناظر
 سن پرده لک سیر وراسن نه بیلورسک
 هریر سر ویکدن آقا آب لطافت
 دریای ملاحظده شنادنی کلورسک

صحن فرداده دکلدر آشنه تر قالمق بعید
جو بیار ممکناتک بیامیانلر مقسمن

اولسه خلقتک رزقی حاصل ورزش تدبیردن
کود کان بی زبان محروم اولوردی شیردن
خیردر بیدارلقدن خواب او بی ادر اکه کیم
عجزی واردر واقعات عالمی تعبیردن

ضرب سکه ایله قلوب ز بیدار اشتهار
مستعد عز ایدر مستعد تلبیل ایتدیکن
بر نوادن بر درخت بارور ایلر ظهور
خالک ایدر تکشیر دور چرخ تقلیل ایتدیکن
اولدیغن آکابر بو عالم بر معمای غریب
فهم ایدن استادینک ترکیب وتحلیل ایتدیکن

اولمز کسسته زنج نشیب و فرازدن
سایه صاحبیه القیاد ایدن
آسوده لک امیدین ایدر ظل عصردن
عصرک دوام دولته اعتماد ایدن

{تخفیف}

آغاردی موی ریش و سر کوکل دنیایه قائمزسک
صبح اولدی دخی سن خواب غفلتدن او یانمزسک

{ندیم}

سیلور بازاریخی کرم ایتمهك رسمن نه کافر در
تاو هم بزمه تنها هم پشیمان کوستر کنندین

عافیت کوکلم اسیر ایتدك اوکیسولرله سن
هی نه جادوسك كه آتش باغلادك مولرله سن

{زهرت}

سعی ایت مسودات کباهی بیاضه چك
دست قضا جریده عمرك دوشور ۹۰دن

ایتمه هر صیت و صدای دولته مائل دلك
خوشدر آواز طبل دیرلر مثلدر دوردن
خواهش لطف ایلمك كم مایكان عصردن
نور امید ایتمه در عینله چشم کوردن

{نفعی بر خانه وصفنده}

مولویدر صان اوشادر وان سرکردان کیم
هم دوفر هم اشکنی ایلر صفاسندن روان
زرکلاهیله یاخود بردلیر رقاصدر
بر آیاغ اوزره سماع ایتمکده دامن در میان

{نوعی}

دل صفحه سینه باقدم اطرافی خیلی مشروح
بیلدم بو نسخه چقهش بر ذوقتون الندن

زاهد محراب مسجد عازقه ابروی یار
جلوه کرد در پرتو نور خدا هر کوشه بدن

{واحدی}

زرد اوله نوله قاشلرك ای رخلری کایکون
سر سورملری مصحفك اکثر اولور التون

{والی آمدی}

دیرلر بکا جانانسن آل والی رقیبک
جانن بیله آلیردم اگر کلسه المدن

{سلطان ولد}

بن بیلمز ایدم کزلی عیان هپ سن ایمش سک
جانلرده وتئلرده نهان هپ سن ایمش سک
عالمده نشان استر ایدم بن سکا سندن
بیلدم که ذو عالمده نشان هپ سن ایمش سک

{سنبلازاده وهبی}

عاقله لایقیمی فردایی فراموش ایلمک
فکر شنبه طفلك ایلرکن تباه آذینه سن

{ولیی}

کیدر خواب تغافل دیدملردن دور اولور برکون
بومجلس بویله قالمز مستلر خمور اولور برکون

{عارف حکمت نک}

مقدار قابلیت اولور مورد فیوض

هر جامی وسعتیجه لبالب ایدر بسبو

{فضولی مدح نبویدن}

صاحبه ای کوز اشکدن کو کلمده کی اودلاره صو

کیم بود کلی طوتشان اودلاره قلمز چاره صو

وهمله سویار دل مجروح پیکانن سوزین

احتیاط ایله ایچر هر کیمده اولسه یاره صو

صویه ویرسون باغبان کازاری زحمت چکمسون

برکل آچلمز یوزک نک ویرسه بیگ کلزاره صو

بن لبک مشاقیم، زهاد کوثر طالبی

نیته کیم مستمی ایچمک خوش کلور هشیاره صو

طینت پا کینی روشن قلمش اهل عالمه

افتدا ایتمش طریق احمد مختاره صو

سید نوع بشر، دریای درّ اصطفای

کیم سپویدر معجزاتی آتش اشرازه صو

قلمق ایچون تازه کلزار نبوت روتقن

معجزندن ایلمش اظهار سنک خاره صو

حیرت ایله یار مفن دیشلر کیم ایتسه استماع

یار مئندن ویردیکن شدت کونی انصاره صو

یا حبیب الله یا خیر البشر مشتاقکم

اوله کیم لب تشنه یارب دینار همده صو

بیم دوزخ نار غم صالمش دل سوزانم
 وار امیدم ابر احسانك سپه اول ناره صو
 اومدیغ اولدرکه روز حشر محروم اولیم
 چشمه وصلك ویرم بن تشنه دیدارم صو

{نادری}

آلمش زمانه قوس قزحدن الینه داس
 همواره کشتزار وجودی ایدر درو

{آگاه}

هر چه ناریکه دوشمه بی بصیرتله کبی
 یا دروننده مه کنعان اوله یا اولیه
 منت خشک ای طبیب بی مروت تابکی
 مرهمك زخم دله درمان اوله یا اولیه

سایه‌وش بیلیم نه دوشمش اوشو خك پاینه
 کاشکی برکرم خاك ره‌کنارمدر دیسه

{ابن کمال}

چشم پراشك اوزره تاب آتسه رخك عکسی نوله
 رسمدر قایلده آتش یا ناز آب اوستنه
 صفحه خدایده دل ایله خیال خط و حال
 کورنجیه دیوانه در کیم نقش او در آب اوستنه
 حقه یا قوتدر چشم طولو در و کهر
 ابلرك عکس ایدم لیدن اشك خوناب اوستنه

گو که عشقك دوشوب ناراجه كتمدى عقل و صبر
 لاجرم يغما اولور اود دوشسه اسباب اوستنه
 عارضى آينه سنده عكس رخسارم بنم
 صانكه بربرك خزاندر كيم دوشر آب اوستنه
 {احمد پاشا}

سايه م ضيا ويريردى چون مهر كو كده آيه
 بردم مصاحب اولسه م سن شوخ مهلقايه
 اول اومار ايدم كيم سايه كده خوش كچيدم
 آخر بوروشن اولدى اولمز كوشده سايه
 زلفك شبنده ويردم دل حسنه كورن دير
 مغربده برقلندر آينه صومش آيه
 دل روشن اولمز احمد عشق اودى اولمينجه
 بى روزن اولسه خانه محتاج اولور ضيايه

{اميرك}

چهره زردم بنم خاك در دلدارده
 طبراعه دوشمش خزان ياراغيدر كلزارده

{امين}

ارباب كالل یری ویرانه غمدر
 خاك اوزره دوشر ميوه اكر پنجه اولنجه

{باقی}

دانه دانه اول عرقلر طره پرتابده
 قطره قطره ژاله لردر سنبیل سیرایده

آشنایان ای لطافت کلماتی اول زبان
 قرمزی گل یار اغیار غنچه سیرابده
 کوز وصالک کیجه سی شوق درون عاشق
 سیر دریا خوب اولور جانا شب مهتابده
 ژاله لردر 'الاله' سیرابه دوشمش دیر کورن
 در دندانک خیالی چشم پر خونابده
 چون تب عشقیله یارک باقی سوزان دکل
 بوحرارتلر نه در خورشید عالمتابده

باطل همیشه باطل و بیهوده در ولی
 مشکل بودر که صورت حقدن ظهور ایده

غم دکل کلسه دله باقی بیایی درد و غم
 اکسک اولمز تکیه در مهمان مهمان اوستنه

عذارک یادی برر نکین لطیفه
 دهانک بجی بر شیرین حکایه

{البیغ}

ایاشمز کرپکمده یاره قارشو دانه اشکم
 کونش طوغدقدنه شبنم قطره سی طورمن ثبات اوزره

فلک بالاطوتار بیمغزی ارباب معارفدن
 حباب اوستنده در دریانک اما کوه التند

{تاجی}

کوز یاشلی کوکل زلف پریشانلر ایچنده
قالدم قرا کو کیجدهده بارانلر ایچنده

{ثابت}

اوچار ابرو ایله باق مطلع دلجوی جانانه
مربع وفق دولتدرکه قونمش روی جانانه

مرآت ایچنده عکسک هپ روحه بکزدرلر
ملحد حلوله ذاهب، زندیق اتحاد

اگر سودای خال عارضکله اشکبار اولسه
زمیندن حبه السودا بتر هر دانه دوشدجه

{جعفر چلبی}

لباری اوستینه دوشسه سایه زلفی نوله
زینت ایچون قور بنقشه دسته سن جام اوستنه

{حامی آمدی}

کاهیجه لطف ایتکه جورکدن اوله آزرده دل
یوقسه ای آفت اولور عادت ستمکشاک بزه
چرخ آردی جنت کوی دلارادن بزی
بعد ازین طاووس وش دوشمز منقشاک بزه

{حشمت}

تمام اقبال ایدر انسانی القا جای ادباره
اولور افتاده خاك سیه میوه کالنده

{خاکی}

خلاف موقعه وضع اولنسه بر کوهر
نقیضه کوهره می یوقسه وضع ایدلرینه

{خیالی}

هر نه نقشن کیم وجود ایوانه چکمش قضا
خامه تقدیره باق طعن ایلمه نقاشنه

{خیری}

حائل اولمز اشك چشم اول مهلقانك عکسنه
پرده اولمز آب، مهر پرضیانك عکسنه
دیدۀ روشنکهرده پستدر جاه بلند
قیل نظر آینه ده طاق سمانك عکسنه
مه کبی سر منزل مقصودی البت بولور
اویدوران رفتارینی دور زمانك عکسنه

{ذکایی}

منوردر کوکل نور هویتدن که حکمتله
افاضه ایلدی شمس حقیقت عین اعیانه

{راشد}

دولت دنیا ایله عاقل اولور می شادکام
آدمه ویرمن فرح کنجینه بولسه خوابده

{راغب پاشا}

قالدی نقش خاتم لعلک دل غم پیشده
 غنچه تر در قو آجاسون درون شیشه
 ایلسون تاراج دل که چین ابرو که نگاه
 ایکی شیر اولمز مثلدر سودیکم بره پیشده
 اولدم رهایب سر کا کل خمدرخک
 چوق کلید مشکلی ایتدم کشاد اندیشه
 ایتدی شیر ینکاری فرهادی نقش بیستون
 سرنوشتن کیم قضا رسم ایلمشدی تیشه
 جمع اولان کرد لیکده قهر و شکر خنده بی
 نیش ایله جدواره تشبیه ایلم بر ریشه
 خرقه پوش خاقاه بی نیازیدر کوکل
 ایلمم راغب مدارا شیخده درویشه

دراز ایتمه نیازک قامتین اولمه کران سایه
 کلور فیض خدا کلدکده بی میزان و اندازه

می کلکونه رونق بخش اولور شفافی مینا
 ویرر رنگین ادایی طبع نازک آزه مضمونه
 کیمک کیم چشم ادراکی مقامندن اولور بسته
 فلکده عالمی دور ایتسه بکرر اسب طاحونه

ویرردی جانہ بیداری صباح حشره دك ای مه
 اولهیدی هیئت و صلك مصور جامه خواب اوزره
 تنزل ایتمدجه جوهر اولمز قطره نیشان
 بولور روشن ضمیران رفعتی اولدجه افکنده

{رضایی}

عشق رونق ویردی روی بیثالك نقشنه
 باعث اولور مش هوا آب زلالك نقشنه

{شرف خانم}

یوق مدخلی هیچ بخت سیاهك بیلورم بن
 سن سك بنی بو حاله قویان آم کوکل آم

{عارفی احمد پاشا}

ایتمز طریق حقدہ اولان خلقه سرفرو
 اکمز مناره قامتی باد اسر سده

{عاصم. چلبی زاده}

نیک و بد هر وصف اولور برذاته نسبتله کمال
 طوغریباق ناو کده خوشدر اکر یلک شمشیرده

{عزت ملا}

بیک بابلی نالنده خار ستم ایلم
 مرغجه بی کولدرمه مراد ایتسه زمانه

{غزالی}

ضرر دهر دن حذرناك اول
اعتماد ايمه نفع ترياقه

{فضولی}

باشد هر توی عشق اودندن برتوتوندر کیم چقار
چز کینن باشم بلا بزمنده بکزر مجمره

{فطنت خانم}

هوای بی بقای دهر یوقدر قلب انورده
حباب ایتمز ظهور آب صفا بخشای کوهرده
نه ممکن صاقلامق دلدۀ خیال خال مشکینت
شمیم عنبر سارا نهان اولسونمی اخکرده
صاقلن نو دولتان عصردن همت خیال ایتمه
عیشدر کوهر امید ایلمک بحر مصورده
لب خویکرده سندن سیر ایدوب دنداننی یارک
قیاس ایتدم در شهواردر درج مجوهرده

{لالی}

کوهرک وارمی قیمتی کاندۀ
در بهاسن بولورمی عمانده

{لیب آمدی}

قزاردر روینی جام شراب آهسته آهسته
ویرر تفاحه رنگی آفتاب آهسته آهسته

معارف عرض ایدنلر بیدشعور انسان نادانه
 کلاب افشانه بکزر جیفه بدبوی حیوانه
 جهول علم و عرفانه کالات عرضی عینیه
 باقلسه مصحف اهدا ایلمکدر کافرستانه

برکیمسه دکل سرّ قدردن آگاه
 مانعده و معطی ده جناب الله
 لازمسهده اسبابه توسل ایتم
 لاحول ولاقوة الا بالله

{ مسعود لطفی افندی آمدی }

غناى نفسه مالك اولمدجه ار غنى اولمز
 حقیقتده کدادر مالك اولسه معدن سیمه

دوکوب زلفک یوزه پنهان قلمه رخلرک لطف ایت
 چیق ای مهر امیدم چیق و رای برده شبدن

{ مقالی }

بوجسم نانوانمده کورینن مویلر صانمه
 چنلردرکه بتمش جابجا کهنه مزار اوزره
 نه جانب کیم قدم باصدک یوزم اول' برده فرش اولسون
 نه یر کیم سایه صالدک خاک اولهم اول رهگذار اوزره
 مقالی طعن اعدادن نه غم ازباب عرفانه
 آتارلر طاشی البته درخت میوه دار اوزره

{ منیب }

محو اولمینه چرك سوا قلب اولور می صاف
صفوت کالور می بر صویه تا کیم طور لمسه

{ نابی }

کچمه ادا ن راست طبعان ایله ایتمز امتزاج
اتحادی اولمز انکچون کمالک تیر ایله

بیلور لر اهل دنیانک نه کونه اولدیفن مردود
کورنلر حالی حلوا فروشانک مکسملره

تقدیرم اعتراضدن آیا نه فرقی وار
مهمانلرک معارضه سی می زبان ایله
انسان اودر که بر سوز اوله اکه بندیا
حیوان اودر که باغلا یه لر ریسمان ایله

الدن کلان ازار یکی هیچ ایلمه تقصیر
هنکام غرورک سکا پاینده فالورسه

مانع صفوت دکلدن کلسه ده غم سینده
حسن وقبحندن نه عارض صورتک آینه یه

جامی کف ساقیده شکست اولمسی یکدر
اول باده که کیفیت منت وار ایچنده

بر آیدند کیم کور نور عیب شکافی
اول، صاحت شرح که رشوت و از بخت

بیلور حقیقی بر نقطه اول یعنی علمک
نقوش کونی کورن نقطه سویداده

اول، طلبک حصوانه لغت که طالبی
لازم کله مراجعت ایتمک عدو سنه
اول می که نشسته سنده اوله بوی امتنان
سنگ قضا طوقتمسی یکدر سبوسنه

کلور شوقه کسل نیل وصال یاردن صکره
اولور عارض کراناق صائم افطاردن صکره
دکلدر ذانه مائل خالق مال وجاهه در رغبت
درخت اطرافنی کیمسه طولاشمز باردن صکره
کنات ایتسه کینه عیب شکافی کاسه باقیدر
اولور قصد نوازش بی نمک آزاردن صکره
طهور نعمت بی انتظار کدیری ضایعدر
بیلور قدرین بولانلر کوشش بسیاردن صکره
فراموش ایله پیچ و باب یامی غموی یاد ایله
مدر بی گناهات و قبی استغفاردن صکره

کیتدی دندان، کلدی، نعمت، اولدی ضایع لذتی
دولت اقبال ایتسه اما ناهنکام اولسه

{ ندیم قدیم }

زلف مشکینک اولور خاکه مکر نکهت فشان
 سایه ووش افتاده لر یولمکده پست اولمش ینه
 صبحدم کلکشت باغ ایتشددر اول خورشید تاب
 رنگ رویی کلرین کوردم شکست اولمش ینه

{ ندیم }

کورندجه اوسیمایی قبادن سینئه صافک
 دونر آینه اوزره مهره سیمابه جان تنده

دل پر ناله عاشقده خیال رویک
 نقش کلشن کبیر کاسه فغفور اوزره

{ نزهت }

سیخت دلار قهر ایله هر خدمته معتاد اولور
 آهنی اشکال کونا کونه قورلر نار ایله

شجر بارورک قوردی دروننده اولور
 کیمسه واقف اوله من دولتک آفته

استقامت اضطراب طبع ایله اولمز عیان
 آب بی آراوده سیر ایت عصانک عکسی

انظیف پدر جامع الحروف

غبطه بخش اولش ایکن کاشنده رخسار کلاه
روغن گل سورمه کفران نمیدار کلاه
آغلادجه بن نوله گولسه اوکل رو ای نظیف
بویله در عادت که بابل اغلیه کلر گوله

اوغی

تن زورقن دوشورمه کرداب اضطرابه
صبرایت کوکل که قالمز بوز کار بویله

ایحیی شیخ الاسلام

کیجه پروانه لرله بز می کرما کرم ایدی شمعک
سحر کوردن نه شمع مجلس آرا وار، نه پروانه

ابن کمال

چیتسون آهم اودی اغز می آچدرمه بن
یا قسون سوز درونم سنی سویلتمه بنی

{ابو السعد}

کیتدی ایام شباب الدن دم وصلت کبی
کلدی هنسکام مشیب ایردی شب فرقت کبی
کردش افلاک طی ایتدی سبیل عمر می
شول سطور می محو اولوب ابر قلان حجت کبی
چو کدی بنیاد بدن بوزلدی تمثال جسد
دیر دیوارنده بریر محو اولان صورت کبی

بر زمان ایدی که باغ و راغه ایستجه کذر
 کورینوردی هر کناری کلشن جنت کبی
 شمیدی اول حالانک اولدی هر بری خواب و خیال
 عالم رؤیاده ادراک اولنان حالت کبی

{ امة الله خانم }

دست تدبیر ایله چاک اولسونمی دامن فراق
 آفتاب حسنمکه حیران ایدن سن سک بنی

{ باقی }

یا ایلدی بحث لعلک، وصف خالک باغ رضوانه
 صوین کوثر، نباتن نیشکر، خاکن عبیر ایتدی
 جهانده باشمه سلطان ایکن آزاده و فارغ
 بنی هپ قید زلفک بوینی باغلی براسیر ایتدی

باقی ینهنی ایچمکه آند ایچدی دیمشدر
 دیوانه میدر باده طوررکن ایچه آندی

{ دفتردار بهجت }

کیمی کوردک فرض اجر اسنه دوشمشدردن
 ایشنک اولی سعد آخری نوروز اولدی

{ جلال چای }

خلاق جهان عالمه قیلدقه تجلی
 هر کیمسینی بر حال ایله قیلمش متلی

{جنابی}

و جہی وار قصد ایلم عجز کاه الفت ایتمکی
کورماک یکدر کوروب دیوانه اولمقدن سنی

{ابراہیم حق}

طعمسز آدمک خالق جهان ہپ اقرباسیدر
طعمسز اولسیدم ہپ بکا خال و عم اولمزدی

{عارف حکمت بک}

تجارب بولمدن مرآت حسن صورت حالی
دگل شایان نکاہ رغبتہ بر شیخصک احوالی
لبالب عشوہ اولسون لعل نابک عشوہ ہنکامی
ویریمی نشہ یاقوت اولسدہ پیانہ خالی

{خالقانی}

ختن آہوسی ایسہ طوتمز افاضل مقبول
برغزالک کہ اراذلدن اولہ صیادی

{راسم}

هنوز آناری ایلہ یاد ایدر لر صورتا باقسہک
نہ اسکندر نہدہ آیینہ کیتی نما قالدی

{راغب پاشا}

رونق اولمز سخنے حسن ادادن غیری
وارمی سنک و کبرک فرقی صفادن غیری

جد و سعی ایتمکده یوق بزدن قصور اما چه سود
 دوشمیور بروفق خواهش مدعالردن بری
 تا خدادن شرطه توفیق همراه اولسه
 ساحل امیدی کورمن ناخداردن بری
 شویله سرشار رحیق وحدت اولدم راغب
 یاره ایلردم اشارت صورسلر بندن بنی

{ سانی }

وحدتی سیر ایده من احوال نگاه اشتباه
 هستی اشیای کونا کون بر کویا ایکی

{ سلطان سلیمان }

خلق ایچنده معتبر بر نسنه یوق دولت کبی
 اولیه دولت جهانده بر نفس صحت کبی

{ سلطان سلیم ثانی }

عاشق صادقده دل بر در اولورمی یار ایکی
 هیچ بر تخت اوزره ممکنمی اوله خنکار ایکی

{ شرف خانم }

افدم چکمسون معمار لطفک نافله زحمت
 بنم ویرانه کوکلم غیری آباد اولمدن قالدی

{ شعوری }

ایتدیکی دعوایه قادر اولمدر شرط هنر

آدمی رسوای ایدر اشتباهه بخیر قدرتی

{ضمیری}

بو نوبهارده انجق آچلدی داغ درون
کشاد غنجه دل قالدی بر بهاره دخی

{طالب}

دور اولان کوزدن کوکلدن دور اولور بی اشتباه
بو مثل ظاهر در ایتسهک در میان آیندی

{عاطف}

اول یوتلده صکره چالش سنده یوتغه
بازیچهکاه عالمک اوکرن قاریخی

{عزت بک}

کوه تمکین کباره دیمه حاجاتکی هیچ
اوده فریادیکه فریاد ایدر طاغ کبی

{فاروق}

میل ایلمه اول یاره که اغیار الی دکمش
پژ مرده اولان کلدیه لطافت بولنورمی
مرهون غم حسرت اولان خاطر آچلمز
مدیون اولان آدمده شطارت بولنورمی

{فصیح دده}

کیجهلر عزم ایتدیکم اول ماهه سایم خوفیدر
برطریق ایله قبول ایتمز محبت شرکتی

{ فضولی }

رخك اوزره خم ابروکی کورمك استرم اما
ولی دشوار اولور کون وار ایکن کورمك یکی آبی

دکادم بن سکا مائل سن ایتدک عقلمی زانی
بکا طعن ایلین غافل سنی کورسه اوتانمزی

تا که بردم باصه نا که باشم اوزره بر قدم
ای مصور رهگذاری اوزره چک تمالمی
هیچ کیم یوقدرکه ناله بدن شکایت ایلمز
شکر کیم چوقدر سکا عرض ایلین احوالی

هر کورن عیب ایتدی آب دیده کریانی
ایلدم تحقیق کورمش کیمسه یوق جانانی

سیمتلردن کلان طاشلاری بیغمش چوزمه
عشق معمور ایلماک استر یقلمش کوکلی

آدمیدن چوق اولور ظاهر پری وشر ولی
آز اولور واقع پری وشارده سن تک آدمی

زهر قهرک ایچمه دن وار ایسه قصدک قلم ایت
آب حیوان ایچمم اولدرمک اولور مشکل بنی

اویش جنونه کو کلم دیر قاشکه . بو
نه اعتبار اکا کیم سچمز قرادن آغی

{ کلیم }

نسیم روحبخش اسدی، درخت مرده جان بولدی
اولانلر حشری . منکر سیره کلسون سخن کازاری

{ لیب آمدی }

یاناشسه غبغب حورئ جنت غبغب یاره
کورن دیر صنع . ولی اورته دن بولمش بر المایی

{ مسعود لطفی افندی آمدی }

عرش رحماندر تجایگاه سبجاندز کوکل
آندم سلطان ایلامک لایقمی مردم زاده بی

{ اسعد مخلص پاشا }

خاق عالم بالطبع حب وطن مجبوریدر
بیك کستانه دکشمز بوم بر ویرانه بی

{ حضرت مولانای رومی }

سکا اول دوست ایچون دوشمز جفا ایتمک تحمل قیل
کاک دیدارینه عاشق کرک خوش کوره هر خاری
عجب حدنجه . مولانا سوزی ترکیجه نظم ایلر
کلامدن اولور معلوم کشینک کندی مقدری

{ نابی }

کچوردی چاشنیکی ر فلک اول دکلو وقتن کیم

نوال آرزو میدانه کلدی، اشتها کیتدی

بو پند عاقله بسدرکه خالق سویلرلر
زمان ایله بوسرای کهن فلانک ایدی

{نادری}

تن پر آب وتابک زیر پیراهنده سلطانم
کونشدر کیم بیاض ابرک ایچنده برق اورر نوری
کورن اول ساعد سیمینی نعل سرخ ایله یریر
صانور زرین قد حمله مشین شمع کافوری

یوزم سورسم عجیمی اول خط نوخیزه سلطانم
مناسبدر زر اندود ایلمک خط هایونی

{نشاری}

بریشان ایله زلفک کردن بلور کون اوزره
شب تاریک ایدر افزون فروغ شمع کافوری

{ندیم}

ای عالم مثالک سیاح هوشیاری
هیچ قصر صورتنده کوردکی نوبهاری
برولرین زراندود ایتمش عروس فیضک
مشاطه کمالن کلک خجسته کاری
باق اول زمین خوب ودلجوی مشکویه
سیر ایت او سقف پاک پر نقش و پر نکاری
کویا ایدوب طبیعت کوی زمینی تسطیح

تبت آشاغه ایتمش چین وختن یوقاری
 اول دکلو ساحه سنده فیض و نشاط وار کیم
 اولسیدی کر زمانک آسایش وقاری
 دیردم که کلمش آنده طرح اقامت ایتمش
 جهشید کامکارک ایام خوشکواری

شعله سرو آسا چیقار خاکدن اول یرلرده کیم
 پایمال توسن آتشخرام ایتدک بنی

{ تزهت }

کندی عین کورمه آینه غیرک عیبی در
 خلقه طعن ایتمه هله برکرم وار کور سن سنی

اولمز خموش شکوه کوکل بی حصول کام
 یول آخر اولینهجه کسلمز درآسی
 هپ بی مالدر سخنی سرسریلرک
 شایان استماع دکل آسیا سسی

{ انظیم }

خیره چشم ایتدی بنی برق رخی طوتمش مکر
 مهره قارش ی اول مه نامه ربان آینه بی

چشم عبرت بین ایله باق اول صنم تصویرینه
 نقشی سیر ایت تصور ایلوب نقاشی

{ نفعی } بر قصر و صفنده

تعالی الله زهی قصر بلند ایوان حاکماری
 ید بیضای قدر تدر مکر کیم دست معماری
 صانور لر بر کل زردوزدر بر نطع خاراده
 رخامنده کورنلر عکس خورشید پر انواری
 فضاسی خلوت دل کیبی پر انوار روحانی
 هواسی عالم جان کیبی کرد تیره دن عاری

{ بهار و صفنده }

نسیم اول دکلر نازک طرح ایدر آب اوزره امواجی
 که لوح سیمه استاد ایدم من اولیل قلمکاری
 صانور تمغای زریندر کورن بر مائی خاراده
 میان آبه دوشمش عکس خورشید پر انواری
 چراغ حسنی انکار ایدنلر روز روشنده
 سمندر ایجره کورسونلر فروغ شمع کاناری
 دوزر گلینخ سیمه جابجا زرین سبز اوزره
 دوکادکجه کل زرد اوستنه بادامک ازهارای
 قونوب چنک ایدیلچک بلبل نهال کلین سبزی
 کومش تلدن دوزر ابر بهاری آکه اوتاری

حسن پاکنده لطافت اوقدر کیم کویا
 سینه سی آینه در، آینه دان پیرهنی
 ویر من اول پیرهن وسینه صفاسینی
 دوکسه کر صفحه کل اوزره صبا یاسینی

{ و صاف عبدالله افندی }

بیانمز عارفك فوتندن اول قدر آناری
حكّ خاك ايله سنجیده در حسن خرد شمدی

{ سید وهی }

• مستغنی ارشاد اولور ارباب حقیقت
سكان حرم نیلر ایش قبله نمایی

{ شیخ الاسلام یحیی افندی }

ایریشور کعبه مقصوده قالمز راه محتده
اکا کیم بر تو نور جمالک رهنمون اولدی

تّمّه مقدمه

ایشته قدمای شعر امزك اقتدار ادبیلری نه قدر عالی اولدیغنه
بالاده کی نمونلر دلیل کافیدر. • بالغات و تشبیهات مر دوده التزام
ایتمش اولسدلر ایدی بو کونکی کونده ادبیات شعریه من دنیاده
• وجود اولان اقوامك جمله سنه غبطه بخش اولد جق بر در جده
بولور ایدی .

حیفاکه بو کمالک . بو اقتدارك البیوک قسمی حسیات انسانییه یی
بحق تهییج ایدمه یه جك بر یولده شعر سویلمکک صرف اولتمش
• و ادبیات نثریه من دخی بویله مناسبتمز لککله طولمشد .

• مع مافیه . شاهیر ادبای جدیده من بروقتدن بری نظام و نثرجه
طرز قدیمی تعدیل و اصلاح ايله آثار ادبیه منك مقبول عموم

اوله جق بر صورتہ تحویاتی آرزو ایلدکارندن آز وقتده ادبیاتجه
بین الاقوام یوکسک بر موقع احراز ایدم جکیز مأمولدر .
ادبای جدیده مزك آثار منتخبه لرندن بر نمونه دخی اشبو
کتابمزك خاتمه سنه ذیل صورتیله درج ایتمک تصورنده یز .
کتابمزك مقدمه سی بوراده ختام بولمغله بوندن صکره -
مجموعه علم بلاغت دینیلن - معانی و بیان و بدیع علملرندن
بحث ایدم جکیز ؛ ان شاء الله تعالی .

برنجی باب

علم معانی بیانده در

مقدمه

(علم معانی) لفظك مقتضای حال مطابقتی بیلیرن احوال دن بحث ایدر .

بعضری دیرکه « کلامك ترکیبنده برطاقم خاصه لر بولنورکه بلغا او خاصه لره یا سلیقه ، یا خود الفته دوام ایله کسب وقوف ایدر . بو خاصه لرك بعضری ذوقی و بعضری استحسانی اولوب بعضری ده لوازم اصلیه نك معانیسندن معدود در . علم معانی او خاصه لرك یکدیگرینه تطبیقنده خطادن احتراز ایچون مقاملرك وجوه و تفاوتی بیلدیریر » .

علم معانیك مبادیسی مسائل نحویه و لغویه و موضوعی تراکیب خبریه و طلییه ، مسائلی کلامك مقتضای حاله تطبیقنی کوسترن قواعد ، دلائلی کلام بلغانك استقراسی و غایتی کلامی مقتضای حاله تطبیق ایدن اصول اقتدادر .

مقتضای حال دن مراد هر افاده نك جوهرینه یا قییشان حالیدر : مثلاً برکاتب بر تبریکنامه یازه جق اولسه او تبریکنامه ده تسعید و تهنیه و تعزیه نامه یازسه تسلیته متعلق الفاظك انتخابی لازم

کلور. هر لفظك مقتضای حاله تطبیقی اولفظك مقصوده و مادهیه کوره کتیر لمسیدر. تبریکنامه ده تعزیهیه، تعزیه نامه ده تبریکه متعلق لفظاری یازمق دوکون و بیرام کونلرینه مخصوص اولان نمایشی یأس و ماتم کونلرنده، یأس و ماتم مخصوص نمایشی دوکون و بیرام کونلرنده کوستر مکه بکزر. بوا یسه مقتضای حاله مطابقت و مناسبت قبول ایتمز.

خلوصه متعلق مواد سائره دخی مخاطب و مصلحتك حال و شانی و مرسل الیهك حائز اوله جنی مزیت تقدیریهك درجاتی نظر دقت و اعتنایه آلتهرق اكا کوره یازلمستی مقتضای حاله رعایت اقتضا ایدر.

خلوصك غیری اولان مصالحه ده مرسل الیهك احوالیله مصلحتك درجه اهمیت کوزه دیله رك الفاظ و کلامك مقامه توفیقی لازم کلور. بوبخشرجه مقدمه کتایده بر درجهیه قدر افادات مقتضیه درج اولمشدر.

(کلام) برسوزه دینیلیرکه حاوی اوله جنی کلهلرک نسبتی تام و اوسوزی ایشیدن مخاطب استفاده ایچون بشقه کلهیه انتظاردن مستغنی اوله. بوضورتله کلهلردن بریسنک ثبوتاً و یا سلباً دیکرینه نسبت اولمهنه (اسناد) دینیلور. شو کلهلردن نسبتی حاوی اولان کلهیه (مسند) و کندییی ایچون نسبتك مفهومی ثابت و یا منفی اولان کلهیه (مسندالیه) اطلاق اولنور. مثلاً: «چیچك آچشدر» کلامنده کی «آچشدر» لفظی «آچق» نسبتنی حاوی اولغله «مسند» و کندییی ایچون

بونسبتك مفهومی ثابت اولان «چیچك» لفظی «مسندالیه» در.
«چیچك آچامشدر» کلامی . منفیه مثال اوله بیلور .

(خبر) صدق و کذب احتمالی اولان سوزدر .

نسبت ثبوتیه و یانسبت سلییه اوچ زمانك، برینه مقترن
اولدینی حالده خارجه تعلق ایدرایسه مدلولی ایستر خارجه
مطابق، ایستر غیر مطابق اولسون [۱] بوکا (جمله خیریه)
دینیلیر .

خارجه نسبت ثبوتیه سی اولان کلامه مثال: «پوسته کلمشدر»
و خارجه نسبت سلییه سی اولان سوزه مثال: «پوسته کلامشدر»
جمله خبریه لریدر . بوجمله لك مدلوللاری ایستر کرچك اولسون،
ایستر یالان، مادامکه افاده جه خارجه نسبتلری واردر ایکسیده
جمله خبریه در .

کلامده کی نسبت خارجه متعلق اولیوبده کندی نفسیه
قائم اولور اایسه بوکا (انشا) دینیلور: «مستقیم اول» ، «مرتکب
اوله» کلاملری کچی که بوسوزلر بر مخاطبه امر ونهیدن عبارت
اولغله هر برنده کی نسبت کندی نفسیه قائم و خارجه غیر
متعاقدر .

کله لر یا مفرد، یا جمله اولور .

(جمله) ذکر اولدینی اوزره بریسنك دیکرینه اسنادی
اولان کله لردن مرکب برعباره در . شوعباره ایستر «زید قائمدر»

[۱] (خارجه مطابق) کرچك و (غیر مطابق) یالان دیمکدر .

کبی افاده تامه‌ی حاوی اولسون، ایستر «ا کر بکا ا کرام ایدر ایسه» کبی افاده تامه‌ی حاوی اولسون، ایکی تقدیرجده جمله عد اولنور. لکن افاده تامه‌ی حاوی اولیان عبارده کلام دینله مز. بناءً علیه کلام ایله جمله آره‌سنده عموم و خصوص مطلق بولنور.

مفرد یا عمده، یا خود فضله اولور.

(عمده) کلامک رکنلرندن معدود کله در. مسندالیه و مسندک هربری کلامک رکنی اولغله عمده در. مسند فعل و معنای فعلی حاوی برکله اولدینی تقدیرده متعلقاتندن اولان لفظلرک هربری ارکان کلامدن خارج اوله جفتدن فضله عد اولنور.

افاده مقصوده جه بعضاً قصر و تخصیص و قوعبولور. بونک ده مقتضای حاله تطبیق قواعد مخصوصه به تابعدر.

کلامک خارجیه نسبتی اولان قسمی خبر اولدینی کبی خارجیه نسبتی اولیان قسمی ده انشا اولدینی یوقاریده بیان اولمش ایدی. علم معانی مباحثک برطاقی خاصه انشایه متعلقدر.

جمله لر تعدد ایله یکی حالده بعضاً یکدیگری اوزرینه عطف اولنور. بعضاً عطف اولنمز. لسان معانیده عطفه (وصل)، عطف اولنماغه (فصل) اطلاق ایدیلور. شوبحت پک اهمیتلی اولدیغندن علمای بلاغتک بعضلری بلاغت «بومبختدن عبارتدر» دیدیلر. بومبختده قواعد مخصوصه به تابعدر.

مقصودینی افاده ایدن کیسه یا هرکی بیننده متعارف اولان

عبارت ایله ادای مرام ایدر، یا او عبارتدن آز و یا خود زیاده
سوزلرله افادهده بولنور. بومبججهده علم معانیده قواعد
لازمه مندرجدر.

شوبخترك جمله سی بروجه آتی سكر فاصله بیان اولنه جقدر
ان شاء الله تعالی.

برنجی فصل

احوال اسناد خبری بیانندهدر

(اسناد خبری) برکله نك، یا خود برکله مجراسنده جریان
ایدن کله لرك [۱] بشقه برکله یه، یا خودکله لره [۲] بروجه ایله ضم
اولنمسیدرکه اوکله لری حاوی اولان جمله — کله لردن برینک
مفهومی دیکری ایچون ثابت، یا خود دیکرندن منفی اوله جق
درجهده — برحکمی مفید اوله [۳].

هربرمخبیره لازمدرکه افاده سنی — مقصودنی ادایه کفایت
ایده جك مقداردن — زیاده الفاظ ایله ترکیب اتمیه.
بر مخبر بر مخاطبه بر خبر ویرسه مخبرك اعتقادینه کوره
مخاطب وجوه آتیه دن خالی اوله مز.

[۱] «اوماهیلرکه دریا ایچره در» کله لری کی.

[۲] «دریای بیلز» کی.

[۳] یعنی خبر ویریلان شی «کرچکدر»، «یاخوددکدر» حکملردن

برینسی افاده اید.

(۱) مخاطبك ذهنی شبهه وانكاردن خالی بولنور. بوصولتجه خبره (ابتدائی) دیرلر.

(۲) مخاطبك ذهنی خبرك طوغری اولمسنده شبهه لی بولنور. بوتقدیرجه خبره (طلبی) اطلاق ایدرلر.

(۳) مخاطب خبرك مدلولنی انكار ایدر. بوحالده خبره (انکاری) دیرلر.

(۴) مخاطب خبری انكارده اصرار کوسترر. بوصولتجه خبره (اصراری) تسمیه اولنور.

خبر ابتدائی ایسه حاوی اوله جفی عباره نك اطلاق اوزره ایراد اولمنسی لازم کلور.

مثلا: برکیمسه نك دیار غربتده برقرنداشی بولنوبده او کیمسه قرنداشنه مشتاق ومنتظر اولدیغی حالده قرنداشنك غربتدن کلدیکنی کورن برکیمسه او کیمسه نك یانه کیده رك خبر ویرمك ایسته سه «قرنداشك غربتدکدی»، یاخود «کشدرد» دیمسی کافیدر. بویله موقعده الفاظ تا کیدییه لزوم کوریله مز. خبر طلبی اولدیغی تقدیرده اطلاق اوزره کتیرلمسی جائز ایسه ده الفاظ تا کیدییه دن بریسیله کتیرلمسی دها کوزل اولور. مثلا: بیان ایتدی کمز خبری ویرن کیمسه مخاطبك ذهنتده اینانمغه شبهه حس ایدر [۴] او کیمسه [۵] «کشدرد»

[۴] یعنی مخبر خبر ویردکده مخاطب «عجبا» کبی برسوزله خبرك

صحنه ده شبهه سنی کوستررایسه.

[۵] یعنی مخبر.

دیهرک تا کیددن عاری اولق اوزره سوزینی تکرار ایده بیلور.
لکن «صحیحاً کلمشدر» کی الفاظ تا کیدیه دن بریسیله خبرینی
تا کید ایتمی مستحسندر.

خبر انکاری اولدینی حالدده تا کیدایله کتیرلمی واجددر.
مثلاً: مبحوث عنه اولان خبرک مخبری مخاطبک اوخبره
ایناتم دینفی کورر ایسه [۶] او کیسه «حقیقه» و یاخود
«صحیحاً» کی الفاظ تا کیدیه دن بریسیله او مخاطبه قرنداشنک
کلدیکنی خبر ویرمی واجب اولور.

خبر اصراری اولدینی صورتده قسم ایله ده کتیرله بیلور.
مثلاً: خبر مذکوری ویرن کیسه، مخاطبک او خبری انکارده
اصرارینی کورر ایسه [۷] «والله قرنداشک کلمشدر» دیهرک
قسم ایله خبر ویرر.

کلامی وجوه مذکوره اوزره اخراج ایتک آتی مخاطبک
ظاهر حالنه کوره افاده ایلمکدر. مخاطبک ظاهر حالنه رعایتله
ویریلان خبر او خبری مقتضای حاله تطبیق دیمک اولوب خبر-
برعلت ونکته دن خالی اولدینی حالدده - ظاهر حاله موافق اولمز
ایسه مقتضای حاله ده مطابق اوله مز.

هرکیم برکیسه یه بر خبر ویرمک استسه ابتداء امرده

[۶] یعنی مخاطب «قرنداشمک کلدیکنه ایناتم» کی سوزله انکاری
کوسترر ایسه.

[۷] یعنی مخاطب «خبر. قرنداشمک کلدیکنه ایناتم. کلامشدر»
کی بر سوزله انکارده اصرارینی کوسترر ایسه.

« مخاطبك ذهني خاليد » اعتقادنده اوله جنى طيعيدر . مخاطبك ترددني ويانكاريني حس ايتمدكجه وياخود برعلت ونكته يه مبنى اولمدكجه ظاهره مخالف سوزسويلرايسه اوسوزى مقتضاي حاله توفيق ايتمامش اولور .

اشعارجه خيالات شاعرانه مستعمل اولديغندن « شاعر سازيني بر مخاطبه قارشو سويليور » كي تصور اولنور .

كشتي اميدى ساحلس كام ايتيان
روزكارا كسكلِكيدر (روزكارا كسكلِكِي)

ييتنده اولديني كي . شاعر كويا « بنم كامياب اولمغه استحقاقم واراينك نه چاره كه زمان مساعده ايتيور » ديمش ومخاطبده « خير اويله اولمامل . بلكه حصول مقصده مانع اوله جق قصور كدن اوتورى محروم قالمش اولمليسك » ديه تردد ويا انكار كوسترمشده شاعر ذكر اولنديني اوزره سوزيني تا كيد ايدهر ك « بنم قصورم يوقدر . انجق زمان واقبال مساعده ايتمد . يكدن حصول مقصده مصادف اوله ميورم » ديمكي قصد ايتمشدر .
كيفيت مستقبلي اخبار جهده قاعده بويله در .

بركون (البت) ياد ايدرسك عاشق ديرينه ي
چوق ارار بولمزسك اي آشوب دوران (بيلمش اول)

ييتنده اولديني كي .
نز هت ك .

ارباب غيظدن نوله ايتسه ضرر ظهور .
(البته) طبع ناردن ايلر شرر ظهور

ییتک ایکنجی مصراعنده کی (البته) لفظی الفاظ تأکیددن
اولوب مال مصراع تمثیل طریقله بر خبردن عبارت اولدینی
حاله (البته) لفظنده هیچ برعلت ونکته موجوددکدر. آتشک
طبیعتندن شرر ظهورنی تصدیقه تردد وانکاره ده محل ومناسبت
یوقدر. بناءً علیه مصراع مذکورک حاوی اولدینی کلامک
ترکیبی مقتضای حاله مطابق کوريله مز. تأکیدسز اولمق اوزره:

باشلارسه نار یانمغه ایلر شرر ظهور

طرزنده نظم اولنمش اولسه ایدی، مقتضای حاله مطابق
اولور ایدی.

بلیغک

آئیدر شعله ویرن عارض پاککده دیدم
دیدي اول مغیچه باده فروش (آندریا)
وبشق بر شاعرك

مخزن کرهر عشق اولدی درونم جانا
نه صانورسک دل شوریده یی (دریا دریا)

یتلرنده کی تاکیدلر برر منکر خیالی قارشو سویلنمش سوزلر
اولوب هم مقتضای حاله موافق هم ده کوزلدر.

یاندی طوأتشدی آتش عشقکه کوکلز
ظالم اینانمورسک (اینان) سویلرم سکا

ییتی دخی کوزلدر.

عزت ملانك

والله چوروك ، اخرى بالله چوروكدر
آل ديكرايسهك ايشته سوزك صاغنى بدن
يتى هم تاكيد ، هم ده قسم ايله ويريلان خبرلردندر .

نباىء ايرانينك

منى اولدردى اول ملك پيكر
(منى اولدردى) اول پرى زاده
منى اولدرمه اى اجل بر دم
قوبراز يالوارم اوجلاده

نظمندهكى تاكيد آهنگ اعتباريله بك كوزلدر. كويا اجل امان
ويرمكسزین جاتى آلق استمش ، كندیسی ده « سن گلزدن مقدم
بنی معشوقم اولدرمشدر) دیمکه اجلی اینانديره مامشدر » باری
میدار ویر. صوك نفسده اکا یالواروب شفای صدر حاصل
ایده یمده اندن صکره ایکنجی دفعه اولمق اوزره سن ده بنی اولدره
دیر کی مخاطب خیالی اتخاذ ایلدیکی اجله قارشو مخبر صفتنده
بولنمی تخیلات موهومه دن ایسه ده مقتضای حاله توافق ایدر .
خلوصه متعلق مکتوبلرده استعمال اولنان (حقیقه) ذات
عالیلرینه خلوصم بر درجه ده درکه (اصلاً و قطعاً) زوال وتغیر
قبول ایتمز کی عبارهلر شاعرلرک قوللاندقلری الفاظ لایابالیانه
نوعندن و مکتبه جه مقتضای حاله تطبیق اولنه میه جق سوزلردندر .
زیرا بویه عبارهلری حاوی مکتوبی یازان بر شخصک مرسل

ایله ایله بینارنده - طرفینجه مصدق - مناسبت خالصانه وار ایسه
تأکید شامل او یله سوزلر جدیاتدن عد اولنه مز .

مناسبت یوقسه او یله عبارده لرا کاذیب منشیانه دن معدود اولور .
لکن احبابک بری دیگرندن مناسبت خالصانه یه مغایر بر حال
حس ایدوبده تحریر آ، یا خود بشقه درلو معامله ایله اساساً تردد
ویا مواخذة کوسترسه او مثلاً عبارده لره مناسبتی قابل و مقتضای
حاله موافق عد اولور .

مصالحه ده مخبره بویه در . مثلاً بر قضا قائم مقامی آمری
بولسان بر سنجاق متصرفک ویردیکی بر امر قانونی یی معذرت
مقبوله یه مستند اولقمسزین اجرا ایتدیکی ایچون او متصرف
مرجعنه مراجعت کوسترسه « شو ماده یه دائر فلان قضاسی
قائم مقامی فلان، طرفزدن ویریلن آمری معذرت مقبوله
کوستر مکسزین موقع اجرایه قومدیغندن محاکمه التمه النسنی
استیذان ایدرم » دیه جک یرده « طرفزدن (قانون دائره سنده)
امر ویرلمشکن (هیچ بر درلو) معذرت مقبوله و (مشروعه)
یه مستند (ومبئی) اولقمسزین (حیحاً و حقیقهً مخالفت تامه ابراز
ایله امر قانونی یی موقع اجرایه وضع ایتدیگندن محاکمه التمه
النسنی (لزوم قطعی وقوی اوزرینه) استیذان ایدرم » کبی
الفاظ شدید و مؤکده یازلمسی هم مقتضای حاله مغایر ، همده
شبهه یی داعی اولور .

بر آمر محاکمه سی کندی ریاستی التمه کی محکمه یه عائد
بر مأمورك احوالی اطلاق اوزره مافوقنه خالصانه اخبار ایله

حاکمه سنی استیذان ایتیموبده اولیه مناسبتسز الفاظ تأکیدیه وحشویات ایله اخبار ایتیمی مقتضای حاله تطبیق اولنه میه جفندن بشقه اصحاب وجدان وانصاف نظرنده ریاسته تعلق ایدن صلاحیت قانونیه سنی بیله اخلال ایتیش کورینور .

برمخبر برکیمسه یه برمخبر ویرمکی قصد ایتسه مقصدی یا مخاطبجه مجهول اولان برحکمی اکا بیلدرمکدن، یاخود مخاطبجه معلوم اولان بر حکمه کندیسسی واقف اولدیفنی اکا اکلاتمقندن عبارت بولنور .

اول حکمه (فائده خبر) و مخبرك - مخاطبجه معلوم اولان اولیه بر حکمه - کندوسنك وقوفنی بیلدرمسنه (لازم فائده خبر) دینلور .

امثله مذکورهنك هپسنده فائده خبر موجوددر . لازم فائده خبر موجود دکلدر .

مخاطبك معلومی اولان برحکم - بعض علت ونکته یه مبنی ظاهر حاله مخالف اوله رق - کندوسنه سویلنه ییلور . مثلاً : برکیمسه برمخله کیدوبده بر شخصدن آنی مکتوم طوتسه او شخص او کیمسه یه (سن فلان محله کیتدك) دیدکده بویله افاده دن مقصدی (کیتدیککه وقوفم وار) دیمك اولور . بومثالده هم فائده خبر ، هم ده لازم فائده خبر موجوددر . فائده خبر او خبرك مخاطبجه ذاتاً معلومی اولان حکمی ، لازم فائده خبر اوحکمك مدلوله مخبرك وقوفدر .

علی الاطلاق خبرلرك هپسنده - مخاطبجه حکم كرك مجهول

اولسون، كرك معلوم - فائده خبر بولنور. لكن خبرك حكمی مخاطبجه ذاتاً معلوم اولدقجه لازم فائده خبر بولنه مز. بناء عليه فائده خبرله لازم فائده خبر بیننده عموم وخصوص مطلق وارد.

بعضاً برحکمه واقف اولان برکیمسه جاهل منزله سنه تنزیل ایله او حکم کندوسنه خبر ویریلور. مثلاً برکیمسه «قمارك حرام اولدیفنی بیلوبده قمار اوینایان برکیمسه یه «قمار حرامدر» دیه خبر ویرسه «قمارك حرام اولدیفنی بیلدیكك حالده علمكك عمل ایتیموب اوینایورسك» دیمکی مراد ایتمش اولور.

بویله یرلرده نکتته بر نصیحت و ثوابه خدمتدن و امر بالمعروف ونهی عن المنکرى التزامدن عبارتدر.

بعضاً سائل اولیان برکیمسه سائل مقامنده طوتیلوب کند. وسنه و برشی خبر ویریلور. مثلاً: برکورتلی ایشیدن برکیمسه او کورتلی محندن کلان برشخصه باقدقده - «شو کورتلی ندر» دیه صور مقسزین - او شخص او کیمسه یه «ایکی آدم بری بریله منازعه ایدیور» دیمسی کبی. بونده مخبرك حالا مخاطبدن سؤاله میل کورمسی او یله خبر ویرمکی موجب اولور. سائل اولیانی سائل مقامنه قویوب اکابرشی خبر ویرمک بعضاً تهدید ایچون دخی التزام اولنور. مثلاً: زقاقده یارامزلق ایدن برمکتب چوجقنه - سؤال وقوع بولمقسزین و خبره میل کورلمکسزین «خواجك کلیور» دینلمسی کبی.

تبشیر وتنبیه مثللو محالرده دخی بوصورت اکثریاً التزام

اولئور. بویله رلرده اویله خبر لر هر نه قدر مقتضای ظاهره موافق
دکله سده مقتضای حاله مطابقدر .

بر مخاطب بر شیئه واقف ایکن انکاره متعلق اماره کوسترسه
منکر عد ایدیلرک الفاظ تأ کیده دن بریسنک التزامیه اوشی
کندوسنه خبر ویریه بیلور . مثلاً: برکیمنسه التون اولدیغنی
بیلدیکی برسیکیه باقوب سییکه نك متعالی التمش غروش قیمتنده
ایکن لغرض بیلمز لئرک « درهمی اوچ غروش دکر » دیسه
او کیمنسه « التوندر التون » دینلرک خبر تأ کید ایله کتیر -
یلورک « التون اولدیغنی بیلورکن بیلمز لئوب اویله سویلیورسک »
دیمک اولور .

قواعد مذکوره مثبت اولان ماده لرجه فصل جریان ایدر
ایسه منفی اولان ماده لرجه ده اویله جریان ایدر .

بدیه یاندن اولان احکامجه مخاطب منکر بیله اولسه تأ کید
ایله خبر ویرلکه لزوم کوریلر مز . مثلاً: برکیمنسه بر مخاطبه
« برایکنک یاریسیدر » دیسه تأ کیدله - بلکه صورت مطاقده
بیله - جوابه لزوم یوقدر . زیرا بونده هیچ برنکته وعلت
تصور اولنومیوب کوستریلان انکار مغالطه دن عبارت کورینور
(اسناد) ایکی قسمدر . بری حقیقت عقلیه ، دیکری
مجاز عقلی .

(حقیقت عقلیه) بر فعلی فاعل حقیقیسنه اسناد ایتمکدر .
« شوباغچلری ، شوتارلاری جناب حق یشیلتدی » « شو
قوناغی معمار و عمله یابدی » کی .

بر شخص طبعینک (شوباغچه لری طبیعت یشیلتدی) سوزنده
کی (طبعته اسناد) - کندی اعتقادینه کوره - حقیقت عقلیه
نوعندن معدوددر.

کذلک مخبرجه معلوم و مخاطبجه مجهول اولان هر بر ماده
حقنده مخاطبه ویریلان خبرلرده کی اسناد حقیقت عقلیه در .
(احمد افندی خانه سنده در) ، (حسن بک دون بکا کادی) کی .
فعل فاعل ایچون بنا قانمش اولدینی حالده فاعله ، مفعول
ایچون بنا قانمش ایسه مفعوله اسنادی هپ حقیقت عقلیه
قسمندن اولمغله بویله یرده مجاز جریان ایتمز .
شوفصلده بومحله قدر سبقت ایدن مثاللرک جمله سی بوقییلدن
صاییلور .

(مجاز عقل) فعلی حقیقته اسناددن دوندوره جک برقرینه نک
وجودی اوزرینه ملابس [۱] اولدینی بر شیئه اسناد ایتمکدر .
ذکر اولنان قرینه بعض مقامده قرائن عقلیه دن و بعض محله
قرائن عادیه دن ، بعضاً دخی قرائن لفظیه دن معدود اولور .
وفعلک ملابسی فاعل ، مفعول به ، مصدر ، زمان ، مکان ، سبب
کی ملابسات مختلفه دن بری اوله بیلور .

فعل ، فاعل ایچون بنا قانمش ایکن مفعول بهه ، مفعول
ایچون مبنی ایسه فاعله اسناد اولدینی حالده بواسناد ، مجازی
اولور .

(مطبعة عامره) ، (ضربخانه عامره) کی عبارده لرده کی اسناد

مفعول ایچون بنا قلنمش اولان فعلك فاعله و (حوضه صو طولمشدر) ، (كوزلر مه یاش طولمشدر) مثالی سوزلرده کی اسناد فاعل ایچون بنا قلنمش اولان فعلك مفعول به اسنادی قییلندندر .
 برنجی مثال (مطبعة معموره) ، ایکنجی مثال (ضربخانه معموره) مقامنده اولوب اوچنجی مثالده کی (حوض) مملو و (صو) ممتلی ؛ دردنجی مثالده (كوز) مملو و (یاش) ممتلی اولمغله اولیه ایراد اولنلری مجازیدر .

(دولت امر ایتدی) دینله جك پرده (دولتک امریدر) سوزی مجازاً فعلك مصدره ، (فلان ذاتك كوندوزی صائم ، کیجه سی قائمدر) کلامی زمانه ، (چای آقادی) عباره سی مکانه اسناد اولندیغنه مثال اولوب شو مثاللرده کی قرینه لرك هربری قرائن عقلیه دندر .

(مشیر پاشا حضرتلری بر كوزل قوناق یاپدی) مثالنده کی اسناد مجازی ، فعلك سببه اسنادی قییلندن فقط (مشیر پاشا حضرتلری) عنوانیه معروف اکابردن بر ذاتك معمارلق ایدوبده کندی الیه قوناق یامیسی عاده توافقی ایده میه جکندن بونده کی قرینه قرائن عادیه دندر .

(قوماندان پاشا حضرتلری دشمنك یوز بیک موجودلو براردوسی بوزدی) سوزنده کی اسناد مجازی ، فعلك سببه اسنادی نوعندن معدود اولوب فقط بر ذاتك یالکر باشنه یوز بیک عسکره مقاومته غلبه ایتسی تصدیقات عقلیه دائره سندن خارج و قوما ندان پاشالرك دشمن اردولرینه قارشو بالذات سلاح استعمالیه

حرب ایتمه جکی و کندو لری قوماندایه اکتفا ایدرک عسکر
حرب ایده جکی دخی عادتاً معلوم اولمسنه نظرأ بونده کی قرینه
هم قرائن عقلیه، همده قرائن عادیه دندر .

بر مؤمنك « طبیعت نه کوزل شو باغچه لری یشیلتمدی »
سوزنده کی طبیعتدن مراد « طبیعت بهار » اولوب بهار موسمنك
طبیعتی اغاجلر نه یشیلتمسنه سبب اولمغله شومشده کی اسناد، مجازاً
فلک سیه اسنادی قیلندن و قرینه قرائن عقلیه دندر .

کویا طبیعت ایتمش کوی زهینی تسطیح
تبت اشاعه ایتمش چین و ختن یوقاری

ییتنده کی طبیعتدن مراد (طبیعت موقع) اولوب بونده کی
اسناد دخی مجازی در .

فاعل حقیقی جناب حق اولدیغی معتقد اولان برذاتك
« الله تعالى حضرت ترینت قدرتی بیوکدر . موسه شتا اغاجلری
قوریدر . فصل بهار اغاجلره صوکتیرر » سوزنده کی اسناد
کذلک فلک سیه اسنادی قیلندن و اغاجلره ییوست و رطوبت
ویرن جناب حق اولدیغی قئلت بیلدیکنه و معتقد اولدیغنه
« الله تعالى حضرت ترینت قدرتی بیوکدر » سوزی قرائن
لفظیه دندر .

بوفصلده کی اسناد مجازیده الفاظک موضوع لهاسندن خارج
معانییه تعلق ایدر جهت اولیوب مجاز یالکز فلک صورت
استانده در . الفاظک موضوع لهاسی خارجنده مجازاً استعماثنه

تعلق ایدہ جک بحث علم بیانہ عائد مباحثدن معدود اولدیغندن.
بونک ایچون ایکنجی بایده تفصیلات کافیہ درج ایدہ جکز .
ان شالله تعالی .

ایکنجی فصل

مسند الیهک احوالی بیانده در

اجمال

کلامک اخراجنده مسند الیهه عارض اوله جق احوال
آتیده کوستریلان اموردن عبارتدر .

(۱) کلامده ذکر اولنمیوب ترک اولنمی

(۲) ذکر اولنمی

(۳) تعریفی وتنکیری

(۴) صورت توصیفی

(۵) وجوه متعدده ایله تعقیبی

(۶) کلامده صورت تقدیم وتأخیری

(۷) مقتضای ظاهره مخالف ایرادی

اشبو تعداد اولنان احوالدن هر بریمی ایچون مقامات
مختلفه اومغله مقامات مذکوردهنی وجه آتی اوزره تفصیله
ایدہ جکز .

تفصیل

- ۱ -

مسند الیهک کلامده ترکی

بعض مواقعده مسند الیهه ظاهر حالات کوستره جکی اقتضا
اوزرینه کلامده ذکر اولنمیوب ترک اولنور .

مواقع مزبورہنک (۱) نحیسی مسند الیہ دلالت ایدہجک
قرینہنک بولندینی مقامدر . بونہ محددہ ذکر ی عبث اولہجغندن
ترک ایدیلور .

مثال

برکیمسہ بر خستہیہ « فصل سن » دیدکده « خستہ » دیو
جواب المسی کبی . سائلجہ سؤالک سبقتی قرینہ اولدینی مخاطب
بیلدیکی ایچون مسند الیہ اولان (بن) لفظی جواب مذکورده
ذکر ایتمکه لزوم کورمز .
(۲) سامعک ذهنی اویانق اولوب اولدینی کلامق مراد
اولنان موقعدر .

مثال

برکیمسہ برکسنہیہ « برکوزل آت صاتیلق دوشورر ایسک
بنم ایچون آل » دیمش اولوبده براز وقت صکرہ اول کسنہ
اول کیمسہیہ تصادف ایلدکده « هله باقمیم سوزمدن مراد
اصیاردینی آت اولدینغه ذهنی انتقال ایدرمی » ملاحظہ سیلہ
مسند الیہ اولان « آت » لفظی ترک ایدرک « اندی » دیمسی کبی
(۳) سامعک ذهندهکی اویانقلق نہدرجده اولدینی کلامق
مراد اولنان موقعدر . بویله موقعده سؤال ومذاکرہکی قرینہ
لفظیہ سبقت ایتش اولماملی فقط سائل طرفندن قرینہ عقلیہ
کوسترملی در .

مثال

برکیمسہ رفیقیلہ برلکده برکوزل باغچہده ایکن « شوباغچہ پاک

کوزلدر « ديهجك یرده مسند اليه اولان (شو باغچه) لفظی
لسانه امیوب رفیقنك كوره جي بر صورتله اغاجلرده، چيچكلره
باقدقدن صكره « پك كوزلدر » دیمسی کبی .
(۴) تعظیم موقعی در .

مثال

بر مستدعی رجاسنی صدر اعظمه عرض ایتسینی برذاتدن
التماس ایدوبده صكره او ذات ایله كورشده مستدعی « نصل
اولدی » دیمسنه جواباً او ذات « صدراعظم رجا کی قبول بیوردی »
ديهجك یرده مسند اليه اولان (صدراعظم) لفظی تعظیماً ذکر
ایتمیوب « قبول بیوردی » دیمسی کبی .
(۵) تحقیر موقعی در .

مثال

حضار اینچنده رعایته شایان ذواته قارشو برکیسه نك بی ادبانه
اوطوردیغنی کورن برذات دیگر بریسنه خطاباً « هله باق نصل
اوطورده یور » دیرنك اول کیسه نك مسند اليه اولان اسمنی
تحقیراً لسانه المامسی کبی .
(۶) استعاضدن محله ایلك قلبنده تأثر ارتمامسی ملاحظه
اولنه جق مقامدر .

مثال

برکیسه بر مرجع مخصوصدن حاجتک حصولنه مساعدده
انتظار و امیدنده ایکن - او مرجعدن کلان و تمهیله واسطه

اولان - بر شخص انکه ملاقی اولدقده « مقصودك حاصل اولدی » دیه جك یرده « اولدی » دیسی کی .

(۷) لدی الحاجه مسند الیه « سوز سنك حقتده دكل ایدی » دیو انكار ایتك ملاحظه اولدینی موقع در .

مثال

حضار ایخنده شایان قسیح بر کیسه بولوبده یینلرنده ذهناً و یا مذاکره قرینه انتقال موجود اولان ایکی شخصدن بریسی دیگرینه اول کیسه حقتده « فلان کیسه پك الحق در » دیه جك یرده قرینه مذکوره اوزرینه مسند الیه ترك اتله « پك الحق » دیسی کی .

(۸) مسندك مسند الیه مخصوصیت و بشقه منه عدم صلاحیتینی کوستره جك مقامدر .

مثال

« جناب حق (فعال مایرید و خالق مایشاء) در » دیه جك یرده « (فعال مایرید و خالق مایشاء) در » دیسی کی .

(۹) مسندك مسند الیه مخصوص اولدینی ادعا موقعی در .

مثال

« عاشقانه و مؤثرانه شعر سویامك شعرایه خصیصه عمومیه در » دینلده بر کیسه نك « خیر . شعرایه خصیصه عمومیه دكل در » یالکز فضولی به مخصوص در « دیسی کی .

(۱۰) مسند الیهک ذکر یله فرصت فوت اوله جفی ملاحظه اولنان موقع در .

مثال

بر خرسزی تعقیب ایدن بر کیمسه او خرسزک طوتلمسند
راست کلانلردن استعانه ایچون « شوقاچان خرسزدر . طوتیکز »
دیهجک یرده مسند الیه اولان (شوقاچان) لفظی ترک ایله
مسندک ذکر یله بالا کتفا « خرسز » دیمسی کبی .
(۱۱) مسند الیهک اسمنی حاضر بولنانلردن صاقلامق استلانی
مقام در .

مثال

حضار ایچنده بولنان بر ذاتک کزلیجه کورمسی استدیکی
بر کیمسه نک کلدیکی بر مخبر « کلدی » دیمکله اوداته خبر ویرمسی
کبی .

(۱۲) مدح موقعی در .

« نه کوزل ادمدر » کبی .

(۱۳) ذم موقعی در .

« نه فنا ادمدر » کبی .

(۱۴) ترحم موقعی در .

« پک بیچاره ادمدر » کبی .

(۱۵) استعمال شایعه اتباع اولنان موقع در .

« ایش تصادفی بویله اولدی » دیهجک یرده « تصادفی بویله

اولدی » دینلدیکی کبی .

- ۲ -

مسند الیهک ذکر ی

مسند الیهک کلامده ذکر اولنسی آتیده بیان اولنه حق مقاملرده جریان ایدر .

(۱) اصل اولدینی ایچون ذکر ی عبث اولمان هر بر محله ذکر اولنه بیلور .

(۲) قرینه موجود اولوبده ترکی لازم کلان محل . مقام تبرک اولدینی تقدیرده ذکر اولنسی کوزل اولور .

مثال

برسائل « حضرت پیغمبر صلی الله تعالی علیه وسلم اقدمن قچ یاشنده ایکن اخرتی تشریف بیوردیلر » دیسه سوال حکمنجه قرینه لفظیه موجود اولدینی ایچون « التمش اوج یاشنده ایکن » دیمک دخی کافی اوله بیلور ایسه ده تبرکاً مسند الیه اولان (حضرت پیغمبر) لفظ شریفنک الفاظ متبرکة سائر ایله برابر ذکر یله « حضرت پیغمبر صلی الله تعالی علیه وسلم اقدمن التمش اوج یاشنده ایکن اخرتی تشریف بیوردیلر » دینلمسی کی .

(۳) سامعک غباوته تنیه مراد اولنان موقعده ذکر اولنور .

مثال

برکیمسه (احمد افندی) نامنده بر آدمک کلمسنه منتظر اولوبده کلدیکنی خبر ویره جک اولان بر مخبر قرینه موجوده اوزربنه « کلدی » دیمکه اکتفا ایده بیلور ایسه ده اول کیمسه تک غباوتی جهتیه « کلدی » لفظیه کیمل کلدیکنه ذهنی انتقال

ایده‌میه جگنی مخبر بیلدیکی خالد « احمد افندی کلدی » دیهرت
مسند الیهی ذکر ایدر .

(۴) تعظیم موقعنده ذکر ایدیلور .

مثال

برسائل « دولت علیه عثمانیه نه تاریخده تشکل ایتدی .
دیهه مخاطب « الی یوز طقسان طقوز تاریخده » دیمکه اکتف
ایده‌بینور ایسه‌ده تعظیم ایچون « دولت علیه عثمانیه الی یوز
طقسان طقوز تاریخده تشکل ایلدی » دیهرت مسند الیه اولان
(دولت علیه عثمانیه) یی ذکر ایدر .

(۵) تحقیر موقعنده ذکر اولنور .

مثال

برسائل « هلا کو کیمدر » دیسه « هلا کو برظالمدر » دیه
جواب ویرلمسی کی .

(۶) قائل مسند الیهی ذکر ایتمه تلهذ ایلدیکی موقعده
ذکر ایده بیلور . فضولینک

کرچه جاناندن دل شیدا ایچون کام استرم
صورسه (جانان) بیلزم کام دل شیداندر

بیته اولدیفی کی . شو بیتک ایکنجی مصراع « صورسه »
بدن بیامزم کام دل شیداندر « صورتیله اولیق لازم کلور ایکن
تلهذ ایچون (جانان) لفظی تکرار ذکر ایتشد .

(۷) بسط کلامه وسیله عداوته جق مقامده ذکر اولنه بیلور .

مثال

بر آمر — ضم معاش ایچون عرض استدعایه وسینه
 ارایان — بر مأموره « و قتیله معاش اله بیلور می سن » دیدکده
 اول مأمور « اله بیلورم » دیسه جواب، کافی اوله بیلور سه ده
 جوابی بسط کلامه وسینه عدا یله « معاشم و قتیله انه یور . لکن
 معاشم اداره مه کافی دکلدر . خسنی . استرحا میده حکم » دیمسی کی .
 (۸) افتخار موقعنده ذکر اولنور .

مثال

بر کیمسه بر عثمانلی یه « متبوعک هانکی دولتدر » دیسه
 « دولت عالیۀ عثمانیه در » دیمسی جواب کافی اوله بیلور ایسه ده
 افتخاراً « متبوعم دولت عالیۀ عثمانیه در » دیه جواب ویر می کی .
 (۹) تعجب موقعنده ذکر اولنور .

مثال

« فلان افندی حاکم ایله معروف ایکن فلان کیمسه یی بغیر حق
 دوکشدر » دینلکده « فلان افندی می دوکشدر . نقدر عجیب
 شی ؟ اوزات بر کیمسه یه بر فسکه بیله اورمن . ظن ایدر ایدم »
 دینامسی کی .

- ۳ -

مسند الیهک تعریف و تنکیری

(تعریف) بر حقیقت داخلنده بولان اشخاص و اشیا دن
 بر یسنی بشقه لرندن تمیزه صالح اوله بحق بروجه مخصوص ایله

ذکر ایتمکدرکه سامع انی ایشدکده - ذهنی بشقه لرینه انتقال ایتمکسزین درحال - طائیش اولور . بوصورتله ایراد اولنان مسند ايله (معرفه) عد اولنوز .

(تنکیر) بر حقیقت داخلنده بولنان اشخاص واشیادن بریسنی وجود تمیزدن عاری اولق اوزره ذکر ایتمکدرکه سامع انی ایشدکده - صورت مخصوصده تمیزینه مقتدر اوله میوب - ذهنی بشقه لرینه ده انتقال ایدر . بو وجهله ایراد اولنان مسند ايله (نکره) صایلور .

(مسند ايله) الی صورتله تعریف اولنور .

(۱) اضمار ايله تعریف در . بوصورت ضمیر عد اولنان لفظلرک بریسیله حاصل اولور .

(۲) علمیت ايله تعریف در . مسند الیهک ذاته مخصوص اولان اسم ايله ذکر اولمسی در . لقب ايله تعریف دخی بونوعنددر .

(۳) صله ايله تعریف در . بر شخصی ، یا خود بر شئی - کندوسنی طائندره جق - احوال مخصوصه سنک بریسیله ذکر ایتمکدر .

(۴) اشارت ايله تعریف در . اسماء اشارت اولان لفظلرک بریسیله مسند الیهک ذکر ایدلمسی در .

(۵) معهودیت صورتیه تعریف در که یا سامعک ومخاطبک ذهنلرنده ویا بحسب العرف خارجده معهود اولور .

(۶) اضاقله تعریف در . بوصورت مسند ایلی - کندوسنی

طائدره جق - بر شخص معروفه و یا بر شیء معلومه اضافه ایله ذکر ایتمکدر .

بناءً علی ذلك ذکر اولئان الئی صورتدن بر یسنی حاوی اولان مسند الیه (معرفه) و بونلردن عاری اولان مسند الیه (نکره) عد اولنور .

مثلاً (کیمسه) و (بر کیمسه) لفظلری وجوه مذکوردهدن عاری اولدیغندن نکره در . (اول کیمسه) . (شو کیمسه) لفظلرینک برنجیسی اضمار و ایکنجیسی اسم اشارتله معرف اولدیغندن (معرفه) در .

تعریفدن هر بر صورتله مخصوص مواقع مختلفه اولغله مواقع مذکوردهنی آتیده ایضاحات لازمه ایله برابر تفصیل و تمثیل ایده جکیز .

(اضمار ایله تعریف)

مسند الیهک حکماً ذکر ی سبقت ایتدیکی ایچون اوچ مقامده اضمار ایله تعریفی جریان ایدر .
(۱) تکلم مقامی در .

لسانمزجه مقام تکلفده (متکلم وحده) اولان کیمسه (بن) و (متکلم مع الغیر) اولان کیمسه (بز) ضمیر لرینی استعمال ایدر .

برنجیسنه مثال

قصدک اکر تجسس حال فقیر اینسه
ایل سویلمز صحیحنی بن سویلمز سکا

« عالی افندی حقیقهٔ عالی در » ، « خیرالله افندی مسماسی
اسمه مطابقی بر ذاتدر » ، « صالح اغا مسمی بانقیض در »
« ابوالفضل هوسکاران معارف باباسی در » ، « ابوالبخل دن
کیم خیر کوره بیلور » کبی .

صله ایله تعریف

صله معناسنی حاوی اولان الفاظ لسانمزده (اوذات که)
(اول برکیمسه که) ، (اوشی که) ، (اول که) ، (اول برشی که)
(شول برشی که) ، (شول کیمسه که) ، (اویله برکیمسه که)
مثالو تعییرلدر .

اکثریا بولفظلرک مدلوللرینه دلالت ایدهلک بشقه تعییرلر
دخی استعمال اولتور . (بکا سویلیان) ، (سکا غدر ایدن)
(بکا نصیحت ایدن) ، (کیدن) ، (کلان) ، (بزی بکنمیانلر)
(کندیلیری مدح ایدنلر) کبی .

مسند الیهک صله ایله تعریفی مقامات آتیهدده جریان ایدر .
(۱) مخاطبک برکیمسینی بیلمسی احوال مخصوصه سندن
بریسيله تعریفه محتاج اولان موقع در .

« اول ذات که دونکی کون بزمه برابر ایدی بیوک بر
عالم در » کبی .

(۲) اسمنک تصریحده استهجان کورینان موقع در .

« سیلیدن چیتان شی آبدستی بوزار » کبی .

(۳) زیادهٔ توصیف مراد اولنان مقام در .

شول عرق کیم اول کل اندامک یناغندن چیقار
سلسیلک عینی در فردوس باغندن چیقار
بیتنده اولدینی کبی .

(۴) وجه خبرک بناسنی ایما مراد اولنان موقع در .
کیم که مکرزن دنیایه زبون اولمز ایسه
رمز مکاه فلکه مرد کلور مرد کیدر
بیتنده اولدینی کبی .

(۵) مخاطبه خطاسنی تبیه مقامی در .
جهان که عالم عبرتدر اشبو غفاتی قو
ایدر مصائبه پامال بر بهانه سنی
بیتنده اولدینی کبی .

(۶) مسند الیهک شاننه تعظیم مقامی در .
اول که امرکن ایله عالمی ایجاد ایتدی
شویووک قبه مشهوده بی قلدی انشا
بیتنده اولدینی کبی .

(۷) غیرک شاننه تعظیم مقامی در .
تابع فرمان ایدر حکمیننه جمله عالمی
مرتضی حکمنه هرکیم تابع فرمان اولور
بیتنده اولدینی کبی .

اشارت ایله تعریف

مسند الیهک اشارتله تعریفی یوقاروده بیان اولدینی اوزره
اسماء اشارتله مخصوص اولان لفظلردن برسیله ذکر اولمسی در .

لسانمزجه اسماء اشارت عد اولنان الفاظ مفرد حالنده
قریبه (بو)، (شو) ومتوسطله بعیده (او) لفظلرندن وتنبیه
وجمع حالنده قریبه (بونلر)، (شونلر) ومتوسطله بعیده (اونلر)
لفظلرندن عبارتدر .

نه حدی وارکه لاله بحث ایده رخسار دلبرله

بوورد کلشن حسن وملاحتدر اوباغی در [۱]

بیتک مصراع ثانیسنده کی (بو) مفردجه اشارت قریبه
و (او) اشارت بعیده مثالدر .

و « بونلر جهلا ، اونلر بدلادر » سوزنده کی (بونلر)
جمعه قریبه و (اونلر) بعیده اشارته مثالدر .

مسند الیهک اشارت ایله تعریفی آتیده بیان اولنه جق
مقاملرده جریان ایدر .

(۱) زیاده تمیز مراد اولنان مقامدر . نانی نک

بوخاکک پرتوندن اولدی دیجور عدم زائل

عمادن اچدی موجودات چشمن توتیادر بو

بیتک ایکنجی مصراعنده کی (بو) کبی .

(۲) سامعک غباوته تعریض موقعی در . ینه نانی نک

صاقن ترک ادبدن کوی محبوب خدادر بو

نظر کاه الیدر مقام مصطفادر بو

بیتنده کی (بو) ترک ایکیسیده تعریضه مثالدرکه مخاطبه تعریضا

بومقام نه مقام اولدیغنی اکلامدیغک ایچون آدابه نوافق

ایتمه جک بر حالده بولنه یورسن « دیتیکی مراد ایتشددر .

(۳) بیان حال موقعی در .

هانی وقتی ایله برنار براتدك دلیمه
ایشته بو آتش اودر سونمدی حالا طو آشور
ییتده اولدینی کی .

(۴) تحقیر موقعی در .

اینانمه هر نه سویلر سه سکا هپ بی حقیقتدر
نیجه ساده دلی اغفال ایدن افسانه خواندر بو
ییتده اولدینی کی .

(۵) مسندك مشارالیه عقینده کی اوصافه لیاقتی بیان موقعی در .

بو اول حکمت شناس علامه فضل آشار کیم
یاننده طفل ابجد خوانه بکزر بو علی سینا
ییتده اولدینی کی .

معهودیت ایله تعریف

یوقاروده کوسترلدیکی وجهله معهودیتله معرف اولان
مسند الیه یا سامعک و مخاطبک ذهنلرنده معهود اولور یا خود
سامع و مخاطبک ذهنلرنده معروف اولیوب بحسب العرف
خارجده مشهود اولور . لسان عربینده برنجی موقعده لام
عهد ذهنی . ایکنجی موقعده لام عهد خارجی مستعمل در .
ترکیده بعضاً او موقعلرده (معهود) و بعضاً (کندوسی) و
(کندولری) . (سنک کی) ، (بنکی) مثلی لفظلر استعمال
ایدیلور . بعضاً دخی معروفیت خصوصیه سی جهتیله علی الاطلاق

ذکر اولنور . بردارڈنک رئیس ویا برخانهك بیوکی اودائرہ
 واوخانهجه معروف اولدینی ایچون حد ذاتنده نکره اولان
 (افندی) لفظی اودائرہ واوخانه خلقنجه - ذکر اولندی
 آنده - کندی رئیسری و بیوکلری اولان افندی اولدینی
 درحال معلوم اولور . بناءً علیه لفظ مذکور اطلاق اورره ذکر
 اولنسه بیله او یله موقعلرده نکره عد اولنیموب معرفه صاییلور .
 مسند المیهک (معهودیت) صورتیله تعریفی آتیده بیان
 اولنه حق مقاملرده جریان ایدر .
 (۱) خارجده معهود اولان برشیئه اشارت اولنسه حق
 مقام در .

« سنك کی بنکی کی دکل » مثالی

(۲) نفس حقیقه اشارت موقعی در .

« ارکک قاریدن خیرلی در » کبی .

شو مثالده « ارکک جنسی قاری جنسندن خیرلی در »
 دیمک اولور .

(۳) ذنده معهودیت جهتیله واحد ایچون تعریف مقامی در .

حقیقه معرف اولان مسند الیه ذنده معهودیتی جهتیله بعضاً
 حقیقتدن بر فرد ایچون کتیریلور .

« چارسو اچلدی » کبی که چارسو متعدد اولدینی حالده

او یله دیکدن مراد خارجده غیر معهود و ذنده معهود اولان
 چارسو اولور .

(۴) عهد صورتنک استغراقی افاده موقعی اولوب بوده

ایکی درلودر . بریسی حقیق، دیگر عرفی .

حقیقی به مثال

« جناب حقچه کزلی . اشکاره مرشی معلومدر » عباره سی در
 بونده استغراق علی الاطلاق اولمغه « علم الهییدن خارج هیچ
 برشی یوقدر » دیمک اولور .

عرفی به مثال

والی پشانک امریله قیومجیلرک هپسی طویلاندی «
 سوزیدر . بو استغراق دنیاده نقدر قیومجی وار ایسه جمله سنه
 شامل اولمیوب یالکز والینک زیر اداره سنده بولنان ولایتده کی
 قیومجیلرک جمله سنه شامل اوله جفی عرفاً بیلنور .

اضافت الیه تعریف

مسند الیهک ذهن سامعه احضارینه انقصه یول اضانتله
 تعریفی در . « بنم بابام کتدی » . « سنک اوغلاک کلدی » ،
 « سلیمان بکک قرنداشی یازدی » کی .
 مسند الیهک (نکره) اوله رق کتیرلمسی آتیده بیان اولنه جق
 مقاملرده انترام اولنور .

(۱) تعظیم موقعی در .

بر لطفی وازکه هرکیم اولورسه ایدر اسیر
 برجودی وازکه مرده فقره ویرر حیات
 ییتنده اولان (بر لطفی) و (برجودی) لفظلری کی که
 بولنرک هر بریسی مسند الیه حقنده تعظیم و ستایشی حاویدر .

(۲) تفخیم موتعی در .

بر درده ایتدی کیم بی بردرد بیتلا
یانمدن العیاذ ایله ایلر کذر بلا
بیتده کی « بردرد » کی که پک بیوک درد دیمکدر .

(۳) تکثیر موقعی در .

« فلانک دوه سی و قیونی وار کی که « چوق دوه سی »
چوق قیونی وار » دیمکدر .

(۴) هم تعظیم، همده تکثیر موقعی در .

« سنی تکذیب ایتدیلر ایسه سندن مقدمکیلرده تکذیب
اولندیلر » کی . « سندن مقدمکیلرینی ده ازیاده تکذیب ایلمش
اولدقاری حالده کاذبلرک تکذیب لرندن انلرک شانلرینه خلل
کمدیکی کی سنک شانکه ده اصلا برخلل کلز » دیمکدر .

(۵) تحقیر موقعی در .

بر آتم وارکه مجموعه اسقام وعلل
موی اندامی قدر عیب تنده درکار
بیتده اولدینی کی .

(۶) ذم موقعی در .

برحالی وارکه اوغانه، دک نفرت ایتدر
برطبی وارکه دشمن ایدر خیر خواهی
بیتده اولدینی کی .

مسند الیہک توصیفی

مسند الیہک توصیفی ذکر اوانہ حق وصفک کندوسنی
 اچق کوستریجی ومعناسنی کشف ایدیجی اولیسی ایچوندی .
 « قرمزی کل » ، « یشیل چادر » کی .
 وصف بمضاً مسند الیہک مدحی شامل اولور .
 « ذات شریف » ، « وزیر صادق » کی .
 بمضاً دخی ذمی مشعر اولور .
 « شخص دنی » ، « عالم غیر عامل » کی .
 بمضادہ جالب ترحم اولہ حق برصورتی مشتمل بولور .
 « زواللی ادم » ، « بیچارہ ادم » کی .
 موصوف بروصفک ذاتاً معناسنی متضمن اولدینی حالہ
 بیلہ بعض موقعدہ وصف تأکید صورتیلہ ایراد اولور .
 « اوچیجی قوش » ، « قنادلی قوش » ، « کشنہ پیچی آت »
 « صبی غیر بالغ » کی .
 چوق یردہ مسند الیہک توصیفی صلہ طریقیلہ جریان ایدر .
 آتمش شکیب وصبری سووب سن ستمکری
 ضرب ایت بلای عشقہ دیو باکہ پند ایدن

و

ینتائی تہالک ایلہ یولده قالدی ہپ

سر منزل مراہمہ وقتسر شتاب ایدن

یتلرندہ اولدینی کی .

مسند الیه جمله طرزنده ایراد اولنه جق وصفجه ادات
ربط اولان (که) ویا (کیم) لفظلرندن بریسی قوللانیلورکه
بوده صله طریقیله توصیف دیمکدر .

اودملرکه کوکل خرم ایدی بزم وصالکده

اقدام دملر اول دملر زمانلر اول زمانلردی

بیتمده و

اولدی دریا خیز اواشخانه کیم کوکلدر اول

مصراعنده اولدیغی کبی .

- ۵ -

مسند الیهک وجوه متعدده ایله تعقیبی

مسند الیهک (تاکید) ایله تعقیبی آتیده بیان اولنه جق

مواقعه جریان ایدر .

(۱) تقریر موقعی در .

مثال

برسامع مسند الیهی استماعده غفلت ویاخود مسموعی

یشقه منه حمل ایلکده تأکید طریقیله تکرار اولنه رق « فلان

سویلدی فلان » دینلدیگی کبی .

(۲) مجاز توهمنی دفع مراد اولنان محل در .

مثال

برامیر برکیمسه نی الیه دوکش اولدیغنی حکایه ایدن بر

کمنسه « امیر فلانی دوکدی » دیسه سامع - مضروب دوی دوکن
امیرك ادملری اولدیغنی ظن و - سوزی مجازده حمل ایتماک
ملاحظه سیله « امیر دوکدی امیر » یاخود « امیر بالذات دوکدی »
دیسی کی .

(۳) سهوك توهمنی ازاله مراد اولنان مقامدر .

مثال

زیدك كلدیكنی خبر ویرن برکیمسه « زید كندی » دیدكه
سامع بلکه کلان عمرو ایکن مخبر سهواً اويله سویلدی توهمنه
ذاهب اولور ملاحظه سیله « زید كلدی زید » دیو مسند الیهی
تأکید ایدر .

(۴) عدم شمول توهمنی ازاله موقعی در .

مثال

زیدك اوغللرینك هپسی كلدیكنی بیان ایچون « زیدك
اوغللری كلدی » دینلسه سامع بلکه اوغللرندن بعضیلری
كلدیكنی و بعضیلری كلدیكنی ظن ایدر ملاحظه سیله « زیدك
اوغللرینك هپسی كلدی » دیو تأکید ایله ایراد اولتور .
مسند الیه ایضاح مراد اولندیغنی حائده كندوسنه مخصوص
اولان اسمی بالتصریح (عطف بیان) ایله تعقیب اولتور .
« سئك دوستك محمد بك بكا كلدی » کی .
افاده نك زیاده تقریری مراد اولتور ایسه (بدل) ایله
تعقیب ایدیلور .

« بکا قرنداشتک کلدی . قرنداشتک دیدیکم عمر افندی در .
 صالح افندی دکل » « وزید صویولدی . صویولدی دیدیکم انوابیدر .
 دریمی دکل » ، « قلم افندیلری کلدیلر . کلدیلر دیدیکم چوغیدر
 هپسی دکل » کبی .

مسند الیهک (عطف) صورتیله تعقیبی آتیده بیان اولنه جق
 مواقعه جریان ایدر .

(۱) اختصار ایله برابر تفصیلی مراد اولسان موقع در .

مثال

« بکا هم سایمان افندی ، همده علی افندی کلدی » دنیله جک
 یرده « بکا سایمان وعلی افندیلر کلدیلر » دنیلمسی کبی .
 (۲) مسند الیهک اختصار تام صورتتک التزامیله تفصیلی
 مراد اولندیغی موقع در .

مثال

« بکا سایمان افندی کلدی . اندن حکره علی افندی کلدی »
 دنیله جک یرده « بکا سایمان افندیدن حکره علی افندی کلدی »
 دنیلمسی کبی . و برجاعتتک افراد معلومه سنی برر برر تعداد ایله
 مثلاً « بکا فلان کلدی ... فلان کلدی ... کلدی ... خالد
 کلدی » دنیله جک یرده « جماعت خالد وارانجه بکا کلدی »
 دنیلمسی کبی که شوایکی مثالده واقع (صکره) و (وارانجه)
 لفظلرندن برنجیسی لسان عربیده (نم) و دیگر (حتی) مزامنده
 درکه هر بریسی حرف عاطفه عد اولنور .

(۳) سامعی خطادن ثوابه رد موقعی در .

« بکا کلان حسن افندی در . احمد افندی دکدر » کبی .
 بوصورت قصر مبحثه متعلق اولدیغدن مبحث مذکورده
 تفصیل اولته جقدر ان شالله تعالی .

(۴) حکمك بشقه سنه صرفی مراد اولنان مقامدر .

« بکا احمد افندی کمدی بلکه حسن افندی کمدی » کبی .

(۵) شك موقعی در .

« بکا احمد افندی یاخود حسن افندی کمدی ایدی » کبی .

- ۶ -

مسند الیهک تقدیم و تأخیری

مسند الیهک کلامده ذکر ی اهم اولدینی ایچون تقدیمی
 دخی اهمدر . بو اهمیتك اسبابی پك چوق ایسه ده باشلوجه لری
 آتیده تفصیل اولنور .

(۱) مسند الیهک اصل اولسی در .

بناءً عایه مسندك تقدیمی مقام اقتضا ایتمدکجه کلامده بواصلدن
 عدولی اقتضا ایددجك برشی بولنه مز .

(۲) خبرك ذهن سامعده یر طومسی مقصدیدر .

هر بر مبتداده خبر ایچون بر تشویق جدید موجود اوله -
 جفندن شوقدن صکره ایشیدیلدجك خبر سامعك ذهنده بالطبع
 یرلشور بناءً علی ذلک مبتدا اولان مسند الیهک تقدیمده بواهمیت
 دخی بدیهیدر مثلاً

دانه دانه اول عرقلر طرء پرتابده

قطره قطره ژاله لر در سنبل سیرابده

بیتده کی (دانه دانه اول عرقلر) برکله مقامنده جریان ایدن
مسند الیه و مبتدا اولوب برقائل ابتدا بونی ذکر ایتدکده اول
عرقلرک نه اولدیغنی بیلیمکه سامعک ذهنده در حال بر شوق
حاصل اولور . و بوشوق اوزرینه سامع سامعه دقتی عطف ایدر .
قائل اومبتدائک خبری اولان (قطره قطره ژاله لر در) سوزینی
سویامسیله برابر شوق مذکور دن ناشی اشبو خبر اول آنده
سامعک ذهنده یرلشوب قالور .

(۳) تعجیل مسرت مقصیدر .

بو مقصد اسمدن حسن تفاؤل موقعنده و خیر خواهک
لهنده بر مقامه مقارنت ایدر . « سعادت سنک اوکده در » کبی .

(۴) تعجیل مسائت مقصیدر .

بو مقصد تطیر و تشاؤم موقعنده و بدخواه عاینده بر موقعه
مقارن اولور . « نحوست سنک اوکده در » کبی .

بعضاً دخی تأسف موقعنده بولنور . « قباحت بنم طالعده
در » کبی . بعضاً ده اعتراف قصور و اعتذار موقعنده جریان
ایدر . « قصور بنده در » مثلی .

(۵) ایهام مقصیدر . یعنی خاطر دن زائل اولدیغنی بیان

موقعی در . « بر ذات فاضل قوناقدده در » کبی که مسند الیهک تقدیم
ذکری تقدم شرفینی مشعر اولدیغدن تعظیمی ایهام ایتمش اولور .

(۶) استاذان مقصید در «قونا قدمو دیکم فلاندر» دنیله جک
 یرده «سودیکم فلان قونا قدمو در» دنیلمسی کی .
 بونلردن بشقه مسند الیهک تقدیمده تعریض و تحقیر کی
 اسباب سائر دخی بولنور .
 شیخ عبدالقاهر دیرکه «بعض کره خبر فعلینک مسند الیه
 قصر و تخصیصی افده ایچون مسند الیه مسند اوزرینه تقدم
 ایدر» .

مثال

«آمرمز سن دکل سن بشقه برذاتدر» دنیله جک یرده «سن
 یرمز آمرمز دکل سن» دنیلدیکی کی .
 شیخ عبدالقاهرک بیان ایلدیکی وجه لسان عربیده مسند
 الیهک - بشقه واسطه توسط یتمکسزین طوغریدن طوغری به -
 حرف نفیدن صکره وقوعیه مشروطدر . (مانا قلت هذا)
 کی . لکن بوضورتک جریانی بزجه شیوه لسانه موافق دوشمیه -
 جکندن معنای نفی ، فعله واقع و مسند الیه ایله فعلک اراسنده
 چوق کره بر مفعول ، متوسط بولنور .

مثال

خبرک فعله تخصیصی ارئه ایچون «بنم سویلدیکم بودکل
 ایدی . شو ایدی» دنیله جک یرده «بن بونی سویلدم
 دنیلدیکی کی .

شو بحثجه کتب معاینده بعض تفصیلات مندرج ایسه ده
 لسانم رجه استعماله صالح اولدیغدن ایرادن صر ف نظر ایدلدی .
 قاعده مذ کوره اکثر یا خبر فعایده بشقه سنک مشارکتی زعم
 ایدن کسه یی رد مقصدیه بطریق التخصیص استعمال اولنور .

مثال

« سنک مصاحته بندن بشقه سی چالشمدی » دنیله جک یرده
 « بن سنک مصاحته چالشم » دنیلدیکی کبی .
 مخاطب خبر فعلیجه بشقه سنک انفرادینی اعتقاد ایدر ایسه
 مسند الیهک تقدیمیه برابر تأکیدده التزام اولنور .

مثال

« بن بواشی کوردم . بندن بشقه هیچ برکیمسه مشارکت
 ایتمدی » یاخود « انجق بن بواشی کوردم » کبی .
 بعض کره سامعک ذهنده حکمه نقویت ویرنک ایچون
 نفیه مربوط اولمقسزین بویولده افاده التزام اولنور .

مثال

« شوذات احسان ایدر » کبی . بو تقدیرجه « بشقه سی
 احسان ایتمز » مثالی بر معنا مقصود اولدیغندن مسند الیهک
 تقدیمی خبرک مسند الیهه تخصیصی ایچون اوله مز .
 « سن بنم ایشیمه چالشمک » مثالو منفی اولان فعللرجه ده
 مسند الیهک تقدیمی حقه ده کی اعتبار غیر منفی اولان فعللر کی در .

افادات مذکورہ معرفہ اولان مسند الیہ متعلق در .
 مسند الیہ نکرہ اولدینی تقدیرده تقدیمی جنس نکره نك
 افرادندن بزفردك فعله تخصیصی افاده ایدر .

مثال

« بکا کلان برارکک ایدی . قاری دکل ایدی . » یاخود « بر
 ارکک ایدی . ایکی ارکک دکل ایدی » دنیه جک یرده « بر ارکک
 بکا کلدی » دنیلدیکی کی .

(عـ) . (هیچ بر) لفظلرینک هر بریسی لسان ترکیده ادات
 سور اولوب برنجیسی اکثریاً موجهه و سالبه کلیه ده و ایکنجیسی
 هر وقت سالبه کلیه ده استعمال اولنور . ایکسیده هر نه صورتله
 استعمال اولنور ایسه اولنسون : مسند الیہ مقرون اولور ایسه
 اومتوله ادات سور ایله مسور اولان مسند الیہ هر حالده مسند
 اوزرینه تقدیم ایدیلور .

« هرکس بویله سویلیدی » ، « هرکس بویله سویلمیور »
 « هیچ برکیمسه بویله سویلمدی » مثالرنده اولدینی کی .
 موجهه جزئیه ایچون مستعمل اولان (بعض) لفظی مسند
 الیه مضاف اولدینی حانده استعمال اولنور ایسه استعماله تعلق
 ایدن قابده موجهه کلیه ده اولدینی کی در .

« بعض کاتب جاهلدر » ، « بعض علما غیر عاملدر » کاتبلرک
 بعضیلری (یاخود) بعضیسی « جاهلدر » ، « اصنافک بعضیسی
 منصف دکلدر » مثالرنده اولدینی کی .

لسان ترکیده مستعمل (برطاقم) ، (براز) ، (برقاچ)
لفظ لریده موجه جزئیهدر .

مسند الیهک (تأخیری) مقامه تابع اولدیغندن مقام . مسندك
تقدیمنی اقتضا ایدر ایسه مسند الیه تأخیر اولنور . لسان عربیده
شومقام متعدد ایسهده لسانمژده یالکز اشعارده ضرورت وزن
وقایه دن بشقه مسند الیهک تأخیری موجب اوله جق مقام یوقدر .
بدایت فصلدن بومحله قدر مسند الیهک بیان اولنان احوالی
مقتضای ظاهر در .

- ۷ -

کلامك مقتضای ظاهره مخالف اخراجی

بعض مواقعده مسند الیه تفصیلات مذکوره دائره سنندن
خارج ومقتضای ظاهره مخالف اوله رق ایراد اولنور . مواقع
مذکور دنك باشلوجه لرینی آتیده بیان ایده جکز .

(۱) مظهر کتیر یله جك یرده ضمیر ایه کتیر لمسی در .

مسند الیه شوموقعده مظهر اوله رق کتیر لسه سامعك
قلبنده مابعدینی استماعه شوق حاصل اولیه جنی ومضمر کتیر -
لدکده سامع معناسنی فهم ایدمه جکندن آنی تعقیب ایدمه جك
لفظی ایشتمك ایچون بر شوق جدیده مصادف اوله جنی جهتله
کلامده حسن تأثیر وتلقیه میل طبعی حاصل اولور . بناءً علیه
کلام: سامعك ذهنده یرلشور .

مثال

« حق بکا بدنن قریب، اما بن اندن پک بعید » دنیله جگ یرده
 « اول بکا بدنن قریب، اما بن اندن پک بعید » دنیلمسی کچی .
 (۲) ضهیر ایله کتیر یله جگ یرده مظهر کتیرلمسی در .
 شو مقامده مسند الیهک کال تمیزی و حکم بدیعته تعلق
 ایده جگ اقتدار مخصوصی ارائه ایدیلور .

صنعی در بر صانعك اشبو پرند نیلكون

نقشی در بر نقشبندك بومصنع پرنيان

بیکنده اولدنیکی کچی . مصراع اولده « اشبو پرند نیلكون »
 تعبیری حای مسند الیه اسم اشارتله معرف و مظهر اولمق
 اوزره مسبق بالیان ایکن مصراع ثانیده « بومصنع پرنيان »
 تعبیری شامل اولان مسند الیهک اسم اشارتله معرف و ظاهر
 کتیرلمسینه احتیاج اولیوب مصراع ثانیته « هر کورن بر نقشبندك
 نقشی در اولدیر همان » ترتیبی مقتضای ظاهر ایجاب ایدر ایدی .
 لکن مسند الیهک کال تمیزی و مسندك کندوسنه کال اختصاصی
 ارائه ایده جگ بویله موقعده اوصورتله مضمر کتیرلمسی مقتضای
 ظاهره موافق اولسه بیله مقتضای حالدن و حسن تأثیری ایجاب
 ایتدیرده جگ شیوۀ افاده دن تباعد ایده جکی جهتله مقتضای حال
 اسم اشارتله معرف و مظهر کتیرلمسینی موجب اولمش و او یله
 ایزاد اولمشدر .

(۳) تهکم یعنی استهزا موقعی در .

مثال

فضولی اولمز ایتمش محنت و فرافه مفید
 بودوق ذکر ی که بروقت یاره همدم ایدم
 کبی . مصراع اول تکلم مقامده بطریق التجرید خطابه
 و مصراع ثانی مصراع اوله نسبتله خطاب اولمق لازمکلورکن
 او مقامده تکلمه مثال اوله بیلور . (وقس علی هذا) -
 محررات و مخابراتده مخاطبه و مرسل الیه قارشو قوللانیلان
 « ذات عالیری » « طرف سامیرینه » کبی تعیرلر خطاب یرنده
 غیبه مثالدر .

(۹) « بونی سن سویلمش سن » دیه جک یرده « سز سو-
 یلمش سکز » ، « بن یازدم » یرنده « بز یازدق » مثالی تعیرلر
 برنجی صورتی تعظیم و ایکنجیسی انایتدن احتراز موقعلر یرنده
 قوللانیلور .

(۱۰) برسائل مقصدی اولان سؤالی دیگر برسؤال مقصدیه
 تنزیل ایله منتظر اولدینی جواب حقدده مسامحه اختیار و یشقه
 صورتله جواب اعطاسیده مقتضای ظاهره مخالف بر مقامدر .

مثال

« برسائل کوا بک اجزاء مادیه و جوهریه سنی و بعد و صافیه
 کبی فن هیئته . متعلق مسائلی اکلامق مقصدیه » اشبو یلدرلر کدر .

دیو سؤال ایتسه اصل جوابندن صرف نظرله « یلدزلرک هر بریسی جناب حقت بر صنع بدیعی در » دیمکه اکتفا اولنمسی کی .
بوجوابدن مقصد صورت مختصرده جوابک اعطاسی و دفعه
سائله تفهیمی ممکن اولدینی ایچون یالکز قدرت الهیهنک مختصر آ
بیانیله اکتفادر .

(۱۱) بر مادهنک حصولی تحقق وقوعه مقرون اولدینی
بیان مقصدی اوزرینه مستقبل صیغهسی یرنده ماضی صیغهسیله
افاده حال موقعی در .

مثال

« حصوله انتظار اولنان بر مصاحتک حصول پذیرا وله جفته
شبهه قانامشدر » دینله جک یرده « او ایش اولدی بتدی »
دینلیدیکی کی .

(۱۲) قلب موقعی در که اجزای کلامدن بریسنک دیکرینه
قلب اولنمسی در .

مثال

« صوبی آته عرض ایتدم » دینله جک یرده « آتی صویه
عرض ایتدم » دینلمسی کی .

اوچنجی فصل

مسندك احوالی بیانده در

کلامك اخراجنده مسنده عارض اوله جق احوال آتیده
ذکر اوله جق اموردن عبارتدر.

اجمال

- (۱) مسندك کلامده ترك اولنسی .
- (۲) ذکر اولنسی .
- (۳) مسندك فعل، یاخود اسم اوله رق ایراد ایدلسی .
- (۴) مسندك تنکیر و تعریفی .

تفصیل

- ۱ -

مسندك کلامده ترك اولنسی

مسند دخی - مسند الیه کبی محذوف اولدیفنه دلالت
ایده جک قرینه بولنور ایسه - عشن احترازاً و اختصاراً
کلامده ذکر اولنموب ترك اولنور .

مثال

« شو یازی نی کیم یازدی » دیو وقوعبولان سؤاله جواباً
« بن یازدم » دینله جک یرده « بن » لفظیله بالا کتفا مسند اولان
(یازدم) لفظنك ترك اولنسی کبی .

ایک جملہ میں حاوی اولان بر عبادتک بعضاً جملہ اولاسندن
وبعضاً جملہ ثانیہ سندن اختصاراً چون مسند الیہ حذف اولنور.

جملہ اولادن حذفہ مثال

کل سنبله، سنبل کل رعناہ مناسب
مصرعندہ کی جملہ ثانیہ دہ واقع (مناسب) لفظی ایلہ
بالا کتفا برنجی جملہ دن حذف اولدینی کی .

جملہ ثانیہ دن حذفہ مثال

تملو اشکمدن زمین مملو اونمدن آسمان
مصرعندہ اسماندن صکرہ کی (مملو) لفظی کی .
بعضاً بر عبادہ دہ تکرردن احترازاً جل متعددہ نک صوک
کیسندہ واقع (مسند) ایلہ بالا کتفا دیگر جملہ لردہ کی مسند لک
ہیسی حذف اولنور .

زن مردہ، جوان پیرہ، کمان تیرینہ محتاج
مصرعندہ اولدینی کی .
برکلامدہ مفسر موجود اولور ایسہ مسندک ذکر کی عبث
اولہ جفندن ترکی مناسب اولور .

مثال

« بوایش نہ ایلہ حصولہ کلیور » دیو وقوعبولان سؤالہ

جواباً «بوايش همتكزله حصوله كلور» دينله جك يرده هم مسند اليهك همده مسندك حذفيله «همتكزله» دينلمسى كې .

- ۲ -

مسندك كلامده ذكر اولنمى

مسند دخى - مسند اليه كې - كلامده اصل اولدينى ايچون ذكرى عبث اولميان هر بر محله ذكر اولنور . بونكه برابر ترك اولنه جق موقعلرده حذفه دلالت ايدجك قرينهده ضعف كورينور ايسه احتياطة رعايت مراد اولنان مواقعهده وتبريك ، تعظيم ، تهديد ، افتخار قصد ايديلان يرلرده ذكرى لازمدر .

ضعف قرينهده مثال

برذات «شو يازوي يازان كيم اولديغى اوكرنده بكا خبر وير» ديو بر كمسيه سويلوبده اول كيمسه تحقيق ايله براز وقت كچدكن صكره اوزاتك ياننه واروب «نورى افدى» ديه جك اولسه توصيهك سبقتى قرينه سيله يازوي يازان نوري افدى اولدينى اكلاشيله بيلور ايسهده توصيه ايله افاده ارسنده وقتك مرورى قرينه ي ضيف دوشوره جكندن «تحقيقى توصيه ايلديكز يازوي نوري افدى يازمشدر» ديه رك مسند اولان (يازمشدر) لفظنى ذكر ايتمى كې .

تبركه مثال

«يرلرى، كوكلرى كيم ياراتدى» سؤالنه «الله» ديو جواب

ویرلشی کافی ایکن تبرکاً « عالمی یوقدن وار ایدن الله تعالی
و تقدس حضرتلری یاراتدی » دینلمسی کی .

تعظیمه مثال

« شو جامعی کیم یاپدردی » سؤالنه « فاتح سلطان محمدخان »
دینلمسی جواب کافی ایکن « استانبولک فاتحی سلطان محمد خان
حضرتلری یاپدردی » دینلمسی کی .

تهدیدیه مثال

برعضروبی دوکن کیمسه یی مؤاخذه نیتله تحری ایدن
برگسته اول کیمسه یه تصادفله « شو آدمی کیم دوکدی » دیدکده
ضارب « بن » دیمسی کافی ایکن « نه یاپه بیلورسن ؟ ایشه بن
دوکنم » دیمسی کی .

افتخاره مثال

برشقی یی دردست ایدن برکیمسه یه « بونی کیم طوتدی »
دینلرکده اوکیمسه « بن » دیمسی کافی ایکن افتخاراً « بن طوئدم »
دیمسی کی .

- ۳ -

مبندك فعل، یاخود اسم اوله رق ایرادی

مبند فعل اولور ایسه تجددی و اسم اولور ایسه ثبوتی
افاده ایده جکندن تجدد و یا ثبوتك تعینی مراد اولسان محملرده

حذفه قرینه موجود اولدینی حالده حذف اولنمیوب ذکر اولور.

مسندك تجددی افاده ایله برابر ازمنه ناشدن بریسیلهده تقیدی مراد ایدلدیکی تقدیرده فعل اولق اوزره ایراد ایدیلور. اجزاء زمان اولان ماضی ومستقبل وحالک اجتماعی ممکن اولهمیه جغندن زمان. مفهوم فعلک اجزاسندن وزمان ایچون تجدد ایسه امور طبعیه دندر. بناءً علی ذلک فعل هم اوچ زمانک بریسیله تقیدی، همد تجددی افاده ایدر.

مثال

« بن سنی کوردکجه منون اولورم » کلامی کبی که شوکلامده (منون اولورم) فعلی هم زمان استقبال ایله مقید، همد تجددی مقیددر.

اوچ زمانک بریسیله مسند تقید و تجددی مراد اولنمیغی. تقدیرده اسم اوله رق کتیرلسی لازم کلور که قید تجدددن خالی اولسی دوام وثبوتی افاده ایدر.

مثال

« کین دینلان شی بزم قلبمزله هیچ بروقت مألوف دکلدرد » کبی که مراد قلبک کیندن ماعدا مباعده دوام وثبوتی در. هربرکلامده اولان حکمک قیود ایله ازدیادی فائدهنک ترایدینی موجب اوله جغندن فائدهنک تزید و تربیه سی ایچون

فعل. مفاعیل خمسه دن و زمان و مکان و حال و تمیز و استناد
بر بسیله تقید ایدیلور .

مثال

« فلان کیمسه قرآنی بر سنه ظرفنده فلان بلدهده حفظ
ایدی . » کلامنده اولدیغی کبی که بومثالده (حفظ ایددی) فعلی
زمان و مکان و مفعول فیله مقیددر .

فعل بعض اعتباراته مبنی شرط ایله تقید اولنور .

لسانمزده شرطک ادواتی (وقتاکه) . (اکر) . (اولسه ایددی)
لفظلری اولوب الفاظ مذکورده نیک برنجیسی لسان عربیده
مستعمل (اذا) . (ایکنجیسی) (ان) . (اوچنجیسی) (و) مقامنده در .
(اکر) لفظی حوی اولان کلام مقام تکمیده ایراد اولنور .
ایسه لفظ مذکوری (ایسه) . (اولسه) . (اولسه) .
لفظلرندن ویا (کلهسه) . (کیتسه) کبی اولفظلرک اخواتندن
بریی ، مقام خطابده ایراد اولنیدیغی تقدیرده (ایسهک)
(اولسهک) . (اولسهک) لفظلرندن ویا اخواتندن بریی
ومقام غیبتده (اولسه) . (ایسه) . (اولسه) الفاظندن . یاخود
بونلرک اخواتندن بریی تعقیب ایدر . مقام ، مقام جمع ایسه
(اولسهلر) . (اولسهق) . (اولسهکر) مثللو جمعی حوی
بر لفظ ایراد اولنور .

چوق کردهده شو الفاظک بریی موجود اولسه (اکر)
لفظی حذف ایدیلور . مثلاً : « اکر سن بکا اکر ام ایدر ایسهک »

بنده سکا اکرام ایدرم » دینله جک یرده اکر لفظی ترک ایله
 « سن بکا اکرام ایدر ایسه ک بنده سکا اکرام ایدرم » دینلور .
 کلامده (اکر) لفظیله ادوات رابطه دن معدود الفاظ
 مذکورده نك هر بریسی جزانك حکمی ایچون قید عد اولنور .
 بناءً علیه « اکر سن بکا کلور ایسه ک سکا اکرام ایدرم » کلامی
 « بکا کله جکک وقت سکا اکرام ایدرم » منزله سنده اولدیغنه
 نظراً شوقید ایله کلام ، کړک خبریت وکړک انشائیته جه بولدیغی
 طرز افاده دائره سندن خارجه حقیماز . بلکه - « اکر سن بکا
 کلور ایسه ک سکا اکرام ایدرم » کلامنده اولدیغی کبی - جزا
 خبر ایسه جمله ، جمله خبریه شرطیه و - « اکر زید سکا کلسه
 بنده اکا اکرام ایتک بورجم اولسون » کلامنده اولدیغی مثلاًو
 - انشا ایسه جمله ، جمله انشائیة شرطیه اولور .

(وقتاکه) و (اکر) لفظلری استقبالده شرط ایچون
 موضوع اولوب (اکر) لفظی شرطک عدم وقوعی جزمده
 اصل اولدیغندن هر وقت استقبالده مستعمل در .

بللور کبی کردنکه صبر ایده مزدم

صارقندیلق ایلردم اکر برچمک اولسه م

کبی .

(وقتاکه) لفظی شرطک وقوعی جزمده اصل اولدیغی

جهتله (اکر) موقعنده استعمالی نادر در .

وقتاکه سنی کورسم افکارم اولور مختل

کبی .

لكن لفظ مذكورك ماضیده استعمالی يك غايدر .

وقتاكه سنی كوردم افتاده عشق اولدم

كبی .

(اكر) لفظی بعض كره تجاهل طریقیه شرطك وقوعی

جزم مقامنده استعمال اولنور .

مثال

افديسنگ خانه دروننده اولديغنی بیلن بر خدمتكاره

« افدی قوناقدی می در » دیو سؤال اواندقدی خدمتكارك

« باقیم اكر قوناقدی ایسه سكا خبر ویررم » دیمسی کبی .

شرطك وقوعی مخاطبجه مجزوم دكل ایسه مخاطبك

اعتقادینه نظراً (اكر) لفظی ماضیده استعمال ایدیلور .

مثال

سنگ صادق اولديغك سنجه معلوم اولان بر ماده دن طولایی

مخاطب سنی تكذیب ایلدیکی حالدی « اكر بی تكذیب ایتیوبده

تصدیق ایتدك ایسه نه یاپه جقسن » سویایشك کبی .

شرطك وقوعی بیان بر کیسه مقتضای علمی ایله عمل

ایتمدیکی تقدیرده جاهل منزله سنه تنزیل ایدیلهرك (اكر) لفظی

ماضیده استعمال اولنه بیلور .

مثال

باباسنه اذیت ایدن بر کیسه یه خطاباً « اكر شو آدم سنگ

باباڳ اولدی ایسه الکنن اذیتہ تصادف ایتک ایچون اولمدی یا
کناهدر کندوسنه اذیت ایتمه « دینلمسی کبی .
مخاطبی توییخ مقامنده دخی (اگر) لفظی ماضیده استعمال
اولنور .

مثال

« اگر مناهی ارتکاب ایتدک ایسه فلاح بوله مزسن »
دینلمسی کبی .
بعضاً شرط ایله متصف اولیانلر متصف اولانلر اوزرینه
تغلیب ایدیلور .

مثال

برجعت ایچنیده بولنانلرک چوغنی مطیع و بعضیلری غیر
مطیع اولدینی حالد هپسنه خطاباً « اگر سز بویله اطاعت دأرہ -
سندن خارج بولنور ایسه کز تأدیپ وتنکیل اولنور سکز »
دینلمسی کبی -

استطراد

تغلیب لسان عربیده یا جمع یا خود تشبیه صورتیه جریان ایدر . جمع
صورتیه جریان ایدر کن مذکر و مؤنث اولانلرک مجموعاً توصیفنده
صفت . مذکر اوله رق ایراد اولنور . مثلاً دروننده چوغنی نسوان
وبعضیلری ذکور اولان برجعتک سؤلرندن حکایه اولنور کن
ذکور جهتی بالتغلیب « سئلوا کذا و کذا » دینلور . فرقان
کریمده واقع (وکان من القانتین) و (بل اتم قوم تجهلون)
نظم کریلمری بوقیلندر .

كذلك بابالرينك ويا مقتدارينك اسملريني تغليب ايله اولاد
واتباع حقلرندة استعمال اولنان (مهالبه) . (مناذره) . (اشاعره)
تعبيرلري دخی انواع تغليبدن معدوددر .

چوق کرده نثیه طریقه ایکی اسمک بریسی دیگرینه
تغلیب ايله ذکر اولنور .

(عمرین) کبی .

بعضا براسمه اولیان ایکی صاحبکده بریسی دیگرینه تغلیب
ایله استعمال ایدیلور . (حسنین) کبی که بریسی حضرت حسن
ودیکری حضرت حسین اقدمزد . و (احوصان) کبی که بریسی
احوص بن جعفر ، دیکری عمر بن الاحوص در .

مزدوج اولان ایکی زاده مذکر مؤنث اوزرینه تغلیب
ایدیلور . (والدین) ، (ابوین) ، (زوجین) کبی .

چوق شی دخی وارد که مناسبت اوزرینه بریسی دیگرینه
بالتغلیب نثیه صورتیه شهرت ویرمشلردر . مثاللری .

(قرین) شمس و قمر

(مشرقیین) مشرق و مغرب

(بصرتان) بصره و کوفه

(عراقین) عراق عرب و عراق عجم

(فراتین) فرات و دجله

تغلیب مبحثک تفصیلی امام سیو طینک مزهرنده وسائر
مفصلاتده مندرجدر .

کله لم صده

ادوات شرطیه دن (اولسه ایدی) ، (اولسه ایدم) ، (اولسه ایدک)
 (لفظلریله بونلرک اخواتی اولان) (کتسه ایدی) ، (کتسه ایدی)
 (اولسه ایدی) ، (اولسه ایدی) مثلی الفاظ ماضیده شرط ایچون
 استعمال اولنورلر .

آگاه

منونی ایدم رغبتم اولسه ایدی بنده
 اغیار قدر عزتم اولسه ایدی بنده

یحیی

جانی جانانه تمام ایلردی واصل جامه خواب
 اولسه ایدی جانه تن جانانه پیراهن حجاب

فضولی

غم کوکلی ایتسه ایدی بی تاب
 کوز پرده سی اولسه ایدی خوناب
 غفلت خلانسدن ایریلور دم
 البته کیم اولدینک بیلور دم

رومی

اگر صو سیمسه ایدی دمبدم اندیشه وصلت
 نهدل قوردی نه جان یاندر مدق تاب غم فرقت
 بیتلرنده اولدینی کبی .

- ۴ -

مسندك تنكیر و تعریفی

تعریف حصره دلالت ایدہ جکندن بودلالتك موجود
اولدیغنی ارأه یعنی عدم حصری اراده موقعنده مسند ، نکره
اوله رق ایراد اولنور ، « زیدکاتب و عمرو شاعردر » کی .
تفخیم و تحقیر موقعلرندهده مسند نکره اولمق اوزره
کتیریلور .

تفخیمه مثال : « بختیارلق هنرور ایچوندردر » و تحقیره مثال
« فلان برشی دکلدر » کلاملری کی .

سامعه حکماً معلوم اولان برامری افاده مقامنده مسند
معرفه اوله رق کتیریلور . « زیدسنک قرنداشکدر » ، « عمرو
شوکیدن کیسه در » ، « شو باغچه او باغچه در که سکا وصف
ایتمشیدم » کی که برنجی مثال اضافت ، ایکنجی صفت ، اوچنجی
صله ایله مسندی تعریفدر .

کچنلرده سنی آماج تیر غمزہ ایتمشدی

کوکل خاطر نشانک اولسون اولقاشی کماندر بو

ییتده مسندهم صفت همده ضمیر غائبه تعریف اولنمشدر .

در دنجی فصل

متعلقات فعل بیاننده در

فعل متعدیك فاعل ایله اختلاطی نصل ایسه مفعول ایله ده
اولیه در . زیرا بر فعل متعدی فاعل دن صدور ایتدکده مفعوله
تجاوز ایتش اولور .

متکلم بعضاً « بر حرب واقع اولدی » . « بر قوناق یابلدی »
کبی فاعله و مفعوله تعلق اولیان بر فعل دن خبر و یرر . بویه
خبر لر ده فاعل و مفعول ملاحظه اولمز . بعضاً دخی فاعلی
مراد و بر فعل ضاعی ایراد ایدر .

اگر فعل ، متعدی اولور ایسه متکلم حدوث ایدن شیئ
خبرینی فاعله قصد ایتسوب مفعوله قصد ایله فعلی مفعول
ایچون بنا ایدر . بعض کرده مفعولی ذکر ایتمکسزین اخبار
ایله فاعلی قصد ایلر .

شوبحث ایکی نوع در .

(برنجیسی) معنائک اثباتی ، یا خود نفی — عموم و خصوص
اعتبار اولنمکسزین و فعله محل وقوع کوسترلمکسزین — علی
الاطلاق فاعل ایچون قصد اولور . بوسورتله ایراد اولسان
فعل ، متعدی بیله اولسه — سامع اخبار دن غرضک کیمه تعلق
ایتدیکنی توهم ایتماک ایچون — لازم کبی عدایدیلهرک تعدی
معناسه اعتبار اولمز . و — چونکه مقدر اولان برشی ذکر
اولنمش کبی اوله جفندن — بویه محله مفعول ، مقدر دخی
اوله مز .

شو برنجی نوع ایکی قسمدر. برنجی قسم متعدی اولان فعل، لازم منزله سنه بالتزیل - بر مفعول مخصوصه تعلق ایتدر مکسرین - صورت مطلقده ایراد وقرینه دلاتیه مفعول مخصوصه تعلق ایدجک فعلدن کنایه قنور.

مثال

«حسدلریکه داغدرون اچان شی خلقک سنده فضیلت کومسی در»
 دینه جک یرده «سکا حسد ایدنلری یاندران هر کورنک رؤیتی در»
 دنیلمی کی. بو مثالده کی (رؤیت) فعلی. متعدی ایکن - عبارده هیچ بر مفعوله تعلق ایتدر لمکسرین - فعل لازم مقامنده قوللانمش و مفعول مخصوص اولان (فضیلت) دن کنایه صورتیه ایراد ایدمشددر.

ایکنجی قسم فعلک بر صورت مجردده فاعله اثبات ویا اندن نفی اولدینی مقامدر. شو مقامده مفعول ملاحظه اولنمیب مقصدیا لکیز فاعلک فاعله اسنادی اولدیغدن فعل متعدی، فعل لازم منزله سنه تزییل اولنور.

مثال

«فلان اقدی بر منشی درکه یازدینی شی هم اغلادر. هم کولدر»
 کلامنده اولدینی کی. بو مثالده واقع (اغلادر) و (کولدر) فعللرینک ایکسیده متعدی اولوب مراد، یالکیز فاعلک فاعله اسنادی اولدیغدن «کیمی اغلاده جفی. کیمی کولدره جکی» مثلاً مفعوله تعلق ملاحظه اولنمز.
 (ایکنجی نوع) مفعولدن صرف نظر اولنمیب مقصود. انجق مفعول اولدینی حالدده حسب القرینه مقدر اعتبار و ذکرندن صرف انظار ایدیلور. بو حذفدن غرضده امور متعدده اولغله باشلوجه لرینی وجه آتی اوزره بیان ایده جکز.

(۱) مراد اولان شئك غيرينه سامعك توهمني دفع مقامندهدر.

مثال

«پچاق اتی کموکه قدر کسدی» دینله جك یرده «پچاق کموکه قدر کسدی» دینلمسی کبی. بو مثالده مفعول مقدر اولان (اتی) لفظی ذکر اولنسه پچاق یالکز اتی کسوب کموکه ایشامدیکی توهم اولنور، مفعول محذوف اولدیغی حالده بو توهمه محل قانر.

(۲) فمك وقوعی بیانده اعتنا کوسترمك ایچون مفعولك اولاً حذفی و ثانیاً ذکر ی لازم کلان مقامندهدر.

مثال

«هر نقدر نظیرك ارادق ایسه ده نظیرك بوله مدق» دینله جك یرده «هر نقدر ارادق ایسه ده نظیرك بوله مدق» دینلمسی کبی. بزم شیوه لسانمزجه بو صورت کثرت اوزره جاری اولیب کثرت استعمال اولاً ذکر و صکره حذف اولنمقدهدر. «هر نقدر نظیرك ارادق ایسه ده بوله مدق» کبی.

(۳) مخاطبه قارشو مفعولك ذکرندن تأدب اولنه جق موقعدهدر.

مثال

«نظیرك ارامادق. زیرا ارایه جق اولسه ق بيله نظیرك بوله میه. جغمزی بیورز» دینله جك یرده «ارامادق. زیرا ارایه جق اولسه ق بيله نظیرك بوله میه جغمزی بیورز» دینلمسی کبی. بو مثالده مخاطبه کمال رعایت جهتیله وهله «نظیرك ارامادق» دینلمسی خوش کوریه مزه.

لکن «ارامادق» ديه کلامه بدأ ايله مثالده کوسترلديکي اوزرده کلامک ترتیبده اولان استعمالک ادیبانه اوله جغی بدیهیدر.

(۴) مقصدک تعلقی مفعوله اولدیغنه دلالت ایده جک قرینه بولندیغی حالده اختصار مراد اولنان مقامدهدر.

مثال

«بنده پک کوزل یازو ايله یازلمش بر مصحف شریف واردر»
 سوییان بر کیمسه خطاباً «او مصحف شریفی تبرکا زیارت ایدیم»
 دینه جک یرده «تبرکا زیارت ایدیم» دینلمسی کبی.
 (۵) مفعولک ذکرنده استهجان کورینان مقامدهدر.

مثال

عفتدن بحث ائتمسند «هیچ بر وقت عورت محله باقامشم»
 دینه جک یرده «هیچ بر وقت باقامشم» دینلمسی کبی.
 (۶) فاصلهیه رعایت موقعندهدر.

مثال

«اول ذات نه کیمسه بی دوکر، نه ده سوکر» دینلمسی کبی.
 (۷) تعمیم افاده موقعندهدر.
 «صلاح حال هرکسی فناقدن منع ایدر» دینه جک یرده «صلاح حال فناقدن منع ایدر» دینلمسی کبی.
 (۸) مفعولک اسمی حضاردن اخفا مراد اولنان مقامدهدر.

مثال

بر ذات بر کیمسه بی کوروب برسوز سویامسنی بر کسنه توصیه

ایتمش اولسه اول کمنه «فلانی کوروب دیدیک سوزی کندوسنه سویلدم» دیه جک یرده حضاردن اسمنی کتم ایله «کوروب سویلدم» دیسی کی.

(۹) لدی الحاحه سوز اکا متعلق اولدیغی انکار مراد اولنان موقع دره. «فلانک انسانیتسز اولدیغی بیلورم» دینه جک یرده «انسانیتسز اولدیغی بیلورم» دینلمسی کی.

فعل و متعلقات فعل بینلرنده کی تقدم و تأخر، یا الفضاظک دلائی جهتیه درکه تقدیمی لازم کلان لفظ تأخیر و تأخیری لازم اولان کله تقدیم اولندیغی حالده معناه تغییر حاصل اولور. یا خود حسب الذکر درجه تقدمده کسب اختصاص ایدر که حق تقدیمی اولان بر لفظ تأخر ایدر ایسه معنای مقصوده خلل کلور. مثلاً مبتداده حق تقدم اولدیغدن «زید عالم در» دینلیدی وقت «زید جاهل دکل در» دیمک اونوب مبتدا تأخیر اولنوبده «زید در عالم» دینلور ایسه «عالم اولان زید در بشقه سی دکل در» دیمک اولور.

تقدم و تأخر مقتضای استعماللری اولان لفظلرک هر بریسی برکونه سبب و نکته یه منبی اولدیغی حالده کندی مقام مخصوصنده ذکر اولنمقله کلام بلاغت کسب ایدر.

لسانمزجه «شوجعیت ایچنده زیدی طسانیدم» سوزی تعیینجه خطائی رد و «سوزی سکا سویلرم» مثللو تخصیص مراد اولنان محملرده بالطبع مفعول فعل اوزرینه تقدم ایدر.

لسان عربیده فعل، فاعل و مفعول اوزرینه، مبتدا خبر اوزرینه، عامل ظرف اوزرینه، یا خود حال و یا استثنا اوزرینه تقدیم اولنوب

تخصیص مراد اولدینی خالده اکثرنده بر عکس اولور. لسانمز شیوه سی
ایسه قواعد عربیهیه موافق اولدیغندن ترکیهده تعیین و تخصیص
مقصود اولیان کافه مواعده فعل هر وقت متعلقاتندن صکره ذکر
اولنور. اشعارجه تقدم و تأخر وزن و قیه نك کوستره جکی اقتضایه تابع در.

بشنجی فصل

قصر بیانده در

(قصر) برشیئی دیگر بر شیئه تخصیص اتمکدر. بویکی شیئن
برنجیسنه (مقصور) ، ایکنجیسنه (مقصور علیه) دینلور .
لسانمزده مستعمل قصر ادواتی انحق، یالکوز. بشقه. بلکه. اوزکه
وعربیدن مأخوذ غیر. الا. ماعدا لفظلریدر. ادوات ترکیه نك صورت
استعماللری معلومدر. (غیر) اخرینه بریا علاوه ایدیه رنك (غیری) دیه
استعمال اولنور. بیت آتیده اولدینی کبی .

آجیان یوق بکا کندی یورمکن غیری

اغایان یوق بکا اوزمردمکدن غیری

(الا) انطی عربیده استثنایه مخصوص اولدینی مثللی لسانمز جهده
استثنا موقعنده قولالانیایر . شو بیتده اولدینی کبی .

عشقه دوشدم ایلدم قطع تعلق غیردن

کوزلرم دنیاده کورمز کیمسه نی الاسنی

لسانمزده

دهرده احوال خلقی کوسترر اینه یوق

صورت واندامی رؤیت ایتدر مرآت وار

و

انفعالم ستم یاره در اغیاره دکل
 عقدۀ خاطر م اول غنچه یه در خاطره دکل
 بیتلرنده اولدینی نفی و اثبات صورتیه و
 نیلدم بیلیم که حنّده نه تقصیر ایلدم
 ایتدی جانان بکا شفقت رقیبه ایلدی

بیتده اولدینی مثالو بر فعل منفی ی بر فعل مثبت تعقیبیه ده قصر ارائه اولنورمه
 بعضاً دخی مقصور علیک کلامده تقدیمیه قصر کو ستریلورمه «نم سکا
 خیر خواه» مثالنده اولدینی کبی که «سک خیر خواهک یا لکیز نم» دیمکدره
 مقصور علیک تقدیمیه اولان قصر ذوق و دیکر لری وضعی دره
 قصر یا حقیقی ، یا غیر حقیقی اولور .

(قصر حقیقی) مقصوره مقصور علیک ماعداسنه تجاوز ایتمک
 اوزره حقیقه بر شیک بر شیئه تخصیصی در . «انحق سعادت مقبول
 اولانلر ایچوندر» کلامنده اولدینی کبی .

(قصر غیر حقیقی) بشقه بر شیئه اضافله اولان تخصیص در . بوکا
 (قصر اضافی) دینلور . «مه نخشب دکل وهبی مه کینعاندر یوسف» کبی .
 قصر کرک حقیقی اولسون ، کرک غیر حقیقی ؛ ایکسینده ده یا موصوف
 صفتی اوزرینه قصر ایدیلور . یا خود صفت موصوفی اوزرینه تخصیص اولنورمه
 موصوفک صفت اوزرینه قصری او موصوفک اوصفتدن بشقه بر صفته
 تجاوز ایتمک اوزره تخصیصی اولدیغندن اوصفده بشقه موصوفکده
 بولنمی جائز اوله بیلور . صفتک موصوفه قصری اوصفتک بشقه
 بر موصوفه تجاوز ایتمک اوزره تخصیصی اولمله او موصوف ایچون
 بشقه صفتلرنده بولنمی جائز اولور .

قصر حقیقی ایکی قسمدر .

(۱) ذکر اولندی ای اوزره موصوفك حقیقه صفتی اوزرینه قصر یدر .
موصوف حقیقه صفت اوزرینه قصر ایدیور ایسه صفات سائر دنك
او موصوف دن کلیاً نفی لازم کله چکندن قصر لاشو قسمی محالات دن معدود در .

مثال

بر ذاتك یالکیز کتابتدن بشقه بر صفتله متصف اولمندی مراد
ایدیولوبده « فلان انجیق کتب در » دینلیدی وقت موصوف اولان
اوقات صفتی اولان کتابت اوزرینه قصر و قیام و قعوده وارنجه کافه
صفات اندن نفی ایدیش اولور . بوا یسه ممکن اوله مز . زیرا دنیاسده
بر شی یوقدر که بر صفته قصر اولوبده صفات سائر دنك آندن نفی ممکن اوله .
(۲) کذلک ذکر اولندی ای اوزره صفتك حقیقه موصوف اوزرینه
قصر یدر . شو قسمده استعمال پك چوقدر . « قوناقدده یالکیز فلان
ذات واردر » کبی .

قصر حقیقینك بوا یکنجی قسمی ایله بعضاً مبالغه قصد اولنوب
مقصود علیهدن بشقه لریده موجود اولسه فضل و شرف کبی اسباب
رجحاندن ناشی مقصور علیه بالاعتبار دیگر لرینه اهمیت و یرمز . « شهرده
یالکیز محمود افندی واردر » کبی . بوکا (قصر ادعائی) دینلور .
(قصر اضافی) اوچ قسمدر .

(۱) قصر افراددر . (قصر افراد) مخاطبک ذهننده کی شرکت
اعتقادی قطع صورتیه ایراد اولنان قصر در .
قصر افراد ایکی درلودر .

(برنجیسی) مخاطب بر شیتك ایکی صفتله موصوف اولدیغی

اعتقادنده ایکن متکلم اوشیئی بر صفتہ قصر ایتسی در . مثلاً : مخاطب
بر ذاتک هم کاتب . همدہ شاعر اولدیغنی اعتقاد ایدرکن متکلمک
« اوزات انجیق کاتب » دیهرک موصوف اولان ذاتی یالکز کتابت
صفتہ تخصیص ایللمسی کی

(ایکنجیسی) مخاطب بر صفتک ایکی شیده اشتراک اوزره موجود
اولدیغنی معتقد ایکن متکلم اوصفتی یالکز بریسنه قصر ایتسی در .
مثلاً : مخاطب هم احمد افدینک ، همدہ محمود افدینک کاتب اولدیغنی
اعتقاد ایدرکن متکلم « کاتب انجیق احمد افدی در » دیهرک صفت
کتابتی یالکز احمد افدی یه تخصیص ایللمسی کی

(۲) قصر قلب در . (قصر قلب) مخاطبک اعتقادنده کی حکمه
مغایر تخصیصده بولمقدور .

قصر قلب دخی ایکی درلودر .

(برنجیسی) مخاطب ایکی شیدن بریسنک بر صفتله موصوف بولدیغنی
اعتقادنده اولوبده متکلم اول ایکی شیدن مخاطبک معتقد اولدیغنی حکمه
مغایر بریسنی موصوف اتخاذ و اوصفتہ تخصیص ایتسی در . مثلاً :
مخاطب محمود افدی ایله احمد افدین محمود افدینک عالم اولدیغنی
اعتقاد ایدرکن متکلم « عالم انجیق احمد افدی در » دیهرک متکلمک
اعتقادینه موافق اولیان ذاتی علم صفتہ تخصیص ایللمسی کی

(ایکنجیسی) مخاطب ایکی صفتدن بریسنک بر موصوفده بولندیغنی
اعتقادنده ایکن متکلم اول ایکی صفتدن مخاطبک اعتقادنده کی حکمه
مغایر بر صفتی موصوفه تخصیص ایتسی در . مثلاً : مخاطب بر ذاتک
عم و جهل صفتلرندن جهل صفتیله موصوف اولدیغنی معتقد بولندیغنی

حالده متکلم « او ذات انجق عالم در » دهرک مخاطبک اعتقادینه موافق اولیان علم صفتی اکا تخصیص ایلمسی کبی

(۳) قصر تعیین در . (قصر تعیین) مخاطبک ترددنی ازانه ایچون ایراد اولنه جق قصر در .

قصر تعیین ده ایکی درلودر .

(برنجیسی) ایکی شیئک بریسی برصفتله موصوف اولدیغنی مخاطب اعتقاد ایدوب فقط موصوف اولان هانکی بریسی اولدیغنده تردد ایلدیکی صورتده متکلم شو ایکی شیدن بریسی تعیین طریقله صفته قصر ایتمی در . مثلاً : احمد افندی ایله محمود افندی بریسنک عالم اولدیغنی مخاطب اعتقاد وهانکی بریسی ایدوکنی تعیینده تردد ایلدکده متکلم « انجق عالم احمد افندی در » دهرک قصر ایتمین ایلمسی کبی . (ایکنجیسی) ایکی صفتدن بریسیله برشیئت موصوف اولدیغنی

مخاطب اعتقاد وصفی تعیینده تردد ایلدیکی تقدیرده متکلم اوایکی صفتدن بریسی تعیین طریقله موصوفه تخصیص ایتمی در . مثلاً : مخاطب برذاتده شعر و کتابت صفتارندن بریسنک بولدیغنی معتقد و فقط هانکی بریسی تعیین ایتمکده متردد ایکن متکلم « او ذات انجق کاتب در » دهرک کتابت صفتی اکا تخصیص ایتمی کبی .

(قصر افراد) جه موصوفو فک صفت اوزرینه قصرنده اولان

شرط ایکی صفتک بر موصوقده اجتماعده مخاطبک اعتقادی صحیح و سامعک تخیلی ممکن اوله جق درجه ده صفتلرک منافاتدن سالم اولمی در . مثلاً : شعر و کتابت صفتلرینک ایکسیده بر موصوقده مجتمع او بیله جکندن مخاطب برذاتک هم کاتب . همده شاعر اولدیغنی اعتقادده بولنه بیور .

بناءً علیه متکلم او ذاتی بو ایکی صفتدن بر یسنه تخصیص ایله « فلان انجق کاتب در » یا خود « انجق شاعر در » دیوقصر ایتسی صحیح اولور .
 (قصر قاب) جه موصوفک صفت اورزینه قصرنده اولان شرط ،
 قصر افرادک عکسی درکه اجتماعارنده سامعجه امکان تخیل اولنه میه جق
 صورتده صفتلرک اراسنده منافات بولنمی در . مثلاً : قیام ایله قعود ،
 علم ایله جهل ، بیاض ایله سیاه ، طاتلی ایله اجبی کبی صفتلر ارالرنده
 منافات اولوب بونلردن هر ایکیسینک بر موصوفده اجتماعی تخیل
 اولنه میه جغندن هیچ بر مخاطب بونلرک شرکت اوزره اجتماعنه معتقد
 اوله مز . بناءً علیه ایکیسندن بر یسنک وجودینی اعتقاد ایلدکده سامع
 قلب طریقله دیکرینی تخصیص ایده یلور .

(قصر تعیین) جه موصوفک صفت اوزرینه قصری کرک قصر
 افرادک ، کرک قصر قابک هر بر یسنه صالح اولان مثاللرده جریان
 ایدر . مثلاً : « فلان کاتب می در » شاعر می در ، « عالم می در ، جاهلمی در » ،
 « قائم می در ، قاعد می در » کبی سوزلرک هانکی بر یسی اولسه مخاطب
 اعتقادده تردد کوستره یلور . سامع دخی موصوفده امکانسزلق تخیل
 ایده مز . فقط قصر تعیین جه شرط مخصوص صفتلرک اجتماعنده مناسبت
 اولمی . یا خود بر یسی دیکرینک نقیضی بولنمی در . بویه مناسبت
 ومنافات اولمدینی حالده « فلان عالم می در » بیاض می در ، « قاعد می در ،
 جاهلمی در » کبی تخیلنده مناسبت اولیان محالرده قصر تعیین جریان ایتمز .

التنجی فصل

انشا بیاننده در

(انشا) شو بابک مقدمه سنده تعریف اولنمشدر . انشا اکر وقت

طایفه غیر حاصل برشیک حصولی استدعایه تعلق ایدر ایسه (طایی)
وایتمز ایسه (غیرطایی) تسمیه اولنور .

انشاء طایی

انشاء طایی بش نوع در .

(۱) تمنی در . (تمنی) برشیک حصولی کرک ممکن اولسون کرک
متمتع : اوئی حقنده تحسیر کوسترمک در . « کاشکی کنجلم کیرویه دونه
ایدی » و « کاشکی اوزات بزمله برابر بولنه ایدی » کی .

اگر اوز و حصوله انتظار اولسان برشیئه تعلق ایدر ایسه بوکا (ترجی)
دینلور که انشاء طایی دائر سندن چیقوب غیر طایی دائر سنه داخل اولور .
لسانمزده تمنی ایچون قوللانیلان ادوات : کاشکی . نوله ایدی . باری ،
تک لفظاری در . تحسیرک شدتنده (نوله ایدی) اداتی (آه نوله ایدی) .
صورتیه استعمال اولنور . (کاشکی) لفظی فارسی لسانندن مأخوذ در .
ادوات مذکور دنک هر بریسی فعل تمیدن مقدم کتیریلور . فقط
اشعارده هیچ برکونه ضرورت شعریه اولسه بیه تأخیر اولنه بیایر .

بن سکا دل ویرمیه یدم کاشکی

یاخود

کاشکی دل ویرمیه یدم بن سکا

مصراعرلنده اولدینگی کئی .

تمنی موقعنده استعمال اولنه جق افعال ، لسانمزجه (حکایه فعل التزامی) .
(و) حکایه شرطی) و (روایت التزامی) ایچون مستعمل اولان فعللر در .
حکایه فعل التزامی به مخصوص الفاظ تمنی موقعنده استعمال اولنور ایسه ادوات
تمنی ایله استعماللاری واجبدر . « کاشکی کنجلم کرده کیرویه دونه ایدی » کی .

حکایه شرطی به مخصوص اولان الفاظ تمبیده قولالانیلیر ایسه ادا تنی مقدر اولسه ده بآس یوقدر . « کاشکی بنده او کونلری کورسه ایدم »
 یرنده « بنده او کونلری کورسه ایدم » دینلمسی کبی .
 لیکن روایت التزامی به مخصوص اولان افعاله معنای تنی موجود اولدیغندن « کاشکی بنده اورایه کلی ایتمش » دینلوبده ادا تنی استعمالنه لزوم اولما مقله « بنده اورایه کلی ایتمش » دینلمسی کافی در .
 (نوله ایدی) ادا تی . اکثریا (ایدی) لفظک همزه سی حذف و (نوله) لفظده کی لامک (ایدی) ده کی برنجی یایه وصلیه تلفظ اولنور . بو تقدیرجه (نوله) لفظک اخرنده کی (ه) حرفی بالطبع تلفظده ساقط اولور ایسه ده تحریرده ترك و اثباتک ایکسیده جائزدر .
 حکایه فعل التزامی و حکایه فعل شرطی به مخصوص الفاظک اخرلرنده کی (ایدی) و اخواتجده بوضورت جاری در « نوله ایدی سنی کورمیه ایدم » ،
 نو لیدی سنی کورمیه ایدم » ، او کونلری کورسه ایدم » ، او کونلری کورسیدم » کبی .
 (کاشکی) : (باری) ، لفظلری فعلک کرک وقوعنی و کرک عدم وقوعنی تمبیده متساوی الاستعمال درلر .

تمده روح اوله ایدی کاشکی کیفیت مستی
 خبردار اولیه ایدم تاحیات مستعارمدن

آتش عشقتک حقیقت پک تحمل سوز ایش
 اولمیدم کاشکی سن بیوفایه آشنا

حقمده کی تفافلنه صبر ایدر ایدم
 اغیاره باری ایتماش اولسه ایدی التفات

و

ایلمز غمخانه می تشریفه رغبت اول پری
باری بر ساده سلامیه اوله ایدم شاد کام
بیتلرنده اولدینی کبی .

(نوله یدی) اداتی فعلک عدم وقوعنی تمئیده کثیر الاستعمال در .

وداع ایلر ایکن باقدی دیدی حسرتله اول مهر و
نوله یدی اولمیه یدی بینمزده الفت اولدن
بیتنده اولدینی کبی .

بعضاً فعلک وقوعنی تمئیده دخی قوللانیلیر .
آجیردی چیکدم دردالمیه
نوله یدی حالیمی جانان صوره یدی

بیتنده اولدینی کبی .

(تک) اداتی (تا که) دن مخففدر . فعلک وقوعنی تمئیده کثیر
الاستعمال در . «تک زلفنی کوره ایدم بختم سیاه اوله یدی» کبی .
بعضاً دخی فعلک عدم وقوعنی تمئیده استعمال ایدیلور .

نعمت بیلور ایدم بکا هر بر جفاسنی
تک ایتیه یدی لطفنه اغیاری اشنا

بیتنده اولدینی کبی .

بعضاً حال ماضینک تذکری صورتیه ادات تمنی استعمال
اولمقسزین کلامده تحسیر و تمنی کوستریلور .

مثال

بن اغلادجه اول ایدر ایدی وصالی عد
دملر اودملر ایدی زمان اول زمان ایدی

حکایه فعل التزامی صورتیله تحسرو تمنی کوستریلور کن بعضاً ادات تمنی
مقدرا اعتبار ایله کلامده حذف اولنور. «اوگونلر اوزون اوله ایدی» کبی.
ادات استفهامی حاوی اولان کلام تمنی موقعنده استعمال
اولنوبده متمناک مفقود اولدیغنه جزم حاصل اولور ایسه اوله کلامک
استفهامه حملی جائز اولوب مجازاً تمنی نوعندن عد اولنمی لازم
کلور. «یازب بزه برار بولنوب همت ایدرمی» کبی.

(۲) استفهام در. (استفهام) وقت سؤالده سائلجه مجهول
وییلنمی مطلوب اولان برشیثک اوکر نلمسی ایچون سؤالدن عبارتدر.
لسانمزده استفهام ایچوم مستعمل اولان ادوات: کیم، نه، نصل،
نیجه، قنغی، هانکی، قانی، هانی، نیر، قنده، قاچ، می لفظاری در.
کیم — ذوی العقولدن سؤال ایچون موضوع در. «شو کیم در»،
«بوماددی کیمدن اوکر نهلم»، «شوقضانک قائمقامی کیم اوله یور» کبی.
نه — ذوی العقولک غیری اولان هر شیدن سؤال ایچون
مستعمل در. «نه یاپیورسن»، «نه اوکر نه بیلدک»، «نه دن بویله اولدی»،
«اسمک ندر»، «نه تحقیق ایتدک»، «شولفظک معناسی ندر» کبی. «نه در»،
«نه قدر» مثالی یرلرده اکثراً (نه) لفظک اخیرنده کی (ه) حرفی یازوده
ترک ایله «ندر»، «قدر»، «نه لازم» املاسنده یازیلور.

نصل — لفظی (نه اصل) دن مخفف اولوب ماهیت، کیفیت
و فعلدن سؤال ایچون مستعملدر. «بوماددک حقیقتی نصل در»،
«خسته نان بوگون مزاجی نصل در»، «فلان مصاحبت نصل اولدی» کبی.
نیجه — شولفظک استعمالیده نصل کبی در.

قنغی — اشخاص و اعیان و زمان و مکان و انواعجه تردد و وقوعنده

ذهندن شو ترددی ازاله ایچون سؤاله موضوعدر . لفظ مذکورک
حررات و مؤلفاتجه استعمالی قدیم اولوب بین العوام بونک یرنده (هانکی)
وبعض بلادده (هانقی) لفظی قوللانیلیر . لسان رسمیمزده حالا (قغی)
لفظی مستعمل در . ادبیات جدیده مزده (هانکی) لفظی استعمال اولنه یور .
قانی -- لفظی تحری شیخاص واشیاده استعمال اولنور « قانی
او آدم نر دیه کتدی » کبی . بعضاً دخی ندرت ویا فقدانه تصادف ایدن
اشخاص واحوال وسائر مک تذکیرنده قوللانیلیر . « قانی او کوندر » .
« قانی او عمتی ادمر » . « قانی او عمت » کبی . بعضاً دخی رونق واعتباری
زائل اولان بر حال ویا وقتک تذکیرنده استعمال ایدیلور .

قانی کندی قولکم دیو یر ستشیر ایدن
ایلمز یولده دوچار اولسه بیله ر دسلام
قانی اول ترک ادب دیو قعود ایلیمان
ایامز شمدی مجالسده بولند قجه قیام
قانی اول دملر که استغنا ایدردک بلبه
شمدی ای کل زاغلر ایتمکده استهزاسنی
بیتلرنده اولدینی کبی .

لفظ مذکور من القدیم عوام لساننده (هانی) صورتیه مستعمل
اولدینی حالده ادبای جدیده مز بروقتدن برو لسان ادبیاتده دخی
(هانی) لفظی استعمال ایده یورلر .

نه زمان ، نه وقت - لفظلرینک هر بریسی وقت وزماندن سؤاله مخصوص در .
نیر - لفظی (نه مقوالیر) لفظندن مخفف اولوب مکندن سؤال
ایچون مستعمل در . « نیرده قالدی » ، « نیرده سن » ، « نیردن کلیورسن »

«نیرد کیده یورسن» کبی . بولفظك آخرینه اکثریا استعمالده بر (ه)
حرفی علاوه اولنور . «نیرده بر اقدك» ، «نیردن کلیور» . «نیرده
قالدی اوهرجایی اومهاره عجب» کبی .

قنده — (نیرده) موقعنده مستعمل در . «قنده در قنده او
ظالم اوستمکار عجب» و

قنده لعلك ارایه رق کتدی
شمدی بیلیم که قنده در کوکلم

کبی
قاچ — کیت و مقداردن سؤال ایچون موضوع در . «قاچ کون
اوله یور» ، «ایك قاچیدر» ، «قاچ غروش در» کبی .
می — اداتی لسانمزجه لسان عربیده مستعمل (همزه استفهام)
و (هل) موقعلرنده قوللانیلیر . هانکی کله نك آخرینه لاحق اولور
ایسه او کله نك حاوی اولدیغی معنائك وقوع و یا عدم وقوعنه تعلق ایدر .

سؤال

امثله

مسند الیهدن

حسن افندی می کلیور

مسنددن

بوسته کلشمی

فعلدن

وایور قالقدی می

فاعدن

احمد افندی می بونی یازدی

مکاندن

جامعه می کیده یور

زماندن

چوقدنی استانبولده سن

ذوی العقولدن

شو عسکر می در

ذوی العقولك غیرندن

شو قیون می در

جاداتدن

شو طاشمی در

کفیتدن

مزاجک می منحرف اولدی

سائر ادوات استفهامک هر بری بر صورتله مقیددر. لکن (می) اداتی
عربینک حمزة استفهامی کبی حراولدیغندن هر شیده استعمال اولنه یلور.
استفهام - که ذهنده بر صورتک حصولنی استمکدر - بوصورت
یا ایکی شیک بینده بر نسبت تهمیه مستند اولور. یا خود او نسبتدن
خالی بولنور. برنجیسنک حصولنه (تصدیق) - ایکنجیسنه (تصور)
اطلاق اولنور.

استفهام یا فقط تصویری. یا خود یا لکنز تصدیقی طلب ایچون اولور.
یا لکنز تصدیقی طلب ایچون اولان استفهامدن سائلک مرادی
ذهنده مسئول عنیه تعلق ایدجک ثبوت ونفی بیننده ترده تصادق
ایدن بر وقوفک ثبوت ونفیدن برینه اسناد و تعیینی استمکدر.
«یاغمور می یاغیور» کبی.

بو موقعده «یاغمور می یاغیور قارمی» دینله مز. زیرا برنجی
مثالده کی سؤالدن مقصد «یاغمور یا خود قاردن هانکیسی یاغیور» دیو
اوکرتمک اولمیوب مراد یا لکنز یاغمورک یاغوب یاغمدیغنی یعنی ثبوت
ونفیدن بر شیده هانکیسی بولندیغنی اکلامقدر. ایکنجی مثال ایسه
بر شیده ثبوت ونفی استفهامه متعلق اولمیوب ثبوت ونفیدن هر برینک
ایکی شیدن هانکی بریسنه نسبت اولنه جغنی اوکرتمک طلبنی حوی
اولغله بوصورت تصویری طلب ایچون اولور.

شو افادهدن آکلاشیله جغنی وجهله تصویری طلبه متعلق استفهام
مسئول عنیهک بر شیده نه ثبوت، نه ده نفینه تعلق ایدر.

« شو آدم کيسدر » ، « فلان نرده در » ، « بو کون آيك
 قچيدر » کي سوزلرده ثبوت و نفیدن برينک اوکرنلمسنه دائر
 مقصد اولمديغندن بونلر دخی تصوری طلبدن عبارتدز .
 چوق کره ادوات استفهامی حاوی سوزلردن مقام و قرينه
 حکمنجه استفهامه مناسبت و تعلق اولمیان معنائر تولد ايدر .

امثله

(تمجید خدا)

نه دأره در بو دور افلاك	نه ضابطه در بو مرکز خاك
جسمه عرضی کیم ایتدی قائم	ناره نه دن اولدی نور لازم
هر خلقتی کرچه بر سبب وار	آیا سببی کیم ایتدی اظهار
فکر ایله ده کورنه در بو اسلوب	نه صانع در بو صنع منسوب

فضول

(تمجید و ادراك حکمت الهیهده اظهار عجز)

اشیاینجی اندن اولسون آکاه القدرة و البقاء لله
 فضول

(رحمت الهیهیه یقین و اظهار امید)

نور رحمت نهیه کولدر میه روی سیم
 تکرینک مغفرتندندر بیوکی کینهم
 بی نهایت کرمی عالمی شاملی دکل
 یوقسه عالمده قولی عالمه داخلی دکل
 قولنک ضعفه نسبت چوغیسه نقصانی
 یا انک قهرینه غالمی دکل احسانی

(تصحیح فکری طاب مقصدیله مؤاحده)

شرح ایله بکا که چرخ نندی اندن نه جفا ظهوره یتدی
نه واریادی کیم الکن آلدی نه مرتبه دن آشاغی صالدی
فضولی

(تنخیم)

نائل اوله بیلدیکمز شو آزاجق عمره نه ظامت ایچنده ، نه قدر
مهالك میاننده کدر ایدیور .
احمد مدحت افندی

(تصویر محال)

بر سایه در احتشام دنیا توقیف اولنورمی سایه آیا
عبدالحق حامد بك

(تعجب)

کوکل بیلیم نه شمعک پرتو افروز اولدی نورندن
که فانوس خیال سینه یه صغمز سرورندن
آکاد

(تذکیر وعد)

اوغرار ایسهک ستانبوله لطف ایله ای صبا
اول یاره صور اونوتدیمی وعد و صائی
جودت پاشا

(استبطا)

شب هجران یانار جانم دوکر قان چشم گریانم
ویاردی خلیق افغانم قرا بختم اویانمزمی
فضولی

(توخی)

یچون اوزیکه زیان ایدرسک یخشی آدیکی یان ایدرسک

چون سکا طعنه ایدد بدکور ناموسه تعلق ایشیدر بو
نه نسك ايله ایددم دخی لاف بز دیمه یلم سن ايله اتصاف
فضولی

(لوم و اعتراض)

کویا که جیب و دامنمی پرکل ایلدک
ای باغبان نه در بو قدر امتنان بکا
فیضی قدیم

(تهدید)

طوب کیم سکا قیمدم من زار بندن اولو بر مدبرك وار
نیلرسن اکر اتاك ایشته قهر ايله سکا سیاست ایتسه
فضولی

(اظهار عجز)

صل بیان ایدیم ؟ تماشای حسن دهر آشوب کی طاتلی طاتلی
بر حزن ایراث ایدر ایدی که تعریف قبول اینمز .
کمال بك

(تأسف)

نه فئدوسی وار که ادبیات خبیجه نه اولدیغی بیلمیه رك واویولدکی
احتیاجی تقدیر و کندیلرینه بر مسلك دخی تعیین ایتیه رك بر طرفدن
پیدا و بر طرفدن نابود اولان موقوت رساله لر - همان عمومنده
جدیتدن بر اثر اولمدیغی ایچون - بالطبع مظهر رغبت اولد میورلر .
اکرم بك

(تحقیر)

ایشته شو مظلومك تنی باق ایكه لمنش دامنی
المانی صاندك دشمنی

کمال بك

(التماس)

ای نونہال عشود بہاریہ سمتہ

بر سببی ہوادہ خرامن اولور میست

شناسی

(غفلتہ تنیہ)

مکرمی یامہامی اولورسک عیان اولور

برکون کور کہ انجمن امتحان اولور

(ناصحانہ تکدیر)

کلام تاخ ایلہ ہمجنسک ایلمہ تسمیم

بیان دیومی طوغوردی افندی آنہ سنی

(ضلالت اوزرینہ تنیہ)

راد امل وصلہ کیدرسک تک و تنہا

عاشق بو یولہ بویلہ دیلسنز کیدیلورمی

(مافاتہ حزن کوسترمک)

ناجکام ایلدی فراقک بنی

صرمہ صاحبیر یایلدیمی زمینہ

عاکف یاشا

(اظهار تأثر)

بختم نہ سیاه ایش کہ بیلمم

حاملہ دکشدی حال عالم

کمال بک

(مخاطبی اعترافہ حمل)

اذہان نورسیدکان ایچون بیاغی برسم مہلک درجہ سسندہ مضر

اولان مندرجات مردودہ و مستکرمہ سیلہ برسالہ ادبیہ - ہر زمان

اوقودینی شیدیه بر فائده جدیه آریان - اکثریت ارباب مطالعه
 رغبت ایتزه معذور دکیدر .
 اکرم بك

(خطابی انکاره حمل)

آشین بر صتمه ارغوانی اقمشه ایله دونادمش اولان مزین بر
 یتاق اوزرنده قیورانان خسته یی عجبا آحاد ناسک عادی دوشکری
 اوزرنده یاتاندن ده ایزمی براقور .
 احمد مدحت افندی

(تذکیر ماضی وخطابی اعترافه حمل)

ملککتک اوتنه سنده بریسنده سرنکون اولان اویوک بیوک مرمر
 ستونلر جابجا سرفروبرده سکون اولان شو خاک پاکده حکمفرما
 اومش بر مدنیت و معموریت عظیمه نک و جودینی بیلدیریر شاهد
 ناطق دگی .
 سری پاشا

(۳) امررد . (امر) بر ایش ایشلمکی طلبدر .

« بکه » کی . یاخود امر حاضر اولور . « باقسون » « کلسون » .
 « کیتسون » کی .

ذکر اولندیغی اوزره معنای طایحی حاوی اولان کله یا استعلا
 طریقیه بیوکدن کوچوکه سویانیلور « بر صو کتیر » کی . یاخود
 کوچوکن بیوکه تضرع طریقیه سویانیلور « یارب کناهلرمی مغفرت
 بیور » . « جناب حق جلاله مزی توفیقات الهیه سینه مظهر بیورسون » کی .
 و یا اقران بیننده برندن دیکرینه سویانیلور « یارین باغچه کیده جگر
 سزده بیورکنر . خواندن فلان ذاتده بیورسون » کی .

امر . کرک حاضر اولسون کرک غایبه . عندالاستعمال موقع
 و مقامه ~~سوره~~ برر معنی تولید ایدر . شو مقام ایسه پک چوق

اولدیندن بعضلری آتیده کوستر یلور .

امثله

(موقع دعا وتضرع)

یارب کرم ایت که خواروزارم درگاهه بسی امیدوارم

فضولی

(پادشاهه دعا)

ایلسون مولی سنی هر برکدورتدن مصون

دهرك آب رویسك عبدالحمید خان چوق یشا

(عرض انقیاد)

زمانه منتظر اقتضای امر کدر

سوزك نه ایسه یوروت بو یروغك نه ایسه بیور

فضولی

(تشویق)

سیر قل کورکیم کلستانك نه آب وتابی وار

هر طرف بیلک سر و سرسبز و کل سیرابی وار

فضولی

(اباحه)

آج بسمله یله ایچ صوی خان احمده ایله دعا

وهی

(تنبیه)

یکسان نظر ایت مرتبه اوج وحضیضه

نه عزت ایله شاد نه ذلتله حزین اول

خیم

﴿ تحذیر ﴾

عزم ایتمه‌دهیم آه کبی عرش مراده
پر آتشم ای عشق چکل رهگذرمدن
کمال بك

﴿ استغنا ﴾

عاقبت هر نشئه‌سندن برخمار ایلر ظهور
سویلیک ساقی‌یه چالسون باشنه پیمانه‌یی

﴿ تشجیع ﴾

اهل بطلانك سوزین ترویج ایدن آدمیدر
آدم اول ایسترسه خصم اولسون بتون عالم سکا
معلم ناجی افندی

﴿ اختیار ﴾

حال ماضیدن قیاس ایت پرتوا مستقبلك
بویله دنیای دنی غمخوارینك وای حاله
پرتو

﴿ اظار کین ﴾

انتقام آلز ایسه‌م تیغ زبانمله اگر
شاعریت بکا هر وجه ایله بهتان اولسون
نفی

﴿ ادب ﴾

عقله مغرور اولمه افلاطون وقت اولسهك اگر
بر ادیب کاملی کوردکده طفل مکتب اول
نفی

(مؤاخذة دقیقه)

عرض ایلدجکه عاشق لعل مذاب چشمن
آج حقّه دهانک سن درناب کوستر
نشاطی

(لوم)

سن اولدک جوریکه ای دلشکن محزون بن محزون
فلک کولسون سونسون شمدی سن محزون بن محزون
کمال بک

(تحقیر و تکدیر)

زاهد کنار روزنه جامدن چکل
بیلمز میسک که دختررز محرمک دکل

(اظهار فتور)

برازسن دکه ده بن سویلیم برکره انصاف ایت
اولور بزم ادبده گفتکو ای خامه نوبتله
حامی آمدی

(یأس)

بن کشته عشق اولدم سخته همان رشدی
اول شوخ ستم پیشه شمدن کیروصاع اولسون
رشدی

(تأثیر حمیتندانه)

برکون اول قورتارک ننگ اسارتدن بنی
اک بیوک خصم حیاتمدر رفیقان اولدوک
معلم ناجی افندی

(احتقار)

عاشق‌دن او یله هیچ ایدیلیرمی فرار طور
اقتاده بر پیاده‌یم ای شهسوار طور
معلم ناجی افندی

(تحقیر)

کرك دوکسون ، کرك سوکسون ، کرك درکاھدن سورسون
وصال یاری بر کره طلبکار اولما من و آرد در
سامی

(تسویه)

ایستراولدر جورایله ایستراولراقدن دیش بیله
بن سنکله بعدازین الفت دکل بیلیم بیله
سکا کیم دیرلر سؤال عیب اولسون نامک نه در
واصف

(تهدید)

ای رقیب سگ نهاد ارتق حیا ایتمز میسک

(اعتذار)

سن هله برده سرکویینه یارک وارده کور
مجلس وصالکده کریان اولدیغم معذور طوط
بر طبیعتدر که قلمش غم زمانسندن بکا
اکرم بک

(امتنان)

برقوناق صاحبک مسافرین ویامدعوینه « شو طعام پک کوزل پشمش
بیورکنز » ، طعام ایتمبورسکنز ، پک لذتی اولمش . بر رلقمه دهله
بیورکنز « دیمسی کی .

(تثنی)

اوزاندی لیلہ حسرت یتش ای شمس تبریزی

پرتو پاشا

(۵) نہی در. (نہی) برایشک ایٹانامسنی طلب در. بوده یا «بقیہ».

«سویامہ» کی نہی حاضر. یاخود «باقسون» «سویامسون» کی نہی
غائب اولور. ہر ایکسیدہ بعضاً دعا موقعندہ قولالانیلیر.

مثال

عقبادہ ویرسک بیلورم حالہ وسندس

دنیا دہ محصور حصیر ایامہ یارب

عزت ملا

بعضاً دخی بدعا موقعندہ قولالانیلیر

مثال

اولسون وارستہ بیچ وتاب غمدن کینہ جو

ماز سرما دیدہ مولی کونش کوستر مسون

شہری

چوق یرلردہ امر حاضر وامر غائبہ اولدینی کی نہی حاضر

ونہی غائبدن دخی مقامہ کورہ معنی تولد ایدر.

امثالہ

(ارشاد ایچون)

نیلرسک ایلہ الدہ ایکن فرصتی قومہ

الہر لایساعد یوماً علی الوصول

امماعیل حق

(بیان تأثیر)

تقریر ایدم سوز دل و درد درونم
سویلتمه بنی خاطر زارمده کدروار
جودت پاشا

(بیان عاقبت)

هم چقار نقشک بیاضه، هم اولور رویک سیاه
ایتمه رازک کیمسه یه اعلام مانند نکین
حای

(نیاز معترضانه)

باصوب کچمه نگاه لطف قل ارباب حاجاته
بیوت رهگذارک ملجأ اهل رجادر هب
پرتو

(استفهام)

زیر وبالاسی نوره غرق اولمش وادی ایمن اولسون کورینن
معلم ناجی افندی

(تشجیع)

ارباب طعنک ایتمه نظر کفتکوسنه شیر التفات ایدرمی کلابک غلوسنه
نایی

(احتراز)

بر سوز یابارلر ایتدیکمز ذوق وصلتی
الله صاقلاسون بونی حساد ایشتمسون
سلیمان فهم

(۵) ندادره. (ندا) مخاطبک اقبالی یعنی منادانک یوز دوندرمسنی

طالب ایتمکدر . شو طالب ایچون استعمال اولسان ادواتک هر بری
« سنی چاغیر یورم » دیمک مقامنه قائم در .

لسانمزده ادوات ندا: ای، یا، ایا، آ، به، بهی، به هی ادواتندن
عبارتدر که موقع نداده هر بریسنک صورت استعمالی معلومدر .
بونردن بشقه نداده جاری بر قعده دخی وارددر که منادایه دلالت ایدن
لفظک آخرینه بر (الف) الحاقی در . « خداوند » « کریم » « نابیا » کبی .
بعضاً حرف ندا مقدر اعتبار و منادایه دال اولان لفظ ادات
ندادن تجرید ایدیلور : « دوستلر بن شاشمشم حال دل دیوانه دن »
مصراعنده اولدیغی کبی .

ادوات ندا بعضاً مدلول و موضوع ایهاسنه مناسبت قبول ایتیه جک
برمعناده استعمال اولنور .

امثله

(اغرا)

« ای مظلوم » دیتلمسی کبی . بوندن مراد ندا اولیوب مظلومی .
شکایته ترغیب و تحریض در .

(اختصاص)

« بن بو ایشی ایشلدم ای حسن افندی » کبی . بوندن منادینک
مرادی ندا اولیوب فعلی نفسنه تخصیص در .

(تحسر)

ذی روح اولیان شیلرد متحسرانه ندادر .

مثال

ای لوحه یار توجه بخشا بیک کرده ایلسم تماشا

طویمز سکاچشم کریه معتاد باقدقیجه اولور و دادی مزداد
معلم ناجی افندی

(تمجید)

ای یوجه طاغیر! سزه بویه طرح اساس استوار ایدن. سرکزی
بلوطاره قدر اعلا ایدن کیمدر . اکرم بک
ای روح مدهوش! طامش اولدیغک خواب کران غفلتن ارتق
میدار اول. سنی احاطه ایدن شو تماشاگاه شکوهه عطف نظر دقت ایله.
اکرم بک

(تحزن)

ای خرابه مجتاف آمهسک مرکز حیرت نکاهمسک
منزل آخرین ماهمسک جسم جانانه مدفن اولمهسک
معلم ناجی افندی

انشاء غیر طلبی

اوچ نوعدر .

(۱) ترجی در . (ترجی) اوموق و مأمول ایتک معناسنه در .

شو مأمولی حاوی ایراد اولنه جق جمله لرده : احتمال که ، محتمل
که . مأمول که . اومولور که . اومار که لفظاری قوللانیلیر . (ان شاء الله) ،
(الله کریم) ترکیار یده مقام ترجیده استعمالی معلوم و بیانندن
مستغنی در .

(۲) تعجب در (تعجب) غرایبی حاوی اموردن انسانه حاصل

اولان بر حال در . حال تعجب : زهی . نه . نه . کوزل . نه . فای . عجایب
کی لفظلاره کوستریلور .

مثال

زهی ذاتک نهان واول نهاندن ماسوا پیدا

بحار صنعکه امواج پیدا قعر ناپیدا

مضوی

نه صانعسک که صنعک سنک ایچندن آب ایدر پیدا

درخت خاردن کلغنجیه سیراب ایدر پیدا

(سبحان الله). (ماشاءالله) ترکیلرند تعجب مقامنده قوللانیلیر.

مثلاً شهادته دیاربکرده بادم اغاجلری چیچک ویردیکنی کورن کیسه

حکمت الهیهی مع التقدير تعجب اظهاریلد «سبحان الله» دیر.

ومع التحسین تعجبی جالب اوله جق شیار کورلده «ماشاءالله» دینلور.

(۳) الشا موقعنده استعمال اولنان خبرلدر. آتش ویرشده

بیاع و مشتری بیننده جریان ایدن «صاادم» «آدم» گیمیری کی.

شو لفظلر الفاظ اخباریه دن ایسه ده قائلاری بیننده استعمالاری عقد

بیعدن عبارت اولغله بیع بو لفظلرله منعقد اولور.

ادب مقامنده قوللانیلان الفاظ دخی بوقسمدن معدوددر. مثلاً

یر کوله افندیسنه «بکا باق» دیه جک یرده ادباً اوله سویلیموب

«افندمز اگر یوزیکزی بنده کزه چو یروب باقار ایسه کز نصل

چالشمقده اولدیغمی کوررسکمز» دیمسی کی.

تحقق وقوعه مقرون امورجه ده الفاظ خبریه موقع انشاده

قوللانیلیر. مثلاً هنوز حصوله گماش اولان بر ایشتم حصولی حقیق

اولدییی مراد اولنه رق «از ایش اولدی بتدی» دینمسی کی.

بعضاً تقاؤل و تصدیق طلبده ترغیب موقعلرنده ده انشاجه لفظ

خبر قوللا نیلیر . مثلاً « سعى ایت که بیوک آدم اوله سىك » دینه جك
 یرده « سعى ایتدك ايسه بیوک آدم اولور سىك »، « بكا شونی احسان ایت »
 دینه جك یرده « شونی بكا احسان ایدرسك » دینلمسی کبی.

یدنجی فصل

وصل وفصل بیانده در

(وصل) جهله لردن بعضیسنك بعضیسی اوزرینه حروف عاطفه دن
 بر حرف ایله عطف اولنمسی و (فصل) عطف اولنماسی در .
 لسانمزدده مستعمل ادوات عطف وجوه آتیه اوزره در .

اجمال

واو - حرفی عربیدن مأخوذ و لسانمزدده مستعملدر . هیچ بر
 گونه ترتیب ملاحظه اولنمقسزین معطوف ایله معطوف علیهی جمع ایدره .
 « زید کلدی . عمرو کلدی ، بکر کلدی » دینه جك یرده « زید و عمرو
 و بکر کلدیلر » دینلور .

صکره - عربیده مستعمل (ثم) مقامنده در . تراخی و مهلت
 ایچون استعمال اولنوب مابعدینی حکمده ماقبلنه تشریک ایدره . « زید
 کلدی . صکره عمرو کلدی » کبی . لفظ مذکور ایکی حکمی جمع دخی
 ایده بیلور . « زید ، صکره عمرو کلدی » مثالی .

ناکه - عربیده مستعمل (حتى) مقامنده در . تدریج ایچون استعمال
 اولنور . « مستنطق سویلتدی تا که اقرار ایتدردی » کبی .

حتى - عربیدن مأخوذاً لسانمزدده مستعمل حرف عطف در .
 تا که لفظی کبی تدریج ایچون استعمال اولنور . « او قدر سویلندی که
 حتی سویلنمدن سسی بیله طوتلدی » مثالی .

تا - حرفی است آموزده مستعمل حروف عاطفه در اولوب بوده
(ناکه) لفظی کی تدریج اینون قولانیلور. «مستشرق است»
باشلادی تا اقرار ایتدیرنجیه قدر دوام ایتدی» کی.

یا - حرفی عربیده مستعمل (اما) مقامنده در. شک و تردید
موقعنده قولانیلیر. مدخولانی تعقیب ایدن کجه و یا جمله ثانیه
تکرار ایدیلور. صفوتک

آب رویک دوکمه هر نخل پلیدک یاینه

میوه مطلب یا اولماز یا اولور عالم بو یا

بیتنده اولدینی کی.

بعضاً دخی مدخولانی تعقیب ایدن جمله ویا گفته ده (بخود) لفظی
بولاندیریلور. سلطان سلیمان حضرتلرینک

یا محوایت لوح عصیانندن بو عبد پر قضور اسمن

چقار یارب یاخود اسماء حسندان غفور اسمن

مناجاتنده اولدینی کی.

اما - حرفی دخی عربیدن مأخوذاً است آموزده مستعمل در.

وسيله جوی وصلت اولدینگ یاره طویور مشلر

نفاق ایتمشلر اما معنوی همت بیور مشلر

بیتنده اولدینی کی.

بلکه - عربیده مستعمل (بل) حرفندن مأخوذ و (که) اداتنه

مربوط اولدق اضراب موقعنده قولانیلیر. حکمی معصوف علیهدن

معصوفه نقل ایدر. «بن کنجهیه قدر عودت ایتماش ایدی. بلکه

شمدییه قدر عودت ایتدی» کی.

ده - لسانمزه مخصوص ادوات عطفدن اولوب (دخی) مقامنده مستعمل در. بعضاً استعماله تخصص ایدر.

دخی - صورت استعمالی معلومدر.

یاخود - حروف عاطفه عربیه دن (او) مقامنده اولق اوزره لسانمزه مستعمل در. تردید ایچون استعمال اولنور. «یا سن کل، یاخود بن کلهیم» کی.

یوقسه - حروف عاطفه عربیه دن (ام منقطععه) مقامنده اولق اوزره لسانمزه مخصوص ادواتنددر. (می) ادات استفهامدن آیرلمز «کلور می یوقسه کل می» کی.

لیکن، لیکن، لیکن، ولی - ادواتک برنجیسی عربیدن مأخوذ، دیکر لری اندن مولد و محرف اولق اوزره لسانمزه مستعمل در.

هیسی استدرک ایچون قوللانیلوب هر بری ایباهلی کورینلن جمله دن ایهامی ازاله مقصدیه ایراد اولنان جمله اوزرینه داخل اولور. ینه، برده، هم، همده - لفظلری ده لسانمزه مخصوص ادوات عطفندر لر.

تفصیل

ایکنجی جمله نك برنجی جمله یه حکمده تشریکی قصد اولنور ایسه - مفرد مفرد اوزرینه عطف اولندیکی کی - جمله ده جمله اوزرینه عطف اولنور. بر جمله یی دیگر جمله اوزرینه عطف ایتمک یئلرنده جهت جامعه نك وجودیه مشروطدر.

(جهت جمعه) ایکی شی بیننده علاقه در که یا عقلی . یا وهمی . یاخود خیالی اولور.

«جهت جامعه عقليه» عقلك قوه متفكره جمع ایده جكي اشیا
بیننده کی علاقه حقیقه در و انواعی اوچ در که برنجیسی تمایل، ایکنجیسی
آضاد، اوچنجیسی تضایف در .

(تمایل) نوده اتحاد در که نوعاً متحد اولان اشیاك مشخصات
خارجیه لرندن صرف نظر اولسه آرهلرنده کی تعددی عقل قوه
متفكره دن رفع ایدر .

مثلاً: زید، عمرو، بكر انسانیتجه متحد اولدقلرندن بونلرك
شكل . سیما، اوصافدن عبارت اولان مشخصات خارجیه لرندن
صرف نظر ایدلسه عقل قوه متفكره ده یالكر نوعیتلرینه انحصار ایدن
انسانیتلرینی ابقا ایدر .

مثال

«زید یازی یازیور ایدی و عمرو غزل تنظیم ایدیور ایدی»
بکرده ترکی چاغریور ایدی «کی . شو مثالده (زید یازی یازیور
ایدی) جمله سی معطوف علیها و عمرو و بكر داخل اولدقلری جمله لر
هر بری معطوف اولوب زید، عمرو، بكر آرهلرنده تمایل بولندی
کی یازمق . تنظیم ایتك . ترکی چاغرمق افعالتك نوعیت اصلیه سی
فعل حکایه اولسیله افعال مذکوره حقیقتده متحد اولدیغندن بونلر
آرهلرنده تمایل معنوی موجود در .

چیچك لفظی كذلك انسان لفظی کی افراد کثیره یی حاوی بر
حقیقه وضع ایدلمش بر اسم جنس اولدیغندن شو حقیقتك حاوی
اولدیغی انواعه منسوب چیچكلر آرهلرنده تمایل بولنور .

مثال

« بنفشهٔ مجمره کردانك بوی عطر آمیزندن دماغ بهار معطر و گل
خندانك کون کبی طلعندن چشم ترکس مور ». (بك اسکی بر مقاله دن) .
مثال مذکورده مندرج بنفشه و گل آردلرنده تمائل موجود اولمغله .
جملهٔ ثانیه نك جملهٔ اولایه عطفی موافق قاعده در .

دیگر مثال

« بربنده که سلطان شوق و نشاطك زلف غنبر بوینه دلبسته و هر
بر دل افکنده که شاهد ذوق و صفانك کاکل دلاویز تعلقه بیوسته
اوله بهر حال انك خوان تاج آلود انفصالدن وایه سی نواله درد
حجران و دست ساقی بزم معالی رغد و عیشدن حصه سی جرعهٔ جم
حرماندر » (اسکی بر مکتوبدن) .

شومثاله « بربنده که - پیوسته اوله » جماعتینی ایچنده کی (بربنده
ایله دل افکنده) . (سلطان ایله شاهد) . (شوق ایله ذوق) . (نشاط
ایله صفا) . (زلف ایله کاکل) . (دلبسته ایله بیوسته) و (انك - حرماندر) .
جماعتینی دروننده کی (خوان تاج آلود ایله دست ساقی) . (وایه سی ایله
حصه سی) . (درد حجران ایله جرعهٔ حرمان) آردلرنده تمائلات معنویه
و خیالیه موجود اولمغله عطفلی پك کوزلدرد .

(تضاد ایکی شی بیننده ضدیت در . « بیاض ایله سیاه » . « طاعتی
ایله آجی » . « علم ایله جهل » کبی .

مثال

« علم هر وقت عالی و جاهل هر وقت سافیدر » مثالنده کی ایکی

جهت دادن برنجیسنك حاوی اولدییی الفاظدن عالم ایله دیگر جمله ده کی
جامل بیننده و کذلک جمله اولاد کی عالی ایله جمله ثانیه ده کی ساف
ارسنده تضاد موجود در .

(تضایف) ایکی شی بیننده برعلاقه در که اوشیلردن هیچ بری
دیگرینه نسبت اولمذجه تعقل اولنه من .

مثلاً: «بابا ایله اوغل» بیننده تضایف اولوب برنجیسنك حائر
اولدییی ابوت دیگرینك وجودینه علت وایکنجیسی بو علتدن نسبت
ایتمش برمول اولمغه طرفین ارسنده مقرر اولان نسبت اوزرینه
هانکی بری تعقل اولنسه دیگرینك تعقلی انی تعقیب ایدر .

مثال

«بنفشه زار حروفی قرین مدنظر وشواهد معانیسی مرآت خاطرده
جلوه کر اولدقده غنایب ناطقه - ازجا میرسی ای هدهد فرخنده
قدم - لغه سیله متغی و مرغ جان - آفرین بر قلمی باده این نقش
نکاشت - ترانسیله مترنم اولوب مطلع اعلاسی ناز پرورد دلارانی
ومقطع زیبای هم آغوش آشنایی اولمغین» . (قدمادن موقوفاتی
محمد افندینك جوابنامه سنده مندرج بر مکتوب وصفنده در) .

مثال مذکورده الفاظدن کنایه اولان حروف ایله معانی
و مطلع ایله مقطع ازلرنده تضایف اولمغه عطفار پاك کوزلدر .
غنایب ایله مرغ جان بیننده شبه تمایل واردر . شبه تمایل اشاعیده
تعریف اولنه بقدر .

(جهت جامعه وحمیه) وهمك قود متفکرده جمع ایده جکی اشیا

بیننده‌ی علاقه‌ی موهومه اولوب بوده اوج نوعدر که برنجیسی شبهه
تمائل ، اینجیسی شبهه تضاد ، اوچنجیسی شبهه تضایفدر .

(شبهه تماثل) ایکی شی بیننده عقلك قوه متفکرده تضاد دیو ویردیکی
حکمه وهمك تماثل ذهابنده بولمنسندن نشأت ایدر برجهت جامعه در .
مثلا : عقل سیاه ایله بیاض بیننده تضاد اولدیغنه قوه متفکرده
حکم ویردیکی کی صاری رنگی دخی سیاه کی کندی باشنه بر رنگ
اولدیغندن عقلی صاری ایله بیاض بیننده تضاد اولدیغنه حکم ویرر .
وهم ایسه صاری بی بیاضه بکزر برصورتده بولمسيله برابر ایکسنی بر
نوعدن عد ایدرک یینارنده تماثل بولندیغنه ذاهب اولور . وهمك ذهابی
حقیقته توافق ائیمه جکندن بصورته (شبهه تماثل) تسمیه ایدلمشدر .

مثال

« ایکی شی خاصیت احراقی شاملدرکه بو ایکی شینگ بری آتش
سوزان و دیگری حقارت اخواندر » عبارده سننده اولدیغی کی . شو
مثالده کی اتش ایله حقارت بینده شبهه تماثل واردر .

دیگری مثال

« شکر خواب وحدتده غنودهوبالین سعادت ونظاقتده خوابیده
اولان مزاج تراکت امتزاجلری فیضیاب نسیم استقصا وسایه اشین
مروحه استبا قنور » .
(کافی قدیم)

شو مثال حقیقت صورتیله نظر فکره تقریب اولنسه شکر خواب
ایله بالین سعادت بیننده برکونه شبهه تماثل کورینور . لیکن بو کلامک
مرتبی قوه و همیه اولیوب قوه عقایه اولدیغندن استعاره وکنایه

نقطه لرندن نظر اولندیغی تقدیرده تمائل کورینور. استعارات و کنایات شاعرانه و منشیانه ایله ترتیب اولنه جق ایات و فقراتک جمله سنده جهات جمعه اعتبارده مربوطدر. مثلاً «حامده برارسلان و ارایدی و انسانی قورقودینور ایدی» عبارده سنده کی برخی جمله نک حوی اولدیغی ارسلان جمله ثانیه ده کی انسان ایله برحقیته تابع وینلرنده تمائل واقع در. استعاره ده اعتبار اولمق لازم کلورکن استعاره دن صرف نظرله حقیقت اعتباری نقطه سندن بافلسه ارسلان نوعاً بشقه و انسان بشقه حقیقته تابع اولمغه ارده لرنده عقلاً تضاد بولنور. و همه عرض اولنور ایسه ارسلانی حامده بولمسیله انسان حقیقتنه ادخال ایدرک یینلرنده تمائله ذاهب اولورکه بو تمائل لفظ اعتباریله حقیقی اوله مدیغندن شبه تمائل دیو موسوم اولور.

(شبه تضاد) عقل تمائل دیو حکم ایتدیکی ایکی شیجه و همات تضاده ذاهب اولمسندن تولد ایدر بر جهت جامعه در.

مثلاً: ارض ایله زهره نک بری بزم نظر مزجه انحطاطده دیکری ارتفاعده اولوب یینلرنده تمائل اولان ایکی پورتقالک بری یرده، دیکری رافده بولمقله ارده لرنده کی تمائل تضاده منقلب اولیه جنی کی یینلرنده انحطاط و ارتفاع کورینان ایکی کره ارده سنده ده عقلاً تمائل کورینور. لکن و هم بری سنک اقسام فلکدن قیاس ایله کون. دیکرینک یر اولمسنه نظراً ارده لرنده تضاد بولندیغنه ذاهب اولور. و همات بوذهای اوزرینه اولیه شیار ییننده کی جهت جامعه ده حقیقه تضاد دینه میه جکسندن (شبه تضاد) اطلاق ایدلمشدر.

مثال

« کونک بلوطلردن خالی و باغیت صاف ویرده کی چنستان خیای آفتاب ایله شفاف ایدی . کویا که آسمان زمینه وزمین آسمانه عکس ایدیور ایدی » عبارده سنده کی جمله معطوفه و معطوف علیها اره لرنده شبه تضاد موجوددر .

(شبه تضایف) ایکی شیئینک بیننده عقلاک کوستردیکی تضادی وهم تضایف منزله سنه تنزیل ایتسندن نمایان اوله جق برجهت جامعه درکه بریسنک خاطره کسنی متعاقب حسب المناسبه دیکرینکده کسنی وهم نسبت طبعیه ارامقسرین - بینلرنده تضایفک وجودینه حمل ایدر . مثلاً : طاتلی ایله آجی بیننده عقلاً تضاد موجود و بریسنک وجودی دیکرینک وجودینه غیر موقوف ایکن وهم علاقۀ نسبییه یی نظر اعتباره آئیوب « طاتلی » دینلدیکی کبی « آجی » خاطره کسنی بینلرنده تضایفک وجودینه ویرر . تضاده تعلق ایده جک مثال وهمه نظراً شبه تضایفه مثال اوله ییلور .

(جهت جامعه خیالیه) ایکی شیئینک . یا خود اشیانک تصورندن خیالده متقارن اولان صورتدر . بوصورت عادت . زمان ، مکان ، معاشرت ، الفت کبی احوال متنوعه ایله مختلفدر . زیرا بعض شی ر شخصک خاطرینه کلدکده دیکر برشی دخی کلور که بشقه بریسنک ذهنتده بو توارده مناسبت بوانه مز . چوق کره ایکی امر بیننده کی جامع خیالی برقومه مخصوص اولورده دیکر قومده تخیل اولنمز .

مثال

برباغچه ده عشرت وچالنی کبی شیرله اکنمکی عادت ایتش اولان

بر احباب جمعیتدن هانکی برینک یاننده اوبانجه ذکر اولسه در عقب
خاطرینه راق . ساقی . حالی . احباب کی شیر کلور . کدک
بانجه لردن میوه دوشیروب . ساق و پاره قزاقمقله مآلوف اولانلردن
هانکی برینک یاننده بانجه ذکر ایدلسه در حال میومک انواعی . سالمی .
پهاسندن پاره قزاقمقله خاطرینه خطور ایدر . خیمه نشین بدوی
عربان ایچنده « چار » ذکر اولسه دوزر . قاطر جیلرک یاننده ذکر
ایدلسه استرلر ، اشک جیلرک یانلرنده سویانسه حمارلر خاطرلرینه کلور .
هر صنفه بر طاق اشیانک مخصوصیتی جهتیه هر صنعت اهلیک فکرینده
کندی کارینه مخصوص آلات وادواتدن هانکی بری . خاطرینه کلسه
دیگرینک خار دسیده آنی تعقیب ایدر .

اشته جهت جامعه خیاله بویله خاطر دلرجه حسب الاعتبار خاطر
ورود ایتمکده اشتراک کوسترن شیر بیننده کی علاقه عادیه در .

بالاده تعداد اولنان جهت جامعه عقلیه ووهیمیه وخیالیه دن هانکی
بر جهت هانکی جمعه بیننده موجود اولور ایسه اوجملهلرک ایکنجیسی
برنجیمی اوزرینه عطف اولور . جهت جمعه بولنمز ایسه عطف اولنه مز .
جهات مذکور دنک وجودیله برابر جمهلر یاننده اسمیت و انواع
فعالیته تناسبت وجودی ومعافیله معطوف و معطوف علیه اوردسنده
مناسبت سائر معنویه دخی لازمدر . وصل و فصل بخلرنده امور
مذکور دیه رعایت بلاغت و لطافتی مؤدی اولور .

مثال

« دشمنلر من بزه غدر ایتک استیورلر و بزم حقمزده هر درلو

تجاوز و تعدی به دوام ایدیورلر « عبارده‌سندہ ایکی جملہ موجود وایکنجیسی و او عطفہ ایله برنجیسنک اوزرینه معطوفدر . برنجی جملہ دشمنلرک تجاوز و تعدیلرندن باحث اولدیغندن اره‌لرندہ تمایل موجود و مع مافیہ ایکیسیدہ جمل فعلیہ خبریہ دن معدوددر .

« دشمنلر مز بزه‌غدر ایتک استیورلر . بزکندیلرینی منتقم حقیقی به حواله ایتشز » عبارده‌سندک حاوی اولدیغی جملہ اولاده‌کی (غدر ایتک) سوزی دشمنلرک مطلبی عد اولنوب جملہ ثانیہ‌ده‌کی (بزکندیلرینی - ایتشز) قولی او مطلبدن معدود و بناءً علیہ ایکی جملہ بیننده جهت جامعه موجود اولمادیغی کی (استیورلر) فعلی ایله (ایتشز) فعلی اره‌سندہ تناسبده اولمادیغندن جملہ ثانیہ‌نک جملہ اولایه عطفی جائز اومز .
واو عطفہ ایله برجه‌لنک دیگر جملہ اوزرینه عطفی ایکی جملہ‌نی بر حکمده جمع ایتکدر . حکما رده اتحاد قصد اولمادیغی حالده واو ایله عطف اولنه‌مز .

مثال

« انوری افندی حلبدن استانبوله کلدی . ادهم افندی ارتق حلبه کتمکدن صرف نظر ایتدی » عبارده‌سندکی جملہ اولانک حاوی اولدیغی حکم انوری افندینک استانبوله گئی . جملہ ثانیہ‌ده‌کی حکم ایسه ادهم افندینک حلبه کتمسینه حاجت قالماسی اولوب ایکی جملہ‌نک حکملری بیننده اتحادی موجب جهت اولمادیغندن بوراده حروف عطفه‌دن (ده) . یاخود (دخی) افشارینک هربری جملہ ثانیہ‌ده ایراد اولنه‌بیلور ایسه‌ده (ده) ادایله عطف اولنق (دخی) ایله عطفدن کوزلدز .
« احمد بک ترفیع رتبه ایتدی ، سلیمان بک ترفیع رتبه ایتدی »

عمر بك ترفیع رتبه ایتدی « جمله لرینك حكملری شایان توحید اولدیغندن
 واو عاطفه ایله « احمد و سلیمان و عمر بكار ترفیع رتبه ایتدیله
 دینلرلك اولوجه ایله حكملر توحید واو چنك (بك) عنوانیله (ایتدی)
 فعلی جمع ایدیلور .

« احمد بك ترفیع رتبه ایتدی ، سلیمان بك مجیدی نشانی الدی ،
 عمر بك فلان سنجاغه متصرف اولدی « جمله لری شایان توحید و جمع
 اولدیغندن ازم لرینه واو عاطفه ترقیم . یاخود واو عاطفه نك مقدر
 اولدیغنه قرینه اولمق انچون ویركول اشارتی وضع اولنور . لکن
 لسانك شیوه سه دها زیاده باقیشان صورت حمل مذکورده « احمد
 بك ترفیع رتبه ایتدی . سلیمان بكده مجیدی نشانی الدی و عمر بك فلان
 سنجاغه متصرف اولدی « طرزنده عطفه رعایت ایتمكدور .

حكملردن بری شبعوت . دیگرى نفی معناسی شامل اولور ایسه
 حكملرده اختلاف حاصل اوله جغندن عطفلى جائز اوله من .

مثال

« عمر افندی بكا كلدی . عارف افندی كلدی » عبارده سی یولونده .
 اولمغله شو عبارده ده كی جمله ثانیه جمله اولایه عطف اولنوب « و عارف
 افندی كلدی » دینله من .

جمله لرلك بری معنای ماضی یی : دیگرى معنای مستقبلی حاوی
 ایسه كذاك واو ایله عطفلى جائز اوله من .

مثال

عمر افندی بكا كلدی . عارف افندی كله جكدور « عبارده سنده .

اولدینی کی . شو عبارت لرده کی جمله لرده حکملری شایان توحید
 اونیوب یالکز معنأ ربط لرده برمناسبت موجود اولدیغندن (ده)
 ادایله برینک مألئ دیکرینه ربط اولنور .
 چوق یرلرده (ده) ایله (دخی) اداتلرینک موقع استعماللری
 براشور .

مثال

« سن سویلدیكك کی بنده سویلدم » : یاخود « سن سویلدیكك
 کی بندخی سویلدم » .
 بعض مواقعده هر بری استعمالجه تخصص ایدر .

مثال

« عشقکه دوشدم اونوتدم دردیله درمانیده » مصراعنده کی
 (دردیله درمانیده) یرنده (دردی دخی درمانی دخی) دینله میه جکی
 کی « دخی کیمدن امید صدق ایدرسك نابیا بیلمم » مصراعنده کی
 (دخی) قالدیریلده یرینه (ده) قونیه مز .
 بر عبارت لك حاوی اولدینی ایکی جمله لك بری جمله خبریه ،
 دیکری جمله انشائی اولور ایسه ینلرنده عطف جریان ایتمز .

مثال

« بن سزه کله میه جکم . سن بزه کل » سوزنده اولدینی کی جمله
 اولی جمله خبریه . دیکری جمله انشائی اولدیغندن بلا عطف ایراد
 اولنمشدور . عطف ایدیلوبده « بن سزه کله میه جکم و سن بزه کل » ،
 یاخود « سنده بزه کل » دینله مز . لکن جمله ثانیله ده کی امر حاضر

یرننده ہی حاضر اولسه معناسی جمله اولاده کی معنای فی ایله مناسب قبول ایدہ چکندن (ده) لفظیله عطف اولنه ییلور. «بن سزده گیہ حکم سندہ بزده کلمہ» کی.

جمله لک بری خبریہ، دیگر کی انشائیہ اولوبده جمله انشائیہ تأویل طریقہ جمله خبریہ توفیق اولنه ییلور ایسه جمله ثانیہ ناک عطفی جائز اولور.

مثال

«فلانی دو کدی کمی کوردک یا سندہ یارامزلق ایتمہ» عبارده سندہ اولدیغی کی. شو مثالده کی جمله اولی خبریہ. دیگر کی انشائیہ ایسه ده عبارده افلائی دو کدی کمی کوردک یا یارامزلق ایدر ایسه کی سنی ده دو کرم، تقدیرنده اولدیغدن (ده) اداتیله عطف اولنسی لازم کلور. بعضاً جمله اولی موجود اولدیغی حالده بر جمله ادات عطف ایله ایراد اولنور و بویله یرلرده جمله اولی مقدر عد اولنور.

مثال

«سندخی کچمه نصیب انتقامکدن رقیب» مصراعنده اولدیغی کی. شو سوز «الندن کلانی بنم حقمده اجرا ایتدک. سندخی نصیب انتقامکدن کچمه» دیمکدرکه جمله اولی مقدردر. مفردک مفرد اوزرینه عطفنده و او عاطفه چوق کره مقدر اعتبار اولنه میه چغندن تکرر حالده مقدر اولدیغنه قرینه اولان ویرکول اشارتی وضع و (واو) حذف اولنه ییلور. لکن جمله لکیرکد ایکیدن عبارت اولسون، کړک دهها زیاده تعدد ایتسون جمله سندہ.

واو عاطفه مقدر اعتبار ایدیه رک لفظاً و تحریراً حذف اولنه ییلور . بو تقدیرجه هر جمله ارسنه یا ویرکول اشارتی قونیلور ، یاخود ایکی اوچ نقطه قدر فاصله ویریلور . و قرائت اولنورکن دخی هر جمله بیننده برایکی ثانیه مقداری سکوت فاصله سی اعطا اولنور . و او عاطفه نک مقدر اعتبار ایله لفظاً و تحریراً چوق یرلرده حذف اولنمی من القدیم کرک عربی ، کرک فارسی و ترکی لسانلرنده جاری در . فرمانلرده « مدبر امور الجمهور بالفکر الشاقب متمم مهام الانام بالرأی الصائب مهتد بنیان الدولة والاقبال مشید ارکان السعادة والاجلال » یازلدینی کی .

ترجیه مثال

الهی ! بن سنی نه دیل ایله او کیم که دیلم حقیقتک بحرنده برقطره .
الهی ! بن سنی نه وجودله وصف ایدیم که وجودم مهرک شعاعنده برزده . هر عقل دراک جلالک ادراکنده خیره . هر رای تابناک جمالک وصفنده تیره . احباب متون و شروح عزتک حوالیسندده متلاشی . ارباب قنوب و کشوف جبروتک حرمنده بر بلوک بیکانه و ناشی
(تضرعات سنان پاشادن)

قدما اکثریا جمالت تعددند و او عاطفه یی مقدر اعتبار ایتدکاری کی مثال مذکوره کوسترلدیکی اوزره ادات خبریده مقدر اعتبار ایدرلر ایدی .

دیگر مثال

فتحه عنوانی آیت کریمه (هو الحفی امین) ختمه تاریخی (والعاقبه

المعتقین) غایت مضمونی (ذلك فضل الله يؤتيه من يشاء والله ذو الفضل العظيم)
(فضولی - بر مکتوبندن)

بر عبارتتک حاوی اولدینی ایکی جمله تکه هر بری مقول قول واقع اولور ایسه جمله ثانیه تکه جمله اولایه عطفی جائز اوله مر.

مثال

«دیدم براتمک مضمونی نیجون صورت بولمز. دیدیلر زوانددر حصولی ممکن اولمز».
(فضولی)

(هم) لفظی ایله عطف اولان جمله لرحه فقط مذکور معطوف علیه اولان جمله ده بولمق لازم کلوب جمله معطوفه اووزرنده یا تکرار اولنور. یاخود (همده) لفظی بولندیریلور.

مثال

«هم عارف افندی هم عمر افندی کلدی». یاخود «هم عارف افندی همده عمر افندی کلدی» کبی.

ایکی جمله تکه ایکی سیده کرک خبریه اولسون. کرک انشائیة ایکنجینک معناسنده تعاقب اولدینی خالد و او عطفه ایله عطفسده لطافت اولمز.

مثال

«امام عیال افندی کلدی ابراهیم بک کیتدی». «حسن بک کسون خیری افندی کیتسون» کبی. شو مشا، بردن هر بری سنات حاوی اولدینی ایکی جمله اراسنده و او مناسب یوقدر. بویله یرلرده ادات عطف اولماسیده جائز ایسه ده ادوات عطفدن

(صکره) لفضیده استعمال اولته رق « اسماعیل افندی کلدی صکره ابراهیم پک کتدی ». « حسن پک کلسون صکره خیری افندی کتسون » کبی . ایکی جمله نك هر بریسی مسند انیهك برنوع فعانی حاوی ایسه شو فعللردن هر بریسی دیکرینك کرک ملایمی . کرک مبانی اولسون و او عاطفه ایله جمله ثانیه جمله اولایه عطف اولته بیلور .

مثال

« احمد افندی کلدی و کتابی کتیردی » ، یاخود « احمد افندی کلدی و کتدی » کبی . لیکن برنجی مثالده و او عاطفه کتیرمکدن ایسه « احمد افندی هم کلدی همده کتابی کتیردی » ، ایکنجی سینده « احمد افندی کلدی ینه کتدی » دینلمسی شیوه لسانمزه دها زیاده یاقیشوره . ایکی جمله یی حاوی اولان بر عبارت نك ایکنجی جمله سی برنجیسی تأکید ایدر ، یاخود اندن بدل صورتنده کورینور ایسه عطف جائر اولیوب ارالری فصل اولنور .

مثال

« شو غزل پک سلیسدر . سلاستی بر درجه در که اوقوندیقی وقت آب زلال جریان ایده یورکبی بر حال حس اولندیور » عبارت سنده کی « شو غزل پک سلیسدر » سوزی جمله اولی و مابعدی جمله ثانیه در . جمله ثانیه سلاستی توضیح صورتیله مؤکد اولدیغندن عطفاً ایرادی جائر اوله من . « بی ادم کیت بور اده طورمه » سوزی هم تأکید همده جمله انشائییه مثالدر که (بورده طورمه) جمله ثانیه سی جمله اولاده کی (کیت) امرینی مؤکددر . بونده دخی عطف جائر دکل .

« کتبه نك همیسی بكا كمدی اندردن بعباری كادی » عبارت مستند کی
 جمله نانیه جمله اولاد ن بدل اولدیغدن كذاك عطف ایله ایراد اولته مز .
 ایکی جمله ای حاوی بر عبارت نك برنجی جمله مستند کی مستدایه (كه)
 ادات رابطه سنه مربوط اولور ایسه جمله نانیه بلا عطف ایراد اولتور .

مثال

« مبشر كه مرده كتیردی كتیردی کی مرده ایله همیزی نمون ایتدی ،
 کی . جمله اولاده بولان (كه) لفظی قالدیر لسه عطف ایدلمسی لازم کور
 « مبشر مرده كتیردی و كتیردی کی مرده ایله همیزی نمون ایتدی » کی .

سکزنجی فصل

ایجاز و اطناب و مساوات بیاننده در

مقصودك عبارت متعارفه ایله اداسنه (مساواة) دینور . استعمال
 اولته جق كلامك الفاظی عبارت متعارفه دن نقصان ایسه عبارت (ایجاز)
 و زیاده ایسه (اطناب) تسمیه اولتور .
 عبارت متعارفه دن مراد اهل عرفك [*] محاورات و معاملات
 عمومیه ده قولاند قلی عبارت لردر .

اهل عرف سوزلرنده مقتضای حاله رعایت اتمد کاردن بولنرك
 سوزلری نظر بلاغتجه مدوح کور یله مز . لکن غرضلری الفاظك
 وضعیت طبیعیه سنه کوره معانی اصالیه نك اداسندن عبارت اولدیغدن
 مذموم دخی عد اولته مز .

ایجازده مدار نظر الفاظ اولیوب معانی ایسه ده الفاظ حقنده ده

[°] اهل عرف اوساط ناس یعنی اورطه صنفده اولان خلقدردر .

اوصاف حسنه دن تجرید ایدله جک درجده اهل اولمق لازم کلز .
زیرا معنی بر محبوب جالب القلوب درکه محسنات ذاتیهی شامل اولقله
برابر لباسی اولان الفاظ دخی کوزل انتخاب اولنور ایسه لطافتی
درجه عایاده کورینور .

الفاظک معانییه تعلق و دلالتنده یکدیگره نسبتله مساوات اولیوب
بعضیسی لفظجه قلیل اولدینی حالد کثرت معنای شامل اولور .
بعضیسیده لفظک کثرتیه برابر معنایده قلت بولنور . ایجاز ایسه
کثیرالمعنی اولان لفظک انتخابنده در .

الفاظ نقوده تشبیه اولمق لازم کلسه لفظی چوق و معنای آز
اولان کلام سکه نحاسیه و قلت و کثرتجه تفاوته نظراً مثال و سیم
مسکوکات کبی اولوب لفظی آز و معنای چوق کلام آنتون کبی در . بر
صورت فوق العاده اولان بلیغک انتخاب ایددجکی الفاظدن ترتیب
ایله جکی کلام ایسه قیمتجه ایرای دخی کچوب پرلانتیه اناسنه معادل
اولور که اناسک جیمی قیمتجه مساوی اوپجی مسکوکاته نسبتله نعل
مشاهده اولنور ایسه کلامک عال العالی دخی مادوننده کی اقسام
متفاوتیه نسبتله اولله کورینور . بناء علیه نقود و مجوهرات انتخاب
و استعمال ایدلرک انتخاب و استعمالی ثروته متوقف اولدینی کبی
کلامجده الفاظک او یولده انتخابی منتخبک معلوماًتجه ثروت
و ضاعه سنه و بونسکه برابر جودت طبیعت و ذوقده سلامته فطانت
و درایت و شعائر انسانی و آداب مایه جه مکمل تربیهیه متوقدر .

علمای بلاغتدن بعض ذوات « بری ایجاز ، دیکری تطویل
اولمق اولورده کلامک ایرتیم اولسنه ذاهب اولوب اشعار و مکتوباتجه

ایجازه رعایت لازم ایسه ده خطبه لر و مأموریت امر لری و قو حنه دائر
بشارت نامه لر کی عموم حضور نده اوقونه جق شیرجه تطویل اختیار
اولمیو بده ایجازه رعایت اولندیغی تقدیرده مقصد عمومجه دائره
استفاده دن تباعد و اوقونان شیئت مندرجاتی موقع تأثیردن سقوط
ایدر « دیدیلر . بعض بلغا شورایه معترض بولنه رق « خطب و
اوامر و مکتوبات عمومیه جه عامه نك حرفاً استفاده ایتملری مقصدی
التزام اولنور ایسه هر شیئت اوساط و ادائی ناس ارسنده مستعمل
الفاظ مبتذله ایله یازلمسی لازم کلمور . عموم ایسه حضور لر نده اوقونه -
جق شی نه یولده یازیلورسه یازلسون دفعه اوقونمله مندرجاتی فهم
و ضبطه مقتدر اوله میه جفی معلوم اولدیغندن خطب و سائر مذکور نك
الفاظ مبتذله ایله طولدرلمسه لزوم و مجبوریث یوقدر » دیدیلر .

واقعاً اوقوله مکتوباتك هریری عاشق غریب و کور اوغلی
حکایه نامه لری کی سراپا الفاظ مبتذله ایله یازلمسه بیله — بالذفات
مشاهده اولنمش اولدیغی وجهله — عامه ایچنده بك چوق
آدم بولنور که اوکارنده اوقونان شیر اوقوندقدنصکرده برده آغزندن
مفهوم و خلاصه سی تعریف اولمدهجه مندرجاتی آکلامیوب بعدالقرائه
« شو اوقونان شی نندن عبارت ایدی » دیو اکلامش اولانلردن
سؤال ایله اوکرنورلر . حتی ولایتلرده و الیلر و سائر سرکارده بولنانلر
مأموریت امر لری و اوامر سائرینی عموم حضور نده اوقوندقدنصکرده
بر آچیق انصق ایراد ایله امر دن مقصد و مزایانه اولدیغی تعریف ایدر کن
بیله حضار ایچنده مقصد و دقیق افدهنی آکلامیا ندرده بولنور . بجا
علیه بین العوام تداول ایدن الفاظ مبتذله نی لسان رسمی و ادبی نه

آنگه لزوم یوغیسه ده عموم حضورنده اوقونه جق شیرك كلام موجز
ایله ایرادی دخی مناسب اولمديغندن اسان رسمی وادییه یاقشه جق
الفاظ ایله ایراد واضحاب مقبوله رعایتله ادا اولنسی مقتضای حاله
موافق اولور .

تخریسی لازم واعتماده شایان اولان معنائیه دلالت ایدمك .
الفاظك تركیبنده رعیت اولنه جق حال برطوغری یوله سلوكدن
عبارتدرکه مقصوده کفایت ایدمك الفاظ ایله ادای مرام ممکن ایکن
فائده زانده اولیان الفاظ التزامنه لزوم ومناسبت کوریه مز . مقصودك
اداسنده قولالایله جق الفاظ عبارت متعارفدن آزایسه (ایجاز) وچوق
ایسه (اطناب) در دیمشك . علمای بلاغت ایجازده مستعمل لفظك
وافی واطنابده زیاده ایدیه جك لفظك فائده زانده یی حاوی اولسنی
ایجاز واطنابك تعریفلرینه درج ایتشاردر .

عبارت متعارفدن نقصان الفاظی حاوی كلام مقصودی .
ادایه وافی دكل ایسه (ایجازمخل) وزیاده الفاظی شامل بولنان كلام
فائده دن خالی ایسه (اطناب مل) تسمیه قانور .

ایجاز مخله مثال

« حاقق کونکه سنده یشامق عقل کونکه سنده یشامقدن خیرلودر »
کلامی کبی . بوندن مراد « انسان احق اولوبده تأثر وجدانی موجب
اوله جق ادراکدن بی نصیب اولمق عقل ایله ادراک مزیتنه نائل اولوبده
تحمل اولنه . یه جق شیرلی بالمشاهده متأثر ومتورم اولمقدن خیرلودر »
صورتی اولدییی حالده مثال مذکوردن بوجوبت آکلاشیلامز .

(اطناب مل) اطلاق اولان کلام یا لزومسز لفظی یا حشو مفسدی .
یا خود حشود غیر مفسدی شامل اولور .

لزومسز لفظی حاوی کلامه مثال

« فلان ذاتک ویردیکی سوز کذب و دروغدن عبارت ایش » کی .
کذب و دروغک ایکسیدیه بر معنایه اولدینی حالد بوراده دروغک
ذکر نده هیچ بر لزوم یوقدر .

کذلک هر بر عبارتده کرک ضرورت شعر کرک سجع کی اسبابدن
نمی هیچ بر کوندر لزوم و فید زانده فی مفید اولمیان الفاظ مراد فیک نصف
طریقیه کلامده ذکر اولمسی (اطناب مل) قسمندن معده در . راسخات .

اول قدر اولمش رخک صاف و لطیف ای مهلقا

ماحصل رنگ عرض بار کران اولمش سکا

یتنده کی (و لطیف) بو قیلدن و (ماحصل) دخی بی نزوم الفاظ
زانده دندر .

معنایی افساد ایدن حشوه مثال

« اولوم اولسه ایدی سماحت و صبر و شجاعتک فضیلتی اولمز
ایدی » کی . خلوتک بذل امواجه احتیاطی موجب اولدجنی بدیمی
ایکن بوراده سماحتک ذکر کی (حشو مفسد) عد اولنور .

حشو غیر مفسده مثال

« بن بوکون ایله بوکوندن مقدمه اولان دونکی کونک وقوعی
بیلور . بوکوندن سکرده که جت یارینکی کون نه اولدجفی بیلم .
بو مثالد واقع (بوکوندن مقدمه اولان) و (بوکوندن سکرده که جت)

ویریندن صکره (کی کون) هپ حشو زائد فقط معنای غیر مفسد در .
 (مساواة) اوساط ناس بیننده متعارف اولان سوزلر اولدیغی
 یوقاروده سویلمشک . بو سوزلر الفاظک وضعیت طبیعی سنه کورد .
 معانی اصلیه نك اداسندن عبارت اولوب نه فائده لی و فائده سز بر لفظ
 زائدی حاوی . نه ده مایع لهنك خارجنده بر فائده معنویه یی شامل بولنور .

امثله

آشالقی بیلمیانلردن قیاس ایتماک بزی
 اشنایه اشنا بیکانه یه بیکانه یز .
 روحی .

حددن زیاده ایتمه تغافل نیازمه
 جانا مثلدن عاشقی چوق ناز اوصاندر
 فنی

دوشدم بلای عشقه خردمند عصر ایکن
 ایل شمدی بدن آلدیغی پندی بکا ویرن
 فضولی

بیتلرینک مندرج اولدقلری الفاظ کی .
 (ایجاز) ایکی نوعدر . بری ایجاز قصر . دیگر یی ایجاز حذف .
 (ایجاز قصر) اختصاری لفظک حذفدن نشأت ایتماش اولان
 ایجازدر .

ضرور امثال ایله حکمی اولان فقره لر کرک منشور کرک منظوم
 اولسون لفظلری آز . معنایی چوق سوزلر اولدیغندن بولنرک هر
 بری ایجاز قصردر .

امثله مشوره

غریب دوستی اولیان در . قرنداش قرنداشك آینه‌سی در .
 هر مقالک بر مقامی وار . هر کونک بر آقشامی وار .
 هر زمانک رجالی وار . صبر آجی ایسه‌ده صوکی طاتلی در .
 معرفتک ابتدایی تجربه در . وقت نقد در .
 خائن قور قولی در . بلا سوزده مؤکل در .
 بشقه سنک کوله‌سی سنک کبی حرد در . سکوت سلامت در .
 چوق سوز وارکه قلیچدن کنکین در . چوق سویلیان
 چوق یا کیلور .

یالان درد ، طوغری شفادر .

یالان ، آغاز باصویدر .

تجربه ایتمدیکک کیمسه‌نی نه مدح ، نه‌ده ذم ایت .

انا بابا تربیه‌سی کورمیانی زمان تربیه ایدر .

امثله منظومه

اکاه	وقف بر سوزدرکه دیرلر آشنادن چوق نه وار
ابراهیم حق	طمعسنز آدمک خاق جهان هپ اقرباسی در
اکرم بک	سکا وجدانک الویر منیمی استشهاد لازمه
امری	کلی یوق بوستانده نیلرسک
بلوغ	ابر نیساندن صدف دردانه افعی سم قاپار
»	ایچنده خانه‌نک بر صاحب اولدقجه خراب اولمز
جووت پاشا	شانه زلف سخندر اعتراض

جودت پاشا	دورك صفا و نشئه سی دكز خاينه
حامی	معاش ایتش نهاری حق بزه لیلی اباس ایتش
خاتمی	تیز رفتار اولانك پاینه دامن طولاشور
راشد مورخ	سكوتن مرد دانا خصمنی الزام ایچون صاقلر
»	اولور نزولی کرانك شدید بالادن
راغب پاشا	صورسلر مغدورینی غدار کندن کوستر
»	شجاعت عرض ایدرکن مرد قبیلی سرقتن سویلر
»	مرد میدان هنر معلوم اولور روز مصاف
»	اولورمی زیور دستار رغبت سنبل خزمن
رحمی	کون طوغه دن مشیمه شیدن نه لر طوغار
روحی بغدادی	خالک اول که خدا مرتبه کی ایلیه عالی
سامی	رهنای مسالک تحقیق در حیرت بکا
»	معدن حسنک دکل یاقوت ایله الماسی بر
سلطان سلیمان	یارسز قالیر جهانده عیبسز یار استیان
»	اولیه دولت جهانده برنفس صحت کبی
سید وهبی	آدمه کندی ایاغی ایله دولت کلز
شناسی	آجیمیز کسیدیکی پارمق شرعک
»	تکیه یی بکلیان البته ایچر چوربانی
»	نقل و تقریرد کوره دعوائی
»	شیخ الاسلام ویزر فتوائی
شهری	مار سرما دیده مولی کونش کوستر مسون
طالب	کشی نقصانی بیلمک قدر عرفان اولمز

عاصم	الده استعداد اولنجه کار کندين کوستر
عاصف	بولمز يمزدر اکثری ارباب عفتک
عزت والا	قناعت اهلنک دولاب ارزاننده موش اولمز
عزیز	آه دل بابل کلهده خاردهده قالمز
فمی	شفاياب اولميان بياره سختدر هلاک اولوق
فصولی	مستعد درد اولانلر قابل درمان اولور
فطنت خانم	اولمينجه خسته قدرين بيلمز آدم سختک
کرامی	خاکک افندی التیده وار اوستی واریسه
کحل بات	فداکارک قالور اذکاری دائم قلب ملتده
»	یرد دوشمکله جوهر سباقط اولمز قدر و قیمتدن
»	طوردر احکام نصرت اتحاد قلب ملتده
»	چقار آثار رحمت اختلاف رأی امتدن
»	فلکده بخت اوتانبسون بی نصیب ارباب همتدن
لیب آمدی	بو مثادر که سن انسانیت ایت عمانه آت
مقالی	اتارلر طاشی البته درخت میوهدار اوزرد
نالی	ایدر هر تیشه کار آرزو بریستون پیدا
»	کیمیای قابلیت جوهرندن بلایدر
نابی	هر سینه که وار وسعنه چسبان غمی واردر
»	بز بومیدانک نیچه چایکسوارین کورمشز
»	بیابانده اولان هر سنک بیقیمت نکیکن اولمز
»	معلوم اولور احوالی نهاریک سحرندن
»	مستعد عز ایدر استاد تذلیل ایتدیکن

نابی درخت اطرافنی کیمسه طولاشمز باردن صکره
 » شیر التفات ایدرمی کلایک غلوسنه
 تزهت آهنی اشکال کونا کونه قورلر نار ایله
 نورس وقت اولور کیم اقبیح شی احسن موجود اولور
 والی امدی باق طبع ناسه وقته مناسب تکلم ایت
 » سله اوریلور هرکسه سیاسنه لایق
 ویسی کشی یاقدینی چراغ اوستنه پروانه کرک
 امثله مذکوردهنی حاوی اقوال منشوره ومنظومه حکمیاتیله برابر
 شرح ایدلسه برکتاب تشکل ایدر .
 ادبای قدیمه وجدیدد مزک انارنده اومقوله اقوال یک چوق اولمغه
 امثله مذکوره یک کوچک بر نمونه در .
 (ایجاز حذف) ده بر جمله نیک بر جزء مضافی : یا موصوف : یا صفت .
 یا شرط ، یا جواب شرط محذوف اولور .

جمله نیک جزء مضاف نیک حذفته مثال

« بو ایشی قریه یه صور » کبی که اهالی قریه یه صور دیمکدر .

حذف موصوفه مثال

لعل یار اغرنده اما واپسین اولمش نفس
 عاشق بیماری کوردم جان و یروب جان آلمدم

ندیم

حذف صفتیه مثال

« او کیم مظلومه مرحمت ایتیز دوشرسه کندوسنه آجیان بولمیز »

کلامندہ « اوظانم کیم » دینلہ جک یرده « اوکیم » دینلہ کی کی .

شرطک حذفه مثال

« یارین بزہ کاور ایسه سکا اکرام ایدرم، دینلہ جک یرده » یارین بزہ کل سکا اکرام ایدرم » دینلمسی کی .

شرطک جوانی یا مجرد اختصاره رعیت . یا خود وصفات احاطه ایدمیه جکی برشی اولدیغنه دلالت ایچون ویاسامعک نفسی هر ممکن اولان مذهبہ کتمک ایچون حذف اولنور .

برنجیسنه مثال

بین الاحباب « بوکون تنزه ایچون مسیره یه کیده بیلور می یز » دین بر کیمسه یه « هوا مساعد اولور ایسه کیده بیلور یز » دینلہ جک یرده « هوا مساعد اولور ایسه » دینلمسی کی .

ایکنجیسنه اوچنجیسنه مثال

فالق ایدن بر شخصه خطاباً « اکر حکومت شو حالکه واقف اولور ایسه » دینلمسی کی .

بونلردن بشقه مسند الیهک . مسندک . مفعولات دخی اقتضایه کورد حذفلایه کلام اختصار اولنه بیلور که کیفیاری و مثالیری فصول سابقه ده ذکر اولندی .

بعضاً برجهائ مسببه اختصاراً حذف اولنوب یالکیز سببک ذکر یله اکتفا ایدیلور .

مثال

« فلان ذات قایچ کون در که کور نیور . عجبانه ایچوندر » دیو سوال

ایدنه جواباً «خسته اولدینی ایچوندر» دینلمسی کی .
یاخود سبب محذوف اولور .

مثال

« فلان ذات فلان محله بر بیوک حقایقه تصادف ایتدی . صکره
کندوسنی کوره مدم . عجبا نصل اولدی » دینلمسنه جواباً « کدرندن
خسته ایتدی » دینله جات یرده « خسته ایتدی » دینلمسی کی .
محذوف بعضاً جمله دن عبارت اوله جعی کی بعضاً دخی جمله دن زیاده اولور .
بونلرک هپسی عبارتده ایجازی التزام و کلامی تنقیح اونغله هانکی عبارتده لفظ
ویا جمله نیک دلا ایلله بر کلامدن و یا مفصل بر عبارتدن بعض الفاظ واجزانک و
یا جمله لری حذفده مقصد فوت اولمز ایسه حذف . مقبول و صواب عد اولور .

الفاظ واجزاء زائدی حای عبارتده مثال

« علم اخلاق انسان ایچون هر درلو تهذیب اخلاقه و هر شخصک
بو بولده التزام ایددجکی مقصدی طالب اولانلرده تسهیل کافل در » .

عبارت مذکوره ده حذف ایلله ایجاز

« علم اخلاق تهذیب اخلاقه و بو مقصدی تسهیل کافل در » .

دیگر مثال

علوم آلیه ، اوامر و نواهی شریعتی و شریعت و تهذیب اخلاقه
متعاقق فوائدی شامل و کافل دکادر . تربین الفاظ و معانی و تحسین
عبارت ایلله امور دنیوی نیک تسهیلانه متعاقق مسائل و قواعدی حایدر .
بو علملر دن اصلاح وجدان و اعتقاد تعاقق ایددجک فائده کور یلله مز ،
بنابر علیمه علوم آلیه علملری شریعت و عقاید علملرینه و تهذیب

اخلاق موجب اوله جق تربیه ملیه و مؤثره دارسته اتساب ایتمکاری
خالده جهالتک مقتضی اوله جق سبک یا لکن علوم آیه ایله زائل اوله مز.

اختصار و ایجاز

اصلاح نفس و تهذیب اخلاق علوم آیه ایله ممکن اوله میسوب
شریعت و عقایدکی علوم عالیه و تهذیب اخلاق موجب اوله جق تربیه
ملیه و مؤثره ایله حاصل اولور.

کورنیورکه ایجاز صورتیه تحویل و حذف زوائدیه تعدیل ایدیلان
شوعبارده اخیره مقدمکی عبارده مفصلده مندرج فوایدی تامیله شاملدر.
ابن البرک المثل السائرده کلام موجز ایچون ایراد ایلدیکی امثله دن
بری طاهر بن حسینک عیسی بن ماهانه غلبه سنی حاوی مأمون
خلیفه یه یازدینی مکتوب درکه ترجمه سی وجه آتی اوزره در.
«عیسی بن ماهانک باشی قارشومده، خاتمی المده، عسکری
تحت امرمده در.»

بو مکتوب غرض مفصلی نه درجه ده اخصر عبارده ایله حاوی.
اولدینی بدیهی در.

بعض مقاصد استیفاسی ایچون امام فخر رازی حضرت تلمینک
معاصری بولمان ملوکدن برینه یازدینی مکتوب ایجاز حقنده حقیقه
بر مثال بلاغت اشمال اولمغله هم احلی. همده ترجمه سی وجه آتی اوزره در.

اصل مکتوب

رفعت قصتی الی الله. ان احسنت فهو المحسن و انت المشکور
و ان منعت فهو المانع و انت المعذور.

ترجمه‌سی

« قصد می‌اللهه رفع ایتدم . احسان ایتدک ایسه محسن اودر ،
 سن مشکورسک . منع ایتدک ایسه مانع اودر ، سن معذورسک .
 امری اعظام و تأکید و معلومات نافعیه متعلق مقاله‌لری تشریح
 موقع‌لرنده (اطناب) مرغوبدر .

تأکید مثال

« کوزمه کوردیم . قولاغمه ایشتم . ایاغمه چکندیم . کندیم
 آغزمله طبّاتدم » کبی . کورمک کوزمه ، ایشتمک قولاغه ، طوتمق
 اله . چکتمک ایاغه ، طاتمق اغزه مخصوص اولدینی حانده « کوردیم ،
 ایشتم . طوتم . طاتدم » دینلمیوبده بویله سویانمسی الفاظ زائده
 التزام اولدینی ظنی جاب اولور ایسه‌ده اعظام اولنان و وصولی
 عزیز اولان شیلرجه مطاب حاصل اولدقدہ نیل و حصوله دلالت
 ایچون اوילה تأکید صورتی التزام اولنور .

ابن ایر ابو عباده البحرینک آتیده محررایکی یتتی مثال کتیر مشدر .
 اصلی عربیده مثال اولدینی کبی ترجمه‌سی دخی لسانزجه مثال
 لطیف اولدیغندن آتیده درج اولنور .

تأمل من خلال السجف وانظر

بعینک ما شربت ومن سقانی

تجد شمس الضحی تدنو شمس

الی من الرحیق الخمر وانی

امال : دوشون و پرده آرقه‌سندن باقده کوزکله کورکله ایچ سکر

ندر. بکا ساقیلاک ایدن کیمدر. باقدیغک حالمده بولورست (کوردرست)
 که تپلیس خسروانیده کونش کبی پارلاق بر ساقی پادشاهه مخصوص
 اولان و کونش کبی براق اولان شراب صافی ایله بکا یقین کایور.
 بومجاسده حضور، وجودی عزیز عد اولنه حق حاللردن وساقی
 او صفتنه موصوف خوباندن اولدیغندن شاعر کمال انبساط و ابتهاجندن
 «باقدده کوزکله کور» دیور.

معلومات نافعه

عقول کثیردنک اتحادندن حصوله کله جک معرفت استعداد
 حقیقی خازینده بر قوت زائده اعضا ایدمز. انسانک قوای حواسی
 مصادر مستقبله دن منبعث در. او قواده اشتراکات وجودی ممکناتندن
 تصور اولنه مز. مثلاً بر مسافه نك بعدینی بر کوز تقدیر کورر ایسه
 عیون متعدده دخی او قدر کوره یلور. کذلک بر عقله نسبتله عادی
 و دیگر عقله نسبتله فوق العاده اولان بر حقیقتک ادراکننده شو ایکی
 عقلک اشتراکی اقتدار عذیی اقتصار فوق العاده درجه سنه ترفیع
 ایدمز. قوهٔ باصردلرده تفاوت اولدینی کبی عقولده دخی تفاوت
 مسامدر. بناءً عایه حقایق اشیا نك هر تقدیر نهایتنه عقلوک اتصال
 ایتمک احتمالی یوغیسه ده بزم بیلدکمز و بیلدجکمز شیاریک فوقنده ده لایعد
 و لایخصی حقایق وجودنده اهتمام قبول اولنه مز. اعصار و تجارب
 و اشتغالات تراید و ترقی ایتدیکه اکثافتیکده او نسبتده ترایدی طبیعی در.

(شو عباردنک اطباب مقبول درجه سنه ابلاغی)

عقول کثیردنک اتحادندن حصوله کله جک معرفت بر شخصه متعلق

اولان استعداد طبیعیك موجب اوله جنی ادراك فوقده کی اشیانك حقایقی تحصیله استعداد حقیقی خارچنده بر قوت زائده اعضا ایدمز .
 زیرا حق تعالی حضرتلری هر کس ایچون ادراکدن حالته مناسب بر درجه تقدیر بیوردی . اودرجه نك اتحاد عقول ایله تزیادی ممکن دکلدر .
 انسانك قوای حواسی مصادر مستقله دن منبعثدر . اوقواده اشتراك وجودی ممکناتدن تصور اولنه مز . بناءً علیه شواشتراك تقویه عقل وادراك ایچون فائده سی یوقدر . مثلاً بر مسافه نك بعدی حقیقت حالده یوز خطوه اولسه بر کوزك کورده جکی یوز خطوه اولدیغی کبی ایکی کوزك کورده جکیده یوز خطوه در . عیونك تکثری بعدی تکثیر ایدمز .
 فوق العاده اولان ایشلرجه اشتراك عیوندن فائده اولدیغی کبی اشتراك عقولدن دخی اوشر کتده داخل اولان افراد عقولك استعداد حقیقیلری خارچنده بر قوته ترقیلری ممکناتدن دکلدر . زیرا بر عقله نسبتله عادی ودیگر عقله نسبتله فوق العاده اولان بر حقیقتك ادراکنده شوایکی عقلاک اشتراکی اقتدار عادی نی اقتدار فوق العاده درجه سنه ترفیع ایدمز . بر جمعیت هلالی کورمه ک برانکده نضر ایتسه لر ایچارندن قوه باصره لر نده حدت اولانلر کورده بیلورلر . دیگر لری کورده مز لر . کورنلرک ایه ره وؤبئاری قوه باصره لرینك حدت لرندن اوتوریدر . بشقه کوزلرله اجتماعدن اوتوری دکلدر . قوه باصره ندره تفاوت اولدیغی کبی عقولده دخی تفاوت مسامدر . بعضارینك قوه مدرکه لرینك یتشه میه جکی حقیقته بعضیسنك قوه مدرکه سی یتشور ایه ده یتشیمان یتشندن حسب الاشتراك اخذ قوت ایدمز . انجق قوتی زیاده اولانك کشفیاتندن امثالیه برابر استفاده ایدمیلور . بناءً علیه حقایق اشیانك هر نقدر نهایته عقولك اتصال ایتک احتمالی یوغیسه ده بیلدیکمز و بیلدیکمز شیارك فوقده

لایعد ولاخصی حقایق وجود نداده امتناع قبول اولنه من . اعصار
وتجارب واستغالات تزايد و ترقی ایند که اکتشاف تنگه اولستند تزايدی
طبیعی در . برق عصر اول کلانلرک خاطر رینه گماش اولان شیلرک
میدانده ناموجود اولدقلری وقتلرده امکانیده مفقود دکل ایدی .
الحق اووقلر ترقی فکرینه خدمت ایدنر صکره دن ظهور ایدن موجودلرک
بولدقلری شیلری ادرک درجه سینه وارمدقلرندن مختلعات اخیردی
بوله مامشار ایدی . بوندن صکره ده بولنه حق شیلرک شمعدی عدم
وجودلری امکان وجودلرینی مفقود عد ایتدیره من .

— — — — —

ایکنجی باب

علم بیانہ دائردر

مقدمه

(علم بیان) برماکه درکه متکلم قصد ایلدیکی برمعانی - دلالتده
بعضیسی بعضیسندن دهاواضح اولان - مختلف طریقلرله ایراد ایتدیکه
اولماکه ایلده مقتدر اولور .

لفظک ماوضع لهنه دلالتی اوچ درلودر .

(۱) مطابقت صورتیه درکه ماوضع لهنک تمامنه دلالتی در .

« انسان » لفظک ماوضع لهنی اولان حیوان ناطقک تمامنه دلالتی
کبی . بوکا (دلالت مطابقیه) دینلور .

(۲) تضمن صورتیه درکه ماوضع لهنک جزئری اولدیفی حالده

هربرجزئنه بشقه بشقه دلالتی در .

« انسان » لفظنك حيوانه بشقه ، ناطقه بشقه جه دلالتی كی بوكا
(دلالت تضمینیه) اطلاق اولئور .

(۳) التزام صورتیه ماوضع لهنك خارجنده برمعایه دلالتی در .
« انسان » لفظنك ضاحكه ویا غمورك نباتاته دلالتی كی . بوكاده
(دلالت التزامیه) دینلور .

شو اوچ درلو دلالتك برنجیسنه (وضعیه) ، دیگر لرینه (عقایه)
تسمیه ایدیلور ،

دلالت التزامیه جه لفظك موضوع انبی ایله معنای خارجیمی بینده
لزوم ذهنی بولملی دركه اولفظ ذكر اولندقدده یا در حال ویا خود تأملدن
صكره اومعنی ذهنه توارد اید . لزوم ذهنی عرفه ویا عرفك غیرینه
مستند بر سبیل اعتقاد مخاطبك اثبات ایده چکی بر درجه ده اولسی كافیدر .
برمعنای دلالتجه مختلف طریققرله کتیرمك وضعیتله حاصل اوله من
زیرا برمعنای موضوع الفاظت اومعنای وضعی سامعجه معلوم اولدیغی
حالده معنای مذکور اولفظلردن هانکی بریسبیله کتیرلسه دلالتجه
وضوحده سامعه کوره بریسنك دیگرندن فرقی آکلاشیله من . والفاظك
وضعیتی سامعجه معلوم اولمادیغی حالده اكا کوره الفاظ مذکور دنك
هیچ برندن او معنی بیله من .

مثلا « فلانك یناغی گل در » دیدیكك وقت سامع بوسوزك حاوی
اولدیغی لفظلرك معنایرینه وهیئت ترکیبیه نك صورت وضعیه وافتایسه
یناغت قیرمز یلقده كله بکزه دیکنی اکلار . بناء علیه بو معنای اكا
تفهیم اینجون او کلامدن آچیق بر صورتله دلالت مطابقیه مستند کلام
بولنه من . چونکه « فلانك یناغی گل در » ترکیبده کی کلمردن برینك

برینه مراد فی اولان دیگر کلهاردن هانکی بری قولیلورسه قوللسون
 بونلرک معنالرینه وقوفی جائندهده سامعلک اکلایهجنی معنی ترکیب
 مذکوردن اکلا دیغنی معادن عبارتدر . استفاده سنده نه زیاده نهده
 نقصان بولنور . اگر افاظ مترادفک معنالرینه وقوفی یوغیسه هیچ
 برندن بر شی اکلایه من .

برلفظ ماضع لهنک غیرنده قولالایلور ایکن ماضع لهنک مراد
 اولمسنه مانع اوله جق برقرینه بولنور ایسه او صورتیه استعمالی
 (مجاز)، بولمز ایسه (کنایه) اولور .
 (مجاز) یا تشبیهی حاوی اولور، یا اولمز .

تشبیهی حاوی ایسه (استعاره)، دکل ایسه (مجاز مرسل) اولور .
 کرک بونلر، کرک طرق افدهیه متعلق سائر مباحث لازمه آئیده
 تفصیل اونته جقدر . ان شاء الله تعالی .

برنجی فصل

تشبیه بیاننده در

اجمال

- (۱) تشبیهک تعریف وارکانی .
- (۲) ادوات تشبیهه متعلق معلومات .
- (۳) وجه شبه و اقسام مختلفه سی
- (۴) مشبه و مشبه به و اقسام مختلفه سی
- (۵) تشابه .
- (۶) تشبیهدن غرض .
- (۷) بعض ملاحظات .

تفصیل

— ۱ —

تشبیهک تعریف و ارکانی

بعض بلغا « تشبیه . کیفیتده قوت و ضعفجه مختلف ایکی شسیده .
 موجود بر صفتک اشتراکی جهتیله اوشیلرک ادناسنی اعلاسنه بکیز تمکدر » دیدیلر .
 تاختیصده « تشبیه . بر امرک بشقه بر امره معناه اشتراکی اوزره
 متکلمک دلااتی در » دیو تعریف اولمشدر . بوراده مقصد بر امرک
 معناده بشقه بر امره دلاتده بروجهله اشتراکی در که استعاره تحقیقه
 واستعاره بالکنایه وتجرید صورتیله اولیه . مثلاً : « حامده بر ارسلان
 کورددم » کلامنده استعاره تحقیقه . « اولوم طرفقارنی ایاشدردی »
 کلامنده استعاره بالکنایه ، « فلانی ارسلان کورددم » کلامنده تجرید
 اولوب بوزلرک اوچندهده بر امرک معناده بشقه بر امره اشتراک جهتیله
 دلااتی موجوددر . لکن هیچ بر یسنه علم بیان اصلا حنیجه تشبیه
 دینلمز . تاختیصدهکی تعریفجه « زید ارسلان در » کلامی تشبیهده
 داخل اولور .

خزانه الادبده رمانیه نسبت اولان تعریف آتی کوزلدر .
 (تشبیه حقیقی) نفسارنده متفق ایکی شیشک برنی دیگرینه
 بکیز تمکدر . بونده « نیاک صوی فرانک صوی کبی در » کلامنده
 اولدینی مثالو یا جوهر جوهره . یا « یئاندهکی قرمزباق کدهکی قرمزباق
 کبی در » تشبیهی مثالو عرض عرضه . یا خود « زبرجد زمردده بکزر »
 کلامنده اولدینی جسم جسمه تشبیه اولنور .

(تشبیه مجازی) بالذات مختلف یکی شبیهی بر مشترک معنای جمع
ایتمکدر. تشبیه مجازیدن مراد مبالغه در . « حاتم بولوط کبی در » . غنچه
ارسلان کبی در « مقلو . حاتم ایله بولوط ییتدی کی معنای مشترک سخوت
وغنچه ایله ارسلان ییتدی کی معنای مشترک سخاوت اولوب اشیوه عارلک
هر بری مشبه ایله مشبه بهده موجود وجه شبهیدن عبارتدر .
تشبیهک ارکانی درتدر. (۱) ادوات تشبیه . (۲) وجه تشبه . (۳)
مشبه . (۴) مشبه به .

— ۲ —

ادوات تشبیه متعلق معلومات

السامزده مستعمل ادوات تشبیه (کبی) ، (صانکه) ، (نته کیم
مقلو الفاظ متعددهدن عبارتدر . الفاظ عربیهدن (مثل) . (مثال) .
(کان) . الفاظ فارسیهدن (کویا) . (مانند) . (آسا) . (وش)
کبی لفظلردخی اسامزده قوللانیایر . هر برینک صورت ایراد واستعمالی
تعریف وایضاحدن مستغنی در .

بعضاً « بکزر » . « قیاس ایتمدم » . « ضن ایدرسک که » مقلو بر
فعل ایرادیلده تشبیه ادا اولنور .
ادوات ایله ایراد اولنان تشبیه (مرسل) واداتی مذکور اولمیان
تشبیه (مؤکد) دینلور .

تشبیه مرسلک مثالی « فلانک یناقلمری کل کبی در » . تشبیه مؤکدن
مثال « فلانک یناقلمری کل در » کلامی در .

تشبیه مؤکدی حاوی کلام بش نوع در .

(۱) مشبه و مشبه بهک مبتدا و خبر واقع اولدیغی موقع در « زید ارسلان در » کبی .

(۲) مشبه مبداء مفرد ، مشبه به مضاف ومضاف الیهن مرکب .
جمله خبریه واقع اولان موقع در .
« زید شو موقعك ارسالنی در » کبی .

(۳) مبتدا وخبرك ایکسیده جمله اولان موقع در .
« برنجی الای میدان حربه ایندیکی وقت دشمن اردوسنك ،
کوزینه طاغدن بریوك پارچه قومشده یوارلنوب اوزرلرینه کلیور .
کورندی » کبی .

(۴) مشبه ومشبه به فعل وفاعل صورتند بولنان محل در .
« اغلایحی کوز مافی الضمیردن خبر ویرر » کبی .
شو دوت محله ادات تشبیه مشبه به اولان مفرد ویا جمله نك .
آخرنده تقدیر اولنور . فقط برنجی ؛ ایکنجی نوعلرده ادات خبر ،
اوچنجیده مشبه بهی حاوی اولان عباردنك آخرنده کی فعلدن مقدم
تقدیر اولنور . مثلزده (کورندی) لفظندن اول (کبی) لفظنك .
تقدیری مثالی . دردنجیده مشبه به اولان عبارده کی فعلدن صکره .
ادات خبره مربوط اولدینی حالده کتیریلور . مثلزده تقدیری (خبر
ویرر کبی در) صورتیه جریان ایدر .

(۵) ضرب مثل صورتیه تشبیه ایراد اولتان موقع در .
« فلان شخص نی ذم ایدر ایش وارسونده ایتسون . ایت دکزی ،
یالامقله دکز مردار اولمز » کبی .

شونوعجه ادات تشبیه تقدیری عباردنك طرز آخره تحویلیله .
قبل مناسبت اولور . مثلزده ادات تشبیه تقدیر اولنسه عباردنك ،
« ایت دکزی یالامقله دکز مردار اولمیه جغی کبی فلانک نی ذم

ایتمسندده بکا ضرر کلز « طرزینه تحویلی لازم کلور .

خزانه الادبده عمدۀ ابن رشیددن نقل ایله ایراد اولنان کلامده
تمثیل واستعاره اقسام تشبیدن معدود و فقط بونلرک اداتدن خالی
اولدقلری کوسترلمشدر .

تایخیصده (تمثیل) وجه شبهی امور متعددهدن انتزاع ایدیلان
تشبیه اولدیغی بیان اولنمشدر .

« نجم ثریانک اوزوم صالقمنه تشبیهی » کی .

تشبیهی حاوی کلامده ادات تشبیهات کتیرلما سی کتیرلمسندن زیاده
بلغ و موجز صاییلور .

ایبلغ اولمسی مشبهات ادات تشبیه توسط ایتمکمزین مشبه قلمسی در .
زیرا « زید ارسلاندر » دیدیکک وقت زیدی ارسلان عدایتش اولورسک .
اوجز اولمسی اداتک محذوف اولمسندندر . ادات تشبیه کرک مذکور
اولسون ، کرک محذوف ایکی جهتجده تشبیهی حاوی اولان کلامک
مشبه حقنده فضیلتی بدیهاتدندر . زیرا « زید ارسلاندر » دیدیکک
وقت شہامت ، شدت بطش ، جرأت ، اقدام ، قوت قلب و شجاعت
مجراننده جریان ایدن نهقدر اوصاف وار ایسه هپسی ایله موصوف
اولدیغی کوسترمش اولورسک . بوموصفارک جمله سی جامع برقیصه تعبیر
ارادینمز حالده زیدی ارسلان ایتمکدن بشقه تعبیر بوله میز . چونکه
بوصایدیغمز اوصافک هپسی ارسلانده بولنور .

— ۳ —

وجه شبه

(وجه شبه) شبه و مشبه به یاننده بر معنای مشترک درکه

طرفینده اختصاصی بولور . بولا (وجه تشبیه) دخی دیرلر .

کیفیت صورتیه وجه شهاک تقسیم و تعریفی

(وجه شبه) یاطرفینک حقیقتلرنده داخل ، یا غیر داخل اولور .

(وجه شبه داخلی) مشبه و مشبه‌بهک ماهیتلرندن عبارتدر .

« کتاندن طوقومش ایکی کوملک . یاخود بلوردن بایلمش
ایکی قدحک برنی دیگرینه تشبیه کوملکات ایکیسیده کتاندن
منسوج . دیگرنده قدحک ایکیسیده بلوردن معمول اولمی » وجه
شبه داخلی در .

(وجه شبه خارجی) یا حقیقی اولور ، یا غیر حقیقی .

(خارجی حقیقی) طرفینک ماهیتدن خارج و هر بریسیله قائم
صفت حقیقه در .

بوده یاصفت حسیه اولور ، یاخود عقلیه .

(صفت حسیه) مشاعر دینلان حواس شهنک بریسیله ادراک
اولنان کیفیت جسمانیه در .

« کوز ایله کورینان الوان . اشکال . منادیر . حرکات و بولور
متصل مرئیات » ، قولاق ایله ایشیدیلجک هر درلو اصوات » ،
« برونه قوقلده جق انواع رواج » ، « اغزله ضادیلجق انواع طعوم » ،
« لمس یعنی ظاهر بدنن هر برجزءک طوقمسیله بیله جک حرارت ،
برودت . صلابت کی انواع ماسوسات » دن عبارت در که بونلرک
هر بری طرفینک هر بریله قائم بر کیفیت جسمانیه در .

(صفت عقلیه) عقل ایله بیان کیفیت نفسانیه در .
 صفت عقلیه موصوفده راسخ ، یاخود غیر راسخ اولور .
 (صفت اسخه عقلیه) هر وقت موصوفده ممکن کیفیت نفسانیه در ،
 ادکا . علم . کتابت « کبی . بوکا (ملکه) « دینلور .
 (صفت غیر راسخه عقلیه) هر وقت موصوفده ممکن اولیوب
 بعضاً حاصل ، بعضاً زائل اولان کیفیت نفسانیه در .
 « سرور ، حزن ، غضب ، خجالت » کبی . بوکاده (حال) اطلاق
 ایدیلور .

(وجه شبه غیر حقیقی) طرفینک حقیقتندن خارج و ذاتلریله غیر
 قائم وجه شبه در .
 بوده ایکی درلودر . بری اضافی ، دیکری و غیره .
 (وجه شبه اضافی) طرفینک داننده نه دائماً . نهده موقتاً مقرر
 اولوب ایکسنه متعلق برمعنای خارجیدن عبارتدر .

مثال

« دعوامده حقلی اولدیغمه دائر المده کی حجت کونش کبی در » .
 کلامنده اولدینی مثالنی . « کونش نصل ظلمتی ازانه ایدر ایسه بنم
 حجت دخی شبهنی ازیله ازانه ایدر » دیکدر . بصریله مرئیات ارسنده
 ظلمت حجاب حائل اولدینی کبی حقیقتله ادراک ارسندهده شبه حجاب
 حائل در . مرئیته بصیر و حقیقتله ادراک ارسنده کی حجاب حائل ایکی
 دائره بیننده کی پردیه بکزر ، پرده دائرلرک ایکسنهده متعلق ایسهده
 هیچ برینک داننده مقرر دکدر .
 (وجه شبه وهمی) عقلت اعتبار ایتدیکی صورت وهمیه در .

«فلانك دیشی سیوریلکده غول دیشی کبی در» کلامنده اولدینی کبی
وجه شبه سیوریلک اولوب غول دیشی و سیوریلکی موهوماتدن
معدود در .

وجه شبهك كیت اعتباریله تقسیم و تعریفی

وجه شبه یا واحد ، یا مرکب ، یاخود متعدد اولور .
(وجه شبه واحد) اعیاندن بر عین یاخود معانیدن بر معنی کبی .
حقیقه و وحدتله متصف اولان وجه شبه در .
بوده یا حسی اولور ، یا عقلی .
(واحد حسی) شبه ایله شبه بهده موجود و حس ایله مشهور .
بر صفت مشترکدر .
«یناقله کالده کی قرمز یلق» کبی .
(واحد عقلی) طرفینده موجود و حس ایله غیر مشهور بر صفت
نفسانیه دن عبارتدر .
«فائده سی اولیان بر شیئی عدمه تشبیهده طرفین یاننده مشترک .
فائده سزلک» کبی .
(وجه شبه مرکب) امور کثیره دن مرکب بر هیئت متحده در که
او هیئتی ترکیب ایدن امورك بعضیسی منفک اواسه تشبیه بوزیلور .
بوده یا حسی اولور ، یا عقلی .
(مرکب حسی) امور حسیه دن ترکیب ایدن وجه شبه در .

مثال

«کونشك ارکنه کلان بولوظك کونشدن اقتباس و ابراز ایلدیکی
طونووجه ضیا ایله متعرج اولدینی خالد خفیف موجدلر کوسترین

بر حوضه منعکس اولیشتی تاروپودی بری آچیق صاری ، دیگری آچیق مائی رنگه ایکی نوع ایپکدن منسوج وزمینه مفروش موجهلی برکیخایه تشبیهدهکی وجه شبه « کی » .

بونده بولوط ، بولوطک شمسدن صورت اقتباسی ، حوضه عکس انداز اولسی . حوضک خفیف موجهلر کوسهترمی مشبه طرفنده و آچیق صاری ، آچیق مائی ایپکار ، بولرک بری تار . دیگری بود اولمق اوزره مترجاً منسوجیتلر . نسجدن صکره اوزرلرنده نمایان اولان موجهلر و شو صورتله نسجدن شکل ایدن کیخانک زمینه مفروش بولنسی مشبهه طرفنده واقع امور کثیره اولدیغندن شو امورک بعضیسی هیئت مرکبه سندن منفک اولسه تشبیه مختل اولور . سامینک

دکل اشکوفلر اشجاردن ریزان اولان خاکه لطافتله زمین آینه در بو عکس اختردر

یاقی دخی بویه در .

مرکب حسینک بعضاً ایکی طرفنده کی هیئتک هر بری امور کثیره دین مرکب و بعضاً مفرد ، بعضاً مختلف اولور . طرفینی مرکب اولان تشبیهدهکی مرکب حسی آنفاً بیان اولنان ایکی مثالده مندرج وجه شبه لردر .

طرفینی مفرد اولان تشبیهدهکی مرکب حسی یکدیگریله مترج اولوب هر بری بشقه بشقه اولمق اوزره مجتمعاً بر هیئت متحده ابراز ایدن طاقدیر .

مثال

«لب دلبرده نسبت مخصوصه اوزره متفرفاً نمایان اولان تر دانه لرینک صورت مجتمعه سینده کی نمایش ، لاله نك یا پراغی اوزرینه اونسیبته سقوط ایدن شینم دانه لرینه تشبیهده کی وجه شبه » کبی .
بر طرفی مرکب ، دیگر طرفی مفرد اولان تشبیهده کی مرکب حسی به مثال نشاطینک .

خال سیه میان دو ابروی یارده شهباز حسنه در که بر آغش شکار آزار بیتنده کی وجه شبهر .

مرکب حسینک بدایعدن معدود بر نوعی وجه شبهک بر هیئت بدیعه اولسی در که شوهیئت شکل ، جسم . لون کبی وصفلری شامل اولقله برابر فضا اوله رق ترکیبده برده حرکت بوانور .

مثال

«کونشی تترک الدکی مدور آینه یه تشابه» کبی . بونده پارلاقلغک انبساط و تم جندن . جسمک سرعتله حرکتندن بر هیئت بدیعه کورینور . گویا او هیئت پارلاق و در کرمی بر نمایشده اولقله برابر اشعه سی یا سیلوب اطرافدن دو کیله جاک درجه یه کاور کیز انبساطدن انقباضه تحویل کوسترد . اشته وجه شبه اوصاف سائر ایله برابر شو نمایشی حاوی اولان هیئت بدیعه در .

مرکب حسینک بر نوع بدیعه ده اوصاف جسمدن هیچ بر کونه وصفی شامل اولنیوب یالکز حرکات مختلفه یی حاوی بر هیئت مرکبه در . برخی نوعده کی ترکیب هم حرکت . همده اوصاف سائر جسمیه دن

حاصل ایدی. بونده یالکز حرکات مختلفه دن حاصل در که جسمک هرجهته یعنی اجزاسنک بعضی صاغه. بعضی صوله. بعضی یوقاری به. بعضی اشاخی به حرکت کوسترمی وهیئتک بوحرکات مختلفه دن مرکب کورتمی در. زیرا حرکتلر بویه مختلف و مختلط اولیوب مفرد اولور. بناء علیه دکرمنک. اوقارک حرکتلری برجهته طوغری اولدیغندن مرکب عد اولنه من.

مثال

بربرینه هجوم ایله قارشمش ایکی جمعیت محاربه نك بر واسع میدان حربده بعضاری بعضارینی برجهته صاغدن صوله، بعضاریده دیگر جهته صولدن صاغه. اوکدن ارقیده. ارقه دن اوکد طوغری تعقیب ایدشاری. کیمیسنک یقیلوب ینه قیام ایله قوشمی. کیمیسنک اوریلوب یره مرسيله دیگرلرینک چکنیوب برطرفدن دیگر طرفه جمعی. ایخارنده جهت جهت قلیج لرك یوقاری به. اشاخی به. قالموب ایشلری، فارغیلرك صاغدن صوله صولدن صاغه ایشلشلی، کیمیی بوزیلوب طرف طرف فرار ایله برطرفدن دخی بعض طرفه معاونت ایچون عسکرلرك قوشه رق ورود و الحاق اتمی: فورطنه دن حرکت ککلان دکرک امواج کثیره و مختلفه سنک قباروب چکلمسندده، طرف طرف یایلمسندده. ساحله اوروب کیرویه چکلمسندده متفرقا موجهلر تشکیل واراناسنه تشبیه کچی که کرک مشهده. کرک مشهده کی حرکات مذکوره هر جهته میل ایله اختلاف و اختلاطه مصادف برهیئت مرئی و متحرکه

غیر مضرده‌دن و طرفینه عائد وجه شبه شوهیت بدیع‌دن عبارت در .
 (مرکب عقلی) امور متعدده نفسانیه‌دن مرکب وجه شبه در .
 اسعد مخلص پاشانک

بر خسته نا امید ایسه باقمر طیت اولان

ناقابلانی تربیه ایتمز لیت اولان

بیتده اولدیغی کبی . شوییتک مشبه به اولان مصراع اولنده کی
 وجه شبه لر خسته نك حالندن . سختده کی امید سز لکدن . طیبک تأثیر
 تداویده یأسندن و مشبه اولان مصراع نایده کی وجه شبه لر ناقابلک
 حالندن ، تربیه قبولنده کی امید سز لکدن ، عاقلک تأثیر تربیه ده یأسندن
 مرکب برر هیئت عقلیه در .

زمان نوجوانی غفلتی ایحباب ایدر شابه

اولور فصل بهارک صبحی بادی ثقلت خوابه

بیتده بویله در .

وجه شبه امور متعدده دن انتزاع ایدیه جک یرده بعضی سندن اخذ
 وانتزاع ایدیلور ایسه خطا ایدلمش اولور .

مثال

موعد وصلنده طور دجه غم حرمان ایله

آکدرز دل موقع دلجوده کی ویرانه یی

بیتده دل مشبه ، ویرانه مشبه به ، دلك حال خرابیله ویرانه نك
 حال خرابی وجه شبه ایسه ده شوتشیه ده معنای مشترک عد اولان
 حال خرابک وجه شبه عدیه اکتفا اولمهی خطادر . زیرا تشبیه ده

موقع دلجو موعده وصلتک . ویرانه حال حرممان ایله مغموم اولان
 دلاک مشبهه بی اولدیغندن هر مشبهله مشبهه بیتنده کی وجه شبه اولمق
 لازم کورکه مشبه طرفده وجه شبهلردن مرکب برهیت و دیگر طرفده
 کذلک اوله برهیت ترکب ایدر .

راغب پاشانک

مقید اعتبار آلمز ، تشابه رنگ و بو ویرمز

اولورمی زیور دستار رغبت سنبل خرمن

بیتنده کی تشبیهده دخی (مقید اعتبار آلمز) جمله سنک مشبهه ،
 (تشابه رنگ و بو ویرمز) جمله سنک مشبهه عذیه ایکسی بیتنده وجه
 شبه اولان (رغبت عدم لیاقت) معنای مشترکک وجه شبه اتخاذیه
 اکتفا اولمقده صواب یوقدر . مصراع ناییده کی وجه شبهلرک انتزاع
 ایدلسنی لازم در .

(وجه شبه متعدد) امور متعدده بی حاوی وجه شبهلر درکه شو
 و جهلرک بریسی منفک اولسه تشبیهه خلل کین .
 بونوع یا حسی ، یا عقلی ، یا مختلف اولور .

حسی یه مثال

« برمیودنک برمیودیه تشبیهده رنگ ، رایحه ، طعم » کبی .

ویسینک

نه زیبا بکنز اول محبوب دلجو باغ غانده

او طور سه شمع ، طور سه نخله . کتسه ماد تابانه

بیتیده بوقیلدندو .

عقلى به مثال

« بر قوشك غرابه تشبیهند حدت نظر، کمال حذر » کبی .

مختلفه مثال ناینگ

جسمدن روح و صدفدن در، شجردن میو در

صائمک ای ظاهر پرستان لفظی معنادن مراد

بیتمده اولدیغی کبی .

« انسانی شمس تشبیهده و جه شبه اولان حسن طاعت و نباهت

شان » دخی بو قیلندر .

بعضاً (وجه شبه) ضدینده اشتراك تصویریه تضاددن انتزاع

ایدلکدنصکره لطیفه ، یاخود استهزا صورتیه تناسب منزلهسنه

تنزیل ایدیلور .

مثال

قورقاق برکیمسه حقنده « فلان ارسلانه بر صورت عجیبه ده

بکزدیور » ، بخیل حقنده « حاتم نه عجیب بکزدیشی وار » دینلمسی

کبی . برنجی مثالده مشبهده قورققاق ، مشبه بهده شجاعت و ایکنجی

مثالده مشبهده بخیل ، مشبه بهده سخاوت اولدیغی حالده استهزا صورتیه

ضدین ، متناسبین منزلهسنه تنزیل اولمشدر .

بررنجی به « نیه بکزدیه یلورسک » دیو سؤال اولمشنه زنجینک

« آیه . کونشه ، نوره ؛ بالوره » دیمسی و بر قورقاقه « نصل سن »

دینلکده « ارسلان کبی » جوابی و یرمسی لطیفه ده تمهول اولغله

ضدین ، متناسبین منزلهسنه تنزیل ایدلمش اولور .

رسمی جاق جورانی اشیر کی اغزی زبان کسمه «وز کی سو غوق»
 دمی لیه حصولی ایچون اغفال مقصدیه تدینی متاسین منزله سدر بل در
 رتشمیده وجه شبه مذکور اولور ایسه بوکا (تشبیه مفصل)
 اولمز ایسه (تشبیه مجمل) دینلور . مفصله مثال . شیخ الاسلام
 عارف حکمت بکک

ایدر کداخته ارباب جاهی میل هوا

مهب ریخده کی شمع شعله بار کی

یتی در . بونده (هوایه میل ایدن ارباب جاد) مشبه ، (مهب
 ریخده کی شمع شعله بار) مشبه اولوب (اریک) وجه شبه درکه
 معانی (کداخته) لفظانده موجوددر .
 تشبیه مجمله بش صورت جریان ایدر .

(۱) وجه شبه ظاهر اولور که هر کس اکلار .

مثلاً « فلان کیمسه حاتم کی در » دینلدیکی وقت هر کس بیلور که

وجه شبه سخاوت در .

(۲) وجه شبه خفی اولور که یالکنز خواص آکلایه بیلور .

راغب پاشانک

پرتو حسنه اولور هر ذره مرآت ظهور

چشمه مهرا تمده اشراب بهجت ژاله دن

یتنده اولدینی کی . بونده وجه شبه کوزالکده شهرته استعداد طبعی در .

(۳) طرفیندن هیچ برینده وجه شبهی ایراد ایدن وصف مذکور اولمز .

رخک کلدر ، صاچک سنبل ، دیشک در

مصر اعنده اولدینی کی که رخله کاده کی وصف قرمز یلق . صاچ

ایله سنبل دده کی وصف رایحه طیبه نثری، دیشله درده کی وصف صفا اولدیغی حالدده شو اوچ طاقم مشبهه مشبههک هیچ برنده وصف ذکر اولنماشدر .

(۴) یالکیز مشبههک وجه شهبی کوسترن وصفی مذکور اولور .
سعد الله پاشانک

طورمز کچرز چو ظل زائل دهر ایسه مثال نهر سائل
بیتمده اولدیغی کبی .

برنجی مصراعده کی مشبههک وصفی اولان (زائل) وجه شبهه اولان عدم بقای اشعار ایدر . مصرع ثانیده کی (سائل) دخی تشبیه ناینک وجه شهبی شعر وصفدر .

(۵) هم مشبهک . همده مشبههک وجه شهبی ایما ایده جک
وصفلی مذکور اولور . کال بکک

تابنده جمالی ، طوری غمناک مهتاب کوزل . هوا بوزلمش
بیتمده وجه شهرلی اشعار ایدن ، (تابنده ، کوزل) و (غمناک ،
بوزلمش) وصفلی کبی .

بعضاً وجه شبهه یرنده وجه شهبی مستلزم اولان بر شیک تشبیهده
ذکر یله تسامح کوستریلور . رشید پاشانک

نیشکر می عجباً مصر معانیده رشید

باق حلاوتده طبع باغادر حامهم

بیتمده اولدیغی کبی .

یوننده وجه شبهه (میل طبع) اولوب (حلاوتده) یونی مستلزمدر .

تشبیهده وجه شبهه تدقیق نظره محتاج اولنمیزین ذهنه ورود ایدر ایسه

بوتشیه (قریب متدل) ، تدقیق نظره محتاج اولور ایسه بوکاده
((بعید غریب)) دینلور .

قریب مبتدله وجه شېك ذهنه سهل الحضور اولسی اوچ صورتده در .
(۱) صورت اجمالیه ده بولنور .

صورت اجمالیه ده وجه شېك ذهنه ورودی صورت تفصیلیه ده
اولان وجه شبه کی اولدیغی معلوم در . زیرا مجمل در حال آکلاشیلور .
مفصل ایسه بعدالتدقیق بیلنور .

صورت اجمالیه ده اولان تشبیهک مثالی « شوکتاب بر مجموعه
کی در » کلامی در . بوکلام ذکر اولدیغی انده سامعک ذهنی وجه
شېك (فوآند کثیره) اولدیغنه بلا تردد انتقال ایدر .

صورت اجمالیه ایله صورت تفصیلیه نك تصویری بر باغچه نك
حالیله کوسرتیه بیلور که باغچه ده اشجارک هیئت مجتمعه سنك نمایشی امر
اجمالی و آغاجلرک انواع و مشتملاقی امر تفصیلی در . نظر ابتدا
بر باغچه ده دوقندقدده یالکز آغاجلرک هیئت مجتمعه سنه تصادفی ایدر .
هر بریسی نه آغاجی اولدیغی ، دالترینی ، میوه لری بر کور شده
ذهن ادرانه ایده مز . صورت اجمالیه بودر . نظر تکرار ایتدجه
آغاجلرک انواعی ، اغصانی میوه لری بیلنور . صورت تفصیلیه ده بودر .
(۲) مجمل اولمسه ده آرتفصیلی حاوی بولنور . بوصورتک

مثالی « دیشلری اینجویه تشبیه » در . بوتشیه ده مشبه اولان اینجونک
بریسی حسی ، دیگرکی عقلی اولمق اوزرد ایکی وصفی واردر که
حسی اولان وصفی (صفا) ، وصف عتایی (کرائقیمت اولسی)
حس تشبیه جه صفانک مشبهه قرب مناسبتی دیگر وصفدن زیاده

اولدیغندن وجه شبه صفادن عبارت اولدیغی در حال سامعك ذهنة ورود ایدر.

(۳) محسوسیتی تکرر ایتش اولور . محسوسیتجه تکرر ایدن شیک ذهنة ورودی تکرر ایتیماندن قولای اولدیغی معلوم در . مثلاً : کونشك پارلاق دکر میلک ، علو . جذب . نباهت کی اوصاف کثیردی اولدیغی حالده بو اوصافك هر وقت حساً نمایان اولانلری پارلاق ، برده دکر میلک اولدیغندن «شمس آینه مجلا کی در ، دینلیدیکی وقت سامعك ذهنة در حال پارلاق و برده دکر میلک و صفلی کلوب حساً تکرر ایتیمان اوصاف سائر ذهنة ورود ایتیز . (بعید غریب) وجه شبهی تدقیق نظره و تأمله محتاج اولان تشبیه در . شوقسمده ایکی صورت بولور .

(۱) تفصیلده کثرت در که ملاحظه ذهنة توارد ایدجك امورك غلبه لی جهتله وجه شبهك تعیننده صعوبت کورینور .

مثال

«شمسی دترك الده کی آینهیه تشبیه» کئی . بونده کی امور ، جسمك پارلاقنی . دکر میلکی ، اطرافدن اشعناك طاشوب دوکیله جك درجه ده کورنمیسله برابر چکیلور صورته رجوعی ، طالعلی بر صورت کوسترشی . حرکت سربعه و متصله ابراز ایدشی کی تفصیلاتی حاوی برهیت مرکه در . بوتشابهی ایشیدن کیمه دقله ملاحظه ایتدکجه ذکر اولان امورك وشوا موردن ترکیب ایدن هیئتک تعیننده مفتدر اوله مز . (۲) ذهنة مشبههك ندرت حضوریدر .

بوصورت یا مشبہ بہک ذہندہ حضورینہ تعلق ایدہ جک مناسبتک
اوزاقلغندن . یا وہمی ، یا خود خیالی و یا عقلی اولمسندن ، یا خود
محموسستہ قیات تکررندن نشئت ایدر .

مناسبتک اوزاقلغنه مثال

« باغچہ لودہ کی لاجوردی بنفشہ نک کبریت طوتشورکن ابتدا
کوک رنگیہ قاریتی اولہرق کوستردیکی غلہ تشبہی » کہی . بوندہ
مشبہ اولان (بنفشہ) نک ذہندہ حضوریلہ برابر مشبہ بہ اولان
(کربیک ابتدا طوتشہ سندہ کورمان غلہ نک) دخی ذہندہ حضورندہ
بعد مناسبت بدیمہی در .

وہمی اولسنہ مثال

« خنجرک غول دیشنہ تشبہی » کہی . بوتشہیدہ وجہ شبہ
(سیورینہ) اولدیی حدہ شبہ بہ اولان (غول دیشی) وہمی اولدیغندن
شہبہک ذہندہ نادر الحضور طاقدن معدود اولدینی امور معلومہ دندر .

خیال اولسنہ مثال

« لالہ نک زبر جددن قاریلر اوزرندہ کی یاقوتدن بایراغہ تشبہی »
کہی . بوندہ مشبہ بہک ذہندہ حضورندہ کثرت قدرت اولدینی بدیمہی دندر .

عقلی اولسنہ مثال

خواجہ تحسین اقدینک

کتاب عالمک اورا قیدر ابعاد نامحدود

سطور حمدات دہر در اعتبار نامعدود

باصامش دستگاه لوح محفوظ طبیعتده

مجسم لفظ معنیدار در عالمده هر موجود
نظمنده کی تشبیهاتک هر بری بر مثال بدیع در. (کتاب عالمک،
اوراقی) ابعاد نامحدوده، (سطور حادثات دهر) اعصار نامعدوده .
(مجسم لفظ معنی دار) هر بر موجوده مشبیه اولمغله مشبهلر ذکر
اولنورکن مشبه بهلرک هیچ بری قولای قولای ذهنه ورود ایدر
شیلردن دکلدور .

حساً قلت تکرره مثال

« کونشک دترک الدکی آینه یه تشبیهی » در. بونده مشبیه اولان
(اینهنک دترک الدکی نمایشی) هروقت کورلمش شیلردن اولمدیغندر
محسوسیتجه قاتی جهتله ذهنده حضوری پک نادر در .

کمال بکک جزمیده کی

بکزتسه بی خطا دکلدی بر کیمسه باقوبده عارفانه .

زنخیرده ایکلین اسیرک قویننده کی طفل نا توانه .

تشبیهی دخی بوقسمدن و بدایعک یوکسک جهتنده بولنان سوزلردن
معدود در . بونده مشبیه اولان (زنخیرده ایکلین اسیرک قویننده کی
طفل ناتوان) بغایت نادر کوریلان شیلردن اولمغله مشبهک چین ذکرند
سهولته ذهنه ورود ایدر مشبهلردن دکلدور .

(تشبیه بلغ) بعید غریب قسمندن معدود اولان تشبیهلردر .

قریب مبتذل عد اولنان تشبیهلر دکلدور .

زیرا معلوم در که بالذات سویانمش وایشیدیلوب هر کسک قولاغنی .

طولدرمش اولان سوزلردن برتصرف جدید بولمغله ایشیدیلردن .

لذت آینه مر . قریب مبتدل نوعدن اولان تشبیهلر ایسه توقیلدن اولوب دائرة استماع واستعمال عمومی به دفعات کثیره ایله کیروب چقمش اولدیغندن غرابت حسنه وحسن تأثیر دائرہ سندن تبعاعد ایشدر . بک چوق وقلاردن برو استعمالی بین الادبا اعمم وتکثر ایلمش اولان «یناغک کله، لایهیه کونشه، آیه . .» زلفک عنبره ، سنبله « بویک سرود ، عرعره ، « دوداغک غنچهیه ، لعله، ماه ، « قاشک حالله « تشبیهلری کبی سوزلر هپ قریب مبتدل قسمده داخل اولمغه شمدی استعمالارنده لذت وحسن تأثیر قمامشدر .

(بعید غریب) نوعی بویله دکل دز . یکیدن اله کترمنسی استنلان نفیس برشیئه بکزرکه اله کلدکده قدر فرح ، قدر لذت حاصل اوله جنی معلومدر .

لکن قریب مبتدل اولان تشبیهده تصرف جدید اجرا اولور ایسه تشبیه ایتدال دائرہ سندن چقوب غرابت حسنه دائرہ سده داخل اولور . کمال بکان

مه روینه وارسه قارشی گلش خورشیدده کی جلا بوزلمش بیتنده اولدیغی کی .

شو بیتده رویک ماهه تشبیهی قریب مبتدلدر . فقط مشبیهده خورشیده رجحان کوستره جک برصورتیه ایما ایله برابر تقابلدن کسوفه متعاق برمسئله فینه یهده تلمیح کوسترمنسی اوقدر لطیف ومهرانه بر تصرفدرکه بتصرف تشبیهی قریب مبتدل دائرہ سنده چیقاروب بعید غریبک بر یوکسک درجه سده وضع ایشدر . بلیغک

درخیال ایتدکجه کبرک رخک بو چشم تر
شیشه انیق دلدن کل صوی تقطیر ایدر

بی دخی بوقیادند . زیرا رخ کابر که تشبیهی قریب مبتذله .
 لکن مصراع ثانیه کی تصرف تشبیهی دائره ابتذالین حقا ووب بعید
 غریب دائره سنه ادخال ایامشدر . فضولینک

جلوه عکس رخ آینه ده ای رشک حور

روشن آیتش انی کیم خورشیددند آینه نور

یتمده کی رخ خورشیده آینه نک ماها تشبیهی کذاک قریب
 مبتذله . لکن مصراع ثانیه کی تصرف اول قدر قوتلی دوشمشدر
 که بیت انشادنی اوچ بحق عصر راده لرنده زمان کچمشکن مصروفی
 حالا بعید غریب دائره سندن چقماشدر .

— ۴ —

مشبه و مشبه به

(مشبه) بر شیئه بگزیده یلان بر سنه و مشبه به اوشی اولدنی معلومده .
 عامای بلاغیت بعضیلری بر شیئت بر شیئه تشبیهدن مراد مشبهک
 کوزلایکنی کوسرمت ایسه مشبه به مشبهدن کوزل و چرکینایکنی کوسرمت
 ایسه مشبه به مشبهدن چرکین . مقصود بر شیئت ایضاحی ایسه مشبه به
 مشبهدن اوضح اولی در « دیدار » .

بعضیاریده « تشبیهدن غرض مخاطبک ادراکنه کورده مشبهک تعریف
 وافهمای اولدیندن واقعا کوزل شی کوزل شیئه . چرکین چرکینه
 و ایضا خجده کشفی مراد ایدیالان شی آجیق بر شیئه تشبیه اولور
 ایسه ده هر وقت مشبه بهک مشبهدن اعلا اولمی لازم کز « دیدار
 برنجی قول مرجحدر .

مشبه و مشبه بهجه وجود آتیه امور طبیعیه دندر .

(۱) مشبه و مشبه به يك ايکسیده حتی اولور . شو قسمك مواقع
جریانی حواس خمسۀ ظاهره در .

مبصراته مثال

درخشان اولدی کوردم بش هلال اوستنده برخورشید
مکر که ییچۀ سیمینه اول مہارہ یاسالاش
امری

مسموعاته مثال

برصاعتہ مدہشہ در پاطلادی کوہ
تضییق هوادن اچلان آہ و فغانم

مشموماته مثال

مسک سویلرسہم سپاہک کردنه قلماک حطا
چون فضولی خستہ بہ الدن معطر در مشام
فضولی

مذوقاته مثال

امدرر ایللرہ اعلان بزہ دشنام ایلر
غیرہ حلوایدرر عاشق ہجرانہ سوکوش
یسری

ملموساته مثال

جور اودی یاقدی بنی یا تمده طور مہ ای کوکل
بر خولشمش اشیم قرب وجوارمدن صاف
فضولی

بیتارندہ اولدیغی کی .

(۲) ایکسیدہ عقلی اولور . بلیغ

دکدر مرغ زیرک حیلہ صیاددن غافل
نوازش کورسہ عاقل مکردشمندن امین اولور
یتندہ اولدینی کبی .

(۳) مشبہ عقلی ، مشبہ بہ حسی اولور . شناسینک

معطر در خیالم چونکہ اندہ صاقلی در یادک
اوکل یاغی کبی کیم شیشہ بللورہ قونمشدر
یتندہ اولدینی کبی .

(۴) مشبہ حسی ، مشبہ بہ عقلی اولور .

درون پیرہندہ کزانتجہ سینہ صافک
کورن معنی دجلو ظن ایدر لفظ لطیف ایچرہ
یتندہ اولدینی کبی .

(۵) بر طرفی حسی . دیگر طرفی خیالی اولور . اکرم بکک

شراب نہرین آکدرر صورنک عکس لالہدن
طولار درون مرغزار طربلہ اہ ونالہدن
نظمندہ رنگ لالہنک منعکس اولدینی صویہ مشبہ بہ اولان (شراب
نہری) خیالی در .

(خیالی) عقلاً ممکن الوجود وعادۃً ناموجود اولان شی در .

« طاشلری الماسدن ، سقنی یاقوتدن قوناق » کبی .

(۶) بر طرفی حسی ، دیگر طرفی وهمی اولور . فضولینک

ویرر جان تیغ خونریزک خیالیلہ عدو کویا
خیال تیغ خونریزک اجل مرغینہ شہپر در

بیستده اولدینی کی. (اجل مرغنگ شهیری) تعبیری (اولوم ارسلاننگ پنجه سی) کی و همی در.

(و همی) عقلاً وجودنده امکان کور یله میان شی در. «قصادلی انسان»، «آشدن ارسلان»، «اولوم طرفنی» کی.

مشبه و مشبه به جه وجوه آتیه دخی جریان ایدر.

(۱) صورت صورتی بکزه دیلور.

امثله

کوپری باشند بولنان سر عسکر چادر یله یانی باشنه رکیز اولنان علم اعظم سراپا قنديللارله دونادیلوب بری انجمیاله اسمانه ودیکری شفق ایچنده هالاله بکزر دی.

اول صحرا بر کلستانه تشبیه اولنور ایسه چادر لر بید سر نکون و علم اعظم نهال ارغوان اولور که قنديللر اوزرنده ژاله تصور اولنور. (کال بک - بر مکتوبندن)

دها بدر حالنده بولنان قرص ماهتابک حرته مائل بر رنک ایله قره و بیاض بولو طرایله نیم مستور اوله رق کنار افقندن شعشعه زای طلوع اولشی هنوز حمامدن چیقمش - چهره سی قزارمش - صاحبزینی اوموزلرندن اشاغی طارمه طاغین آتیورمش قاردن دها بیاض، یاشمقدن دها ایخه فوطه لره بورنمش - بر دلربانک آچیق صاحبزینی بر حالده حرم سرای استراحتی چکیاشنه بکزه دیله بیلوردی. (اکرم بک)

شو عبارده لوده اولان تشبیهات لطیفه ده کرک مشبهلر. کرک مشبهلر صورتدن عبارتدر.

(۲) معنی معنایه بکزه دیلور.

«زید ارسلان کی در» تشبیهنده اولدینی کی. بوند زیدک صورتی
ارسلانک صورتیه بکزه دیلوب تشبیه یینارنده معنای مشترک اولان
شجاعته در. بایغک

سیه طبعان اولور روشندلانک دشمن جانی
که دزد تیره روزی دائما تکدیر ایدر مهتاب
ییتنده کی تشبیه دخی بویله در.

(۳) معنی صورتیه تشبیه اولنور.

مثال

«سوء اعمال سراب کی در که انی کورن عطشان صوظن ایدر»
تشبیهنده اولدینی کی. حامینک

کنندین مثال مه کورده من بر نفس تمام

ایلدن کلان عطیه و احسانی بکلین

ییتده بویله در. زیرا مشبه عطیه و احسان بکلینک حالی و مشبه به
مړك صورتی در.

(۴) صورت معنایه تشبیه اولنور.

«ظلمت لیل ظالمه تشبیه» کی. بوند مشبه اولان ظلمت، صورت
و مشبه به ظالمده کی سیرت در.

مشبه و مشبه به ده وجود آتیه دخی جریان ایدر.

(۱) مشبه و مشبه بهک ایکسیده مفرد اولور.

(۲) ایکسیده مرکب اولور.

(۳) مشبه مفرد، مشبه به مرکب اولور.

(۴) مشبه مرکب ، مشبه به مفرد اولور .

اشبو اقسام اربعه به تعلق ایدن بخشار مثالیه برابر (وجه شبه)
میخنده مندرج اولدیغندن بوراده تکرارایله تکثیر - واده لزوم
کوریه مدی .

تشبیه طرفین متعدد اولور ایسه بوصورت یا ملفوف ، یاخود
مفروق اولور .

(تشبیه ملفوف) مشبه ایراد اولدقدن صکره ترتیب و صر سیله
مشبه بهلری ایراد اولنان تشبیه در . سامینک
کردن بللورک اوزره کویا بر شیشه ده
سنبل و شبو ، کل تر در اوزلف و خال ورخ
بیتنه اولدیغی کی .

(تشبیه مفروق) اولای بر مشبه و مشبه بهی ، بعده دیگر مشبه
و مشبه بهی ایراد ایدیلا تشبیه در . کمال بکک
میخانه کلستاندر . پیانه کافشاندر
ساقی نهال شوخی ، مطرب هزار زاری
بیتنه اولدیغی کی .

اگر مشبه متعدد و مشبه به غیر متعدد اولور ایسه بوکا (تسویه)
دینلور . راقیت

رها بولمق نه ممکن سوزش محندن عشاقه
وصال آتش . فراق آتش . بلای انتظار آتش
بیتنه اولدیغی کی .

مشبه به متعدد، مشبه غیر متعدد اولور ایسه بوکاده (تشبیه جمع)
اطلاق اولنور . رحیمک

چنار و سرووش آزاده در دست تعرضدن
رهین دست و برچیده طوتان دستیله دامان
یتنده اولدینی کبی .

— ۵ —

تشابه

وجه شبه جه مشبه و مشبه بهک ایکسندن بریسنده زیاده و نقصان
مراد اولنیوبده مقصودیا لکیز یینارینک جمعندن عبارت ایسه ایکسینک
بریسنی ترجیحدن احترازاً تشبیهدن صرف انظار و مشابهنی ایکی
طرفده اعتبار ایتک لازمکلورکه بوکا (تشابه) اطلاق ایدیور .

بوصورتده طرفیندن هر بریسنده هم مشبه ، همده مشبه به
اولق احتمالی بولنور . لیب آمدینک

یناشسه غنغ حوری جنت غنغ یاره
سانورسک صنع مولی اورطه دن بولش برالمائی
یتنده اولدینی کبی . بو صورت ایکی شیئک یئنی جمع در .
ایکی شیئک یئنی جمعه ذکر اولندینی وجهله تشابه کوزل
اولدینی کبی تشبیه دخی جائز اولور .

« غره فرسی یعنی آتک التئده کی بیاضی صیحه و بالعکس صیجی
غره فرسه تشبیه » کبی . بوده پارلاق بر شیئک کندوسندن زیاده
برشیده ظهورنی افاده قصد اولندینی وقتده جریان ایدر . بناء علیه

مثال مذکورده غره فرسك ضیا و بوكی صفت ممیزه ایله توصیفنده
مبالغه قصد اولنماسی لازمدر . زیرا بونلردن بریسی وجه شبه عد
ایدیلور ایسه غره نی مشبه ، صبحی مشبه به اتخاذ ایتك لازم کلودر .
وصفدن مقصد مبالغه ایسه تشابهی التزامه مانع اولور .

تشابه بعضاً تردید صورتیلهده جریان ایدر . کمال بکک

اثار شفقدن می بویا دامن چرخه

سر یلدی جگر یاره لر آم سحر مدن

بیتمده اولدیغی کی .

تشابه كرك لیب آمدينك بیت مذکوری کی تردیددن خالی ،
كرك کمال بکک شوبیتی کی تردیدی حاوی اولسون : تشبیب ویا تأثر
نفسانی اراه جھتلیرینه متعلق اولدیغی حالد و جدانك حکمنه تبعیت
امور طبیعیه دن اولدیغندن مبالغه قصد اولنماسی ضروری اولمغله
لیبك بیتمده التزام ایلدیکی علاقهنك معشوقهیه مربوطیت تامه سی
جهتیه غبغبلرك تشابهنده مبالغه فرض اولنمسنده لطافت قلمز . ایکنجی
بیتك حاوی اولدیغی تأثر نفسانی حال استغراقدن متولد اولمسیله حکم
وجدان آنك مضموننیده لباس مبالغه دن تجرید ایدر . لکن تشابه
تشبیهیه مربوط اولان علاقه وجدانیه وتلفندن نشئت ایدن تأثر
نفسانی جھتلیرینه تعاق ایتیوبده ستایش وتوصیف وتقدير عادی کی
بر یولده جریان ایدر ایسه سوز ، تشابه دائره سندن تباعد وتشبیه
دائره سنه دخول ایله مبالغهیه محمول اولور .

تشبیه‌دن غرض

تشبیه‌دن غرض یا مشبهه تعلق ایدر، یا مشبه‌به. مشبهه تعلق ایدن غرض الی صورتله در.

(۱) مشبهك امكانی کوسترر. فضولینك

خیال عارضك جولان ایدر بو چشم پر نمده

نته کیم موجلنمش صوده عکس آفتاب اوینار

بیتمده اولدیغی کی. سامع مصراع اولی ایشتمدکده خیال. ذاتاً بیوجود ایکن بوکا حرکت ایشاتیله چشم پر نمده جولانسه وجود ویرمك نصل ممکن اوله جغنده تردد کوسترر. ایکنجی مصراع او خاطره‌ی ازاله وامکانی اراثة ایدر.

(۲) مشبهك حال وصفتی کوسترر.

کل بر اشفته جوان، بلبل ایسه بر سرخوش

مصراعنده اولدیغی کی.

(۳) مشبهك قوت ویا ضعفی کوسترر. نزهتک

کیتمز قلوب قاسیه‌دن نقش انفعال

سنگ اوزره مرتسم اولان آثار سخت اولور

وفضولینك

دوران بکا قلم تك ضعفك قپوسن اچدی

تا قدمی غمکدن دوندردی ضعف، ناله

بیتمده اولدیغی کی.

(۴) مشبهی سامعك ذهنده قرار لشدر. اسعد مخلص پشانك:

بگزر ارباب ريانك حالى اول كاشانديه

ايچ يوزى ويران ديشى معمور شكلن كوستر

ييتنده اولدينى كجي .

(۵) مشبهى سامعه زينتلى كوستر. شناسينك :

زلفك دوشنجه كردن براقك اوستنه

بلور ايچنده سنبل سيراى آكدرو

ييتنده اولدينى كجي .

(۶) مشبهى ظريف و ظريف كوستر. بوكا (استطراف)

اطلاق ايدرلر. استطراف اوچ درلودر .

بريسى مشبهه ، حد ذاتنده عادةً متمتع اوله جق درجده بديع

وغريب اولمقدر .

«يانغه باشلابن كوموردن ظهور ايدن عيولى توتونى آلتون

طالغلى مسك دريانه تشبيهه» ده اولدينى كجي كه مشبهه قدرت

باريه كوره ممكن ايسهده عادةً متمتع در .

ايكنجيسى مشبهه برلكده مشبههك ذهنده حضوري نادر اولمقدر .

«بنفشه ني كبريتك بدايت اشتغالنده ظهور ايدن علويه تشبيهه» ده

اولدينى كجي .

اوچنجيسى ايكي طاق مشبهه و مشبههك هر طاقنده طرفين

ممكناتدن معدود ايكن ايكنسك اجتماعنده مشبهه طرفي كما كان ممكنات

دائرة سنده قلوب مشبهه طرفي ممكنات دائر سندن خروج و متمتع

دائرة سنه دخول ایتمی در قوسی تبریزینک

نور عینم آشنا دیرلر سنی اغیار ایله

طرفه کیم جان نقش دیوار ایله اولمش اشنا

یتیمده اولدینی کی. بونده ایکی طاقم مشبه و مشبه به وارد که بر طاقی

مخاطبه جن. دیگر ای اغیار ایله نقش دیوار در. شو ایکی طاقمک ایکی

طرفیده حد ذاتلرنده ممکناتدن ایکن مشهار بر طرفده، مشبه بهلر

دیگر طرفده بعد الاجتماع مشبه طرفی ممکناتده قلوب مشبه به طرفی

متمنعات صرهنه یکمشدر. زیرا دیوارده کی نقشیده جان اوله مز.

تشبیهدن مشبه به عائد غرض ایکی صورتلدر.

(۱) تشبیه مشبه بهک اتم واکمل اولدینی ایهام ایدر. فطنت خانمک

رنک و بوده زلف جانانه مشبه اولسه

کیم باقار کلزار دهرک سنبل و شبوسنه

یتیمده اولدینی کی. قاعده اصلیه حکمنجه زلف مشبه سنبل و شبونک

هربری مشبه به اولوب سنبل و شبو رنک و بوده زلفدن اتم اولدینی

بدیهی در. زلفی اناره تشبیه ایده جک یزده آناری زلفه تشبیه ایتمش

ورنک و بوده زلفک سنبل و شبودن اتم اولدینی دیو بانه مقصیده

مشبهی مشبه به و مشبه بهی مشبه عد ایتمشدر. ندیمک

سینه سی دستنده کی پماندن براق و صاف

رخاری دستنده کی صهای تردن قرمری

یتیمده بوبلدر. بوکا (تشبیه مقلوب) دینلورکه وجه شهبه ناقص اولان

شی مشبه به قانوب اوشیئک اکمل و اتم اولدینی ادعا و اعتبار اولسور.

(۲) مشبه بهک کمال اهتمامه لیاقتی کوستر.

«آج اولان کیمهک بدرکی بارلاق و کولار ریزی بارلاقسه
و دگر بیلک یوقه ایتمک بکرتیمی و کی . شو نیتیدن او کیمهک
غرض مقصودی نیت اولدنی اکلایبور . بولا (اظهار و طالع)
وطلاق ایدولر .

تشبیه غرض اعتباریله یا (مقبول) یا (مردود) اولور .
(تشبیه مقبول) غرضک تشبیهنی افادهیه و قایدجک درجهده
یولتمسی در . مثلاً غرض مشبهک حالتی بیان ایسه مشبهبه وجه شبهله
یک معروف یولتمق ، غرض ناقص اولان بر شیشی کلمه اخلاف اولدنی
قدیرده مشبهک وجه شبهده انم و غرض مشبهک امکاتنی بیانم تعلق ایلدیکی
حالده خاصیه قرشووجه شبهه حکمی معروف و مسل اولمق لازم کاور .
(تشبیه مردود) افده غرضده مقصودی اراایه کافی اولمسان
تشبیه ناقصدر .

تشبیهدن غرضه تعلق ایدن مباحثک امشیهنی یوقرودده مذکور
اولمقله بوضرده تکراره لزوم کوریلهمدی .

— V —

بعض ملاحظات

میبحث تشبیهده هر قدر مشبه و مشبهبه بیننده وجه شبه بوانسه
عیله مقامه نسبتله مستهجن اولان شیلرک برمدوچه قارشى مشبهبه
اتحادی معیادن معدوددر . مثلاً : بر ذانک سخاسی حقدده تشبیه
ایراد اولنوبده «سخا بر قویوندرکه اجزاسی تقسیم اولندقدده اتارینک
اک کوزل اولانلری سکا و بغر سقلری : کوکاری بشقه لرینه حصهده .

اول کج ابرو جگرده تیر مژگان آفرین
 کوروب زانمکده کجاک جانب ابرویه یوز طو تدم
 کوکل خورشیدی تحویل ایتدی قوسه برج عقربدن
 دل مومیان یاری خیال ایلمکده در
 بیچاره شمدی فکر محال ایلمکده در
 بیتلرنده اولدیگی کجی .

شو مضمونلرک هر بریسی بر بدیعہ حکمت کجی مصنع اولمسیله
 قدماک علویت وادبیاتجه اقتدار و معیار تلیرنده برهان اولایغی انکار
 اولمده من . لکن فن نقطه نظرندن باقلانجه و شهباز ایله مشبه بهلریننده
 وجه شهبازده مناسبت کورینه میور .

واقعا مثلاً غمزده ای اوقه تشبیهده اوقک تأثیری نظرده کی تأثیر ایله
 معنای مشترک عد و شومعنی وجه شبه اعتبار اولنه میلور ایسه ده مقصده
 غمزدهک علاقه و جدائی جنب اولدیجی انصافنه تعلق ایله کی صورتده
 شو اعتبارنه اومقصدده مناسبت قبول ایدمک جهتی کوریه من . زانمک
 یلانه تشبیهی ایسه ده فنا .

شبهه یوقدرکه قدما مناسبتدن بعید کورینان بویله تشبیهلرده مضمونه
 متعلق تصریفه اقتدار کویسترمک مقصدیله بویولده اتعاب ذهن ایتساردر
 و قتیله بزده قدما بی تقایید و مضمونده تصرف افکار یله اولمه
 سوزلرده اتعاب ذهن ایتشمز . لکن شمدی - مادام که فن دائرہ سند
 سوز سوریامک ایسته یورز - قدماک علویت افکار و کمال اقتدار لریتی
 تصدیق ایله برابر تشبیهده فنا فائده و مناسبت آرا منده مجبورز .
 کلامده تشبیهک فائده سنی نظر دفته المق لازمدر . سن بر شمدی

برشیده بگز تدیکک خالده مشبه بهک صورت . یا خود معناسیله کندی
نفسکده بر خیال اثبات ایتش اولورسک . بو خیال ایسه کرک بر شیئه
ترغیده، کرک برشیدن تنفیده پک مؤکد عد اولنور. تشبیهدن مراد
نفسی مشبه ترغیب ایسه زلفک یلان، عقرب کبی شیلره مشبه اعتبارنده
شو رغبت حاصل اولمز . بلکه نفسکده یلان ، عقرب ، کبی برطام
قورقونج خیالات اثبات ایتش اولورسک .

بناء علیه کوزل شی کوزل شیئه، چرکین شی چرکینه بگز دملیدرکه
کوزله رغبت و چرکیندن نفرت حاصل اولسون. مثلاً ساغری، شرابی
کوزل شیلره تشبیه ایدویده .

نور ایلیموب تجسم صهبایه اولدی ساغر

آنک ایچنده صهبایا کویا مذاپ یاقوت

دیمش اولسک شو تشبیهلرده قوه متخیله نك رسم ایتدیکی صورتلر
وجودی بک شکل شیلر ایکن اولار سنک کندی خیالکده کوزل
صورتلر مریض اولور میل و رغبتک جالب ایدر. نسیه مخاطبک خیالنده
صورت پذیر اولدوق آنکده رغبتی جالب اولور .

شرابی . ساغری برده طبعه خوش کیه چک صورتلر دایره تشبیه ایلنده .

« شراب احتیاجاً بر مریضات وجود معلومدن حقیقهش قان ،

ساغر اوقانک ملو اولدیغی سیشه حجام » دیلم .

بو تشبیهده شرابدن . ساغردن ایگریله چک برر صورتدن بشقه

برشی یوز کوستردرمی . ؟

ایشته هر نوع تشبیهات بوفصلده مذکور اولان قواعد موافق

ایسه فی . دکل ایسه فی فی در .

ایکسجی فصل

حقیقت و مجاز بیانده در

شو بآبك مقدمه سنده کوسرلیدیکی اوزره (حقیقت) لفظك موضوع
لهنده، (مجاز) ماوضع لهنك غیرنده استعمالی در.

(مجاز) (جازمن هذا الموضوع الى هذا الموضوع) کلامندن مأخوذدر.
شو کلام بر مکندن دیگر مکنا، تخطی ایدن کیمسه حقنده ایراد اولنور.
(مجاز) تخطی (جواز) دن اسم مکندر. تخطی وانتقال اولنان محل
دیمکندر. شومعنی حکمنجه (مجاز) بر محال دن دیگر محله انتقالده مستعمل
ایکن صکره بر نفیض معنای اصلیسندن دیگر معنایه نقلنده استعمال
اولندی.

بر معنادن دیگر معنایه نقل اولنان لفظك برنجی معنی ایله ایکسجی
معناسی بیننده وصات بولنور ایسه بوکا (اتصال) دینلور. «زید
ارسالان در» کی. زید انسان، ارسالان معروف حیوان ایکن بینلرنده کی
صفت شجاعت، وصات اولدیغندن زید انسانیتدن اسدیته عبور
ایتدرلدی.

معنی کلام بینلرنده وصات اولمهنده عبور ایتدر یور. حکایه
کتابلرنده «ارسالان شویله سویلدی». «ایلیکی بویله دیدی» سوزلرنده
اولدیغی کی. بوکا (التساع) دینلور.

مجازده ایکی صورت بولنور. بوا یکی صورتك هر بریسنده بر
معنادن دیگر معنایه نقل موجود ایسه ده برنجیسنده کی نقل دوز
محال دن دوز محله، دیگرنده دوز محال دن صرب محله عبور دیمك اولوب

برنجیستند صفتجه ینلرنده مشابہت موجود، دیگرنده مفقوددر.
زیرا ارسالان ایله انسان یتنده شجاعته مشابہت واریستده صفتجه
مشابہت یوقدر.

بعضیلری «کلامک هپسی حقیقت در»، بعضیلریده «هپسی
مجازدر» دیدیلر. بو مذهبک ایکسیدده طوغری دکلدرد. حقیقت
اغویهجه معنایه تعلق ایدن دلالت هرلفظک دلالت حقیقیه و ذاتیه می
درکه حقیقت لفظیه اصل لغتده موضوع اولدینی معادن عبارت اولور.
مجاز ایسه معانک وضع اصلیسنه تعلق ایمان برلفظه نقلی در.

معلودرکه مخلوقاتک هر برینی کندوسنه دلالت ایدجک بر اسمه
محتاجدرکه اولسم ایله بیانه. زیرا نوع برسدن هر فردک دیگرینی ویا
اشیادن برشیشی آکلامسی انجمن اشخاص و اشیاک هر بریشی انجمن
بر اسمه احتیاج امور ضروریهدندر. شو ضرورت اوزرینه هر مسما
انجمن وضع ایدنش اولان اسم او مسماک حقیقتی در. بو حقیقت
وضع اصلی قصه سندن قلدیریلوب بقیه نقضیه نقل اولور ایسه
دائرہ حقیقتدن انفصال و دائرہ مجازده اتصال اتمش اولور.

بز «کونش» دیدیکمز وقت شو بیوک، پارلاق یلدزی مراد
ایدرز، «دکز» دیمش اولسهق شو بیوک، شور صوینی مرادایدرز.
چونکه کونشک شو پارلاق یلدزده، دکزک شو بیوک صوده استعمالی
حقیقت در. وضع اصلیلری بو صورته استعمالی اقتضا ایدر. استعاره
طریقیه «کونش» دیوبده کوزل یوز، «دکز» دیوبده سحر کیسه
مراد ایتدیکمز. حالده استعمالی موضع حقیقتدن ایریلوب مجازده متصل
اولور.

هر مجاز اچون حقيقت واردر. زيرا مجاز بر حقيقتدن ډيگر بر
معنايه نقل اولمخدجه مجاز اولدمز. مجاز بر مکان اصلی اوليوب بر مکان
اصلیدن منقول بر شيئه منقول اليه اولان مکان ثانيدير. في الاصل بويله
بر موضعه مستعمل ايکن صکره حقيقتک غيري بر معنايه نقل اولندي.
بناء عليه هر بر مجاز اچون بر حقيقت بولمسي امور ضروريه دن محدود
اولور که اوسه نندن حالت مجازيه نقل ايديش بولمسون. هر حقيقت
اچون ايسه مجاز اولمخده ضرورت يوقدر. زيرا چوق اسم واردر که هيسچ
بر يي اچون حالت مجازيه بولمز. «اسماء اعلام» کې. بولورون هر ريسنک
وضعي ذواتک بر برندن فرقي اچوندور. صفاتک فرقي اچون دکدر.
(مجاز) يا مفرد، يا مرکب اولور. مرکب استعاره بحثده يازيله جقدر.
(مجاز مفرد) ماوضع لهنی اراديه مانع اوله جق بر قرينه نك
وجوديله ماوضع لهنك غيرنده استعمال اولنان کهدر. لفظك مفهومى
تعدد ايلديكي صورتده اگر ايکي مفهوم اراسته نقل حلول ايتز ايسه
اولمخده مشترک ديسلور. نقل حلول ايدر ايسه نقلده مناسبت اولور.
اولمخده باقيدار. مناسبت يوق ايسه اولمخده (مرتجل) اطلاق ايدلور.
مناسبت اولمخده معنائى اولک مترادف اولوب اولمخده نظر اولور.
مترادف اولور ايسه (منقول)، اولمز ايسه معنائى اولمخده (حقيقت).
ثانيده (مجاز) اولور.

مجازده نوعى معتبر اولان بر علاقه لازمدر. زيرا علاقه بولمز
ايسه اوافظ غلط وکنايدن تميز اولدمز.

حقيقتله مجازک هر بريسي لغوى، شرعى، عرفى خاص، عرفى
عام قسمدارنه منقسم در.

لغوی یہ مثال

« ارسالان » لفظی کی . عرف لغتہ تابع اولان کیمسند بو لفظی
 حیوان معلومہ استعمال ایدر ایسه (حقیقت میں) . رجحان شجاعہ
 استعمال ایدر ایسه (مجاز لغوی) اولور .

استعمال شرعی یہ مثال

« صلوٰۃ » لفظی کی . عرف شرع ایله مکلف بولنسان کیمسند
 عبادہ استعمال ایدر ایسه (مجاز) اولور .

عرفی خاصہ مثال

« فعل » لفظی کی عرف نمونہ تابع اولان کیمسند بو لفظی (ضرب) .
 (نصر) . (دوکندی) . (بارہ ایسی) کی لفظی استعمال
 ایدر ایسه حقیقت . حدت (بش) مناسبت استعمال ایدر ایسه مجاز اولور .

عرفی عامہ مثال

« دابہ » لفظی کی . بولفظ عرف عامہ قوائم اربعہ سی اولان .
 حیوانہ مستعمل در . بوندہ استعمالی حقیقت وانسانہ استعمالی مجاز در .
 (مجاز) ایکی قسمدر . بریسی مجاز مرسل : دیکری استعارہ .
 اگر علاقہ مصححہ معنای مجازی ایله حقیقت بینندہ مشابہت
 غیر اولور ایسه (مجاز مرسل) بولمہ شکل ایسه (استعارہ) در . بولمہ درجہ
 استعارہ معنای احاطہ شدہ اولان معادہ استعمال اولمہ اولور
 چوق کردہ استعارہ اسم مشبہ بہت مشبہدہ استعمالی مفہومہ اطلاق
 ایدیلور . بوصورتہ مشبہ بہ (مستعار منہ) ، مشبہ (مستعار لہ) :
 استعارہ موقعندہ استعمال اولان لفظ (مستعار) : اولور .

استعاره به مثال

«ارسالان» لفظی در. بوالفظ عاریت اولوق اورزه مشبه به اولان حیوان معروفدن مشبه اولان شجیع کیمسه ایچون استنالمش براباس کی در. استعاره به تعلیق ایدن مباحث فصل مخصوصند تفصیل ایدیه جکدر ان شالله تعالی .

مجاز مرسلده ماضع الیک غیری اولان معنائک نوعما موضوع به لزوم و انصافی صحیح کوسترده جک مناسبتیه (علاقه صحیحیه) دینلور. (علاقه) هم مشابیهت. همده غیر مشابیهتدن متولد اولور. علاقتهک تولدی مشابیهتدن ایسه لفظک صورت استعمالی استعاره. مشابیهتک غیردن ایسه مجاز مرسل اولور. مجاز مرسله عائد علاقتهلرک بعضیلرینی آئیده بیان ایدیه جکدر.

(۱) علتک ذکر یله معلولی مراد ایتکدر.

«نعمته یداطلاقی» کی. نعمت ید ایله ظاهر اولدیغندن یدلفظنک نعمتده استعمالی عات فاعلیه اولور.

(۲) علاقته مظهریت در.

«ید لفظنک قدرتده استعمالی» کی.

(۳) کلی ذکر ایله جزئی مراد ایتکدر.

پارمغان اوچند دیکر باتان کیمسه نک «پارمغان دیکر باتدی» دیمکی کی.

(۴) کل یرنده جزئی ذکر ایتکدر.

«زی کوزلیان واردر» دینیلجک یرده «اوزر مزده کوز واردر»

دینلمسی کی.

مسببی ذکر ایده جک یرده سببی ذکر ایتک در .
 « بهار چیچککاری آجدی » کی . بهار چیچککاری آجاسنه سبب
 اولوب مسبب جناب حقدور .

(۶) سبب ذکر اولنه حق یرده مسبب ذکر اولنمی در .

« رحمت یاغیور » کی ؛ رحمت مسبب . یاغیور سبب در .

(۷) محل ذکر اولنه حق یرده حال ذکر اولنمقدور .

« اعمال صالحه احسانی الهک رحمتده در لر » کی . رحمتدن مراد جنت در .

(۸) بر ضدک اسمنی استیئزا . یاخود لطیفه طریقیله ضدینه

اطلاق ایتک در .

« قورقاق کیمسه یه جسور وجسورده قورقاق » دینلمسی کی .

(۱۰) مجاور بولنان ایکی شیدن بریخی دیگرینت یرنده ذکر ایتک در .

« حوض ملودور » کی . حوض متلی . صو ملودور .

(۱۱) بر شئی وصف سابقیه ذکر ایتک در .

« ازادلی بر کیمسه یه کوله » دینلمسی کی .

(۱۲) بر شئی زمان مستقبیلده تسمیه اولنه جفی بر اسم ایله

ذکر ایتک در .

« اوزوم ضوینه شیرده اطلاق » کی .

مجاز مرسله عائد اولان علاقه لر چوقدور . هر ایکی شی بیننده
 علاقه موجود اولدقدور بر اینسک ذکر یله دیگر ی اراده اولنه بیلور .

« حقیقه موصوف » : « لازمله ملزوم » ، « دال ایله مدلول » ،

« مشبه ایله مشبه به » ، « عام ایله خاص » ، « مطلق ایله مقید » ، « ظرف

ایله مظهر وف » کی .

مجاز استعمالی یا لفظی یا مضاجه لزومدن نشئت ایدر.

لفظ ایچون حقیقت یرنده مجاز استعمالی اسباب آتیه اوزرینه جاری در.

(۱) حروفده تنافر بوانورده تلفظجه لسانه عسرت کلور.

(۲) بر لفظده حروف متنافر اولسه ده ایکی لفظ ترکیب ایدر کده ترکیبدن تنافر حاصل اولور.

(۳) بر لفظ نظماً وزنده ثقلت کوستر.

(۴) مجاز استعمالنده صنایع بدیعه جه لفظده حقیقت استعمالندن دها زیاده لطف کورینور.

معنی ایچون مجاز استعمالنت اسباب لزومی وجود آتیه اوزرینه جاری در.

(۱) مجازده تعظیم آکلاشیلور.

بر مجلس هیئت تشکیل ایدن ذواتک تجمعی بیان صر سنده «مجلس تجمع ایتدی» دینلمسی کی.

(۲) استیجاردن احترازاً حقیقت استعمالندن صرف نظر اولور.

«تنوط» دینیه جت یرده «قضاء حاجت» دینلمسی کی.

(۳) مجازده حقیقتدن زیاده حسن بیان کورینور.

«شجیع کیمسه» دینیه جت یرده «ارسالان» دینلمسی کی.

(۴) مجازده لطف قصد اولور.

بر کیمسه بر شبئی عالم یاخورد تمایله جاهل اولور ایسه آنک

ایچون او شیئه تعلق ایدر جک شوق عدم وجودی امر طبیعی در.

بالکه او شیئه بر جهته واقف دیگر جهته غیر واقف ایسه نقصان

اولان وقوفك اكر انه شوق حاصل اولور . و حصول و وقوف حاصل
 ايد سحك صورتك وجودندن لذت و فقدانندن الم حصوله كاور .
 سو حاله حقيقتك تعبير ارادتي ايسه كافي اولور . سو حاله ساهمه
 دغدغه نفساني حصولي موجب اوله جنبي بديهي در . مجاز طريقيه
 تعبيرده او دغدغهك زواليله برابر وقوف تام حاصل اولد يني حاله
 اك لطيف صورت مجاز ايرانددر .

امام سيوطي ابن جنبي عطف افاده ايله المنزهرده در كه (لغتك چوغى
 - تأمل اولونجه - حقيقت دائر دسندن خارج و مجاز دائر سنه داخل
 كورينور . ملا زيد قيام ايتدي ديدكك وقت بو سوزده حقيقت
 بو قدر . زيرا قيام افعالن بر جنس در كه من الازل الى الابد كائنا تده
 قيامه صالح ايرانش و يار ايله حقي اولان شريك جويي سنه . حتى
 وهم داخلنده اولان قيامه قدر شاملدر . «زيد قيام ايتدي» سوزنده
 حقيقت اولسه جنس قيامك كافه سي آندن صدور ايش اولور . بو
 ايسه محالدر . بساء عليه بونده حقيقتك وجودني ممكن اولمديغندن
 چوغى آز موضعنه وضع قينلندن و مجازدن معدود اولور .

«بوكون ارسالنه راست كلدن» سوزيده بويلدر . زيرا دنيا ده
 ارسالن خلق اولنديني كوندن نوعنك شرايطه قدر بو نوعدن قدر
 حيوان خلق اولمش و اولنه حقي ايسه كافه سنه ارسالن دينلور . «بوكون
 ارسالنه راست كلدن» ديدكك سوزده حقيقت اولسه ارسالن نوعنك
 جويي سنه راست كمش اولماقك لازم كاور . بو ايسه ممكن دكلدر .

«فلاني دوكدن» سوزيده بويلدر . زيرا ضرب فعلي عموماً سندن
 صدور ايتدكجه سوزده حقيقت كوريله مرز . كذاك دوكلان بره ضرور .

بك بعض اعضاى در. حقيقت فعل ايسه هيسنى دو كمكده در. حتى
«فلانك باشنه اوردم» دينلمسندده بيله حقيقت يوقدر. زيرا ضرب
باشنك بر يرينه ايسه اوده حقيقت دكل در.

«كيجه كيمدى»، «كوندوزكلدى» سوزلريده بوقيلدندر. زيرا كيجه
كوندوز لفظلرى من الازل الى الابد ليال ونهارك كافه سنه شاملدر.

ايشته بو سوزلرده وبوكي هر تقدّر سوز وار ايسه هيچ بريسنده
حقيقت اوليوب موضع بعضده كالي استعمالدر كه هيسي مجازدر.

تاج الدين سبكي شرح منهاجده ديركه «مجاز ايله حقيقت بيننده
احتمال دوران ايتسه حقيقتنه تعلق ايدن احتمال ارجحدر»

فصاحت و بلاغت بابنده مجاز استعمالى حقيقت استعمالندن
اولادر. زيرا بلغاجه قبول اولمشدر كه كلام خطاينك فائده مى نفس
سامعده تخیيل و تصوير طر يقيله غرض مقصودى اثباتدن عبارتدر.
بدىميدركه «زيد ارسلاندر» ديه سويلديكمز سوزك «زيد شجاعدر»
سوزندن فرق يوقدر. لکن كرك تخیيل و تصويرده، كرك نفس سامعه
تأثيرده غرض مقصودى اثباتجه شو ايكي سوز بيننده پك بيوك فرق
وار. چونكه «زيد شجاعدر» سوزمزدن سامع زيدك جرأتلى، مقدم
اولمىندن بشقه بر شى تخیيل ايتمز. «زيد ارسلاندر» ديديكمز وقت
زيد بو تخیيل دائره سنده قائيوب ارسلانك صورتى. هيأتى. بعضش
وقوتى. تصادف ايده چكى حيوانى پنجه سيلاه ياروب يرمى تخیيل
اولنور.

عبارۀ مجازيۀ ده بر تأثير عجيب بولنور كه بو تأثير بعض احوالده
سامعى حلق طبيعىينك حكمتى دائره سندن چيقاروب بشقه بر حكمه

اسیر ایدر . منی بخیلی سحر . قورققی شجیع ایدر . او جیل او یله
 بر سخاوت کوسترکه عقله حیرت ویرر . او قورقاق اولیه بر جسا-
 رت کوسترکه کورر پرمعی دیشلر . مخاطب او عیارینی دیشلر کن
 تراب ایچمش کبی نشئه نور . بر کیمسه یی محتاجینه اعانیه تشویق
 ایدر کن . سن بر سخی سن که ارباب احتیاج احسانکه دفع احتیاج
 ایده جاکدر . دینه جل برده . سن بر عیولت سن که ارض میتنی احما
 ایدرسن « دینلمسندده تأثیرجه بیوک فرق وار .

اوچنجی فصل

استعاره بیاننده در

فصل سابقده کوسترلیدیکی اوزره استعاره مجازک بر قسمی در .
 لکن تفصیلات مخصوصه یی شامل اولدیغندن کتابمزده فصل مخصوص
 اتخاذ ایلدک .

(استعاره) علاقیمی . مشابیهت اولان مجازدر . معناسی حساً ،
 یاخود عقلاً تحقق ایتدیکی ایچون بعضاً (تحقیقیه) لفظیه تقیید ایلدک
 (استعاره تحقیقیه) دینلور .

استعاره مشبه وضرعین ییتدده اتم اولان وجه شبه ایچون موضوع
 اولیوب یالکیز مشبه ایچون موضوع اولدیغندن جمهور . مجاز لغوی
 اولمسنه ذاهب اولمشدر .

بعضیلری استعاره یه (مجاز عقلی) دیدیلر . مرادلری استعاره ده
 تصرفات عقلی اولمسی در . زیرا مشبهه استعاره اطلاق مشبهت مشبهه
 جنسندده دخوانی ادعان صکرده در . بنده عابه استعاره ناک مشبهده استعمالی
 مواضع لهنده استعمالی دیمک اولور .

استعاره‌نك اولاً نأويل اساسی اوزرینه بنا قلمسی . دنیا اندن
خلاف ظاهره تعلق ایدن اراده‌نی حوی قرینه‌یه مستند بولمسی استعاره‌نی
یلان سوزدن تفریق ایدر . علملرده استعاره جریان ایتز . چونکه
علم مسماسنك تشخصنی و بشقه‌لریله اشتراکدن منعی اقتضا ایدر . لیکن
اوصافدن بروصف ایله کسب اشتها ایدن بر مثل سائر حکمنده بولنور
ایسه استعماله وصفیت اساسیه غلبه ایده جکندن مجرای استعاره اوله بیلور .
« صحبان » « حاتم » ، « مادر » ، « هبنقه » کبی . بولرک برنجیسی
فصاحتده ، ایکنجیسی سخاوتده ، اوچنجیسی بخلده ، دردنجیسی
حمایتده مثل ضرب اولنه‌جق درجه‌ده کسب اشتها ایتش اولمغه
کرک بولنردن ، کرک بویکی اسملردن هر برینده استعاره جاری در .
اسم جنس علم کبی دکلدر . جنسده بر صفتک وجودی خاتی
وطبیعی اولدیغندن یینلرنده برجامعک وجودیله هر بریسی بر شبنه
مستعار منه اوله بیلور .

« ارسالان » رجل شجاعه ، « تیلکی » حیلکارده ، « یلان » شخص
مضرده ، « یاقوت » خوبانک دوداقلرینه ، « اینجو » دیشرینه مستعار
اولمغه صالح اولدیغنی کبی . نشاطینک

عرض ایلدیکجه عاشق لعل مذاب چشمن

آچ حقّه دهانک سن درناب ککوستر

یقی بو قییلدندر (لعل) مستعار منه . (قان ایله مخلوط کوز یانی)
مستعارله ، (درناب) مستعار منه (معشوقک دیشاری) مستعارله در .
ذکرکی سبقت ایلدیکی اوزره استعاره مجازک برقمسی در . مجازک بشقه
قسمی اینجون معنای حقیقتی اراده‌ی مانع اوله‌جق قرینه لارم اولدیغنی

کبی استعاره جده قرینه لازم در . شو قرینه بعضاً قرینه واحد و بعضاً
قرینه متعدده اولور .

« بر ارسلان کوردم اوق آتیور ایدی » کلامند کی قرینه . قرینه

فهیمنک

واحد در .

عکس کل اولور ظاهر مرآت سخن ایچره

اول لاله شبنم خیز اولدجه حجاب آود

یتنده (لاله شبنم خیز) مستعار منه . (ترش رخسار) مستعار له

اولوب (مرآت سخن) . (حجاب الود) تعبیر لری ایکی قرینه در .

یتنک ما آیدن «حجابک تأثیرله یوری قزاروب ترلدیکی ونو حال ایه

محجوب محجوب سوز سوزلدیکی وقت سوزلری آیدیه عکس ایدن

کل کی لطیف کورینور» صورتی مراد اولنشدور .

(استعاره) طرفین اعتبارله ایکی قسم در . زیرا طرفینک برشیده

اجتماعی یا ممکن اولور ، یا متمنع .

اجتماعلری ممکن اولانه مثال

فقر و فقه ایله مضطر ایکن ثروت نال اولان برکبسه حقتدره

« اولمش ایکن حیات بولدی دینارسی کی . بونده (حیات) مستعار

منه . (ثروت) مستعار له اولغله ایکسنت بر شخصده اجتماعی ممکن در .

بوکا . (استعاره وفاقه) دینلور .

اجتماعلری متمنع اولانه مثال

« ذاتی موجود . نفع و فایده سی مفقود بر حی انجیون معلوم

السنک استعاره سی » کی . موجود ایله معدومک بر تمییز اجتماعی

مُتَنَع در . بوده (استعاره عنادیه) دینلور .

(استعاره تمکینیه) ، (استعاره تمایحیه) که بریسی استیزاء بر شینک

ضدنی اگا مستعار منه اتخاذ اتمک . دیگرى لطیفه طریقله اوصورتی

الترام ایاست در . تشبیه بخشد بونلرک کیفیتى درج اولمشدر .

اوتشبیهدکی طرفینک بریسی ادات تشبیه ایه برابر طى و برملاچ

ایراد اولندقدده (استعاره) یه تحول ایدر .

(استعاره) جامع (وجه شبه) اعتباریله ایکی قسم در .

(۱) جامع طرفینک مفهومند داخل اولور .

مثال

(ناسک خیرلوسی آتک دیزکینه یاشوب طوران در . اول کیسه

اویله حضر طوررکه هر نوقت استعایدی آکدره جق اجی برفریاد

ایشتمه امداد ایچون او طرفه ضوغری اوجه) . [کلام شریفی کبی که

« فی سبیل الله جهاد و اهل ایمانه امداد ایدد » دیمکدر . بونده (اوجق)

سرعت اوزرد (قوشمق) ایچون استعاره ایدلمشدر . قوشمق ایه

اوجق بیننده جامع (سرعتله قطع مسافه) درکه طرفینک مفهومند

داخل در .

(استعاره) ینه جامع اعتباریله یا (مبتداه عامیه) ، یاخود (غریبه

خوبه) اولور .

معلومدرکه (مبتدل) هر کسک درحال اکلایه جنی ، (غریب)

خواسک ادراک ایددجکی شی در .

[*] شوکلام شریف (خیرالناس رجل مساک بعنان فرسه کلام سمع عینه

طار ایها) حدث شریفینک مفهومی در .

استعاره مبتذله مثال

« قارغیلی برارسلان کوردیم » سوزیدر . بونده جامع (شجاعت)
اولدیغنی هرکس بیلور .

استعاره غریبه مثال جودت پاشانک

س. وصالده اول مهر ملاحیت یار ایسدکه

کوروب حاکم یاسم شفق قان ایللاسون کوسون
ای در . شمس طالع انکاسیدن قزاران و متعاقباً برتو اتاب ایل
اچلان (شفق) مستعارله . وجداناً تأثیرات مختلفه دن متأثراً شدله
الایوب کوراردن عالی یس دوکن و متعاقباً ایسه مظهر خلا کتایس
ارونک ماسکاف (رزی کول کسسه) مستعارله اولوب طریقت
کد کربا مشارک یولان نیش مشروحیه سنه کی (ماش) جامع در .
(استعاره مبتذله) بعض تصرفله ابتدال دن غرابته تحول ایدر .

نصو اول

ماهه چکدم شب هجران علم شعله آد

آد کیم اولمدی اول ماه خبردار هنوز

سندده اولدیغنی کبی . ماهه ، مشبهه اولوب مشبهه ، معشوق درکه مخدوفدر
ماهک مشبهه اتخارینه الزام اولان استعاره یک مبتذل اولدیغنی حالده
آشک مشعله و بوندن سرچکن شعلهک علمه تشبیهی و اول علمکده
مستعارنه اولان ماهه قارشو تسپریله برابر نتیجه تکلفله آتی خواب
نخوتدن ایقاظ ایدمه ماش کی تصرفات غریبهه . بناء ابتدال اتنی او سنه
حوریمش و یرینه کاشانه جدید کی بر غراب حسنه بنا اتمشدر .

(استعاره) طرفین و جامع اعتبار ایله الی قسمدر.

(۱) اوچیده حسی اولور.

مثال

دیوان حسنه باری سن ای خط نوجیقوب

عرض ایت سیاهنامه هجرانه موبسو

جودت پاشا

(مستعار منه) قاصد مبالغ. (مستعار له) خط نو. (جامع) عرض کیفیت

(۲) اوچیده عقلی اولور.

مثال

طوور احکام نصرت اتحاد قلب ملتده

چیقار انار رحمت اختلاف رأی امتدن

کمال بک

اعتبار عجزانده کوره (مستعار منه) لفظ ایچنده معنی. (مستعار له)

اتحاد قلب ملتده ثابت (نصرت) ، (جامع) خالصانه اتحاد در.

(۳) طرفین حسی ، جامع عقلی اولور.

مثال

کلمذاران ستانبول براغلاماز اما

اولدیور یاد وطن شهر پرواز بکا

جودت پاشا

(مستعار منه) مرغ ، (مستعار له) یئده کی ضمیر متکلم. (جامع)

اوچغه میل در.

اکرم بکاک شو نظمیده بو قیلنددر.

دلنده عشق نشو دریز ، اینده شوق خنده ور
 یولنده هر چن نعیم . کوزنده هر چیچک کهر
 شرابی آب خوشکوار ، غداسی شیرو شهتر
 دگل ملاله اشنا ، کلالنده بی خبر
 چوبان قیافتنده کی غریب کامکاری کور
 (مستعار منه) عادتاً بر چو جق . (مستعار له) چوبان قیافتنده کی
 غریب ، (جامع) بر حال بی قیدی .
 (۴) طرفین عقلی . جامع حسی اولور .

مثال

سر درخته مشتن زن ، حیاض باغه بر کریر
 غصون اینجده پر غریو ، شکوفه لاله پرستیز
 نهال کلده تب نما ، یم چنده موجیز
 هوا پرست پر هوس ، نسیم بیقراری کور
 اکرم بک

(مستعار منه) بر شخص شریر عربده جو ، (مستعار له) نسیم
 (جامع) شرب . عربده جواق در .
 (۵) مستعار منه حسی ، دیکر لری عقلی اولور .

مثال

حالمه اجله پنجه لشم
 کمال بک - جزمیدن
 (مستعار منه) دشمن محسوس . (مستعار له) اجل . (جامع) خصومت در .
 (۶) مستعار له حسی ، دیکر لری عقلی اولور .

مثال

خدنك غمزدك ايله جان ویرمك جانہ منت در
 بوشیرین مرک ايله روح شهیدان اغلاسون کولسون
 . جودت پاشا .

(مستعارله) خدنك غمزد . (مستعارمنه) اجل ، (جامع) نزع

روح در .

(استعاره) لفظ ، مستعار اعتباریله یا اصلیه . یا خود تبعیه اولور .

(استعاره اصلیه) ده لفظ مستعار . اسم جنس اولور .

« رجل شیجاعه ارسلان » ، « کوزل صدالی مغنی به بابل » ،

« حیلدکاره تیلکی » اطلاق کی .

مصدرلر شوقسمدن معدوددر . « شدتله دوکمه اولدومک » ،

« فقیر آنک زسکین اولمه دیرمک » اطلاق کی .

(استعاره تبعیه) ده لفظ مستعار اسم حساب عبری اولور .

« فعل » (فاعل مشتق اسماره . مضی فیه ال اولان حرف فار »

کی . فعل ايله مشتقاتنده استعاره جربانی مصدرده . حرفده بر اصله تبعیتله در .

فعله مثال

شدتله اولر ایلان برکتمسه حتمده حریف اولدی کتدی » دسامین

کی . بونده حریف شدت تأیری مویات تأیریله تشبیه ايله « دوکمه »

مصدری (اولمک . موقعنده استعمال ايله برابر بو استعمال مصدرده

تبعیتله فعلده دخی جریان ایدرک فعل مجرای استعاره اولور .

و کذاک « فلان مکارم اخلاق اخسابندن اولدیغنی ناصیه حالی

ناطق در ا سوزنده اولدیغی کی اسم فاعله دخی مصدره تسمیه استاره
جریان ایشدیر . نوم اولدیگی دلالت معنای مجازی و تحول الیوب
دایم حاله کی دلالت اینجور صفة تشبیه تقدیر ایدم کد صکره شو
دلالتده مبالغه مقصدیه مشبه مشبه بک افراندن معدود اولدیغی ادعا
اولمش و دلالت مذکورده ایچون استعاره اولان لفظ نطقه تبعیتله دال
ایچون دخی لفظ ناطق استعاره ایدلمشدر .

حرفک مجرای استعاره اولسی کذاک بر اصله تبعیتله جائز اولمیلور .
مثلاً (ایچون) حرفی حرف تعیل اولدیغی حالده فی الأصل
غرض موقعده قولالاینیلور . « سزی زیارت ایتک ایچون کلدیم »
دینلدکده « کیملکن غرضم سزی زیارت ایتک در » صـورتی مراد
اولنور . (ایچون) حرفک بوموقعده کی استعمالی اسم قوتنده در .
حرف مذکور اصلاً او موقعده مستعمل ایکن غرض فعلک
غایتده اولسی مدار مناسبت عد ایدیله رک غرضه تعلق ایتیمان شیلرده
دخی غایت اعتباریه استعمال اولنور ایسه مجرای استعاره اولور .

مثال

« دنیا به کلان اولمک ایچون کلیور » کبی . شوکلامده غرضه تعلق
ایده حکم بری بوقدر . ممکن غرض فعلک عتی اولدیغی کی موت
دخی حیاتک غایتی اولدیفندن حیاته تعلق ایدن غایت ، غرضه تعلق
ایدن غایت تشبیه ایدلمش و مشبه اولان غایت حیات ، مشبه به اولان غایت
غرض جنسنده داخل اولدیغی ادعا ایدیله رک شوا اعتبار اوزرینه (ایچون)
حرفی مجرای استعاره اولمشدر که بواستعاره اصل مذکورده تبعیتله
جریان ایتدیکنندن (استعاره تبعیه) در .

استعاره‌ی حاوی اولان کلامده مشبه به مذکور اولور ایسه استعاره
(استعاره مصرحه) اولور .

استعاره مصرحه‌ده صور آتیه جریان ایدر .

(۱) کرک مستعار منهک . کرک مستعار لهک ملایملرندن هیچ
برشی موجود اولمز . « بنیم یانمده بر ارسلان وار » کی بوکا (استعاره
مصرحه مطلقه) دینلور .

(۲) یالکنز مستعار لهک ملایملرندن برشی بولنور . بنیم یانمده
قرغینی بر ارسلان وار کی . بوکا (استعاره مصرحه مجرده) دینلور .
(۳) یالکنز مستعار منهک ملایملرندن برشی بولنور . « بنیم یانمده
پنجه سی قوتلی بر ارسلان وار » کی . بوکاده (استعاره مصرحه مرشحه)
اطلاق ایدیلور .

برشی دهند اولان برشی به بکنزه دیلور و مشبه بهک لوازمنندن برشی
کلامده مشبهله برابر مذکور اولور ایسه (استعاره مکینیه) اولور .

رباط دهر دون بر طرفه منزل در که اول یرده

امل پادر رکاب و آرزو پادر هوا در هب

یتتده اولدیغی کی . بوند (مشبه به) آتیه بخت اوزرد ایاغنی اوزنکی به
قومش بر انسان در که مذکور اولمیوب دهند در .

(مشبه) امل در که کلامده مذکور در . (پادر رکاب) مشبه بهک

لوازمننددر . (پادر هوا دده) استعاره وار .

استعاره مکینیه قرینه اولان لفظ (استعاره تخیلیه) اولور .

مثال مذکورده کی (پادر رکاب) لفظی کی . شو لفظ ، مضوی و غیر
مذکور اولان مشبه به قرینه در .

استعاره ده تشبیه به مبالغه و وجودی امور طبیعی مدن و شو تشبیهی مستعار منهك ملائمه زینت مدرمك ایسه مبالغه به بر قاده ها قوت و یرد جك امور دن معدود اولدیغه نظرأ استعاره ترشیح التزامی اطلاق و تجریدن زیاده مبالغه یی مستلزم اولور .

ترشیح ایکی اساس اوزرینه منی در . برشی تشبیهی کان م یکن قیلندن عایق . دیگر ی مستعار لاهی عیله مستعار منه جنسندن عدا یمك در . بناءً علیه استعاره مرشحه ده کایا تشبیه اعتبار قلمز .

حتی بر ذلک شو قدری بر بانك یو کسکا کندن استاره ایدلسه (مستعار له) اولان علو قدر (مستعار منه) اولان اول یو کسك بنانك عینی اولسی ادعا و قبول اولنور .

بلغا تشبیهده مشه . مشه بهدن بشقه برشی اولدیغنی اعتراف ایله برابر مشه بهك احکامنی مشبهده یوریدر لر . استعاره بویله دکادر . زیرا استعاره ده تشبیه به مشه مجرا مننده اولان (مستعار له) مشه بهدن بشقه برشی اولدیغنی قبول اتمیوب ایکسنی برشی حکمنده ضو قار لر . تشبیهده مشه اصل و مشه به فرع اولوب اصل ، دائرة اعترافده ثابت و موجود عد ایدله رك احکام تشبیه فرع اوزرینه جریان ایتدر یور . شو جریان جائز اولنجه استعاره ده ذاتا کان م یکن عد ایدیلان اصل . نظر اعتبارده انتمسزین فرع اوزرینه احکام اجر امی اولویته جز اولور . (مجاز مرکب) تشبیه تمثیل صورتیله معنای اصل یسنه تشبیه اولنان معناده مبالغه ایچون استعاره طریقله استعمال اولنان کلامدر .

مثال

« کونشك یوزی چامور له صوانماز »

کبی . شو سوز لسانم زده مستعمل امثالند در میدانده اولان برحق کتم
ایتم استیانه قارشی ایراد اولنور . « اوحلی کتم ایتم کولنت یوزنی
جامورله صوامق کبی در » دیمک اولور .

شومعی (مستارله) . مثل (مستعارمه) . یینارده کی مدغول که
ایکسنگده حل غلیمسی در : برهیئت عقلیه یی دیگر برهیئت عقلیه یی چون
استعاره صریقه استعمال در بوکا (تشابه تمثیل) را استعاره تمثیلیه (درخی دینور .
شو قسم استعمالجه استعاره صورتیه شایع اولدق دن صکره (مثل)
نامی الور . امثال دن هر برکلام نصل شایع اولور ایسه اولیه استعمال
اولنور . عند الاستعمال بر حرفنک بیله تغییری جائز اولمز .

دردنجی فصل

کنایه بیانده در

(کنایه) لغتده تصریحی ترک ایتمک دیر لر . اصطلاحده معنای
استعمال اراده سیده جاز اولمق اولورده معنای لاری مراد اولمان لفظه در .
یعنی کنایه دن حقیقت و مجاز معنایینت ایکسینیده مراد اولنور .
بونک مجاز دن فرقی بدیهی در . زیر اجمازده معنای حقیقت مراد اولمز .
کنایه و قعدهده قولانیان لفظه (مکنی به) : معنایه (مکنی نه) دینور .
کنایه اوچ قسمدر .

(۱) مکنی غنه ذات اولور . بونده استعمال اولمان کنایه دن
لفظ و نسبت مراد اولمز . یاسکر ذات مراد اولنور .
شو قسم ایکی نوعدر .

(برنجیمی) کنایه مفرده در . (کنایه مفرده) مکنی غنه اعماق
ایدن معنای واحدی حاوی اولور .

مثال

« حسد اولان مخلده خلوص اولماز » کبی بونده (حسد اولان محل) قلبدن کنایه اولموش قلوب بر ذاتدن و کنایه ک حاوی اولدی معنای واحد محل حسد اولمقدن عبارت در .
نابینک

بر خدنک جانکداز آهدر سرمایه سی
بزبومیدانک نیجه چاپکسوارین کورمشز
پیتده اولدی کی شو پیتده کی (میدان ذات دیندن و (چاپکسوار)
ذات طامدن عبارت اولوب بر مصراع ایکی کنایه یی و هر کنایه
بر معنای حاویدر .
(ارکنجیسی) کنایه مرکبه در . (کنایه مرکبه) بر مکانی غنه
تعلق ایدمک معانی متعدد یی حاوی اولان کنایه در .

مثال

اسادن کنایه دیری . طوغری بویلی . اینلی ظر ناقلی دینامسی کی
بر امیرک زور قندن کنایه اولمق اوزرد فضولینک
آغزی آچیق چیقمن اوازی ایاغی یوق یورر
جان ایله در سیری اما دیمک اولمز جانور
صاییلور پهلولرینک استخوانی ضعفدن
بویله ضعیفه آخر یوکلر چکر ایلر هنر
دیوه بکزر کزدرر باشده سلیمان تختی
یوقسه کاندن صقنور کوکسند قیمتلو کهر
نظمی و قیادندر .

(۲) مکنی عنه صفت اولور.

بوده ایکی نوعدر.

(برنجیسی) کنایه قریبهدر. (کنایه قریبه) ده ذهنک مکنی عنه

انتقالی بر واسطه توقف ایدر. بوده ایکی درلودر. بریمی کنایه قریبه واضح، دیکری کنایه قریبه خفیهدر.

(قریبه واضح) مکنی عنه ذهنک انتقالنده سرعت اولان کنایهدر.

مثال

«نم ستردم فلانه پک طار کاور» کبی. بوسوز مکنی عنه
متکلمدن زیاده ملحم اولدیغدن کنایه ایدوکنه بالبداهه ذهن انتقال
ایدر. عالینک

غایت هر کیمه یوز طوتسه عصیانی حجاب اولمز
کونش طوغدقده زیرا پرده ظلمت نقاب اولمز
یتیمدهکی (حجاب) بوقیلدندرکه (مانع) دن کنایه اولدیغنه ذهن بالبداهه
وبلاواسطه انتقال ایدر.

(قریبه خفیه) مکنی عنه ذهنک انتقالنده سرعت اولمین کنایهدر.

مثال

«قایین قمالی». «پک یوزلی» تعبیرلری کبی. برنجیسی ص. حنک
حققتدن. ایکنجیسی حیا سزلغندن کنایهدر. بویله کنایه در حال
ذهن انتقال ایتمز. براز ملاحظه ایله انتقال ایدر. نایینک

مصفا طینتانک طرف ابروسنده چین اولمز

مصفا سندهکی (طرف ابروسنده چین) تعبیریده بویلهدر. قش حیلوب

بر طریق بوکامولی کوزلتی (کر) دن کتایه اولوب مراد (حقیقی)
بالا اولامرده کیر اولمز « صوریدرکه شو کتایه بانداده سیمبوب
براز دوشندکدن صکره آ کلاشیلور.

(کنایه بعیده) ده ذهنک مکنی عنیه انتقالی واسطه یه توقف ایدر.

مثال

« فلانک خاهسنده قاشق خیاثره کی. قشغک چوق ام اووسی
چوق ایشلدلمسنه، چوق استعمالی، چوق مسافر کلمسنه، چوق مسافر
کیسی خانه صاحبک مسافر پرورلکنه واسطه اولوب کلام مذکور بو
واسطه لاله خانه صاحبک مکرم او مسین کتایه اولور.

(۳) مکنی عنیه نسبت اولورکه کتایه ایله صفت. موصوفه ایات.
یاخود اندن نفی اولنور.

مثال

« فلانک حقمده سویلیدیکی مناسبتمز سوزلری یوزینه اوردیغمده
قپ قرمزلی اولدی» « حقمده سویلیدیکی مناسبتمز سوزلری یوزینه
اوردیغمده یوزی بیله قزارمدی» کی. برنجی مثال « نفسنده خجالت
ثابت اولدی» دیمکدن کتایه درکه صفتی موصوفه تخصیص و ایبات در.
دیگری « انده خجالتدن اترکورلمدی» دیمکدن کتایه درکه حجیات
صفتی اندن نفی در.

والی آمدنک

قریبت کل بایله ده خارده ده قالمز

هنکام طرب مسته ده هشیارده ده قالمز

یتمده کی (کل) یرک ذاتندن (بابلی) عاشقک ذاتندن (خار) اغیاردن .
 (حسکام طرب) اقبالدن . (مست) غافلدن . (هشار) غافل اولمساندن
 (قریت کل) معشوقه نسبتدن کنایه دره . بیت مذکور کنایه نك انواع
 متعدده سنی حاوی در . نجاتینک .

هر ابراهیم عزت کعبه سنده خلیل الله یاخود ادهم اولمز
 یتمده کی (ابراهیم) هر انساندن . (خلیل الله) پیغمبردن . ادهم
 ولیدن کنایه اولوب مال بیت «مزیات انسانیهدن بی نصیب اولان
 شکلا انسان اولسه بیله انسان کامل اوله مز» دیمکدن کنایه در که نفی
 نسبت قیلنددر . فضولینک .

کر قرا طاشی قزل قان ایله رنکین ایتسه ک
 رنکی تغیر بولور لعل بدخشان اولمز
 بیتیده بویله در .

کنایه ده بر جهت کوستریلو بده دیگر جهتک قصد اولمسنه
 (تعریض) دینیلور .

مثال

برکسنه نی اینجیدن برکسنه نك یوزینه قارشى «خلق اینجیدن
 فلاح بولمز» سویلنمسی کبی .

مناسبتنمز سوز سویلیانه قارشى بیت آتینک ایرادیده تعریض دره .

لور ملاحظه دن خارج اولق اوزره جواب

سوزده ملاحظه اینکیزین دهیان آچن

لازم ایله مزوم یتمده کی واسطه لک کیرتی حاوی سوزده (تلویح)

دینیلور . یوقاروده ذکر اولنان « فلانك خانه سنده قانق طباقمر »
کلامی بوکا مثال اوله بیور .

ملزومده خفا اولوبده واسطه ده قلت بولندی حالد بویه
کلامه (رمز) دینیلور .

مثال

« فلان کیمسه نك باش یاصدیغی اینلیدر » کی . یاصدیغی اینلی
اولمقدن قنای اینلی اولسی ا کلاشیلوب او سوز بو واسطه ایله مکنی عنہک
حماقتدن کنایه اولور فقط یاصدق اینلی اولمقدن قفانك اینلی اولسنه
واندن قنا صاحبك حماقته انتقاله دهند سرعت اولمديغدن کلامده
ملزوم اولان حماقتی ادرا کده خفا واردر .

ملزومده خفا اولوبده واسطه لر دخی قات اوزره بولندی حالد
بویه سوزده (ایما) و (اشارت) اطلاق اولنور .

مثال

« مجد و شرف برشجره مشمره درکه فلان ذاتك خانه سنده بتوب
کوکاشمش » دینلمسی کی . او خانه ده شرف متمکن اولوب ایرلینده
احتمال اولمديغدن وقوناق صاحبنه او واسطه ایله مجدی نسبتدن کنایه دره
تعریض ، تلویح ، رمز ، ایما و اشارت هپ کنایه اقسامندن
معدوددر . اکثریت اقوال بو رأیده در .

افادات آیه تخیص و تعدیل طریقیه امثل السائر دن المنشدر .
ابن اثیر تعریضی کنایه دن تفریق ایله دیرکه .

تعریض حقیقت و مجاز طریقیه برشیته دلالت ایتیوب مفهومیجه

دلالت ایدر لفظ در صله توقیده و ازان بر کیسه طلب کوسر مکسزین
بر یسه « والله محتاجم . المده برشی یوق . چپلاقم . صغوق بکا اذیت
و بریمور . دیدار کی حالده یوسور و بوکا بکنز سسور ر طلبه متعلق
عریض در . حال بوکا یوبه کلام کرک حقیقه کرک نهار آطاب مقابله
موصوع اما ساین مسود اولوب طلبه دلانی الحق مفهوم اعتبار یهدر .
تعریض کنسایه دن اخفادر . زیرا کنسایه وضعاً حقیقه و التزاماً
نهار دلالت ایدر . تعریض دلالت نه حقیقت . نده مجاز وار .
کنسایه هم لفظ مفردده ، حمده مرکبده جریان ایدر . تعریض
با کر مرکبده جاریدر . زیرا تعریض لفظ مفردده مستقل اوله میوب
دلالتده لفظ مرکبده محتاج اولور .

بشنجی فصل

تهذیب و اصلاح اثر بیاننده در

(تهذیب) قلمه الفش اولان هر بر کلام منقحه نام اولان بر
وصف در . بوکا (تأدیب) دخی دینلور . نظم و نژدن هر بر اثر
و ارده من صکره عذر دفته عریض اولوب لازم کلان شماری تهذیب
و اصلاح ایدیلور .

برشی قلمه النور ایکن اولا معانی مطلوبه قوه متفکرده حسن
استحصار ایله ترتیب اولنور . بعده قلمه آلنور . صکره پیش هر
دفته قونیلوب اصول آتیه به تطبیق اولنور .

کلامده نقدر حشو و زائد شیلر وار ایسه نحو ایدیلور . الفاظ
باقیه برر برر میزان ذوقه وضع ایله ایچلرندن حروف و یا ترکیبجه
اغر کورینان الفاظ مفردده و مرکبه چقاریلوب یرلینه خفت حروف

وترکیبی حاوی کلمات قونیلور، غرائب وحشیه می و قیاسه مخالفی حس اولنان لفظار تنقیح و سهل الاستفاده و قیاسه موافق الفاظه تبدیل اولنور. مرکبات و فقرات اعتباریه معانی به تعاقب ایدن قوت و خفت، الفاظ ایله معانی و مصالحت و مادیات اهمیتیه - محررات و مکاتبات قسمنجه - مرسل و مرسل الیهک حال و شأنه تعاقب ایدن جهاتک درجتی بیننده کی رابطه و مناسبت میزان ذوق سلیم واسطه سیله تبدیل و تسویه قنلور.

کلامک منسوب اولدنی تکلمه، خطاب، غیاب موقعلرجه تناسب جهتلری تدقیق ایله یولنه قونیلور.

افاده مقصود ایچون استحضار ایدلمش اولان تعیرات ایچنده استفاده جه سهوات و صعوبتی موجب اولان شیر مرآت فهم ایله مقابله و میزان ذوق ایله موازنه ایدیلرک تعقید لفظی و معنوی بی موجب کورینان لفظ و جملهلر اخراج ایله معانی به دلالتی واضح الفاظ استحضار اولنور. کلامک تقدم و تاخرندن و مقارنت و ارتباطندن نشئت ایدن تعقید و ضعف تألیف دخی اصلاح ایدیلور. بعده تهذیب و تنقیحه ختام ویریلور.

قلمه النان مفصل و مختصر محررات و مقالات و کتب و رسالنجه تهذیب، اصول مذکوره به تابع در.

یازیلان شیرلی قلمه الانر او شیرلی بشقهلرینک اثر نردن عداایله بالذات نظر اعتراضه تقریب ایلدکلری حلاله اصلاحجه خیلی استفده ایده بیلورلر.

شایان اصلاح اولان اثرلرده احوال آتیه دن برویا برقیچ حل بولنور.

بوکمه نك موصی بوراسی دکل .
 شوکمه تقدیم و بوکمه تأخیر اولنملی ایدی .
 شوراسنده نقصان وار .
 بو زیاده در .
 بوکمه ، یاخود بوکلام و یا شو فقره لزومسزدر .
 شو وصف موصوفه موافق دکل .
 شولفظلر ، یاخود جملهلر بینلرنده مطابقت و یا مناسبت . یاخود
 ارتباط کورنمور .
 اذده بو طرزده اولسه ایدی استفاده جه ده زیاده سهولت اولور ایدی .
 شولفظده ، یاخود شو ترکیبده تنافر وار .
 بوراده تعقید ، یاخود ضعف تألیف وار .
 شو کلامده تهذیب و تنقیحه احتیاج کورینه یور .
 شو تحریرات کوزل قلمه النمش - قلمه النیشنه والفاظ ومعنائک
 انتظامنه دیجک یوق . فقط مرسل الیهان شان و یا حال . یاخود
 درجه ادراک و استفاده سیله متناسب دکل .
 شو افاده مناظرده خالی در .
 بوراسی اداب عمومییه مغایر در .
 شو جهتی اداب ملییه موافق دکل .
 شو سوز وقت و حال اقتضاسنه کوره دکل .
 وارد اوله جق اعتراضلرک باشلوجملری احوال منده کورده دن عبارتدر .
 قدیمای ادبای عربک بعضیلری قلمه الدقلری شیملرک تهذیب
 و تنقیحه انتهای عظیم کومقدردکن صکره اثرلری اعتقاد ایتدکلری

انتخاب معلوماته عریض باشد کندی از انکار یک باغ اوله میجی
اعراض موقعلری او کر نرک اصلاح ایدرلر ایدی.

اظم و نرک تهذیبده اصول مذکورده رعایت ادبیه و علی الخصوص
نوهوسلره واجبدر.

آثار علمیه و ادبیه جه دقت و اعتنا امور معتاددن عدایدیه چک
درجهیه و ارسه بالاخره ارتقی هر اثرک اوزون اوزون اصلاحی
تکلفنه حاجت قالمیوب حسن تنظیم و افاده جه ملکه حاصل اولور.

نوهوسلر یازدهجقاری اثرلره کندی عقللرینک ایدرکی قدر اصول
مذکورده دائر دسنده اعتنا کوسترد کدن صکره مهارت و اقتدار جه
تصدیق عمومییه مظهر اولمش ذواتدن بریسنده عرض و ارائه
و شایان اعتراض اولان بخقاری اصلاح ایدرکجه یالکیز کمدولر یک
بکنملر به اکتفا ایدوبده انتشار عمومییه وضع و نشر ایتما ایدرلر.
زیرا هر ادیبک اقتدار و معلومات ادبیه سی سن و حال و مشهودات
و مطالعاتنک درجایله متناسب اولمق امور طبیعیه دندر بر صاحب
اثرک یازدهجنی شی سن و حالنه نسبتله هر نقدر کوزل کورنسه بیله
معلومات و اقتداری ترقی ایتد کدن صکره اولیلر اریاننده یک چیرکین
کورینور. نشر ایتش اولدینی حالده - امکان بولسه - طوپلیوب محو
ایتمنی ارزواید.

تهذیب اصولنه رعایت من القدیم عادات مرعیه دندر. علمای
اسلامدن ییجهلری. قدمای حکمائک چوغنی اثرلرینی تصحیح ایتش
و حتی بر وقت قلمه الدقلری اثرلردن علوم و ککالات مستحصله لرینک
ترقیسندن صکره شایان نشر عد ایدمدکاری شیاری اصلاح ایدوب

معلومات اخیر دلرینه نسبتله شانلرینه متناسب وتهذیب وتصحیح ایله ده درجه مطلوبه یه ایصالنی ممکن کورمدکلری اثرلری احما ایتمشلر در . امام سیوطی رحمه الله کندی ترجمه حائی حاوی اولان اثرنده دیرکه « بروقت قلمه آلوب صکر دلری غسل واحما ایلدیکم آناردن بشقه اولق اوزره شمدی یه قدر تألیف ایتمش اولدیغم کتابلرک مقدازی اوچویزه بالغ اولمشدر [*].

شو افاده ، مشارالیه حضرتلری تألیف ایتمش اولدینی کتابلرک برطاقنی صکره شمره شایان وتصحیح دهه قابل کورمدیکلندن احما ایلدیکنی کوستره یور .

مؤلف مشهور نیوتن (خرونولوجیا) دیو معروف کتابنی اون بش وکبون (موار) نام کتسابنی طقوز دفعه تهذیب ایلدیکی بعض اثرلرده کوریه یور .

بعضاً برشی قلمه انور . یازلدینی وقت صاحبنه یک خوش کورینور . برکون صکره نظر دقته عرض ایتدکده ایخنده بیوک برمناسبتسزاک . یاخود محذوری جالب برخطای عظیم نظرینه ایشور . یازیلوبده جهات لازمه سندن غفات . یاخود برحالت بی قیدی یه تبعیله اصلاح ایدمکسزین نشر اولنن اثرلردن . یاخود مرسل الیهنه کوندربیلان محرراتدن بیوک بیوک محذورلر . مضرتار ظهور ایتمش . حق یک جزئی بر دقتسزاق یاخود التزامسزاقدن صاحب اثر چوق و قتلر قیضدن محروم اولمشدر .

[*] امام مشارالیه حضرتلرینک مؤخرآ ترتیب ایدلمش اولان فهرست مؤلفاته نظراً تألیفاتک مقدازی او در حدهه قلیوب درت یوز المی کتابه بالغ اولمشدر

قدمای ادب تهذیبك وقت اختیار بنه نصف الملی تخصیص ایشاردرد
 نصف الیله اصواته انقطاع و حرکاته سکونت کله چکنیدن فکرده
 جمعیت و خاطرده صفوت حاصل اولور. فکر ذهنی تخدیش ایدد چک
 حالاردن سالم و قرینجه صافی بولنور. سحر وقتی. رقت هوا و خفت
 غذا ایله برابر نفس اوینخوجده خطئی تمامیه استیفا ایش اولمقدن نامی
 تهذیب و اصلاح انارجہ یاری کیجه دن زیاده مناسب ایسه ده خالق
 اوینخودن قائمعلری. یوجیلرک بوله حاضر لعلری کبی کورانیلری.
 حیوانک سنانعلری. انوارک طایعه لریله خاندانک چکلمه که باسلامی
 سحر وقتند اولدیغندن اسباب مذکورمک هر یاری فکرده کی جمعیت
 طاغیته ذهنی قارشدرمغه اعلق ایدد چک برر عارضه در. کیجه یاریسی
 ایسه اورطهلق ساکن و انسان و حیوانات هپ ساکت بولمقله برابر
 اوینخونک و غدانک بر درجه یه قدر نقاییده زائل اولمش اولدیغندن
 ذهنده کشایش و صدرده انشراح بولنور. تألیفجه قلب منبسط اولور.
 احتجاب قلمک اشتغالات فکریه سی ذهنی یوره جق درجه یه کلدکده
 قلمی این بر اقوب نفس ایشعلری و فرع القلب اولمقدن اله قلم
 امامعلری امور لازمه و معتماها دندر.

قلبد فراغ و ارزو اولسزین تألیف و تنظیم اثرایله اشتغال معده
 تملی و انتبا زائل اولدقدن صکره طعام یمکه و عصمدن اثر یوغیکن
 صو ایچمکه بکزر.

فرزدق دیشدرکه « بعضاً اولیه روقته مصادف اولورم که او وقت
 بریت سویامک بنم ایچون بردیش چکدرمکدن دها مشکل اولور.
 بعض ادبا دیرکه نظمیده شروعدن مقدم معنایی و ابیاتدن مقدم

قافیه‌لری تحصیل ایتک سکا لازم در .

خطری بر وزن . بر روی اوزره اکراه ایتاملی . کلامده
الفاظ جزیه انتخاب ایتلی . کلمات رذیله انتخاب ایتاملی . کلام سهل
اختیار ایتاملی کلام صعب اختیار ایتاملی . طاتی سوز بوملی : مستکبره
سوز بوماملی . مستحسن تدارکنه باقلی ، مستهجن سوزده رعبت
کوسترماملی . یورغناق کلدیکی انده نظم و نثر ایله اشتغالی بر اقلی :
زیرا یورغناقلده ~~صکثره~~ قات ، نفسه وارداتجه خست کلور .
خواطرک هر بریسی بوصو منعی کی در . رفق ایله وارداتی چوغایر .
خضره سوغ ایدن هر کوزل معنای یازملی . هر فئده‌یی قید ایتلی .
قیدجه مسامحه اختیار ایدیلور ایسه او معنای وفائده صکره دوشمنکله
بولنه مز . زیرا افکارک کوستردجکی سانه‌لر رفق پارلامسی وانظرک
بیقرار اولان برشیئی کورمسی کی در .

تهذیب بر دفعه ایله اکتفا ایدلیوب امعان نظر دقتله تکرار
واعاده ایدملی در .

— در برقی قیاسیه و تحقیقیه —

اوچنجی باب

علم بدیع بیاننده در

(علم بدیع) مقتضای حاله مطابق اولان کلامده‌کی وجود
تحسینی بیلدر .

وجود مذکورده صنایع بدیعه دینلور .

(صنایع بدیعه) ایکی قسم در . برایی معنوی . دیگر لفظی در .

برنجی فصل

صنایع معنویه بیانده در

(۱) صنعت طباق .

بوکا (مطابقت) . (ضاد) . (سابق) . (نکافو) دخی اصلاق ایدلر .

شو بدیعه بینلرنده تضاد صورتیه ویا صور سائرمدن بریه تقابل

اولان ایکی معنای جمع ایتمکدر .

تبسمکله بی کولدر اولدر اغیاری

بو(از) عماده سکا (چوق) ثواب اولور بیدا

بری زاده ناساحب

بن شاعرم اوقامت موزونی (طوغریسی)

سوئم دیسه مده بلکه (یلان) سویلرم سکا

ندیم

بینلرنده اولدیفی کی .

مجرای تقابل اولان ایکی لفظک یا ایکسیده اسم : یا ایکسیده

فعل ، یا ایکسیده حرف ویا بریسی اسم . دیگرکی حرف اولور .

ایکسیده اسمه مثال

قصه ستم ایدرسک ایدوب غیره التفات

هیب صورت (جفا) ده ایدرسک (وفا) بکا

فصیح

ایکسیده فعله مثال

محرم اولمش سورینه قهیه جهانک ماتمی

دخترین تزویج ایدن مادرهم (اغلار) هم (کولر)

عینی

ایکیسیده حرفه مثال

(بی) نقاب و (با) نقاب عرض جمال ایلردی یار

که هلالی بدروکه بدری هلال ایلردی یار

بررسی اسم دیگری حرفه مثال

(ی) وجودم چون نگاه اما (یرم) واردیده

سایه بخت سیاه التمه بولدم رفعتی

جودت پاشا

طباق ایکی نوع در . بررسی طباق ایجاب، دیگری طباق

سلب.

طباق ایجاب.

یوقاروده کی مثاللرده اولدینی کی در.

طباق سلب.

بررسی مثبت، دیگری منفی. یاخود بررسی امر، دیگری نهی.

اولوق اوزره بر مصدره تابع ایکی فعلک ییتی جمع اتمکدر .

مثبت و منفییه مثال

(اچلدی) غنچه ولکن (اچلدی) کوکلم

امرایله نهیه مثال

تک رقیبه ویرمه یوزعینده قربان ایت بی

ای شه ملک وفاقن (ایله) قانون (ایلمه)

تدبیج.

بعضیارینک (تدبیج) تسمیه ایتدکاری صنعت دخی طباق

انواعندن معنوددر.

(تدیج) لغتده تزیین معناسه در. اهل بدیع اصطلاحنده.
مدح، یاخود مدحک غیرى بر معنایان کنایه و یا توریه قصه ایله
یئلرنده تضاد، یاخود شبه تضاد اولان ایکی معنای جمع ایتکدر.

برنجیسنه مثال

«نور ایله ظلمتک برکلامده ذکر ایله نوردن علم وظلمتدن
جهل» مراد اولنمی کی. بوکا (تدیج بالکنایه) اطلاق اولنور.

ایکنجیسنه مثال

کلرخلرینک آلی بنی عشقه دوشوردی
خال سیاهی ایلدی سودایه کرفتار
ییتی در. شو ییتده کی (آل) ایله (سودا) ییتده شبه تضاد اولوب
(آل) قرمزى وحیله معنارینى (سودا) سیاهلى و نجات جنون
معنارینى حاوی اولدینى خالده بوراده توریه طریقینه هر بریسندن
مراد ایکنجی معنادر. بوکاده (تدیج بالتوریه) تسمیه اولنور.

طابق سبب

شو بدیعده طابقدن معدوددر.

برایى دیگرینه مقابل کورنمه بیله علاقه مجازیله ایله مقابل
کورینان ایکی مضانک ییتی جمع ایتکدر.

مثال

اولدرمش ایدی درد فراقی بنی یارک
لطف ایلدی وصلی ایله قلدی ینه احیا
ییتی در. بوندن مراد (اولدرمش ایدی)، (قلدی ینه احیا) تعبیر.

لرینک معنای حقیقیلری اولمیوب متضمن اولدقلری (موت) و (حیات)
لفظلرینک معنای مجازیلریدرکه «پک متاثرایکن تاثر مزائل اولدی» دیمکدر.
(۲) مراعات نظایر صنعتی .

بوکا (تناسب) دخی درلر .

برشیئی — کندوسنه تضاد صورتیه مقابل اولمال — سائر برشی
مناسب یاخود اشیای مناسبه ایله جمع ایتمکدر .
شکوفه قالمدی کاشنده یوق چندن اثر

خزان ایرشدی بهسارک یرنده یلدر اسر
بیتندگی (شکوفه) ، (کلشن) ، (چمن) ، (خزان) ، (بهار) کبی .
تشابه الاطراف

شوبدیعه دخی مراعات نظیردن معدوددر . معناجه کلامه بدایتیه
موافق اولان لفظ ایله نهایت ویرمکدر . ثابته
زلفی کبی النده سیه دسمالنه
هپ تاروپودی رشته سودان اورمه در

یاتی کبی

شوبیتدگی (دسمال) ، (تاروپود) ، (رشته) اشیای متناسبه در .
فقط بدایت بیتده واقع زلف ایله نهایت بیتدگی (اورمه) لفظی
ظاهرده متناسب اولدیغندن (رشته سودان اورمه در) صورتیه ترکیب
ایتدکدن صکره زلف ایله کسب تناسب ایدر .
ایهام تناسب .

شوبدیعه مراعات نظیره ملحق در .

ینلرنده تناسب اولمیان فقط معنای مقصودجه مناسبی حاوی

اولان ایکی شیتک یینی جمع ایتمکدر .

هر کس نوال سفره خواسته شده مستفید

خوان عطیه دن بکا مافش نوال عید

یتنده اولدینی کی .

شو یتده (نوال) ، (سفره) ، (خوان) ، (عطیه) ، (نوال عید)

لفظلارینک هر ریسی دیگر ی ایله متناسب در . فقط (مافش) لفظلک ایکی

معناسی واردر که اولان " لسان عرییده " (انده برشی یوقدر) مأنی مشعر

اولان (مافیه شی) تعبیروندن مخفف و " یوقدر " معناسنده مستعمل در .

نائیا طعام معلومک اسمی در . بوراده مذکور اشیای متناسبه حکمنجه

طعام معناسی نوعم اولنور ایسده بیتک سیاق وسباق تأمل اولندقد

دیگر معنایه حملی مناسب اوله جفی اکلایشیلور .

(۳) صنعت ارساد

بوکا (تسهیم) دخی دینلور .

(ارساد) لغتده برشیئه کوزجی نصب ایتمکدر .

اهل بدیع اصطلاحنده بیتک . یاخود فقره نك ابتداسنده

بر تعبییر ککسیرمکدر که حرف روی [و] معلوم اولدینی حالده

اولتعبیر اویبتک یاخود اوفقره نك اخرینه دلالت ایده . مثلاً فضولینک

طوتشدی غم اودینه شاد کوردیکک کوکم

مقید اولدی اول آزاد کوردیکک کوکم

مطلعی حاوی اولان غزلنک قافیہ سی و حروف رویی معلوم

اولدقد شو غزلنک ایکنجی یقی اولان

[] (حرف روی) بیتک قافیہ سنده . یاخود فقره نك سبجمنده تکرر

ایدن حرف در .

دیار هجرده سیل ستمدن اولدی خرب

فضای عشقده آباد کوردیکک کوکم

یتنک مصراع اولی اوقونسیله برابر شوییتی کلیاً ایشتماش اولان
برذوق سلیم صاحبی برنجی یتدن اوکرندیکی حرف روینک و (سیل
ستمند اولدی خراب) تعیرینک دلالت واضحه سیله مصراع ثانینک
حرف رویی شامل اولان کلمه سی (آباد) لفظی اولدیغنی درحال فهم ایدر.
(۴) صنعت مشاکله .

برسوزده مناسبت و تعلقی اولمیان بر لفظی بشقه بر شیئت حجتده
واقع اولمقدن ناشی او سوزده نسبت واضافه ایله ذکر ایتکدر .
بو صورت یا تحقیق، یا تقدیری اولور .

تحقیقیه مثال فضولینک

کمال حسن اخلاقک بیان ایلر آچلدیقه

سمن مجموعه سی . سمنین کتابی غنچه طوماری
یتی در . تخیلات شاعرانه حکمنجه مخاطب شاعرله قونشورکن
کویا « بنم اخلاقی بیان ایده جک بر کتاب وارمیدر » دیمشده آنک
اوزرینه شاعر شو یتی سویلمش اولسی فرض اولور .
سمنه مجموعه . سمنینه کتاب . غنچه طومار لفظلرینک
(تسبیه دن صرف نظرله) مناسبت حقیقیه لری یونگیکن تحبته توفیق ایچون
او صورتله اضافه لری التزام اولنمشدر .

تقدیرییه مثال

بر چپلاق فقیره « جانک یمک ایستور » دینلمسنه « بر انتاری

یَمَلُکِ اِستِیور» جوانی ویرسه تحقیقی وحسب الخطاب قرینه حکمنجه
 «یَمَلُکِ اِستِیور» تعبیری ترک ایله «برانتاری» دیمکه اکتفا ایتسه
 تقدیری اولور .

(۵) صنعت مزاجه .

شرط و جزاده — هر برسی اوزرینه ترتب ایتدیرلان معنی
 دیگر اوزرینه ترتب ایتدیرلان شرطیه — ایکی معنی بینده
 مزاجه ایقاع اولمسیدر . نایینک

بن پر اولسه اول تهی در . اول پر اولسه بن تهی

ساعر می در بو بزم غمده هم مشرب بکا

بینده اولدیی کی . برنجی شرط (بن پر اولسه) . ایکنجی شرط
 (اول پر اولسه) . برنجی شرطک جزاسی (اول تهی در) . ایکنجی
 شرطک جزاسی (بن تهی) تعبیرلری اولغله ایکی معنی بینده بوصورتله
 ازدواج ایقاع ایدلمشدر .
 (۶) صنعت عکس ،

شو بدیعه ، کلامده برجزئی دیگر جزء اوزرینه تقدیمدن صکره
 تأخیر ایدلمش اولان جزئی تقدیم و دیگرینی تأخیر ایتمکدر .
 صنعت مذکورده وجوده عیدده جریان ایدر .

(اولا) برجهلنک احد طرفیندن برسیله بوکا مضاف اولان
 بر شی بیننده واقع اولور .

(ثانیا) ایکی جملهده اولان ایکی فعلات متعذرلی بینده اولور .
 که بلندی بست ایدر ، کاهی ایدرستی بلند

مقتضای گردش دولاب عالم بویله در

بیتنده اولدینی کبی .

(ثالثاً) ایکی جمله نك ایکی طرفنده کی ایکی لفظ بیتنده واقع اولور .

ثمارك تحمندنر نشتی تخمك ثمرنددر

مصراعنده اولدینی کبی .

(۷) صنعت رجوع .

(رجوع) برسوز سویلندکن صکره نکته اوزرینه اوسوزك نقضيله

نقضنه رجوع ایتمکدر . معرفتنامه صاحبی ابراهیم حق مرحومك

شویاتی کبی .

کندمی بر حساب صایمز ایکن عارف اولدمکی هپ حساب ایشم

بعضاً او سوزك نقضيله بشقه سوز ایراد اولنور .

رخساری جانانك اینه یه بکیزدم واده واده خطا ایدم ای نه یه بکیزدم

بیتنده اولدینی کبی .

(۸) صنعت توریه .

شو بدیعہ ، یریمی قریب . دیکری بعید ایکی معنای حاوی بر

لفظ ایراد ایله معنای قریبک مراد اولنمیسیدر .

معنای قریب ، استعمالی کثیر ، معنای بعید ، استعمالی بعید

اولان معنادر . شومعالر کرک حقیقی اولسون ، کرک مجازی : ایکی

صورتجده مجرای توریه اوله بیلور .

توریه ایکی درلودر . برنجیمی مجرده . دیکری مرشحه .

(توریه مجرده) یی حاوی کلامده معنای قریبه ملایم برشی

ذکر اولنمز . نورس قدیمک

میزانه اور کور شدیک اکخوانی الحذر
 رهبر تصور ایلدیک رهزن اولسون
 بیتده اولدینی کی .

(میزانه اور) تعیرینک معنای قریب و حقیقیسی «ترازویه چک»
 دیمکدر . کلامده شو معنایه ملایم اوله جق درهم ، اوقه ، نقصان ،
 تمام کی رافط ذکر اولنمیشدر . معنای بعید مجازیسی «تخریه ایت»
 دیمک اولغله بو مقامده مقصود بودر .

(توریه مرشحه) فی حاوی کلامده معنای قریبه ملایم برخی ذکر اولنور .

حاذقک

ویردم کوکل اوکل رخک الینه الدانوب

ایتمزدی کیمسه ایلدیکم رنکی بن بکا
 بیتده اولدینی کی . بونده آل لفظنک ایکی معنایی وار . معنای
 قریبی (قرمزی رنگ) وشو معنایک ملایمی کلامده مذکور (کارخ)
 در . مقصود معنای بعیدی اولان «حیله» در .

(رنک) لفظنک دخی بر معنای قریبی واردر که «لون» و برده
 معنای بعیدی واردر که «حیله» در . (کارخ) و (ال) لفظلری
 (ال) و (رنک) لفظلرینک ایکسینده ده توریه مرشحده وار .
 (۹) لف و نشر صنعی .

متعدد شیلری ذکر ایتدکن صکره بونلردن هر بریسته تعلق
 ایدن برشیستی سامعت ماهولنه رد ایده جکنه اعتماداً تعین ایتمکسزین
 ذکر ایتمکدر .

بوده ایکی درلودر .

برنجیستنده اشیای متعددەنك اوصورتله ذكری ترتیب اوزره

جریان ایدر . ناینك

باغه كل قدورخ و خالك كوروب اولسون خجیل

سرو كادن ، كل قرنفلدن ، قرنفل لاله دن

ییتنده اولدینی کی : بوکا (لف نشر مرتب) دینلور .

ایکینجیستنده ترتیبه رعایت اولمز . فضولینك

عكس رویك صویه صالمش سایه زلفك طیراغه

عنبرایتمش طیراغك اسمن ، صویك ادین كلاب

ییتنده اولدینی کی . بوکاده (لف نشر غیر مرتب) دینلور .

(۱۰) جمع صنعتی .

شو بدیعە متعدد شیارك ییتی بر حکمده جمع ایتمکدر .

خلوصی ددهنك

يك سرشتز بز حواس خمسە دن ایرلینز

برقدج ، برپاده ، برمیخانه ، بربن ، برحباب

ییتنده اولدینی کی .

(۱۱) تفریق صنعتی .

مدح و یا ذم کی امورجه ایکی شی ییتنده تباین وقوعه کتیرلسی

در که متکلم . یخود شاعر غرضنك زیاده لیکنی کوسسترمك اوزره

امور مذکورده دن ایکی شی ییتنده اقتضایه کوره فرقی کوسستر .

رخکله مهر عالمتابه کیمدر سویلیان بردر

او اجسامه سنك رخسارك ارواحه مؤثردر

ییتنده اولدینی کی .

(۱۲) تقسیم صنعتی .

متعدد ذات و یا شیارك ذكرندن صكره هر بریسنه تعلقی ایدن
بر اشیئی تخصیص و تعیین سورتیه نسبت ایتمکدر . فصولینك قانونی
سلطان سلیمان حضر تلرینی مدحده

حق ایکی عادل سلیمان حاکم ایتمش عالمه
اول و آخر قلوب سر عدالت اشکار
اول سلیمانك شکوهی دیوه صالمش رستخیز
بوسلیمان صولتی کفاری ایتمش تارمار
بیملرنده اولدینی کی .

بونك لف و نثرله فرقی شودرکه لف و نثرده اشیای متعدده
تعلق ایدن شیارك ماهوهارینه ردی سامعه حواله اولور . بونده
هر بریسنك متعلق یا صراحه . یا خود صفت کاشندینی توضیحاً ارایه
و تعیین ایدیلور .

(۱۳) جمع مع التفریق صنعتی .

ایکی شی بر معنایه ادخال اولندقدن صكره هر بریسی بر جهته
تفریق اولتمکدر . نایینك

بنای انتظام دین و دنیا یه ایدوب الت

زبانہ نطق و یرمش، گوشه و یرمش قوت اصفا
بیتمده اولدینی کی . زبان . گوش انتظام دنیاك بناسنه مجتمعا آت
اولدینی کوسترلکدن صكره هر بریسی بر تخصیصیه تفریق اولتمکدر .
(۱۴) جمع مع التقسیم صنعتی .

متعدد شیلری بر حکم دائره سنده جمع ایتلکدن صكره هر بریسی

و حکمت تقسیم اینکدر . باقینک

یابلدی بحث لعل و خط و خاک باغ و ضوانا
صوین کوثر، نباتک یشکر، خاکن عیبرایتدی
یتنده اولدیغی کی .

(۱۵) تجرید صنعتی .

شوصمت ارباب غریبانه وجود عابدیه مستعمل اولور
نسانزده وجود مذکورنک هینسی مستعمل دکلدر .
وجود مستعمله ربی منکام، اثر وحدانی به باددوی مقوارن
وکیل برشیدل قبل حساب برسان نزع و تحیل ایدرک انی مختاص
اتخاذ ایتسی در . جودت یاشانک

ای شانه قیل و قذایله تل قرمه دن واروب
ترج ایله یازده حال پریشانی مویمو
و کذک مشارالیهک

یاد آغزین آره ای باد صبا دیرمی عجب
روده استانبوله جودت کهور ان شا الله

و مایه

به تسخیر ایتدی کزاردی نه اوردی آتسه خازی
ینه خورمت اوقورسک دوز و شب اوراندک ای بلبل
یتنده اولدیغی کی .

دیگر وجه . متکلم نفسی بر شخص اخر مقامه اقامه ایله اکا
خطابا سوز - ویله - ی در . فضولی

ای فاضل منی تاوون اعمله الدم انتقام
 دونه دونه کرچه بیداد ایدی چرخ دون بکا
 بعضاً منکم نفسی انسانک غیری برشی فرض ایدرنه اکا خطاباً
 سوز سوزلر . ندیمک

ای ندیم ای بابل شیدا چیون خمونسک
 سندن اول جوق نوار کفتکوار وار ایدی
 پیسنده اولدینی کی .

تجربیدک اتفاقه عائد اولان بعض جهتی (عم معانی) باینده ذکر
 اولمشدر .

(۱۶) مبالغه مقبوله صنعتی.

(مبالغه مقبوله) بر موصوف حقیقه ایراد اولمه جق وصفات ادعا
 طریقیه حد استبعاد و امتناع وارد رسی در.

شو صنعت تبلیغ . اغراق . غلو قسملرخی حاوی در .
 (تبلیغ) هم عقلاً . حمده عادتاً ممکن اولان وصفدر .
 نفینک

بر آوج کوهر صاچردی عالمه کویا کفت
 صالیدیغجه دشمنه کاهی مرصع شیری
 صفای خاودانیدر نشط لطفی احابه
 بلای ناکسانیدر خیل تیغی اعدایه .

یغری کی

(غلو) عقلاً و عادتاً متع اولان وصفدر .

نفعینک

ماہیتی کر اولسہ جداتہ مربی
تصویر حجر کسب کمال بشر ایلم

ہتی کی.

غلودہ تخیل اونسان وصف پارلاق وکوزل اولور ایسہ (غلو
مستحسن) اولور.

کذلک نفعینک

ویرسہ طبع آتشیہ کر برق تیغی تربیت
معدن الماس ایدردی تودہ خاکستری.

ہتی کی.

ہزل وخفت مقامندہ کتیریلور ایسہ (غلو مجاز) اولور.

ینہ نفعینک بر آت وصفندہ

براق آسا زمیندن کر عزیمت ایتسہ افلاکہ

ایدر سرعتدہ سبقت تیر آہ عرش پیمایہ

یدیسنده کذر ایلردی نمناک اولمہ دن پای

اکر یولی تصادف ایتسہ کاهی ہفت دریایہ

یتلارندہ اولدینی کی.

لکن غلودہ تشبیہ صورتی التزام اولمدینی تقدیردہ عادہ و عقلا

غیر ممکن اولان اوصافک ایراندہ اضافت کورسہ بیلہ تصویر خیال

کی شاعر و متکلمین اقتدارینی اراندن بشقہ فائدہ حس اولنہ مزہ.

دیرا بر موصوفی اتصافہ لایق اولمدینی بر وصف ایلہ توصیف ایچون

اعصاب ذہن اولنسی عیالہ اشتغالدر دیمکدہ تردد ایدہ میز. ہوا کلا

برابر فضولینک بر امیر و صفندہ کی

تصور ایلمک اولماز سکا مانند بر کامل

ہماناسندہ ختم اولمش کمال قدرت باری

بقی کی سوز مراحم دینیہ و آداب مایہ دائرہ سندن دخی جہان ایسہ

مردودتی فوق احد عد اولنہ جق بر درجہ یہ وارمش اولور .

(۱۷) مذهب کلامی صنعتی .

شو صنعت متکلمین طریق اوزردہ کلامدہ مطلوب ایچون حجت

کترملکدر .

حد یحد دمبدم اول مبدع اشیایہ کیم

خالقت امکان وجود ذاتی ایجاب ایدر کبی .

(۱۸) حسن تعلیل صنعتی .

بر وصف ایچون غیر حقیقی بر اعتبار لطیف ایله او وصفہ

مناسب بر علت ادعا اولنمقدر .

صنعت مذکورددہ وجود آتیہ جریان ایدر .

(اولا) ایراد اولنہ جق وصف بر صفت ثابته اولوردہ کلامدہ

او صفتہ عائد اولہ جق علتک بیانی قصد اولنور .

(نانیا) وصغر بر صفت غیر ثابته اولوردہ اثباتی مراد ایدیلور .

برنجی نوع ایکی صورتدن خالی اولہ مز .

صورت اولاجہ کلامدہ ذکر اولنان صفتہ تعلق ایلمجات بر علت

مذکور اولسہ بیاد وصف بر علت غدیہ یہ معول کورینور . فضولینک

دانه طہراق ایچرہ شدت چکدیکچون نیجہ کون

باش چکسوب خرمننور آرایش بستان اولور

یتیمده اولدیغی کی . (دانه) نك خرمنانوب ارایش بوستان
اوشنه (طپراق ایچنده نیجه کونلر شدت چکمی) علت کوسترملش
ایسه ده ذره کی بر اوافق تخمك طپراقدن باش کوستروب مناره
کی بیومکه طپراق التنده نصرتله کسب استعداد و قابلیت ایسی
احکام خفیه دن معدود اوشغله یتیمده کوستریلان عات پک عادیدر .
صورت ثانیه جه وصف ایچون کلامده مذکور اولان علت پک
عادی اولوب علت حقیقه ایسه خفی اولماق اوزره بداهه معلوم
اولمقدور . جودت پاشانک

طیئماز تاب رخساریکه نور دیده ای مهر و

انکچون چشمسز محتاج جام دورین اولمش

یتیمده اولدیغی کی . کوزک دورینه احتیاجی وصفنه تاب رخساره
طیئمازی عات کوسترملش ایسه ده بو علت فکر شاعرانه جه تصرفدن
نشأت ایش بر عات عادیدر . زیرا بدیهی درکه کوزک جام دورینه
(کوزلیک) احتیاجی وصف عارضیسنک علت حقیقه سی باصره جه
رؤیتیه تعلق ایدن عارضه ضروریدر . بو صورت شاعرجه معلوم
اولدیغی حلد مضمونجه او صورتله تصرف کوسترملی صورت
متخیله ده حسن تعلیلدر .

ایکنجی نوع - ذکر اولندیغی اوزره اثباتی مراد اولان صفت
در - یا ممکن ، یاخود غیر ممکن اولور .

ممکنه مثال

باشمه سودا کتیرمشدی سیه کا کالرك

شربت لعلک خلاص ایتدی او سودادن بی

یہی درہ شویستہ کی (سودا) برصفت غیر ثابتہ درکہ کا کارک
مراقبتن نشئت ایتش و سربت لعلک علاجیہ زائل اولستدر.
بوصورت ممکنہ اندر.

غیر ممکنہ مثال

دکل خطک جمالک تاکہ اغیار ایتسون رؤیت
حریر آھدن رخساریکہ نسج نقاب ایتدم
یہی درہ شویستہ کی (جمال) برصفت غیر ثابتہ درکہ خط
ظہور ایلہ زائل اولوب رخسارہ حریر آھدن نسج نقاب اولتشی
ممکنہ ندن غیر معدود ایکن خطاہ بوصفتک وجہ خیال اوزرہ
اثباتی قصد اولنشددر.

(۱۹) تقریع صنعتی.

برشیٹک ایکی متعلقندن بریسی ایچون حکم ویرلہ کدن صکرہ
دبکر متعلق ایچون او حکم بشقہ برفرع کوسترہ جک صورتہ
کلا مجہ تصرف اجرایی در.
فضولینک

اہل کمالہ جاہل اگر قدر قلمسہ

معدوردر ملامتن ایتک روادکل

جاہل طبیعتندن مذاق کمال یوق

ھر نفسہ اقتدای طبیعت خطادکل

الفت ہمیشہ فرعی اولور اشنالغک

جاہل فضیلت اہلی ایلہ اشنادکل

نظمندہ اولدینی کی. بوندن جاہلک اہل کمالی تقدیر ایتامسی

معذرتندن ناشی اولدیغنه حکم ویریش و صکرده بو حکمدن جاهلک
فضیلت اهلی ایله بالطبع اشنا اوله میه جغی حکمی تفریع ایدلشدرد.
(۲۰) تاکید المدح بمایشبه الذم صنعتی.

لسان مدحه النان کیمسه حقنده بر صورتله مدح ایراد اولندقدن
صوکره برده ذمه بکزه میه جک صوتله دیگر بر مدح ایراد اولنمقدرد.

مثال

«فلان خاندانه عیب عد اولنه جق هیچ بر حال نسبت اولنه من .
یا لکتر شو حاللری واردرکه مسافرلری وطن واحبانک نسیانیله
لوم اولنور» کلامنده اولدینی کی . شومدح ذمه بکزر ایسه ده
مسافرلره وطن واحبانی اونوتدره جق دره جده اگرام ایتدکاری
مشعر اولغله مدح دیگر در .

(۲۱) تأکید الذم بمایشبه المدح صنعتی.

لسان ذمه النان بر شخص حقنده برسوز ایراد اولندقدن صکره
برده مدحه بکزه میه جک صورتده دیگر بر ذم ایراد اولنمقدرد.

حقای زمانه دن بریمی

دزد معنادن ایلیوب شکوی

دیدي نظمده کی خیالاتی

چالیدیار هپ برر بر شعرا

فی الحقیقه سوزنده کرچک ایش

کوردم اشعاری جمله بی معنا

نظامنده اولدینی کی.

(۲۲) استتباع صنعتی.

بر شایسته بر صورتی که مدح اتمکدر که بشقه بر مدحی دخی متضمن اوله .

مثال

«فلان ذات اداره امور چه يك موفق اولوب هیچ بروقت اصلاحات
انچون شده احتیاجی اولماز ، کبی که مکارم اخلاقی موفقیتی نامی
ایدر دیمکدر . برنجی فقره موفقیتی کوستروب فقره نانیسه مکارم
اخلاقه تعلق ایدن دیگر مدحی شامل و برنجی مدحی مستبعد در .
(۲۳) صنعت ادماج .

شو صنعت . مدح و یا ذمی حاوی کلامک بر وجهله سو قیدر که
او کلامک شامل اولدیغی معنی بشقه بر معنایده متضمن اوله .

مثال

«فلان کیسه بر ظالم در که ایق با صدیقی رنده صلاح و تقوا دخی قلماز
کبی که هم ظالم . همده مروج فساد و سوء اخلاق اولدیغی کوسترر .
ادماج ایله استنباع بیننده فرق شودر که استنباع مدحه مخصوص
اولوب ادماج هم مدح ، همده ذمده جریان ایدر .
(۲۴) صنعت توجیه .

بوکا (ایهام) و (محتمل انضادین) دخی دینیلور .
صنعت مذکورده بر سوزی بر وجهله ایراد اتمکدر که هم
مدحه ، همده ذمه احتمالی حاوی اوله .

مثال

بر ایش کور و بده کوردیکی ایش ایومی اولدی فانی ؟ اشتباه
کوسترن بر شیخه خطاباً « برایش کوردک که بوندن زیاده بر شی

اوله‌ماز « دینامسی کبی . بوسوزده » بوندن زیاده ایو . یاخود بوندن
زیاده فنا برشی اوله‌ماز « صورتلرینک ایکسینه‌ده احتمال بولنور .
موقع شمولنده ابهام کورینان کلام دخی بوسنعتدن معدوددر
قدرینه لایق اولان جامه‌پی کیدردی اکا

مصراعنده اولدینی کبی . شو مصراعده‌کی (لایق) لفظنک متضمن
اولدینی لیاقت ، اوجامه‌پی کیدرنه‌می ، یوقسه کیه‌نه‌می متعلقدر ؟
مبهم اولغله ایکی صورته‌ده محتمل کورینور .

(۲۵) صنعت هزل.

برسوزی لطیفه و اغوصورتیله ایراد مآلیدن جدیت مراد ایتمکدر.

مثال

بر دیلم نان کتیمور سنسز بوغازمدن بنم
کل بری کل یانمه نازلی فینوم اوش اوش مدد
نابی — هوائیه‌سندن

(۲۶) تجاهل العارف صنعتی .

متکلمک بیلدیکی برشییی بیلمز طرزنده ایراد ایتمیدر .
حامد آمدینک

بزمه کلدک کوز یوموب اچنجه مهمان اولدک
بیلیم ای اهوی وحشی کوردیکم رؤیامیدر

یاتی کبی .

(۲۷) قول بالموجب صنعتی .

متکلم . مخاطبات سوزینی نفی ایله برابر اوکلامک اینجاب ایلدیکی
شیئی اعتراف دخی ایتمیدر .

مثال

« شو آدمه بردیاقی اوردك » سؤالنه جواباً « خیر بر دیاق
اورمادم ، اون دیاق اوردم » دینلمسی کبی .

ایکینجی فصل

• صنایع لفظیه بیاننده در

(۱) صنعت جناس .

شو بدیهه ایکی لفظك و جوده مختلفه ایله حروف و هیئتجه
یکدیگرینه مشابتهتی در .

صنعت مذکوره بر یسی تام ، دیگرى ناقص قسملرینه منقسم
اولوب هر قسم دخی انواع مختلفه یی حاویدر .
(جناس تام)

ایکی لفظك انواع واعداد حروف و هیئات ترتیججه بینلرنده
تشابهك وجودیدر .

مماثل — تشابهك ایکی اسم بیننده جریانیدر .

ایتمه استبعاد خوش کلسه فغانم اول (کله)

بلبل اغلار کیم آنی کوش ایلینجه کل (کله)

بیتمنده اولدینی کبی .

مستوفی — ایکی یی برنوعدن اولوبده بریدی اسم . دیگر فعل اولاندیر .

باغده می اینجیلوب ناله لاریلر (نیار) سسی چقمقاز عجبابابل او یور می (نیار)

بیتمنده اولدینی کبی .

متشابه — ایکی لفظك بریدی مفرد ، دیگرى مرکب اولاندیر .

اول مه جفائی صائمہ کہ (دوراندن) اوکرنور

بی مهر و بی وفائی (دور — آندن) اوکرنور

یتنبدہ اولدینی کی .

صالہلی عارضنہ (مو — سایہ) لن ترانی دیر ایدی (موسایہ)

یتنبدہ بویلہ در .

مفروق — بریسی مفرد . دیگر کی مرکب اولوبدہ خطاً متفق اولیاندر .

رخسارینی جانانک (اینہیہ) بکیزدم

واد واد نہ خطا ایتدم (ای نہیہ) بکیزدم

یتنبدہ اولدینی کی .

حرف — حروفجہ حرکہ اعتباریہ اختلافی حاوی اولاندر .

«کنج» استغفار ار سن یوقلہ «کنج» عزلتی

مفسر اعندہ اولدینی کی . برنجی «کنج» کاف فتحی . ایکنججیسی ضمیلاہ در .

(جناس ناقص)

اعداد حروفدہ اختلافی حاوی اولان جناس در .

شو اختلاف یا بر حرف . یادہا زیادہ حرف ایلہ جریان ایدر .

برنجی نوعدہ ایکی لفظک بریسی دیگرندن برحرف زائد اولور .

شو نوع اوچ درلودر .

برنجیسنده حرف زائد لفظک اولندہ بولنور . باقینک

درونک پر (معارف)، ہمنشینک مرد (عارف) قل

آچلمہ ای یوزی کل شخص نادانہ کتاب اسا

یتنبدہ اولدینی کی .

ایکنجیسنده لفظک اورطہ سنده بولنور . «جان» ایلہ «جہان» کی .

او چنچیسنده لفظك اخرنده بولنور . «صفا» ایله «صفات» کی .

واقفك

دوستم ایتمز ایدك (غمزه) کی بویله خونریز

بی (غمز) ایلمسه دشمن بدخواه سکا

بیتمده کی (غمزه) ایله (غمز) دخی بویله در .

بردن زیاده حرف ایله اولان اختلاف وجود آتیله تابه در .

زیاده لفظك یا استاسنده اولور .

(متشاعر) هیچ اولور می (شاعر) کی .

یا وسطنده اولور . «سینطور» ایله «سور» کی .

لفظك اختلافی حروفك نوعه تعلق ایدر ایسه اختلافك بر

حرفه منحصر اولمی شرطدر .

شو اختلاف ایکی درلودر . بریسی مضارع ، دیکری لاحق .

مضارع -- حسب الخرج حرفار مقارب اولان در . «علم» ایله

«حلم» کی .

لاحق -- مقارب اولیان در . واصفك

(ماران) کی بربری صوقده (یاران)

برسم هالالدر ادی صحبت احباب

بیتمده اولدینی کی .

تجنیس قلب -- اختلاف : حروفك ترتیبده جریان ایده جاك

اولان جناس در . «امل» ایله «الم» کی .

«مقلوب مجنح» -- یکدیگریله متجانس اولان ایکی لفظك بر

ییتك اولنده . دیکری اخرنده اولمقدور .

(کل) رخات حجر یله لال اولمش کوکل ای غنچه

کل بکا بن اغلایم بابل کی سن باقده (کل)

ییتنده اولدیغی کی .

مزدوج -- متجانسینک ایکسیده اخرده بولمقدور، بوکا (مکرر) ،

(مردد) دخی دینلور .

رخارک بویه دریغ اتمه دل دیوانه دن

شمع ایچون بومرتبه (پروانه دن) (پروانه دن) کی .

جناس اشتقاق — اشتقاقه اولان تشابه در .

مثال

مراد ایدرسه (مسبب) بر آدمک کارین

ید تشبثی جستجو ایدر (اسباب)

ییتنده اولدیغی کی .

(۲) ردالعجز علی الصدر صنعتی .

نژده لفظ و معناه متفق ویا بر صورتله متجانس ایکی لفظک

برسی بر فقر دنک ابتداسنده ، دیکری صوکنده اولمقدور .

مثال

« (عالم) علمیه عمل ایدرایسه (عالم) در » .

ینه مثال

« (نظامه) رعیت واعتما . ملکجه موجب (انتظام) اولور » .

فقره لرنده اولدیغی کی .

نظمده ایکی لفظ متجانسک برسی بیتک اولنده و دیکری اخرنده

نایات

بولمقدور

ساعتك كادی دیمكدر عاشق دخیستهیه

سینه سن اچوب نزا کتله او ساعت کو سترش

ییتنده اولدینی کبی .

غزللرجه بر مصرعك هم مطلعده . همدە مقطعه تکرری دخی .

بو صنعتدن معدوددر . رازینك

(ای سہی سرو کرم باغ جهان طور دجہ طور)

کاشن پر زینت کون و مکان طور دجہ طور

سایہ جود کده عالم دیلر رازی کبی

(ای سہی سرو کرم باغ جهان طور دجہ طور)

وکال بکک

(قیزمش اوکل حیا بوزلمش) الوانسه باق ضیا بوزلمش

بیلیم نه سبيله رنگی اوچمش صہبا بولانق صفا بوزلمش

تا بنده جمالی طوری غمناک مهتاب کوزل هوا بوزلمش

مه روینه وارسه قارشی ککش خورشیدده کی جلا بوزلمش

بر خنده نیاز ایدنجه کوکام (قیزمش اوکل حیا بوزلمش)

غزللرنده اولدینی کبی .

(۳) صنعت سجع .

شو صنعت نثرجه ایکی وبا دهها زیاده فاصله لر بیننده حرف رویجه

موافقت بولمقدور .

سکا کی «نثرده سجع، نظمده قافیه کبی در» دیر. لسان عربیده

« ادام الله توفیقك وسهل الی نفائس الخیرات طریقك » .

« من وجد کلاء رتع ومن صادف غیضا اتجع » .

سعد الله پاشانك بر مکتوبندن مأخوذ
اوکنده کی ساحه بردو حه بدیع المنظر در که فسحت عرض
وطولنی احاطه ده مدنظر قاصر ، لطافت انتظامنی تعریف
و افادده قوه متخیله ادب اعجزینی اعترافه هر زمان حاضر در « عباره سنده کی
فقره لرده اولدینی کی .

کلامده سجع تکلفسز و یاطبعی یوز کوستر ایسه لطیف و بلیغ
اولور . تکلفه سجع تدارکی ، یاخود سجع ایچون القاط زائده
کتیرلسی لطافت و بلاغتی بوزار .
(۴) صنعت موازنه .

نثرجه سجع موقعنده وزناً مقابله مساوی وسجع صورتی غیر
حاوی بر کله نك . نظمجه قافیهیه مقابل اوله جق موقعده کذلک وزناً
قافیه ایله متساوی برلفظک بولندرلسی در .
نثره مثال

سعد الله پاشانك

« هر شاخ نصارت وایه سی تار شعاع افتابه بر کوزل شانه سایه سی
ایسه آلتده کزنلرک حیاته سرمایه در » .
کلامنده و

« هر طرزی لیطف ، هر خلقی کریم » سوزنده اولدینی کی .
نظمه مثال

نفعینک

عالم افروز آفتاب آسمان عز وجاه
مسنداره تاجدار تختگاه عدل و داد

یبتنده کی (عز وجاه) ایله (عدل و داد) و
 سوزین ادراك ایده من فهم ادیب
 فهمنه ایریشه من عقل حکیم
 یبتنده کی (فهم ادیب) ایله (عقل حکیم) و
 نهاد جلوه سنده شوخی طبع هوا مضمر
 سواد پیکرنده روح برق وصاعقه مدغم
 یبتنده کی (مضمر) ایله (مدغم) کی .

(۵) لزوم مالایلم صنعتی


بوکا (تشدید) دخی دیرلر . حرف رویدن مقدم سـیـجـمـده ویا
 قافیه ده بی لزوم اولان حرفك تکرارینی التزامدر .
 مثلاً (کرم) . (فیم) . (خدم) . (قسم) لفظانده حرف روی
 میم اولوب شولفظلرک هر بریسی دیکرینه قارشى سیج و قافیه اتخاذ
 اولنه ییلور کن (کرم لفظنه حرف راناک روی اتخاذیله (حرم) .
 (درم) کی لفظلرک قافیه التزامی کی .

فضولینک

یوجالدک قبرم ای بی دودلر سنک ملامتدن

که معلوم اولنه درد اهاننه قبرم اول علامتدن

مطاعنی حاوی غزلنده کی قافیه لر دخی بویه در . زیرا شو غزلده
 حرف روی حرف تا اولوب مثلاً (محمدن) لفظی (علامتدن) لفظنه
 قافیه اولمغه صالح و کافی ایکن قافیه لرک هر بریسنده بالتزام حرف رویدن
 مقدم (لام) و (الف) و (میم) حرفلری تکرر ایتمیشدر .



لاحقه

بعض مباحث مهمه

سرقت شعر

(سرقت شعر) بر شاعر دیگر بر شاعر ك اشعارندن بر شی الهرق
 كندی شعری دیو اعلان ایتسی دركه بو حال شعرجه خرسزلق ایتمكدور.
 فقط ایکی شاعر ك سوزلرنده تصادف اتفاق و قوعبولور ایسه
 سرقت عد اولمز . تاریخچه بوتصادفك و قوعی چوقدر .

بر شاعر ك شعرنده مندرج بر مضمونی بشقا درلو تصرف وفائده
 زائده به ربط ایتكسزین بعض کلهرك تبدیلی و یاخود مراد فلهینه
 تحویله بر شعر سوییتمك سرقت صایلمز ایسه ده مقبول دخی عد اولمز .
 لیکن ایکنجی شاعر برنجی شاعر ك سویلدیکی بر مضمونی اخذ ایله بعض
 نكته و یا انده مندرج اولمیان فائده الزامی کی بر صورتله تصرف ایدر ایسه
 بوضورت سرقت صایلمدقندن بشقه مقبولیت مخصوصه ییدد الزام ایدر .
 (اقتباس) نثر و یاخود نظمی حاوی کلامده قرآن کریم، یاخود
 حدیث شریفدن برشی قرآن واحادیشدن اولدینی تصریح اولمساقدی .
 اوزره تضمین اولمسی در .

قرآندن اقتباسه مثال

سعی قل تحصیل عرفان ایتمکه ایس للانسان الامسى

حدیثدن اقتباسه مثال

تملمزدر بناسی کائناتک بقا فکریله چکمه اضطرابی
 متانت ویرمه بنیان وجوده لدواللموت وابنوا للخراب

نظام‌ننده اولدینی کبی .

(تضمین) بشقه برشاعرك اشعارندن یرشی تضمین صوریله
وشاعرینك اسمنی تصریح ایله نظمه علاوه ایتمکدر . ندیمك

راسخك بومطامن تضمین ایدوب ساقی كیمك

نقل صوندی ایچدیكم صهبای عرفان اوستنه
سوزمه چشمك کیمسون مژگان مژگان اوستنه

اورمه زخمك سینه مه پیکان پیکان اوستنه
نظامنده اولدینی کبی .

تضمین اولسان شعر پك مشهور ایسه شاعرینك اسی تصریح
ایتمکده بآس کوریه مز . ندیمك

اوباغك هر درختی میوه دار عزو دولتدر
آتارلرطاشی البته درخت میوه دار اوزره
تضمینی کبی . شوییتك ایکنجی مصراعنی مقالی نامنده برشاعرکدر .
مصراع پك مشهوردر .

(تلمیح) کلامده برقصیه ، یاخود امثالدن بر مثله اشارت
الترام ایتمکدر .

قصیه تلمیحه مثال نابینك

ای نامه سن اول ماه لقادمنی کلورسن

ای هد هد امید سبادمنی کلورسن

یتی درکه حضرت سایان علیه السلام ایله بقیسك قصه سنه تلمیح ایدلمشدر .

مثله تلمیحه مثال رحمنك

آبستن صفا و كدر در ليال هب

كون طوغمه دن مشيمه شبدن نه لر طوغار

يقي در كه (كون طوغمه دن نه لر طوغار) مثل تركيسنه و (الليلة جيلي)
مثل عربيسنه تلميحدر .

(خطابت) نطق ايراد ايدر. امور دينيه و علميه و سياسيه نك
اعاظمندن معدود در .

خطابت دينيه، اهل اسلامجه بيرام و جمعيه مخصوص خطبه لر در .
زمان جاهليت بلغاسندن قس بن ساعده الايادي ايله خطابتده مثل
ضرب اولنور. قس نجرانده براسقف ايدى. عربلرك خطيب و شاعر
مشهوريدر. بوذاتك وحدت خدا و بعثت خاتم الانبيائي و حكم بليغيني
حاوي عكاظ پنايرنده او قوديني خطبه مشهوردر. ابتدا يوكسك محله
چيقوب خطبه او قوبان و خطبه او قوركن قايجه ويا عصايه طيانان بودر.
سجبان باهلي نام ذات دخي بين العرب خطابتله مهارت و شهرت
قازانمش ذواتنددر. خطابتده مهارت كسب ايدنلر حقلارنده عربلر
(اخطب من سحبان) ديه مثل ضرب ايدرلر. سحبان ايكي محارب قبيله
اراسنده ساعتلرجه متدبر او زون خطبه او قومش اولديغي حالده شو خطبه ده
ايراد ايله ايكي كلمتدن بركله بيله اعاده و تكرار ايتامش اولديغي مرويدر.
فخر كائنات عايه افضل الصلوات افندمرك خطب جليله لر يني
ابوالعباس جعفر بن المستغفرى جمع ايتمشدر .

حضرت على رضى الله عنه افندمرك خطبة البيانى پاك مشهوردر .

بودن بشقه بشیوزده قریب خطبه لری وارد که عیسی بالارتجان
قرائت بیورمشدر .

خطبای اسلامدن ابن نباته ک خطبه لری ادبیات عربیه جه برنجی
درجده شهرت حسنه یی حائز دو که پک چوق اجله اعلام طرفلرندن
او خطبه لره شرحلر یازلمشدر .

ابو الوداع ک جمع ایتش اولدنی خطب اربعین (ودعیه) دیو
معروفدر . قداما بونیده شرح ایلدیلر .

ابو العلاء ک خطب الخلی دخی مشهور و مشروحدر .

خطابت سیاسیه صدر اسلامده اهمیت فوق العاده یی حائز ایدی
تاریخ شناسانک معلوملریدر که مهم ایشلر یوز کوستردجه مسجد
شریفه طویلانلر و خلیفه بولسان ذات عالی منبره چقوب مقاصد
سیاسیه یی بر خطبه ایله آرای عمومه عرض ایدر، حضاردن بیان رأی
ایده جک اولان ذواتک هر بریسی قیام ایله رأی و مطالعه سنی سویار
ایدی . بریسی افاده سنی بتوروب اوطورمدجه دیکری قالمز ایدی .

ملوک اسلامدن و مناصب دیوانیه ایمچاندن و عسکری قوماندانلرندن
پک چوق ذوات مصالح عمومیه سیاسیه و علمای کرام مباحث علمیه
صره لرنده هر وقت نطقلر اجرا ایده کیشلردر . خصوصیه ولایات
والویه جه سرکارده بولان مأمورین اوامر قرائتی عقبنده و جمعیات
عمومیه ده حضاره و محاربات ائتلرنده اردو مشیرلرینک و سائر قوماندانلرک
عسکرلرد بلیغ و مؤثر نطقلر اجرا ایتلری هر وقت معتاد و مرعیدر .

عصر مزده خطابت سیاسیه و علمیه اعصار سابقه یه نسبتله ده
زیاده اهمیت کسب ایتمشدر که اصحاب نطق شفاهاً یا خود مکتوباً

پارلاق نطقلر ایراد ایلمکده و شو نطقلرله امور سیاسییه و سائرجه
یک بیوک ایشلر کورلمکدهدر. مجالس عمومییهده. محاکمات و اجتماعات
صمرلرنده ایراد اولنهجق نطقلر ناطقک حسن نیت و اقتصداری و
مصلحتک اهمیتی نسبتنده تأثیراتی کویسترر .

عصر حاضرجه نطقلره بر طاقم اصول و آداب وضع اولنهروق.
نطق یدی قسم اعتبار اولمشدر .

(۱) مقدمه

(۲) لسان خطابتیه الهجق مادهنک توضیحی

(۳) او مادهنک متحمل اولدینی اقسامه تقسیمی

(۴) اساس نطق اولان اموردن غرض نه ایدوکی

(۵) موضوع بحث اولان مادهنک دلیللری

(۶) اعتراضات (بالایجاب)

(۷) اقناع (بالایجاب)

اهل منطقجه خطابات مضمونات، یاخود مقولاتدن و یاغرایکیسندن.
مرکب قیاسه دینلور. بوندن غرض سامعینی معاش و معادجه متمتع
اوله جقلری حاللره ترغیب در .

(براعت استهلال) کلامده ابتدا، بر صورته ایراد اولنمقدر که
بحث آتی نهدن عبارت اولدینی معلوم اوله .

کتاب دیباچهلرنده فاتحه کلام شواصول اوزره التزام و ترتیب اولنور.

فضائل اشعاری حاوی سند الشعرا نام کتابک فاتحه کلامی اولان

«مطالع منظومه» حمد خدا ترکیب بند استعجاب حسن ادا قلوب

مصرع برجسته درود بیانی و درود سید الانام تضمین کرده بدیع الانسجام

احتشام و ردائف قوافی ترضیه و تکریم ال و احتجاب مستزاد سه بیت صلوة
و سلام قدم قدن صکره چکیده قلم عبد بیکنت بنده ابن عباس حشمت
بو در که »

دارد بی کی . شو عبارده کورنسیله برابر کتابک شعر دن شف
ایده جکی اکلاشیور .

(تخلص) فنیحه کلامدن صکره صده شروعه مقصودک اهمیتانی
کوسره جک بریولدن دائره بیانه گیرمکدر . بوکا (اقتضاب) دخی دینور .
(حسن انتها) سوزی حسن خاتمه ایله اکال اتمکدر . قدما
مراسلاتده دعا ایله سوزی ختم ایدر لر ایدی شمدی خلوصه دائر
عبر راتده مخاطبک بقای توجهنی استدعا و تأیید اخلاص صورتی
کوسره جک سوزلرله کلامه ختام ویرلدیکی کی .

آمار منظومه دن توحید و مناجات من القدم استغفار و اضرع و نعت
نبویه تصلیه و استشفاع و مدیحه اکبرجه دعا ایله ختم مقال اولنور .

خاتمه

تسلیات لفظیه نك همپسندده الفاظ معانییه تابع اولمایدیر . زیرا
معاینک تربیی کندی طبیعته براغاسه نفسنه یقشه جق الفاظی طاب
ایدرک عبارده نكافه تصادف اتمکسزین اکتساب لطافت ایدر .

کرك سجعك كرك بدایع سائر دنك ایرادیچون تکلف التزام
اولنور ایسه الفاظ و معاینده کی لطافت طبیعیه تقلید و تصنیع تصادفله
حدود طبیعیه دن چیقار .

معاینک الزامی صردسندده بالطبع طلب و اکتسا ایدرجکی

الفاظده ایسه تکلف و تصنیع شائبه سی بولنه مز. کړک سیج وکړک
کیف ما اتفاق یوز کوستره جک سائر بدیعهلر بر انسانک خلقت اصلیه.
سنده کی حسن و جمال کی لطیف اولور.

سیج و سائر بدیعهلرجه تکلف التزامی۔ ذکر اولندیغی اوزره۔
لطف طبعیه یی بوزه جفی کی تکلف سز نمایان اولان بدایعی ازانلایچون
تکلف اختیاریده لطافت و بلاغتی بوزار. زیرا کلامده کی بدایع طبعیه
بر کوزلک تحیفه جمالنده کی لطایف اصلیه کی اولدیغندن مثال اولمق
اوزره شو بدیعهلردن سیجی کوزل یوزده کی خال فرض ایتدی کمز
حالده یوزده کی خال حاکایه چیقارلسه حسن و جمالی فصل رخنه دار ایدر
ایسه سیج طبعی یی دخی تکلفله ازاله کلامک لطافت و بلاغتی اخلال ایدر.
فن بلاغت فضائلک اشرفی و مرتبه جه اعلاسی در. نثر ایله نظمک
شرافتجه یکدی کړه رجحانی بخشده بین البغیا اخلاف جریان ایتش
ورجحان نثرده اولدیغی تسلیم اولنمشدر. زیرا معلومدرکه هر عصرده
پک چوق شاعر گئش. لکن هر عصرده از منشی ظهور ایتمشدر.
دولت عایه ناک بدایت تستکلندن بوکونه قدر اعصار مابقه یی برر برر
نظر تقیاشه الدیغمز حالده هر عصرده نیجه شاعر کوره بیلورز.
شمدی به قدر کسب اشتهار ایدن منشیلر ایسه معدوددر. منافع
عمومیه جهته کلنجه اشعار انشایه نسبت نیله قبول ایتز.

هر حکومتک مدار قوامی ایکی دعامه اوزرینه مبنی درکه بودتامه.
لرک بریسی سیف دیگری قلمدر. امور سیاسی و اداره مایکجه کوریه.
جک ایشلرده سیفه بعضاً لزوم کورینور. قلمه اولان لزوم ایسه متسلسلدر.
منشی ایچون فن بلاغتک مداری ذوق سلیمک حکم و تصرفی در.

امر تعلیم و تعلم ذوق سلیمه نسبت قبول ایده مز. حین تعلیمه
ذهنه ملایم گمان مسئله را استاده عرض ایله استیضاح اولنه بیلور.
ذوق سلیمه ایتسه استادی یوقدر. مدت عمرنده ذاتی سینه طائی
دوقیامش اولان برکیمسه طاتلینک چاشنیسی تعریف شفاهی ایله
اوکرتک ایچون هرکیمه مراجعت ایتسه اوکرنه مز. کذلک براعمای
مادرزاد الوانی آکلامق ایچون نقدر استیضاح ایتسه تعریف
یله اکلایه مز. ذوقجه تعلیم و تعلم دخی بویله در. ذوقی تعلیم
ایده جک استاد بالکتر طبیعت فطریه در.

نژدن تألیف کلام ایتک برصنعدرکه چوق آله محتاج در.
شو آلات هر علمده مهارت. کثرت مشهودات. کثرت تجارب
کثرت مطالعات. معلومات سیاسیة، حکمت عملیه. کثرت استخدام
کبی امور کثیره ایله برابر مناظرده اقتدار تام اولوب شو
اموری اداره ایده جک قوت ایتسه بالخاصه حسن طبیعت و ذوق
سلیمدر.

فن بلاغته انسان منشی اولور. یازدیغی مقتضای حاله
تطبیق و محسنات ایله تزیین ایده بیلور. لکن منشی کامل اولسی
امور مذکوره و ذوقه موقوفدر. برمشی قلمه الهجی شیده مباحث
علمیه دن بریسه تعلق ایده جک بر بحث تصادف ایندیکی حاله
اولعی بیامز ایتسه اوبحی احبابنه بکیندره جک صورته قلمه اله مز.
معلومات سیاسیة ایله قوانین و نظامات دولتک نظریات
و عملیاتنه وقوفی اولسه مخبرات سیاسیة عدم اقتداری کورینور.
امور مذکوره نك هسانکی بر جهتمده نقصانی اولسه یازدهجی

شیلرجه شلی تصادف ایتدجکه شو نقصان کندوسنی کوستر .
 لیکن فن بلاغتده مهارتیه برابر امور مذکوره جده کلات لازمه بی
 حائر اولان ذات ذوق سلیم احتیاجندده اولور ایسه بر شمسوار
 مضائق العنان اولورکه عنان قلمی فصل ایستر ایسه اولید اداره
 واستعمال ایدر .

بر علمده ماهر اولان ذات او علمه نسبتله شهرت یاب اوله بیلور .
 مثلاً علم نخوده مهارتی اولانه نحوی ، فقهده ماهره فقیه . علم
 کلامده ماهره متکلم ، هندسه اشنایه مهندس دینلور . بونلرک
 هیچ بریسنه منشی دینلمز . هر فننده معلومات منشیجه هر فنده
 تصرفه اقتدار ویرر . شو تصرفله متخصص اولان ملکنک مرچی -
 تکرار ایدررکه - ذوق سلیم وطبع مستقیمدر . ذوق اولمه تصرفه
 اقتدار حاصل اوله ماز . خالق اولان ذوق سلیم چتماق طاشنک
 ایچنده کی آتش کبیدر . یمور او طاشه اورلسیله برابر آتش ظهور
 ایدر . بوخاصه بی متضمن اولیان طاش کول کبی اوقانجهیه قدر
 ضرب اولنسه بر کوچوک شراره بیله کوسترمز . کذات ذوق
 سلیم صاحبی اولیانلر تقدیر عالم اولسه لر نظم ونثرده حسن تصرفه
 مقتدر اوله مزلر .

کلامده صنایع نظمیه اختیار ایدلرله کوره الفاسطه مفرده
 ایله که دیزلماش و بر برینه قارشمش اولان مختلف الاشکال انجیو
 کبیدر . اینجونی ایله که دیزلر بر برینه او یغون اولانلاری ابروب
 ایدرلر .

انجیونات عقد منظومدن کویه . کردناق ، قول باغی کبی

چوق شی یاییله یاور . بونارک هر بریسنه مخصوص بر هیئت
وارد درک دیکرینه یاقشمز . منشی و خطیب و شاعرک انتخاب ایده .
جکلری معانی یه یاقیشه جق الفاظک تصرفیده بویله در .

هر قومک ادبیاتی او قومک اخلاق و اطوار و مراسمک
ایینه سی اولوب اخلاق و اطوار و مراسم انقلابه مصادف اولدجه
ادبیاتک دخی تصادفی امور طبیعیه دندر .

بناءً علیه دولت علیه عثمانیه نك بدایت تشکله کی ادبیات
ترکیه موقع کونیه نك کوسر دیکی انقلابه تصادف ایده ایده شمیدیکی
درجه بی بولمشد . موجود انار ادبیه شو بحثک هم تفصیلاتنه
عمده محاکمه سنه مأخذ کافی اولدایغندن در دست طبع اولان
(مرآت العبر) نام کتابمیزک دولت علیه عثمانیه تاریخی شامل اولان
قسمنده بونک ایچون معلومات کافی درج اولنه جقدر ان شالله تعالی .

اعتذار

ادبی جدیده مزک انار منظومه لرندن انتخاب ایده جکمیز
شیاری کتابمیزک خاتمه سنه ذیل ایده جکمیزی مقدمه ده بیان ایتمیدک .
ادبامزدن بعض ذوات انار موجوده سنی بوندن مقدم صورت
مخصوصه ده طبع ایتدروب نشر ایتمش ایسه ده چوغی انار موجوده سنی
شمیدی یه قدر نشر ایتماش و انتخاب ایسه هر ذاتک انار شعریه سنی

تماماً الدہ ایتدکن صکرہ مطالعہ یہ متوقف بولنمش اولدینی ح
بوکا موفق اولہ مہدیغمدن تزییلہ دہ موفق اولہ مہدم .
اللہم اختم بالخير اعمالنا ويسر بلفظك آمالنا امين .

تم







